



6
22-d
74




Ex Bibliotheca
Majori Coll. Rom.
Societ. Jesu

~~6-22-d-74~~

~~21-6-17~~

17.10





Colly. Rum. Soc. Jitu

LÆVINI

TORRENTII,

EPISCOPI ANTVERPIENSIS,

POEMATA SACRA.

*Quorum indicem proxima
Catalog. pagina ostendet. Inscript.*



BIBLIOTHECA
ROMANA
EMANUELE



ANTVERPIÆ,

EX OFFICINA PLANTINIANA,

Apud Viduam, & Ioannem Moretum.

M. D. XCIII, 3

B. S.

HYMNORVM INDEX.

- Hymnorum de Partu Virginis Libri **III.**
- Hymnorum de puero Iesu Liber **I.**
Hymni duo Diuis Stephano & Ioanni di&L
- In Natalem Christi Elegia.
- Votum Virgini matri Lauretanæ.
De Christo in Cruce pendente Elegia.
- De cruento D. N. Iesu Christi sacrificio Libri **VI.**
- Rerum à D. Paulo gestarum Libri **II.**

3

AD PIVM QVINTVM
PONT. MAXIMVM.



CCIPERE quæ tenui ferimus, Pater opti-
me, cultu,

Accipe, sed læta munera nostra manu,
Et licet Arctoo producta poemata cælo
Obtineant Latij ius, precor, illa tui.
Nam quanquam extremis nos Gallia

protulit oris

Belgica, quæ magnum vergit ad Oceanum
Attamen Ausonias quondam lustrauius vrbes, ROMA
Estque ibi pars vitæ magna peracta meæ.

Hic Tuscum Tiberim, & Romana palatia vidi,
Contigit & vultus sæpe videre tuos.

Quin & honoratæ dare contigit oscula dextræ,
Narrantem longæ quæ mihi causa viæ.

Contigit auratis timidum procumbere templis,
Votaque ter sanctis soluere Numinibus.

Nondum oblata sacri iam tunc moderamina regni,
Debita præ cunctis sed tibi fama fuit.

Quod tua nunc pietas toto testatur in orbe,
Testantur laudis tot monumenta tuæ.

Ast ego quæ didici magna dum versor in vrbe,
Et veneror primos Palladis arte viros,

Fixa satis firma quia mente fideliter hærent,
Hausta velut coctis purpura velleribus,

Non Boreæ rigor, aut duri violentia cæli,
Eruere Alpina non potuere niues.

Quin nuper validas terrens Dux perfidus arces
Cum raperet sædo cuncta latrocinio,

Ense ferox, flammisque furens, regnisque Philippi,
Scilicet, & sacris tristia fata parans;

Hic ego, tam sæui pars non ignota peticli,
Mosa tuos Eburo quâ locupletat agros,

Moxque alios amnes centum, Rhenumque bicornem
 Excipit, vndoso præcipitatque mari,
 Et totidem paribus suspendens templa columnis
 Legia honoratum tollit ad astra caput,
 Legia diuino latè celeberrima cultu,
 Atque vni cedens maxima Roma tibi,
 Hic ego iam cæptis dubio sub Marte libellis,
 Cælesti metuens nil graue tutus ope,
 Insomnes iterant noctes dum classica, summana
 Imposui Phæbo non renuente manum.
 Virgineos igitur partus, noctemque salutis
 Principium, castæ religionis opus,
 Et quamuis gelido natos sub sidere versus
 Non veritos prisci poscere ius Latij,
 Magne Pater, cape dona lubens, votisque fauero,
 Præferat vt nomen pagina nostra tuum.
 Sic neque nos manibus tanget mala turba profanis,
 Et magis intento qui pius ore leget.

3

LÆVINI TORRENTII

HYMNORVM DE PARTV VIRGINIS

LIB. I.

Rocul profani sint, procul improbi,
Nondum expiati quos sceleris manent
Pœna, nec admitti sacrato
Iura sinunt numero piorum.
Quos inter altum ritè silentium
Prefatus, aptis aggredior modis
Narrare noctem qua beata
Virgo suum peperit parentem;
Qua nempe rerum conditor omnium,
Quem vasta tellus, quem vaga sidera
Coluntque collaudantque regem,
Quem Stygia reuerentur umbra,
Æternus, ingens, omnipotens Deus
Mortale corpus sumpsit, & arduos
Adire dignatus labores,
Tandem inopem rigidamque vitam
Clausit probrosa morte, nec horruit
Sanorum acerbis carnificum manus,
Pœnasque quas iussi nocentes
Pendere pro meritis latrones.
Hæc ipse mundi principio Pater
Sic destinarat, cum vetita reus
Adamus esca, mortis, eheu,
Nexibus implicuit nepotes.
Culpam omnis illam posteritas luit,
Contagioso obnoxia crimini,
Labemque gliscentem sub ipsis
Ossibus illuuiemque cacam
Purgare nullis sat potuit modis,

Non mille casis pinguibus hostiis,
 Non sulfure, aut lustrata cedis,
 Omnibus Oceani vel undis,
 Placare donec filius innocens
 Parentis iram, admissa nocentium
 Prestare, & atram auferre pestem
 Ipse suo voluit cruore.

Hec illa mundi victima quæ sacris
 Promissa calo Vatibus affore,
 Agnusq; qui peccata mundi
 Sustulit. Hic Erebi furentem
 Latè tyrannum fregit, & impiis
 Auertit orbem cultibus, horrida
 De morte deuicta superbum
 Conspicius referens triumphum.
 Sed hæc, frementes quæ deceant tubas,
 Maiore quondam cum sonitu canam.
 Nunc Lesbio percurre plectro
 Virgineum mea Musa partum.

INTACTA virgo, nec thalamum sciens
 fugalem, & omni pura cupidine,
 Diuina dum præcepta toto
 Tecum animo meditaris ardens,
 Formosa quantum non homini datum est,
 Formosa soli sed Superum duci,
 Castusq; pridem addicta sacris,
 Non choreis, nec amica ludo,
 Quæ cura mentem tunc subit tuam
 Cum missus alto nuncius æthere
 Mandata supremi parentis
 Attulit, & celeri per auras
 Lapsu remotis in penetralibus
 Astans aperta luce, nitentibus
 Se effudit improvisus alis.

Sidereoradiansque vultu,
 Salve (inquit) ingens gloria virginum,
 Accepta calo, plenaque munerum,
 Divina qua largo merenti
 Gratia fert cumulata cornu.
 Sed quid tremiscis? Parce (precor) metu,
 Non vana cernens. O nimium Deo
 Dilecta! Quo tu sic volente
 Concipies, pariesque natum,
 Davidis alto qui solio sedens,
 Regnumque regum maximus obtinens
 A patre donatum, perenni
 Imperio reget equus orbem.
 Quis rite dictis credula, sed tamen
 Ignara quonam res fieret modo,
 De ceteris secura, solo
 (Virginei quod erat pudoris)
 Nati stupebas nomine, qua virum
 Nescire velles. Ille sed aureo
 Arcana rerum effatus ore,
 Cuncta Deum memorans potentem,
 Partumque spondens aethereum, sacro
 Quem feta ferres inclita Spiritu,
 Cognata demum exempla promens,
 Ut teneram facilemque flexit,
 O qua piorum gaudia Calitum!
 Quando ipse rector letitia dedit
 Ter signa, ter lauvum secundo
 Intonuit placidus fragore,
 Quantumque calo praesidet, omnia
 Nutu gubernans, virgineum ad larem
 Descendit, ut terram perenni
 Coniugio sociaret astris,
 Crebris coruscans ignibus, & novum
 Ducens colorem rebus. Ut auream

*Constaret etatem reſecto
Jam reditum properare mundo.*

*MIRATA tellus inſolitum decus,
Mirata cali ſidera, nec prius
Tam commodos Neptunus Auſtros,
Tam placidos habuitq; fluctus.*

*Quin & profundis plurima Manibus
Scintilla lucis fulſit, & horridi
Funèſta Larvarum tyranni
Regna nouo patnere Soli.*

*Stetere paulum immania fontium
Tormenta, vultuſque, & lapis, & rota,
Et lacrymis Cocytus ardens,
Et piceo Phlegethon cruore.*

*Ceſſaſſe fama eſt Eumenidum faces,
Dios & hydros. Ipſa etiam minas
Repreſſit ultrix, nec cruento
Tiſiphone inſonuit flagello.*

*At priſca patrum turba, perennibus
Fungenda quondam Calicolum choris
Si Tartara expugnans Olympi
Clauſtra piis reſeraſſet Agni,*

*Tam fauſta volui tempora ſentiens,
Inſueta agebat gaudia. Quo magis
Expalluit confuſus Orcus,
Horribili trepidans pauore,*

*Inferna ne quis regna potentior
Hoſtis ſecundo irrumperet impetu,
Ac tota confractis ſilentium
Agmina diſſugerent catenis.*

*TUM verò opertos continuit diu
Natura vultus, multaq; non prius
Aſſuetà dum ſentit, recuruo
Flexu genu, dominumque adorans,*

O (dixit)

O (dixit) ô rex, ô pater, ô Deus,
 Qui cuncta condis, condita temperas,
 Felixq; sit faustumq; tanto
 Sancte quod aggredieris paratu,
 Vt grande numen posteritas tuum
 Ubique dignis obsequiis colat,
 Surgente quâ splendet, & quâ
 Occiduorubet aura Sole.
 Tu solus expers principij, cares
 Et fine, nec tu si renuas, breui
 Tam pulchra momento manebit
 Machina, sed subito reuulsis
 Emota tellus cardinibus ruet,
 Ruentq; calid lucida sidera,
 Sparsusq; turbata natabit
 Oceani levis ignis vnda.
 Nec plura tanta signa potentia
 Querenda, præsens quam ratio docet,
 Pari arte qua construxit orbem
 Artificis moderante dextra.
 Quin ipsa opellam ritè vicariam
 Dum præsto, & aptis tempora proferens
 Digesta momentis, & usque
 Obsequio inuigilans herili,
 Vt umbra lucem, lux vice mutua
 Sequatur umbram, frigora feruidus
 Depellat æstus, horrida æstum
 Frigora, perpetuâ mne mentem
 Præesse cunctis hæc series probat
 In rebus? Eia te veneror pater,
 Ad astra sublimi tropæo
 Teq; tuosq; ferens honores.
 Sed tarda prauo progenies stupens
 Humana sensu, oblitaq; originis
 Cælestis, æternâq; flamma,

*Atque animos generantis aura,
Tollenda sursum lumina deicit,
Depressa inertī pondere corporis,
Brutisquē terrenisquē membris,
Degeneriquē hebetata morte.
Erumpe celo, nūbila diuide,
Rigansquē tellurem imbribus aureis
Descende, nec promissa differ
Tighora amicitia, nonamq;
Recude gentem. Da sobolem pater,
Ducemq; vitæ. Ne tuus ab ferox
Impune sic grassetur hostis,
Et miserum populetur orbem.
Hanc pelle pestem. Cernis ut impio
Errore peccent, & pereant, sibi
Dum quisque Numen fingit inter
Mille Deosq;, Deasq; mille.*

*Sic fata necdum sinierat, nouam
Induta formam, totaq; gestiens,
Maiore cum flagrans Olympus
Contremuit sonitu, leuisq;
Mox flamma lustratam irradians domum,
Castamq; molli innoxia virginem
Tactu pererrans, grande Numen
Per mediam inseruit medullam.
Fit sponsa Patris, concipit unicum
Illesa Natum, totaq; Spiritus
Affusa diuinum beata
Depositum bene seruat arca.
Deum alma virgo virgo Deum suis
Altè repostum visceribus gerit,
Harètque, miratúrque, necdum
Ipsa suos capiens honores.
Sensit, vidètque, at vix oculis fidem,*

Fidem

*Fidémve præstat sensibus, anxio
Tam certa, tam persuasa calo
Gaudia dum cohibet pudore.*

Secura virtus cui comes it pudor.

*Quem Dina seruans, dum grauida subit,
Matrisq₃, pregnantisq₃ nomen,
Tincta nouo inficitur rubore.*

*Vitamq₃ quamuis duxerat integram,
Et mente pura & corpore, non tamen
Tali ipsa se dignans honore,
Sed lacrymis varians obortis,*

*An (inquit) hæc fas credere? fas quidem,
(Nam quid volenti difficile est Deo?)
Sed heu sed usque heu me usque tardant
Et retinent moribunda membra.*

*Quid scripta vatum tradiderint scio
De matre Christi virgine, num tamen
Ego illa? nam quis credat vnquam?
O hominum, Superúmque rector*

*Ego illa tanti? Non equidem reor,
(Qui namque par est?) te genitor tamen
Et velle credo, & posse, sitq₂
Virginitas tibi nostra cura.*

*Sic Barbaros dum filius unicus
Debellat hostes, mater at insciens
Veligne, vel credit profundis
Fluctibus, aut perisse ferro,*

*Si forte saluum conspicit, horridus
Turbat recentem letitiam tremor,
Mentémque sic confundit omnem, ut
Verane sit facies, an umbra*

*Deceptam inani ludat imagine
Non antè norit quàm gelidus stupor
Abscessit, & tranquilla liquit
Lumina, compositosq₂ sensus.*

Erat vetusto stemmate nobilis
 Elisa, multo non sine Numine
 Et ipsa nunc etate grandi
 Eximium paritura vatem,
 Tenebricoso qui iubar aureum
 Prodire mundo narret, & anteat,
 Ut luteis Aurora bigis
 Vecta diem rapidumque Solem.
 Vox in remotis horrida rupibus
 Clamantis, Omnem soluite noxiam.
 Via est propinquans paranda
 Rite Deo dominoque recta.
 Non ille molli luxuria fluens,
 Magnusque regum nobilium cliens,
 Dites adulabundus aulas
 Purpureo celebrans amictu.
 Deserta lucos antra per abditos,
 Saltusque vicis pratulit urbium,
 Atque omnis instrumenta luxus
 Iam teneris fugiens ab annis,
 Hirsutaque cinctum tergoribus fera,
 Crudus lenabat fonticulo sitim,
 Famemque locustis, & herbis
 Vilibus, aërioque melle.
 At maior illo nec prius extitit,
 Nec surget unquam connubiis satius
 Mortalium. Hanc grandæva laudem
 Rettulit, hunc genitrix honorem.
 Quam Diva, iunctam sanguine, sed magis
 Virtute caram, per iuga montium
 Ut nata consultura matrem
 Dum properat, seriemque rerum
 Narrare gestit, illa quoque obuiam
 Iura sese proripuit, gravi
 Non ventre, non etate segnis.

Ipsa prior dominam ut saluet.

Quid mirum? ubi mis visceribus lateus

Tenellus infans admonuit, Dei

Gausus aduentu, nec ultra

Vincla moramue tulit parentis.

Sed virgo matronam officij memor

Ut anteuertit, tum magis ac magis

Dat signa subsultans, anumq;

Fatidico premit acer æstro.

Tūne illa sponsam quam Superūm sibi

Rex legit inter millia virginum

Me visis? (inquit) tūne nostri

Grande decus columenq; sexus

Me visis? O hunc ō niueum diem!

O te beatam prole puerperam,

Qua rite placato parente

Nos Stygiis rapiet tenebris,

Reddetque celo! Sic ait, & simul

Optata sese effudit in oscula.

Sed virgo, uti consuerat, unum

Vsq; Deum celebrans, O (inquit)

Te mente tota te veneror Pater,

Magnūmque magnis laudibus effero,

Gausa rerum in te mearum

Ut positam memini salutem.

Nam grata nostra est mens humilistibi,

Est grata promptis obsequiis fides.

Hinc me beatam omnis per omnes

Posteritas memorabit annos.

Hec mi ille dona ingentia contulit

Suprema cuius nota potentia est,

Sanctūmque non vis vlla nomen,

Nulla dehinc abolebit etas.

Quem quisquis ut par est metuens colit,

Rebusque duris innocat, hunc pio,

Natosque,

*Natorq, natorumque seros
Proteget auxilio nepotes.*

*Os ille quantis viribus eminet,
Victis triumphans fortiter hostibus?*

*Quos Numinis non ulla tangit
Cura, suis opibus superbos,*

*Hos quo sedebant de solio graui
Dececit ira, dans humili locum,*

*Qui nil sibi transscribat, uni
Cuncta Deo tribuens potenti.*

Illo affluentem commoda diuiti

Tollens egenum diuitiis beat,

Vicésque commutans, & aqua

Munera dans, adimensque dextra.

Nostra benignus nunc igitur memor

Adest salutis, praesidium ferens,

Utróque completens paterno

Isacidas pueros amore,

Quaque Abrahamo pollicitus patri,

Quaque Abrahami foedera posteris,

En seruat, infringi nec vlló

Instabilis patietur aeo.

Hos inter hymnos hospitium subit,

Et recta tanti conscia gaudij.

Fit plausus, ac percussa late

Saxa sonant, viridésque siluae.

Hic grata Diuam dum retinet mora,

Longaeus hospes omnia digerens,

Ac mente vestigans sagaci,

Tam subita nouitate rerum

Turbatus haerens obstupuit, neque

Sibi ipse fidit. Sed grauis & pius

Arcana priscorum Sacerdos

Scripta legens meditansque Vatum,

*Ut dicta factis consona, nec leues
 Labare sensus comperit, haud potius
 Celare quantam hausisset imo
 Pectore latitiam, serenos
 Praferre vultus, verbaq; cum forent
 Adempta, crebris singula nutibus
 Signare, testariq; certam
 Virginis ex utero salutem.*

*Quæcis illa tantis indiciis palam
 Negare deprensa haud potuit fidem,
 Missaq; paulatim rubore
 Seq; suosq; fateri honores*


*Cæpit, recepti conscia Numinis.
 Quo plena, (talem quod decuit) nihil
 Vel vile, vel mortale, nilq;
 Aut humile, aut referens caducum,*

*Dignamq; calo sese habitu gerens,
 Dignamq; vultu, & moribus anreis,
 Ad patrios sisti Penates
 Optat, eamq; videre cellam*

*Quæ nuper alium percita nuncium
 Audisset, at mox cetera cerneret
 Euenta, felicesq; tandem
 Exciperet memoranda partus.*

*Ne cella id ambi. Sat tibi iam datum;
 Satis beata es, nunc Dominam fove,
 Maiore nam censi honore
 Fixa Dei prohibet voluntas.*

*Et iam nitentem circumagens globum
 Ter noctilucis Cynthia cornibus
 Lustrarat orbem, ter reductis
 Nubila miscuerat tenebris,
 Cum Diva grates pro meritis agens,
 Dictoq; mastis hospitibus vale,*



Plorantium agrè a vulsa collo,
 Vix pedibus tetigisse limen
 Fertur, sonantes cum subito explicans
 Insignis alas militia cohors
 Calestis accinctam citato
 Leniter abripuit volatu,
 Latisq₃ pellens aëra plausibus,
 Ut visa nulli, audita sit omnibus,
 Per saxa transversosq₃ colles
 In medio statuit cubili.
 Sic cū secundis lintea nauita
 Dant plena ventis, & placidus fauet
 A puppe Neptunus, volatq₃
 Precipiti cita nanis astu,
 Pergit quiescens, nec celeris videt
 Quæ causa motus vector. At horridi
 Stridore decurrunt acuto,
 Et Pelago dominantur Euri.

HÆC inter illi mollia turgidi
 Creuere ventris pondera. Nec virum,
 Desponsa cui de more gentis,
 Id latuit. Sed enim latenter
 Pactas volentem relinquere nuptias
 Nocturna terrent visa. Fit interim
 Custosq₃ curatorq₃, veri
 Sed titulum retinet mariti,
 Castusq₃ castæ coniugis inclitas
 Equare laudes nititur emula
 Virtute. Nunc collata utrique
 Prima pudicitia corona,
 Regnantq₃ calo, atque agmina virginum
 Ducunt ouantes. Virginibus enim
 Quæ nupta, quæ fecunda partu,
 Ter geminos merita est honores.

*At tu vetustas quid memoras Iouem?
 Quem turpi adactum atraq; libidine
 Non proprias fœdasse natus,
 Non thalamum puduit sororis.
 Fit imber, aurum, flamma, fit omnia
 Nefarijs dum seruit amoribus,
 Vesana cui tu sceptrum cali,
 Regnaq; das hominum, & Deorum.
 Sed ille pœnas nunc luit horrido
 Detrusus Orco, nos neque fumentum
 Fulmen, neq; imbecilla tela,
 Nos alium colimus Tonantem.*

H Y M N O R V M

DE PARTU VIRGINIS

LIBER II.



*MAIORA sed iam molior arduus.
 Miracula crescunt, crescite carmina.
 Prosit sub humana latentem
 Ritè Deum celebrasse forma.
 Nulli reperta fert animus via
 Calo Latinam tollere barbiton,
 Non antè tam fidenter ausam
 Æthereas penetrare ad oras,
 Liménque Olympi tangere, dum fugit
 Horrétque tenuis grandia, nec putas
 Fas esse sermones Deorum, &
 Facta leui tenuare plectro.
 Sed virgo quid non efficiet Dei
 Dignata partu? Tu modo tu sane
 Regina, & aspirate nostris
 Tūque puerque tui Camœnis.*

PACEM profundo latus in otio
 Seruabat orbis, sana nec impio
 Ad bella compulsa furore
 Mars odijs acuebat vrbes,
 Neque execranda impune licentia
 Vexabat agros miles, & improbus
 Totius ab verrebat anni
 Flentibus agricolis laborem.
 Pacata tellus ire volentibus,
 Pacata stabant æquora, nec timor
 Ne tollerent sperata nautis
 Lucra Cilix, rapidusq; Isaurus.
 Non vlla sacris visa prioribus
 Tam certa rebus compositis quies,
 Cum Roma iam victrix per omnem
 Iura daret veneranda mundum.
 At pacis auctor Cæsar, & imperi
 Custos, & vrbis Romuleæ pater,
 Tam ciuium fidens amore,
 Quàm validis animosus armis,
 (Cæsar vetusto clarus ab Ælio
 Augustus, ingens Æneadum decus,
 Quo Romuli non iustidorem
 Terra tulit, neque fortio rem)
 Ferro subactos ducere legibus,
 Suamq; victor nosse potentiam
 Cum vellet, & tranquilla ubiq;
 Omnia, nec reperiret hostem,
 Janum Quirini nil metuens patrum
 De more clausit, bellaq; ibi horrida,
 Terrorq;, constrictiq; nodis
 Et Furor & Rabies ahenis.

EX IN corusco Sol melius nitens
 Fulgore luces protulit aureas,

Ac tanta maturos ubique
 Fertilitas decorabat agros,
 Ut fausta tellus fausta^q sidera
 Communem ad usum & publica gaudia
 Felicibus possent videri
 Auspiciis iniisse fœdus
 Quod longa nunquam dissoluat dies,
 Quin temperatis omnia prodeant,
 Crescant^q momentis, nec atra
 Aut pluuia, aut metuantur aura.
 Tunc flauus altis quæ Tiberis lauit
 Villas, superbo flumine nobilis
 Etruria scindens opima,
 Et Latij dominantis arua,
 Stratus sub alta Tityrus ilice;
 Notis^que pascens pinguis collibus
 Armenta, dum ludos capella,
 Et saturi meditantur agni,
 Non te Menalca, non Corydon tuos
 (Ut nuper) ignes, non nemorum comas,
 Aut garrulis arbuta cannis,
 Aut humiles cecinit myricas;
 Cumæa sed iam carmina prosperis
 Impleta fatis, iam noua sacula,
 Jam Virginem, missam^q ab alto
 Progeniem properare Olympo,
 Quæ patriis virtutibus erigat,
 Longo^q mundum liberet ab metu,
 Auri^q contingat nitore
 Regna truci temerata ferro.
 His ille magno non minor Orpheo
 Ducebat ipsas carminibus feras.
 Te Tityre & valles opaca, &
 Aëry stupuere colles.

IA M Q V E irretortos calo oculos ferens

B 2

ArreEm

Arrectus orbis magnum aliquid sibi
 Sperabat, ingentemq₃ toto
 Pectore lætissimam fovebat,
 Cum lata lex à Principe Casare,
 Qua iussit omnes edere nomina,
 Viresq₂ fortuna, modumq₃
 Quemque sua studiumq₃ vite.
 Lex una latè gentibus imperat
 Quà lata tendunt fertilis Africa,
 Quà fortis Europa, beata
 Quàq₃ Asia locupletis arua.
 Consentur omnes Romulidum quibus
 Spectata virtus, fœdera siue opus
 Servare amicis, seu rebelles
 Indomito superare ferro.
 At verò Idumen, notaq₃ pascua
 Phœnicum amœni quâ celebres rigant
 Iordanis atque Euphratis undæ,
 Quâ celeri ruit amne Orontes,
 Ornantq₃ opaco vertice nobiles
 Palmeta silvas, grataq₃ balsama,
 Myrrhamq₃, fragrantemq₃ nardum
 Diutibus stupet hospes hortis,
 Gens cara calo, nec prius exteris
 Assueta sceptris, tunc sceleris rea
 Ferebat Herodis superbi
 Imperium, dominaq₃ Roma.
 Sed sacra priscis tradita patribus,
 Legésque, moresq₃ Isacide suos,
 Tribusq₃, cognatasque stirpes,
 Et solitos tenuere ritus.

GRANDÆVVS ergo virginis integræ
 Custos (fabrilem quanquam operam locans,
 Tectog₃ Nazara sub arcto

Exiguos

Exiguos celebrans Penates.
 Non indecora, non humili tamen
 De gente, magnum stemmata nobili
 Qui ferre Dauidem, & altos
 Posset auos, at auósque reges)
 Sedem vetusta iussus originis
 Adire Bethlen, non iter, ac suos
 Respexit annos, quantum amata
 Est uterum veritus puella,
 Cui nona abiret Luna, dolentibus
 Auferre pondus sucta puerperis,
 Quiete traducenda molli,
 Et variis inimica curis.
 Sed diua sacris debita partibus
 Bethlea noscens mœnia, sic virum
 Compellat atque hortatur ultro,
 Maeste animo, neque enim suorum
 Curam benignus deposuit Deus,
 Aut ponet unquam. Tu modo tu bone
 Confide. Quo nos cunque celi
 Iussa vocant, pariter sequendum est.
 Sic illa lentum pronocat, & prius
 Accincta pergit. Sed peditem senex
 Non passus, ut pandum repente
 Strauerat accelerans asellum,
 Aptabat arctis sarcinulis heram,
 Notumque nota quadrupedem manu
 Ducens, & auritum subinde
 Voce ciens comitem laboris,
 Vorabat omnem nil titubans viam,
 Regnata priscis arua parentibus
 Dum calcat, & sperata firmat
 Progenies animi vigorem.



301 prona condens lumina feruidis

Urgebat ardens Oceanum rotis,
 Caloque subluſtri, venuſto
 Heſperus adueniebat aſtro,
 Ingreſſus urbem cum ſenior, ſuis
 Sperans quietem inſtare laboribus,
 Maiore ſe inuolui repente
 Comperit implicitum tumultu.
 Ut namque villis dinitibus ſolent
 Armenta lato turgida pabulo
 Redire ſub noctem petulco
 Agmine, veſtibulumq, rauco
 Implere mugitu, hinc ſtabulis pedem
 Latura multo prorudere impetu,
 Ut dira ſi peſtis ſupremum,
 Aut ſcabies ſequeretur atra;
 Sic turba crebro plurima conſuens
 Accita conuentu oppidulum vagis
 Rumoribus commorat omne,
 Dum vario properant labore,
 Cautuſq, rebus quiſque ſtudet ſuis,
 Ne teſta deſint, luceat ut focus,
 Sit lectus, & quaecunque feſſus
 Nocte cupit gelida viator.

STABAT caduce pars bona villula
 Neglecta, denſis horrida vepribus,
 Forenſibusq, amota turbis,
 Nec ſtrepitu reſonans moleſto,
 Olim colonis commoda, dum ſuo
 Ornata cultu, nunc pecori vago
 Pergrata dum deſauit Auſter,
 Dum pluuiæ, rapidiq, Soles.
 Huc ille ſeruus deuenit, ac Deo
 Ducente deſertum hoſpitium ſubit,
 Ponensq, cliteſta, & una

*Quadrupedem religans sub vmbra,
 Lustrabat omnem sollicitus locum.
 Dein verò apertis sarcinulis simul
 Ac cuncta quæ poscebat usus
 Pronidus explicuisset heros,
 Nondum acquiesset, ni dominam prius
 Vidisset apto compositam toro,
 Quem sedulus substrarat ipse
 Gramineis tumidum manipulis.
 Nec longa fessum post tenuit mora,
 Vt fortuito liberior semel
 Proiecta distendit grabato
 Membra, graui superata somno.*

*At noctis alto Dina silentio
 Gaiusa, quanto maior erat quies,
 Non sibilo ludentis aura,
 Non agitata leui susurro.
 Tanto acriori sollicitudine
 Dum mente voluens omnia cogitat
 Vt cœpta, quò progressa, qualem
 Denique res habitura finem,
 Mirisquæ pascit pectora gaudiis,
 (Vt blanda molli si puerum sinis
 Ad nota reptantem foueret
 Ubra, dulce vel appetenti
 Matri ferentem suauiolum suæ,
 Quod ipsa multis prodiga millibus
 Persoluat, effusumq; collo
 Lacteolis premat in mamillis)
 En tota Cælestum agmina plurimis
 Distincta turmis, quæ vario canant
 Paana concentu, sacrosq;
 Mirificè venerentur ortus,
 Summis inhaerent culminibus domus,*

Noctemq; vincunt lumine, non secus
Ac fulgure illustrantur umbra
Cum volucris micat æthera flamma.

Quæis mota virgo profiliit, neque
Fas esse ducens mollia si cubans
Per strata tot miracula rerum
Non alacri tueatur ore,

Stans irreflexa sidera suspicit
Cervice, iam tum Calicolûm choris
Assueta, sed maiore nunquam
Viderat aut numero, aut triumpho

Ab usque Olympi tendere vertice
Felicis ad fastigia villula,
Gemmis refulgentes, & ostro,
Ut vario nitet Iris arcu.

Ergo alta cali mente perambulans
Connexa, non te flebilibus vocat
Lucina lamentis, nec ullo
Anxia concutitur pauore,

Sed te usque adorans, te memorans pater,
En (inquit) ô rex maxime Calitum
En illius momenta noctis
Perspicuis revoluta signis

Qua poscor ingens depositum. Tuis
Tu rite deuotam obsequiis rege.
Res nulla tam perplexa, nullo
Quin superes genitor labore.

Sic illa. Sed me quis rapuit furor?
Audire dulces fas mihi fistulas,
Vocesq; permixtas acuto
Cum citharis resonare cantu,

Audire puro lata tonitrua
Mugire cœlo, cernere sidera
Emota, subsultare festas

Ad Chorea praenunte Luna,
 Cum virgo tantis excita gaudiis,
 Multoque feruens Numine, iam velut
 Mortalibus defecta membris,
 Corporeosq; hebetata sensus,
 Fit mater. At dum viscera permanens
 Immota, matrem se fieri neget,
 Prodisse ni deprendat alui
 Deposito puerum tumore.

Rēs mira dictu, virgo puerpera
 Intacta quem conceperat, edidit
 Illaesa, caelestemq; in auras
 Protulit inuiolata partum.

Ac pura quondam ut per specularia
 Sol lumen altis porticibus suum
 Diffundit, at non illa nimbis
 Peruia stant, gelidisq; ventis;

Sic ille caco iustitia inbar
 Venturus orbi, & Tartareas procul
 Aeternus aeternum tenebras,
 Virgineos radians per artus,
 Non vsitatis concipitur modis,
 Non antè noto nascitur ordine.
 Nil vile, nil vulgare, nullus
 Hic lacrymis locus, aut dolori.

RISERE blando protinus omnia
 Perfusa vultu, nudaq; iam diu
 Tellus & informis, Decembri
 Clausa gelu, mediaq; bruma,
 Tum laxa pandens purpureos sinus
 Implevit omnem deliciis locum,
 Spargens odorato repente
 Arua croco, viridiq; acantho.
 Quin & locorum quae spatiis erant

Diuersa, & anni temporibus simul
 Profudit, aterna relinquens
 Digna Deo monumenta laudis.
 Neque ipsa dudum quæ fuerat manet
 Spelunca, dumis obsita, nil minus
 Quàm commoda humanos ad vsus,
 Vix pecudi satis apta feta,
 Sed tota celestium alituum choris
 Lustrata calum prouocat, & Deum
 Sublimis ostentans alumnum,
 Ætherea caput æquat aula.

NON hîc furentem falcigerum leges
 Senem recentum mollia viscera
 Hansisse natorum cruentis
 Dentibus horribiliq̃ue mala,
 Matremq̃, magno sollicitam metu
 Celasse partus montibus auis,
 Ac lacte nutritos caprino
 Quò rabido melior parente
 Sernaret, admoto antra satellite
 Cinxisse, rauco qui obstreperent choro,
 Vagitus ut ne furti sani
 Proderet auriculis tyranni.
 Hinc Creta mendax imperium Iouis
 Exorsa calum crimine polluat,
 Veracior nec Delos, olim
 Æquoreas fluitans per undas,
 Latoa iactet pignora, non leui
 Producta partu, dum nimium furens
 In pellicem matrona Iuno,
 Atque odiis agitata iniquis,
 Nec passa terra, nec miseram est mari
 Matura ventris ponere pondera,
 Inuenta sed tandem illa magni

Quæ sobolem exciperet Tonantis.
 Ad matris expers Cecropidum Dea,
 Immatris aut cunabula Liberi,
 Et Juppiter pragnans acerbo
 Verticis, aut femoris dolore?
 In quæ remotis turpiter arbitris
 Nocturna cernunt Persephones sacra,
 Comenta dum fœde parantur
 Nequitia stimulante luxu,
 Strisq; calum moribus improbi
 Metimur, omnis quod caput est mali,
 Tam prorsus extincto pudore
 Ponimus & vitiis honorem.
 Sancta sanè augustaq; Numina,
 Si recta celo per scelus it via!
 Res mira, sed vulgata Graiis,
 Dum madidis Helicone pennis
 Emq; natosq; ad Superos vehunt.
 Sed ebrioso mox titubant pede,
 Resq; vectoresq; mergunt
 In medium penitus profundum.

Non ista casta conueniunt lyrae.
 Abite nuge, tuq; adeo potens
 Iudæa tu succede nostris
 Auspicio meliore chartis.
 Non tu beata gentis originem
 Ad vana confers somnia, quæ sibi
 Narrata si credat, stuporem
 Ingenuo metuas alumno.
 Cum ille rerum maximus arbiter
 Illustre quondam mente agitans opus
 Hunc uniuersum voce sola
 Ex nihilo fabricabat orbem,
 Ex prima semoto exiliens freto,

Mixta limo es compositum tuo
 Mortalium qui primus aui
 Ætheream pater hausit auram.

Circum omne stabat quadrupedum genus,
 Nec saniebant in pecudes fera,
 Tutumq; permixta volucres
 Æra personuere cantu.

Dein sola veri conscia Numinis,
 Id consecrasti quo decuit modo,
 Et fœtiles exosa Diuos,
 Et vetitis inimica sacris.

Hinc tanta calo munera, qua tibi
 Collata magnum conciliant decus
 Quacunque tellurem refusa
 Oceanus vagus ambit vnda.

Quid facta Regum, quid memorem Ducum,
 Varumq;? Quis se conscius effereus
 Jordanus, affectansq; palmam,
 Haud alio superetur amne.

Jordanis, vdam qui tumidus pedem
 Repressit, & se commodus obtulit,
 Ut tota siccato repente
 Agmina traicerentur aluco.

Hoc antè Rubro contigerat mari,
 Cum resuo se gurgite diuidens
 Virimque, sustollensque in auras
 Marmoreus velut vnda murus,

Immota stabat dum medio Deus
 Transmisit acres & sacidas vado
 Cum liberisque, vxoribusque,
 Et Pharij spoliis Canopi.

Iunctis sequutus curribus atque equis
 Tyrannus amens, sed rediens mare
 Ingentibus currusque, equosque
 Obruit, atque homines procellis.

MAGNIS abundas inclita laudibus
 Iudæa, sed nil tam celebrat tuum
 Insigne ut urbs Bethlaa nomen,
 Parua loco, neque diues agris,
 nota alumno, cuius originem
 Roma illa terrarum imperio potens
 Mirata, regni exuta cultus,
 supplicibusq; adoperta vittis,
 cedat ultro, & munera deferens,
 sacroq; figens oscula limini,
 Procumbat, agnoscens auitis
 Clarius esse aliquid tropæis.
 In illa fastos tunc referat suos
 Ad furta duri Martis & Ilia,
 Lupamq; nutricem, gemello
 Vbera quæ dederit Quirino.
 Este quanto nobilior puer
 Hebraeus alto conspicitur polo!
 Tu Caesar astanti Sibylla
 Crede, Deum, dominumq; adorans,
 c falsa præfer, quæ puer hic nigro
 Damnavit Orco, Numina. Pythium
 I consule, hac responsa reddet
 Ipse canis vlulans sub antris.
 Bethlaa tellus, Calicolûm domus,
 Ocelle mundi, nulla licet tuas
 Equare possint verba laudes,
 Non ideo tamen indecoro
 præteribit Musa silentio,
 Dictura magna non sine gloria
 Cunasque, vagitûmque, & omnem
 Hinc reliqui seriem triumphî.

H Y M N O R V M

DE PARTV VIRGINIS.

LIB. III.



*Hæc inter alto iam senior simul
Ac membra somno excusserat, ut nouo
Splendore sic accensa latè
Omnia, lætitiãq; cali
Aspexit, ingenti attonitus metu
Prorepat, & iam nunc propior Deum
Cernens sub infantis iacentem
Effigie, geminisq; flammis
Vibrantem ocellis sideribus pares,
Matrẽque (nota maior imagine
Vt tota fulgebat, solusis
Ambrosiam redolens capillis)
Elinguis, amens, ac gelidos solo
Affixus artus, obriguit, neque
Se sensit. At mox inde flatu
Ætherea recreatus aura,
Illoque flagrans pectora Spiritu
Qui caca mentis nubila discutit,
Terram osculans, tollensque palmas,
Et genua (ô pietas!) volutans,
Sic fatur; Ecquid sancte puer tuos
Spectamus ortus? Si puerum tamen
Vocare fas est qui perennis
Cum genitore manens perenni,
Caloque regnas, conditor omnium,
Idẽque terris nasceris, & Deus
Humana circumferre membra,
Teq; oculis aperire nostris
Gaudes, ut olim pollicitus fore
Verbisq; signisq; omnipotens Tacer*

Cælestis,

calestis, insignem vetusto
 cum sobolem dedit Abrahamo.
 unde lata fusa propagine,
 telloq; & armis, atque opibus potens,
 eliciter non antè summo
 rescere desineret vigore,
 cum Marte victis fortiter hostibus
 Latè tenerent imperio loca
 quæ roscido secunda melle
 affluerent, niueoq; lacte.
 hic nascituram progeniem, inclita
 Virtute totum quæ pariter sibi
 seruaret addictum, nouisq;
 Muneribus recrearet orbem.
 Abrahamo pollicitus Pater,
 hic Isaac. Quinetiam nepos
 Bis sena natorum relinquens
 pignora, quos populi tributim
 nis secuta est posteritas duces,
 Extrema longa tempora cum sibi
 instare sentiret senecta,
 Cygnus uti veniente leto
 itura stirpi fata canens sua,
 Judamq; cernens, cuius ab inclito
 Gens tota se gaudet vocari
 Nomine; Te generose (dixit)
 missa fratrum progenies colet,
 Tuq; hostium cervicibus imminens
 Bellator innectes catenam
 Magnanimo similis leoni,
 i impastus alto monte perambulans,
 Pradamq; opimam prospiciens, leuem
 seu capream, seu forte densis
 Solinagum arboribus inuencum,
 urrit acriconcitus impetu,

*Ac dente victor sanguineo furit,
Hæretq; dum feruor, fameq; ac
Bile tumens requiescat ira.*

*Tum verò apertis accubat in iugis
Gaudens, comantesq; excutiens toros,
Stat patrio fidens vigore,
Conscia nil metuitq; virtus.*

*Non ergo Iudæ deficiet genus,
Nec sceptræ Iudæ debita posteris
Vis ulla transmutabit antiè
Quàm celebri veniet triumpho
Rex ille regum summus, & impleat
Sperata cunètis gaudia gentibus,
Magnumq; felici gubernet
Imperio sine fine mundum.*

*Iam stirpe eadem quid geniti sacra
Dauidis addam carmina? quid nona
Promissa? quid cunèti quod uno
Ore simul cecinere vates,*

*Dauidis æternam hanc fore gloriam?
Ad nostra si quis denique respicit
Connubia, (hic vos istius pars
Attigerit quoracunque partus)*

*Dauidis alti progenies sumus,
Dauidis urbem & mœnia cernimus.
Tu vota, tu spes alme nostras
Suscipe, nec dubios relinque.*

*Hic ille dictis tunc pueri sacros
Excepit ortus. Te quoque virginum
Regina diuinis honorans
Laudibus, An satis (inquit) vlla
Te lingua dignis concelebrat modis?
Quæ sola virgo post vterum manens
Communis auctorem salutis,*

Æthereo genitum parente,
 is dediſti rebus, & aurea
 Mundo reduxto ſecula, qua neque
 ferrugine obſcurentur atra,
 Nec vitio alterius metalli.
 ipſe rerum neſcius, & malè
 perſuaſus. Eheu, & memini, & pudet.
 ali ſed interpres timorem
 excutens, animumq; reddens,
 temq; aperto lumine diſſipans,
 Quæ facta iam nunc cernimus omnia
 radixit, attollens Olympo
 eque tuumq; beata partum.
 e illa priſca quam toties palam
 templa produnt hiſtoria? Sacer
 ons clauſus obſeptis in hortis,
 Tec domino niſi uotus uni?
 ore vellus irriguo madens,
 rente circum gramine languido?
 u virga biſſenis negato
 ermine qua, tumuitq; flore?
 orta primi conſcia luminis,
 tente nullis principibus via,
 li ſed ex auo priorum,
 ruia Calituum parenti?
 lle quondam qui medio rubus
 rdebat incombuiſtus ab ignibus,
 rante per ramos amica,
 on auida populante flamma?
 rre Moſe, (ingentia conſpicias
 iracula) liber ſeruitio graui
 ſcurre, ſed contentus umbra.
 c facies mihi vera fulget.
 racinentem Calicolæ ſenem
 Magnis ſequuntur plauſibus, hos Deo

*Gratissimos ter voce molli,
Ter cithara modulantur hymnos.*

IAMQUE ille vates qui stimulat furor,
*Altâmq; tardo corpore semonet
 Mentem, nec immergi profundis
 Usque animum patitur tenebris,
 Cessare paulatim, & miseris locum
 Præbere curis cetera nam velut
 Oblitus, opportuna cunis
 Haud aliter properabat Heros
 Quàm plebe quivis de media pater,
 Res arcta frugi quem facit, ac monet
 Ut coniugem, parvosq; natos
 Assiduo ioleret labore.*

Ergo ocius se proripit, & moram
*Accusat ultro. Tum silicem terens,
 Susceperat quem fomite ignem
 Exigua moderans lacerna,
 Cautâque servans sollicitus manu,
 Ubique præsto est, seu puero queat
 Servire, seu matri, nec ullum
 Sentit amanti onus, aut laborem.*

O expetendum servitij genus,
*Quo nulla regum vita beatior!
 Evoluat omnes Roma fastos,
 Et titulos memoret superbos
 Nil tale. O ingens Isacidum decus,
 Dicere nostris tu quoque versibus.
 Tu virginis coniux, tuique
 Tu domini pater atque custos.*

AT Dina tandem se quoque colligens,
*Fixâmq; calo mentem animi vocans
 In terram, & ad materna flectens*

Officia, eximiumq; amorem
 Accensa toto pectore praefrens,
 Nudo iacentem sic puerum solo
 Ut vidit, audiuitq; fletus,
 Et tremulos resonare questus;
 Urbata paulum, nec lacrymas tenens,
 At certa partus aetherei manens,
 Ut filium nunc tollit ante
 Cuius erat venerata numen,
 Proque praestans obsequium simul,
 Et mente prompta, & corpore, ne cui
 Non tam puer prodisse partu,
 Quam pueri videatur umbra.
 Membra nempe humana sibi induit
 Humana egebat sollicitudine.
 Hinc crevit, assuetisq; sensim
 Principiis adolevit aetas,
 Inq; cali qui sonitu quatit
 Templum involutus fasciis Deus
 Blanditur arridetq; matri,
 Lacteolis inhians mamillis.
 Illa illa gaudens porrigit, & loco
 Mercedis ardens suaviolum rapit,
 Haeretq;, nec se vertit usquam.
 Sed niueo impositum lacerto,
 Et cosq; ducentem ambrosios fouens,
 Dum fixa contemplatur, & ebrios
 Intendit usque & usque ocellos,
 Ipsa suos acuens amores,
 Quanta sentit pectore gaudia,
 Quantisque felix perfruitur bonis,
 Non osculis, non illa blandis
 Vocibus impositura finem!

STARE lucem sed monuit pater,

C 2

Quando

*Quando astra toto defluerent polo,
Actertium iam voce clara
Excubitor cecinisset ales.*

*Mox inde cunas protulit, vllius
Haud expolitas artificis manu,
Aurœue constratas, & ostro,
Aut Arabum nitidas lapillis;*

*Sed ipse rebus cautus in asperis,
Disiecta quæ conspexerat horrido
Fragmenta de præsepi ad istos
Sollicitè repararat vsus.*

*Implensque fœno, & palliolo regens,
Opes quidem omnes explicuit suas,
Sed gratior quàm dona virtus,
Atque animus superis benignus.*

*Namque ille nostra nil opis indiget
Qui nostra nobis contulit omnia.
Hunc, mens tibi si pura, quamuis
Exiguo pia dextra cultu*

*Placabit offensum, & facilem dabit,
Sen tura castis admoneas focis,
Matura seu flauentis agri
Munera, vel viridantis horti.*

*Quod si madebunt lacrymulis genæ,
Imoque duces pectore spiritum,
Nil blandius. Jam crede factum
Quod precibus cupies honestis.*

*Quid ergo opimas cadere victimas,
Aut quid superbis profuerit Deum
Ambire votis? quid pacisci,
Vt vetitas liceat per artes*

*Augere censum, crescere honoribus,
Patrare turpi stupra libidine?
(Nam sæpe clam quod nuncuparis
Voce palam pudeat fateri)*

nempe votis intereas tuis,
 Addens priori flagitium nouum,
 Aras quòd incesta profanans
 Attigeris scelerate dextra.
 In hisce cunis hoc Dominum modo
 Cum cernis, atram tolle cupidinem,
 Abrumpe luxum, vince atrocem,
 Vince animum monitus superbum.
 Nam si ille nasci sic voluit sua
 Qui cuncta condit, cuncta regit manus;
 Si pauperum sortem parentum
 Pauperis & tuguri latebras,
 Modumq; vitæ tristis & aspera,
 Rex ipse, regum pratulit omnium
 Gasq; fortunisque, & omnem
 Hac vetuit ratione fastum;
 Et, orta pueri progenies luto,
 Tot mortis obiecti insidiis, breui
 Tam multa quid luctamur ano;
 Spesq; animo capiente manes
 Luctamur umbram & somnia, nec secus
 Ah imperitis quàm pueri solent.
 Vel poma, vel mellita propter
 Crusta graui stomachamur ira?
 Inquenda tellus. Sidera suspice,
 Attolle mentem. Qua tenet hic mora?
 En natus est dux ille, magnus
 Qui meritis referans Olympum
 Curret ultro. Tu modo tu sequens
 Confide, nil te terreat arduum.
 Nostra induit qui membra nostro
 Ipse volens aderit labori.
 Inuolutum fasciis Deum.
 Accurre cunis. Cernis ut omnia
 Humana? Nil hic triste, nil quod

Non dominum tibi spondet æquum.

Noti parentes, nota humilis domus,

Non illa sævis mancipiis strepens,

Non clausa, nec munita ferro,

Non vigili resonans Molosso.

Accurre. Quem non talia pertrahant

Spectacula? Gressus agglomerant simul

Bos tardus, atque hoc ipso asellus

Tardior, ut dominum potentem

Submisso adorent poplite, non leui

Magnam merendo munere gratiam,

Oris quod afflatu tenellis

Duram hiemem pepulere membris.

Unde iste vobis ô placidum pecus

Insuetus ardor? Filius illius

Qui cuncta producit vicissim

Cuncta simul venerantur ortus.

HINC bruma vernans floribus, hinc nouum

Accessit aureis sideribus decus,

Non illud infelix malorum

Augurium populis, Cometes,

Sed quæ salutis nuncia plurimo

Fulgeret igni stella, nitentior

Astro Dionæo, neque vlllo

Fixa loco, sed ab usque Eoo

Progressa tendens litore, non inbar

Vincente Phœbi lampade, non suum

Quin seruet inconcussa cursum

Vi rapido impediante calo.

Bethleæ recto mœnia tramite

Adibat, exortum hic populis ducem,

Vitaq; cælestis magistrum

Indicio retegens aperto.

Qui castra tanto cum strepitu mouent,

Qui

Qui signa reges? En litus sonant,
 Tubaq³, sublatique in auras
 Nobilium fremitus equorum.
 Isti a cuiquam perniciem ferunt,
 Pax certa terras, certa tenet quies)
 Nec bella, sed lati parantur
 Marte procul rabido triumphi.
 Ete Eoi gloria nominis,
 Saluete sacri lumina. non enim
 Ipsa sceptrum, regalesq³ cultus
 hic decorant celebrantq³ fama,
 Vestra mundo quod pietas Deum
 Venisse certa nos docuit fide.
 In lucidum ut praeceat astrum.
 Auspiciis igitur secundis
 Adfert regi munera regibus
 Qui regna donat, regibus imperat,
 Parcasque, Fortunasq³ certa
 Ut voluit moderans habena.

C sola magnorum atria principum,
 Aut nota calo est purpura, quin magis
 Mapalia, umbrosaq³ valles,
 Et nitidi placuere fontes.
 In hic superbis in foribus noue
 Spectantur artes, non Phrygius lapis,
 Nec culta regali renidet
 Interior domus apparatus,
 Ut structa mensis fercula citreis
 Vulgore lassam sollicitant famem,
 Aut Chia gemmato retusam
 Vina sitim exacuunt in auro.
 Nec veneno tollitur innocens
 Hospes, nec astu decipitur cliens.
 Non stupra, non vesana regnat

Ambitio, genitrix malorum.

Assueta duris vita laboribus

Nullum relinquit flagitio locum.

Nil turpe quamdiu prisca seruat

Simplicitas animi pudorem.

Ergo illa cali militia cohors

Qua lata cunis adfuerat, noua

Mortalibus vulganda ducens

Gaudia, dum liquidum reuertens

Implet sonoris aethera cantibus,

Non hos eburno qui recubant toro,

Dites vel audiuere Crassi,

Non tumidi imperio tyranni,

Sed nocte pastor sub Ioue frigido

Seruans quietum sollicitus gregem,

Immanibus ne grata cedat,

Prada lupis, anideq, tigri.

Ingens honesta est pauperies bonum

Quam sponte adoptes, fallere nescius.

O terque felices quaterque

Agricolas quibus illa celo

Vox missa, Summo gloria nunc Deo

Reddatur altis qui superat polos,

Nunc alma pax terras reuisat,

Pax animis sociata rectis.

Quin & cohortis ductor, ut igneo

Splendore fulgens terruerat viros,

Stupentibus sic fatur ultro,

Macti animis, neque enim timori

Cum tanta fertur latitia est locus.

Orbis quod omnis gaudeat, en diem

Quo natus est Seruator, ille

Ille hominum pater atque custos

Christus, perennis quem caput imperi

Iessæ Bethle protulit. Ilico

Adite.

*Adite. Nec vos signa fallent.
Panniculū iacet inuolutus
nellus infans, dat malè commodas
Præsepe cunas. Sic ait, arduum
Sublimis insigni chorea
Cum sociis repetens Olympum.*

*LI remoto profiliunt metus.
Bethlaa iussu mœnia Calitum
Adire, & explorare cunas,
Tum puerum, pueriq; matrem
ectare nulla fert animus mora.
Nec dona defunt, non equidem graui
Sumptu, nec urbanis parata
Artibus, Attalicoq; luxu,
Eti sed altis ilicibus fani,
Pressiq; casta caseoli manu,
Vuaque, & asseruata duro
Poma gelu, teretēsque oliua.
ec deferentes munera, cen Deo
Ducente nullo deueniunt locum
Labore. Nec deserta terret
Villa viros, inamœna cultu,
in nuda sese prodit, ut ilico
Conspectus ipso è vestibulo puer,
Virgoq; , grandæusq; coniux,
Quaq; fidem mernere cuna.
im verò ouantes lætitia simul
Vocemq; tollunt, & genibus Deum
Fatentur inflexis, & omni
Excipiunt alacres honore.*

*e c muta pendet fistula læuibus
Compacta cannis, qua poterat feras
Mulcere, cursum vertere amnis,*

Et rigidas agitare quercus
Insignis Idmon, Threicia quidem
De gente, rerum conscius omnium
Quas arte prestans matris Orpheus
Pieris docuit sub antris,
Sed additurus tradita maximo
Arcana Mosis. Tunc patria procul
Degens Idumæis in agris,
Hunc puero est modulatus hymnum.
En illa proles Virginis aurea
Quam nascituram non modo qui piis
Divina pandunt inssa chartis
Isaciðm cecinere vates,
Sed exterarum lumina gentium,
Quos grata semper posteritas colet,
Et magnus Orpheus, & Sibylla
Perpetuò celebres honore.
Humana quid non præpetibus videt
Mens nixa pennis, cum Superum domos
Nec vilibus depressa curis,
Nec vitis generosa scandit?
Stat sculpta calo virginitas sacro
Fecunda partu, Erigone, sine
Manuq; fundens alma spicas.
Onimium nimirumq; felix
Ætas, supernis quam saturent bonis
Demisse Olympo Iustitia & Fides,
Molliq; compostam quiete
Assidui beet aura veris.
Procul tenebra. Lux oritur nova,
Lux vera, nocti cedere nescia,
Qua magnus illustretur orbis
Antè malis malè pressus umbris.
En regis astrum Erigonem sequens,
Chelasq; linquens. Occidit occidit

celestus ille, immanis ille
 Letifero tumidus veneno
 ens, malorum subdolis artifex.
 Non ille posthac aut Lyciam tenens,
 Aut Delon, orbisq; umbilicum
 ortilega reget arte Delphos,
 falsa ducet per populos sacra,
 Nec vertet acri lumina-fascino.
 tu sancte, tu Pythona certa
 Magne puer series sagitta,
 s; victor, quâ Boreas pigris
 immugit antris. Hic fremat horridus,
 inctusq; ahenò ad saxa nodo.
 ic gelida positus sub Arcto,
 totius ardens invidia graui,
 Traque mundi parte colitua
 Deploret infelix tropæa,
 p se sui genitor doloris.
 te partus quot cumulat bona!
 euge euge cunas spargite floribus.
 n sponte submituntur. Ecce
 ecce Deus. Procul ô profani.
 vos beati, quos Superum favor
 Arcessit ultro, ô socj, quibus
 d ritè compensemus unquam
 officiis? Date parua nullo
 dona cultu. Nunc satis est Deum
 idisse, quondam firmior omnibus
 e prodet ætas. O supremi
 grande decus Patris, & potestas,
 ante (quæso) da moriar tua
 Quàm facta cernam, quàm memor audiam
 recepta, quæ quicunque seruet
 laud dubiam referat salutem.
 c siue commoto imperites mari,

*Ventosaq; nutu circummagas tuo,
Damnesq; Neptunum, fluentes
Ingrediens pedibus per undas;
Sine agra sanes membra dolentibus,
Nunc capta reddens lumina, nunc pedes,
Auresq; surdis, & ligata
Restituens sua verba lingua;
Sen, fama vulgi quod celebret magis,
Obsessa Divis pectora liberes,
Aut corpore exutas avaro
Huc animas revoces ab Orco,
O illa quantis laudibus efferam!
Nec tute vinci carminibus sinas,
Non Gratia hoc si certet omnis
Omnibus accomitata Musis.
Sed iam relictis nos revocant greges,
Et lata poscunt pascua, qua neque
Fallacibus culpentur herbis,
Nec vitio metuantur vnda.
Formosa densas quâ salices alit,
Quâ ripa lauros, nil veriti graue,
Nil triste, proiecti sub arcu
Et pecus & pecoris magistri
Claudemur umbra dum medio calet
Sol altus aestu. Tunc calamos iunet
Inflare, tunc cantare sacros
Verba Deo praecunte versus.
Procul laporum vis, procul hostium,
Tectisq; fures insidiis graues.
Tam prosperis qui natus astris,
Ast humili puer iste cultu,
Pastoris olim insignia praefrens,
Atque arte prestans, pabula suggeret
Salubria ac incunda, multo
Ambrosiis potiora succis,*

is auctor pacis & otij,
démq; sacli conditor aurei,
auctore nascentem gubernans
imperio venerandus orbem.
dus Idmon. Qua socij semel
audita letis saepe iterant modis.
et plausus, & laudata proles
et usam accumulac parenti.





A D I O H A N N E M
M O R O N V M , C A R -
D I N A L E M , S A C R I
S E N A T V S P R I N C I P E M .


TV quoque magna gradu cernit quem Roma
secundo
Sublimem afflictis porgere rebus opem,
Et toties sacro facientem verba Senatu
Flectete purpureos in tua vota Patres,
Hunc Morone meum læta cape fronte libellum.
Indignus studiis non erit ille tuis.
Nam Christum educit cunis, hominemque Deumque.
Summus at hic veræ religionis apex.
Materiam laudes, etiam si carmina damnes.
Hæc quoque si laudes, spem superabit honor.

LÆVINI

47

EVINI TORRENTII
HYMNORVM DE PVERO IESV
LIBER VNVS.

Circuncisio Cal. Ian.

 *N*VS letitia non satis est dies.
Natalem colimus sancte puer tuum.
Te nascente coorta est
Humani generis salus.

um croceis Luciferum rotis
rora Oceano protulit, en adest
stus rite sacerdos,
tellum & pateram ferens.
mi veteris quod moniti sumus
emplo, vetus & legifer imperat
ro carmine Moses,
quodq; omittere sit nefas,
ripto puerum tempore convenit
gni celebrem reddere nomine,
preputia scindi,
gata & facidum nota,
o calo populis gratior omnibus
as praefert alacri non sine gaudio,
od secreta profanis
ingit propius Deum.
ros scelere & flagitiis amans,
ecisi monuit vulnere corporis
s prauertere prauis
rsus animi granes.
nsam nitidis sternite linteis,
rtis alij cingite frondibus,
pulcherrima virgo
olli puerum sinu

Auferri

*Anferri patere, atque oscula sustine,
Quantumvis animo suavia, dum sacer
Minus triste minister
Secura peragit manus.
Implebit tremulis athera questibus,
Humectans teneras lacrymulis genas,
Nec tu cernere mater
Hoc siccis oculis queas;
Quamvis athereo sed genitum patre,
Postquam visceribus factus homo est tuis.
Ferre humana volentem,
Quodque est, esse hominem sine.
Non illum magis hac vulnera sauciant,
Quam matris gemitus, flebit acerbius
Ni suspiria cessant.
Nec longus fuerit dolor.
En rursus gremio compositum tuo.
Miscens blanditias ubera porrige,
Mox secura sequentur
Hanc obliuia nectare.
O anni liquidum principium novi!
Felici auspicio pulchrior it dies,
Quo tam certa soluti
Nostræ servitiæ est fides.
Non olim Pharij sub domini iugo
Afflicti l'æcida tot tulerunt mala,
Gentem à stirpe tyrannus
Dum tolli studet improbus,
Quot casus miseri perpetimur graues,
Dum bello Stygius Iupiter ingruens
(Heu) mortalia corda
Vexat mille nocens modis.
Nos illi nimium viribus impares,
Quos culpa veteris debilitat nefas,
Et contagia ladunt.*

rimis orta parentibus,
 culpam puer hic sanguine diluens,
 et pœnam meriti quam sumus abrogans,
 hostem proteret; omni
 tos discrimine liberans.
 in mortem moriens destruet, & suos
 Eternis Superûm sedibus inferet,
 regnum rite perenne
 pœnitrici statuens manu.
 regem patitur commodus asperam.
 accedunt gemitus, & lacryma, & crux.
 Tac exordia pugna
 Qua seruabimur ardua.
 ad nomen referet nunc igitur suis
 Sic dignum meritis? Ne quis id ambigat,
 auso protulit ipse
 ali nuncius omine.
 clarus veteres inter annos fuit
 actos Isacidis qui tribuens agros,
 Terram lacte fluentem,
 Defessis requiem tulit.
 maiora manent, & melioribus
 Eterna auspiciis sancte puer tuis.
 in seruator IESVS,
 in CHRISTVS, populi salus.
 iam vox hac homini conueniens Deo!
 nomen placidum, nomen amabile,
 Quo non suauius ullum
 auris insonat auribus.
 tur superos, territat inferos,
 trans calum, mare, terram, aëra permeans,
 Naturamque volentem
 ducens quo voluit modo.
 lati nimis extollimur in bonis,
 en mesti nimis affligimur in malis,
 D

Quæ res cunque dolore
 Perturbant animum graui,
 Nil Cois, magicis nil opus artibus.
 Si tantum memori mente recurrerit,
 Firmo nomen Iesu
 Mentem constituet gradu,
 Nec regum tumida demoucant mine,
 Non quidquid Sæculi supplicis graues
 Inuenere tyranni,
 Aut sæui Pelopis domus.
 Seu ferro lacerent corpus & ignibus,
 Seu ponto, aut rabidis obiciant feris,
 Mens inuicta triumphet,
 Auctorem recolens suum,
 Et clare resonans nomen anhelitu.
 Quo audito pauide substiterint fera,
 Nec iam perdere ferrum,
 Aut flamma, aut valeant aqua,
 Vitam ni placidus dissoluat Deus,
 Extremis animos indomitos malis
 Ad caelestia regna
 Sublimi rapiens manu.
 Latis excipient Calicula choris
 Cinctos purpureis tempora floribus,
 Fulgentesq; coronis
 Quas felix meruit labor.
 Tantis o vtinam Christe fruatur bonis!
 Tu prodesse velis post cineres mihi,
 Casto carmine vates
 Nomen quod colui tuum.

Tres Persarum Magi.

QVIS ille qui non gaudeat,
 Lyraq; laus personet?

Iffaa radix floruit,
 Quig, inde fructus prodiit
 Impleuit orbem gloria.
 Idis alto stemmate
 Erbs Bethlaregem protulit,
 Qui matre natus virgine,
 Melicis auctor seculi,
 Instanret humanum genus.
 Re terra Principem
 Tanto expetitur tempore.
 Sed originem calo trahit,
 Frustraq, terris quarimus
 Calo nisi inuentum prius.
 Tolle calo lumina.
 Depictus illis est Deus,
 Deiq, imago filius
 Qui patris unicum decus,
 Is, splendor, & potentia est.
 Tolle calo lumina,
 Quò differas à belluis.
 Affixa turpi mens solo,
 Curisq, semper vilibus
 Depressa, viuens mortua est.
 Tolle calo lumina.
 Nunquam hoc tibi non proderit.
 Sed causa nunc subest recens
 Cur astra nos innet magis
 Recto tueri vertice.
 Super exortum iubar
 Qui cuncta cedunt sidera,
 Contraq, non Iouis vigor,
 Non ignis audet Mercuri,
 Non Hesperus contendere.
 Stella frigidi senis,
 Nil Martis ardor feruidi

*Triste, aut cruentum cogitant.
Quod Christus astrum praeulit
Latè serenat omnia.*

*Nec nocte tantùm pallidam
Fulgens inumbrat Cynthiam,
Sed luce perdurans diem
Illustrat, & mirabili
Splendore Solem prouocat.*

*Hac signa primùm prouidi
Sensere Persarum Magi,
Quâ pictus auro vitreis
Et nectar & spirans rosas
Eous undis exilis.*

*Gens prisca, gens pulcherrimè
Exculta semper artibus,
Intenta calo, sordido
Auersa quæstu, & patrios
Seruare mores pernix.*

*Quod (inquiunt) mortalibus
Fauore posset Calitum
Maius parari gaudium
Ille ille Christus nascitur,
Sperata Iudeis salus,
Speranda deinde ceteris
Latè per orbem gentibus.
Nam quisquis hunc agnoueris
Quocunque terra limite,
Æterna referei præmia.*

*Quin imus ergo, & visimus
Tanto potentem numine?
Qui solus astris imperans,
Caliquè cursum temperans,
Solu gubernat omnia.*

*Sic fati adornant munera,
Longaq; præsidium via.*

Nec mora, parati lucidam
 Quâ stella signabat viam
 Fausto sequuti sunt pede.
 Solyma postquam venerant,
 Optata scitatum loca,
 Quam rura seruarent ducem
 Urbs hanc superba, & perfidi
 Herodis aula perdidit.
 Ina nescit Isaci
 Stirps Persa quod procul videt,
 Auditq; pastor peruigil
 Quod ditis incola oppidi
 Ecurus ignorat sui.
 Urbis egressis solum
 Bethlaa versus mœnia
 E flamma rursus obtulit,
 Rursus fruendam prodidit.
 Maiore lucens gratia,
 Antur illi, turbido
 Secum putantes pectore
 Qualem reperturi domum,
 Fortuna quæ parentium,
 Quanta aut clientum copia,
 Quando repente substitit
 Ubar retorto lumine
 In proxima culmen caesæ,
 Inuenta quod erat arguens
 Augusta Christi regia.
 In illa fulgens purpura,
 Non auro & argento nitens,
 Gemmisq; Rubri litoris,
 Aut picta venis marmorum,
 Urbæve senorum strepens,
 Sed pauperis pars villula
 Deserta, squallens, horrida.

Tum parvus in cunis puer.
Huic virgo mater assidens,
Custos & amborum senex.

Hic coepta tunc exordis

Quae regna nunc ingentia,
Nec clausa terris, nec mari,
Super alta tendunt sidera,
Sedemq; contingunt Dei.

Non asper hic cultus tamen

Heroas illos terruit.
Res inter arctas nam magis
Elucet, & sensum ferit
Divina pollens gloria.

Inflexo adorant poplite

Quem mater in sinu gerit,
Dein dona promant mystica.
Tus Numen, aurum Principem,
At myrrha mortalem notat.

Salvete Persarum decus,

Salvete mundi lumina,
Exorsa per quos omnium
Dum rite Christum queritis
Vbique gentium salus.

Qui nunc in aula Calitum,

Cincti coronis aureis,
Longoq; compei firmate,
Agmen sacratum ducitis,
Toto eminentes vertice.

Assurgit ipse illustrum

Bis sex Senatus principum,
Vestro quod exemplo ferum
Orbem facilius impiis
Averterint à cultibus.

Christi in Ægyptum fuga.

AVDENS somnifero murmure fontium,
 cantu volucrum dulce strepentium,
 arsisq; in viridi gramine floribus,
 Ac nigris nemorum comis
 aro nobilium tecta subit Quies.
 Deterret comitum turba procacium,
 eruorumq; greges multa minantium,
 Et plena strepitus domus,
 Deterrent Tyria fulgura purpura,
 Tristes excubie, iannor improbus,
 Ferrataq; fores, & super omnia
 Aspectus domini gravis.
 Seu sella tumidus prasidet aurea,
 Seu lecto recubat toruus eburneo,
 Quocunque ingreditur, quidquid agit, tamen
 Circumstant Tremor & Pavor.
 Quae quis tam patiens quin animo ferat
 Commoto, increpitans, Prò pudor! ò nefas!
 Solisne usque adeo diuitibus bene est,
 Solis pauperibus male?
 At quanto satius sub cuncte quod latet
 Vulnus nos oculis cernere Lynceis
 Quam pulchri specie fallier, & suis
 Blandiri miseros malis?
 Non hac agricolis nota fidelibus,
 Olim ut Fabriciis, & Curiis, lues,
 Quorum sollicita rura colunt manus
 Fraudem neccere nescia,
 At mentem placidam sancta tenet Quies.
 Adiungunt tacito se comites gradu
 Prudens Simplicitas, nudaq; Veritas,
 Et Pax, & Pudor, & Fides,

Non illic scelerum mens sibi conscia
 Pœnarum assiduo concutitur metu
 Turgetq; Icario non leuius freso
 Cum trux incubuit Notus.

Exemplo probat hoc Antipatri genus
 Herodes, animis atque opibus ferox,
 Et qualis foris est, atque oculus patet,
 Fortuna specimen bona,

Ast intus foricis fœdior omnibus.
 Infelix, miser ah, & toties miser
 Ipsum se quoties respicit impotens,
 Et regni meminit sui.

Cui semper metuens semper atrocibus
 Darpœnas lacero corde doloribus,
 Heredem audierat quem fore non suum,
 Ni tradat puerum neci,

Ignotum sibi. Quod ne impediatur tamen,
 Mortem vni meditans, obicit omnibus
 Quos Bethle spatio non nimium breui
 Materno ediderat sinu.

Infandum facinus. Sed bene quod suis
 A natis quoque non abstinuit furens,
 Ac tandem neque se, nec famulos ferens
 Infernas abiit domos.

Celesti puero quid tamen obsuit?
 Quem mater tepido cantu gerens sinu,
 Casti consiliis atque ope coniugis
 Felici eripuit fuga.

Tres tantum numero, virgo, senex, puer,
 Imbelles, inopes, presidio sine,
 Per fœta insidiis, fœta periculis
 Egyptum penetrant loca

Securi, quidenim Calicolûm manu
 Protecti metuant, aut trepident boni?
 Non Martis rabies, non populi furor.

Non Regum horribiles mina
 stando efficiunt quos voluit semel
 creto auxilio non inueni ut Deus.
 m contrà caueant ne solitis pium
 Fraudent obsequiis Deum.
 inter Pharios non male commodum
 tisi hospitium, frikola negligunt.
 tantum satagunt, ut pueri bona
 Seruent depositum fide.
 erant aethereo progenitum patre,
 celo esse datum consilium fuga.
 nsidunt pariter pro reditu fore
 Tutam per Superos viam.
 uo solatiolo rebus ab asperis
 asci solitam tristitiam fugant,
 et paruo tennes sub Lare diuitum
 Magnas praterunt domos.
 se infans roseam virginis aurea
 eruicem teneris brachiolis tenens
 um dat, cum repetit suavia, mollibus
 Fixis ora premens labris,
 Infans sed Deus, & principiocarens,
 et matrem reucrens, sed Superos regens)
 isne illa imperium diuitis India
 Tantis pratulerit bonis?
 n lactens Deus, en virgo puerpera.
 quid vel stupidum quod moueat magis?
 alestum obuolitant alitum lenes,
 Et plaudunt dominis chori,
 et nos degeneres, quorum agitur salus,
 cessamus? Tremulis dicite vocibus,
 u virgo genitrix, tu puer ô Deus,
 Nostris ferte malis opem.
 i necdum satis est, & meriti sumus
 Peiora (heu, fateor) quod tamen aequitas,

Quod spondet pietas, parcite, parcite.

Summa est parcere gloria.

Nec vestris alia est meta laboribus,

Curisq; & studiis propositus scopus,

Quam quæ flagitio contrahitur grani

Culpam ut gratia diluat.

Infantes ab Herode occisi.

AT ô supreme rector orbis, ardua

Sic cuncta temperans manu,

Vt nil sit usquam, nil vel accidat, tuæ

Quin inde crescat gloria,

Quid iste fert tumultus & repens furor?

O rem nefandam & impiam!

Externa non Mars bella, non rixas mouet,

Ciuile nec frust nefas,

Pax alma terris regnat, haud secus tamen

Quam classico excitus truci

Stricto satelles ense sauit improbus,

Et ciuibus necem parat,

Regis satelles illius conuenerat

Quem rem tueri publicam.

Sed negligit, sed proprios vastat greges

Pudore proiecto furens

Atristyrannus sauior serpentibus,

Aut si quid inuisum magis.

Quos nuper (inquit) huc profectos vidimus

Extrema abusque Perside

Celi peritos, & futuri præsacios,

(Quod gentis unicum decus)

Vidisse magni regis astrum prædicant,

Qui natus his in finibus

Ablata nobis regna fortis occupet,

Totamque Indæam regat.

ec vana narrant. namque Davidis ferunt
 Sperare regnum posteros,
 gemq; Bethla quem pusilla proferat,
 Insigne laturum decus.
 nec esse natum suspicor, certa & fides.
 Nam quos redire par erat,
 stare dictis, alia abinuerunt via,
 Nostrisque nos fallunt dolis.
 Id faxo ut hac commenta mox nil iuuerint.
 Vnum luisset quod caput,
 lectantur omnes. Omnibus casis, parem
 Et ille fortunam feret.
 collatur ille, quisquis est, & nuncium
 Ad Inferos portet lacus.
 Nam quid timere conuenit, si perdero
 Quoscumque cum lubet licet?
 collatur ille, & quotquot à biennio
 Nati fuere proximo.
 sic fatiur. Audit miles, & ferrum rapit,
 Bethlaea tendens mœnia,
 Agrosque Bethla. Quos cruentus obsidens,
 Immane perficit scetus
 Instar procella, quæ proterui turbido
 Cum præliantur æthere
 Venti tremendo concutit terram sono,
 Et leta per campos sata,
 rugemq; verrit lacteam. At bouum simul
 Et villici perit labor.
 Heu quantus alta sidera incendit dolor!
 O dira Thracum pectora!
 Quid non tyranni cogit aurum perfidas
 Cum militum induit manus?
 Quod urbe capta vitæ hostilis furor,
 Armis ut imbelles perat,
 Heredis en satellites ulirò flagitat,

*Gregem innocentem perdere,
Necantur undis, igne, presso gutture,
Duro vel illis solo,
Sed maior esse turba. nam gestit latro
Cruore ferrum tingere.
Quaquam nec altis inuenit plagis locum,
Et sanguis exit lacteus.
Sed quis minutos frangere artus est labor,
Tenuemq; vitam abrumpere?
Caduntur ut tenella ad aras victima,
Ah cadis ignari sua,
Et forte, nota ut patris arrepti manu,
Ridentq;, & osculum parant.
Sed mater obstat, mater infelix sua
Propugnat ardens viscera,
Quid (inquiens) crudelis infantes petis?
Me me laceissentem feri.
Sic fata molli paruulum inuoluit sinu,
Et corpore obiecto tegit.
Sed instat ille toruus, & pullos velut
Cum seruat implumes auis
Contra mouentem bella serpentem, ferus
Cum matre seium interficit.
Quid hac tyranne iuuerint, si vincero
Humana vis Deum nequit?
Euadet ille quem reformidas Dacem
Tot unus inter millia,
Euadet, & qua regna nil ad te attinent
Victrice condet dextera.
At tu peribis pessimis miser modis.
Nec morte cessabit dolor,
Sed meris Orci fundo, ubi teterrimis
Secreta sedes Manibus,
Tot perferes tormenta quot nunc imperas
Cruenta demens funera.*

ta salue, sancta salue infantium,
 alue innocentium cohors,
 os ille destinauit aequales suos
 Qui matre natus virgine,
 virginum ipse, Christus, alma virgines
 exornat æquus gloria,
 præter omnes, lingua quem fari nequit
 usq̃ professos sanguine.
 o supremiparte cali, lactea
 Quâ lucidum fulget via,
 â picta dulci stillat vna nectare,
 Quâ nectar exhalant rose,
 roas ante, & ante cinctos purpura
 Celestis aula principes
 i coronis luditis, & insignium
 Mixti puellarum choris
 rum canentes itis Agnum candido
 Quacunque precedat pede.
 gaudet ille, gaudet, innocens sua
 Qui morte mortem vicerit,
 Etorq̃, clausi ruperit seras poli,
 Patente cunctis regia
 ui mitis aut ut agnus, aut blandus puer
 Sine fraude vitam duxerint.

Occursus Christi & Simeonis,
 post. Cal. Febr.

CCENSÆ rutilent faces,
 Et stellas tremulo lumine prouocent.
 templi fornicibus sacri
 Quæ pendent liquido lampades aëre.
 quadragesimus hunc diem
 Sol lato retulit candidus omine
 quo iustitia inbar

Christus

Christus Tartareis nos tenebris uno
 Nascens eripuit modo,
 Et sacrum populis condidit aureum.
 Virgo sancta, Dei parens,
 Quamuis Siphonia candidior mine,
 Quamuis fidere purior,
 Et gemmis pariter pulchrior omnibus
 Nil purgaminis indiges;
 Lustrari puerum sed nec opus tuum,
 Insons qui velut hostia
 Nobis difficilem conciliet patrem;
 Non te peniteat tamen.
 Quod iussa faciunt lege puerpera
 Id nunc sponte sequi tua.
 Exemplum inuenient utile posteri,
 Et mens ista humilis tibi
 Eternum pariet pro meritis decus.
 En lustralis adest dies.
 Lustrali puerum tempore conuenit
 Delatum Solymas sacris
 Pro templi foribus sistere, non tamen
 Solenni sine munere.
 Sed lætus saliens victima pascuis,
 Balantum soboles gregis,
 Diti conueniens munus erit domo,
 Tu censu tenui, & tua
 Vel bini reluent vota columbuli,
 Vel (quæ connubij fides)
 Amisso queruli compare turtures,
 Et, pulcherrima munerum,
 Quod nostri latitans tegmine corporis
 Summi progenies Dei
 Sese offert, simul & nos sociat Deo.
 Iam virgo ingreditur viam,
 Infantem se pido cuncta ferens sinu.

Quid cessas Simeon? grauem
 Etate extiment gaudia. nam tua
 Edicta Superis preces
 Optatum referent protinus exitum.
 res mira! Senem trahit
 Materno geritur qui gremio puer,
 nec fieri potis alteri
 Implet fatidico pectora numine.
 am templum simul ac senex
 Ascendens puerum viderat obuium,
 his excipiens suis,
 Et fuis acuens gaudia lacrymis,
 optatus (ait) dies.
 Nunc letus moriar. Sic placitum Deo,
 ui vita saturum iubet
 Compostum placida pace quiescere.
 am quid iam morer amplius?
 Quam calo sobolem pollicitus pater,
 omnis principium boni,
 En gesto, en oculis intueor meis.
 ingens decus Isaci!
 O quantum patriae conferet hic sua!
 ui communis adest salus,
 Et lumen populis praeferet omnibus,
 et calo teneant viam,
 Laturi emeritis digna laboribus.
 d multi ah miseri nimis
 Tam clari renuent signa sequi ducis.
 Quos plaga feriet graui
 Vltix immodicae poena superbia.
 Et tu qua genitrix tuo
 Tantam nunc animo letitiam foves,
 Den quot te capient mala!
 Qui maestum gemitus, qua lacryma manent!
 Mucronis veluti rigor,

Alto si foderet pectora vulnere.
 Sic factus senior. Neque
 Tanta solus erat praeo potentia,
 Sed sexu in fragili quoque
 Inuenta est eadem quae caneret, parem
 Quàm latè aspicitur polus
 Per terras referens inclita gloriam.
 Magno illam populus stupens
 Spectabat studio, quae tenera virens
 Postquam perdiderat virum
 Aetate, haud aliis dedita nuptiis,
 Sed se tota vouens Deo,
 Hymnisq; & precibus sobria seruiens,
 Non templo extulerat pedem,
 Celestium meditans quàm pote gaudia.
 Quàm conueniunt pares
 Hinc Anna, hinc Simeon! Nunc quoque dexteram
 Iungunt, & vaga fontium
 Quàm curuo irepidans lympa salit pede,
 Quàm suaves redolent rosa,
 Et perfusa nuent mille recentibus
 Caeli prae coloribus,
 Nunc laudes pueri, nunc genitrix tuas
 Alternis iterant, nouo
 Mulcentes Superum pectora carmine.

Christus puer docens in templo.

GRATA secundi redit aura veris,
 Arua turgescunt Zephyro, & pruinis
 Quam modo horrebant vario renident
 Pascula flore.
 Surgit hirsutis coma nigra siluis.
 Frondeum infelix philomela nidum
 Pontis, argutum meditans canoro
 Gutture carmen.

En dies in se redeuntis anni
 Maximus, lato populis frequentis
 Totus accursu Solyma ad beatam
 Diuitis urbem.

uisquis antiqui satius est Abrami
 irpe, qui Numen veneratur unum,
 audet, & festam parat otiosus
 Condere lucem.

ter accinctos ad iter tribules
 onitur raptim comedendus agnus
 reger, nullis maculis, amaro
 Non sine agrestis

aula lactuca. Inbet hoc sacra
 ex, & hunc prisci tenere morem,
 eddita quondam memores salutis,
 Corniger ille

um Dei vates fera sub tyranno
 luit indigna iuga seruitutis,
 ductor ingentem referens perenni
 Laude triumphum.

Magnus, at multo tamen ille maior
 uis hic pollens opibus profundi
 Equoris vasto refluxus hiatu
 Diffidit undas,

en per excelsi caua saxa montis
 cti ducens genus, at prementem
 erga, conuoluens freta salsa, fluctum
 Obruit hostem.

Tunc diem quis non celebret dierum
 ptimum? Tuque o pia prater omnes
 irgo, celesti veneranda partu,
 Protinus urbem

pete, atque una properet maritus,
 Quique bis senos puer implet annos
 it comes, iam nunc Solymam, atque anitum
 Visere templum

Gestiens, nec se retinens paternas
 Quin palam tractet memorandus artes,
 Rite præludens operi quod omnem
 Impleat orbem.

Ite felices, pia turba, sacri ex-
 ordium regni. Sed enim peractis
 Diva cum sacris comitata casto
 Coniuge mater

Patrios gaudens repetet Penates,
 Sentiet carum sibi deesse natum,
 Inter agnatos rata fors, & inter
 Ipsæ propinquos,
 Queret, at frustra. neque enim supremo
 Sole comparet, sed abest, & usque
 Usque abest. Dulcem nequit illa ocellis
 Carpere somnum.

Multa dum voluens animum huc & illuc
 Cogitat, tandem placet ut coorto
 Mane, cum calo fugiens refigit
 Lucifer astra,

Magna qua mæsti tulerant viarum
 Tædia indigno geminent labore,
 Ora persusi lacrymis, & agro
 Corda dolore.

Creber it calo gemitus parentis,
 Nate clamantis ubi nate cessas?
 Nate quem finem statues meorum
 Sancte laborum?

Non ego quòd te genui volentem
 Hunc meis posco meritis honorem.
 Tute quam optasti tibi ne repente
 Desere matrem.

Hæc, & his fors san grauiora tristi
 Voce dum iactat, gemuere silva,
 Et fera, & mæsto volucres repleverunt
 Æthera questu.

ed nec apricis agit ille campis,
Nec latet silvis, hominūque cœtus
vitat. Humana veniens salutem

Porgere genti,

be querendus media. Neque istum
Alma detrectat genitrix laborem.
ululum tardat pudor, aſt amoris

Cedere flamma

gitur. Totam vaga lustrat urbem,
er fora, & vicos, per & angiportus
huos carum rogitanſ parenti

Prodere natum,

Nec quies. Ternos labor ille Soles
auſit, inſomnes totidemq; noctes.

Nec pares tanto poterant ſerundo

Esſe labori,

um piis ambo precibus ſacrato
re ſaſturi ſua vota templo,
orde præſago ſaliente, ab ipſo

Limine magna

ilium cernunt populi in corona

Ante grandænos agitare Patres

ſacra quo vatū meditata cuique

Carmina ſenſu,

la præſertim quibus adfuturū

oncinnunt regem noua qui reducens

ecula & pacem ferat, & quietis

Otia terris.

umq; ſublimi mediū Senatu

ſuſſerens magno attonitas ſtupore

mnium mentesq; oculosq; ubi in ſe

Verterat unum,

Mater accedens tremebunda, ſuſis

acrymis æſtos memorat labores.

Ille sed perstat, potiora summi

Munia patris

Debito matri anteferebat honori.

Mox tamen latam sequitur, parentum

Subditum molli imperio, & tenelli

Legibus ani.

Christi pueri obedientia in parentes.

In proprios parentum

Quam sancta iura natos

Fundavit illa sollers

Natura, ne quis auset

Aut provocare dictis,

Aut concitare factis,

Eumve eamve prima

Quos norit esse fontem

Originemq; vite!

Quò blanda ducit ultrò

Natura lex eodem

Compellit, atque acerbio

Extorquet aqua poenis

Quod debeas amori.

Si non timore poena

Moveris, aut amore,

Hunc intueri virgo

Cui mater est puellum.

A matris ore pendens

Huc torquet usque ocellos,

Totumq; amore languens

Suspirat usque matrem.

At quis putas puellus,

Quòve editus parente?

Parente, qui supremi

Super alta tecta cali

Solio sedens eburno,

Sceptro:

Sceptroq; nixus aureo,
Hunc, quantum est, potenti
Dextra gubernat orbem.
rennis hic perennem
Voluit sibi esse natum,
Æquans ut parenti,
Æqualis, atque confors,
Et cuncta procrearet,
Et procreata semper
Sernaret, inquieto
Dum secula supplet ætæ.
Depingit ille terram
Vario colore florum,
Candentibusq; stellis
Depingit ille Olympum,
Attollit atque montes,
Extendit atque valles,
Conuestit arua fruge,
Colles coronat vuis.
le aëri volucres,
Quas pluma fert per auras,
Immittit ille pisces
Vndis, feraq; silvis,
A vertice usque cali
Imi ad profunda ponti
Sua præferens opimo
Ut fercula in triumpho.
Et tam venusto & amplo
Ne deesset in theatro
Spectator, editarum
Quimotus arte rerum &
Fulgore tam benigno
Applauderet parenti,
Hominem sua ipse dextra
Luto creauit vdo,

*Qui particeps vigoris
Caelestis atque flamma,
Dei instar vniverso
Felix praesset orbi.*

*Servire iussa tellus,
Servire iussus aether,
Servire quicquid ambis
Fulgente Phœbus axis.*

*Felix ô ille felix,
Tanto eminens honore
Sigratus, ut decebat,
Agnosceret datorem.*

*Princeps sed ille nostra
Exordiûmque gentis
Adamus (heu) maligni
Dum fraudibus colubri
Persuasa suadet vxor
Vetitum comesse pomum,
Ferox, superbus, amens,
Sue immemor salutis,
Quam criminis nefandi
Labem induit pudenda
Contagione seros
Traduxit in nepotes.*

*At noster iste, virgo
Cui mater est, puellus,
Sine labe natus vlla,
Quo ceteri laborant
Fatale vulnus ipse
Suo abluens cruore,
Sanabit, atque reddet
Nos pristino nitori.*

*Peccarat ille fastus,
Diuina iussâ temnens,
Piabit iste fastum,*

*Divina iussa adimplens.
Generæ en Deûs puella
Vt quilibet vel ima
De plebe natus infans
Obtemperat parenti.
Generatur illa natum,
Cælo quòd ortus alto
Se subdit ipse matri,
Terrestris unde origo,
Se subdit & marito,
Qui fertur esse, matris,
Quam magnus atq; pollens,
Tam blandus atque mitis.
Res mira, res stupenda!
Divina iuncta nostræ
Natura non laborem,
Non corporis sacrati
Tormenta, non atrocem,
Nos ritè ut expiaret,
Abominata mortem.
Tu, quisquis es, superbum
Ah pone pone fastum.
Nam quisquis es, supremi
Te maior ille cali
Rex, puniens rebellem,
Daus præmia obsequenti.*



AD PVERVM IESVM.

EN tibi sancte puer comites adiungere cunis
 Quos iuuat, & festis concelebrare tuis.
 Non illi indecores regnis quæ maxima condes
 Victor, & ad cæli sidera summa feres,
 Sed clari meritis, clari pietate, perennem
 Firmabunt stabili religione fidem,
 Qua, Deus humanos quòd sis indutus in artus,
 Humani generis crederis esse salus.

HYMNVS DIVO STEPHANO

DICTVS.



*VLTOR Pieridum non piger hortuli
Parnassi gelidis dum moror in iugis,
Festo (quod vacuis fas fuerit) die
Hoc vnum meditans opus,*

*Ut pingant nitidis ferta coloribus
Nigrantes viola, & candida lilia,
Aut cum luteola caltha decens coma,
Et certans rosa purpurea,
Non fama cupidis pramia bellica,
Quos Martis stolidi sollicitat labor,
Dum turpi rabie per scelus & nefas
Terris exitium ferunt,*

*Sed quos iustitia cultus amabilis,
Quos ardens pietas, almaq; veritas
Sub Christi docuit militia iugo
Calo vim facere arduo;
Insigni ante alios te referam lyra,
Cingens purpureis tempora floribus,
Qui Graio Stephanus nomine diceris,
Nomen pro meritis ferens.*

*Tu Christi decus es, tu columen gregis,
Tu Christi segetis gloria, nam velut
Selectas Superis primitias pi
Libare agricola solent,*

*Sic Christus comitum, quos sibi sumpserat
Cum regnum moriens instituit nouum,
Exemplo voluit primus uti suo*

*Mortem eadem oppeteres via
Qua deinceps aliq; atque aliq; duces,
Quos omnis venerans posteritas colet,
Non vi, non gladijs, non opibus suis,
Sed firma in Dominum fide,*

*Cui Spes certa comes, cui comes est Amor,
Immanes populos regnâque Barbara
Stranere impanidi, mox super aethera
Euecti ad Superum domos.*

*Et quem precipuis inclita laudibus
Virtus ô iuuenis non moneat tua?*

Tu vatum monitus, tu data patribus

*Iura, atque historias tenens,
Duclûsque hoc veluti tramite, quam semel
Inuenta imbiberas vim sapientia
Eructans alijs, muneris ac tui*

*Partes egregiè gerens,
Quam gratus Superis, quoslibet efficax
Morbos corporibus pellere languidis,
Tam inuisus Stygij concilio Iouis,
Mortis supplicium subis.*

*Sed, mortis genus hoc cui placuit, Deus
Ut nato instituit te comitem suo,
Sic nati voluit cernere gloriam,*

*Quæ mortem efficeret leuem.
Damnandus medio sisleris in foro.
Damnaturi oculos injiciunt truces.*

*Stat circum horribilis carnificum manus,
Et vulgus fremit improbum,*

*Cum tu sidereo blandior enitens
Vultu, non precibus, non lacrymis agens,
Sed Christi imperium strenuus asserens,
(Et nil tunc odio magis)*

*En (inquis) patet en regia Calitum.
En regis solium, en progeniem patri
Clandentem latus, & quicquid erit mali
Stantem praesidio suis.*

*His dictis, furor ut creuerat impius,
Indefensum auda proripiunt manu,
Abductumque procul mœnibus urbicis,*

Ceu dirus foret ac sacer,
 nie Etu lapidum tota premit cohors.
 Et saxis patiens ipse sonantibus
 Pandens & latera & conspicuum caput,
 Ut vernis olera imbribus,
 Dein flexo placidè compositus genu,
 Attollens oculos, innētāque brachia,
 Ac fonti populo quod faceret nefas
 Toto ignosci animo rogans,
 Ceu pratis redolens suauē virentibus
 Flos quondam aëria grandine saucius
 Procumbit moriens, voce nouissima
 Commendans animam Deo.
 At Victor violens cum super igneum
 Calesti chorea se ingereret polum,
 Apparet medio Christus in agmine,
 Lato illum excipiens sinu.
 Tum, quæ pollicitus munera, largiens
 Cali inter procures perpetuum decus,
 Mortem esse edocuit, si bene vixeris,
 Vita principium nouæ.
 Quæ quanto melior, tota periculi
 Experts, nec dubijs subdita casibus,
 Tanto consequitur quàm malè viuere
 Esse optabilius mori.
 Hinc ergo veterum more parentium
 Festa cum colimus Calicolas prece
 Natalem accipimus quo pius occidit,
 Non quo quisque oritur diem.
 Quos inter proprium fit Stephane hoc tibi,
 Quod partum athercum virginis aurea,
 Cui princeps pretium sanguinis es suus,
 Natalis sequitur tuus.

DIVO IOHANNI APOSTOLO
ET EVANGELISTAE.

Tu quoque Iohannes, summi quem gratia regis
Euenit ad summum decus,
Calesti puero qui virgine matre creatus
Seruauit humanum genus
Dum natalitios per carmina dicimus hymnos,
Flexoque pro cunis genu
Spargimus Aonio natos in gramine flores
Quos longa non ladat dies,
Huc ades, huc nunc procede insignis amictu,
Longaque formosus coma,
Us nexam simili capias de fronde coronam
Nostra laboratam manu.
Nam simul ac croceo lux tertia fulserit ortu
Natalis incurret tuus,
Turbaq; velatai supplex se effundet ad aras,
Tuo dicatas nomini,
Quod sperare suis meritis non ausit id omne
Ut precibus impetret tuis.
Præstantem tot enim quis te virtutibus æquet,
Calone sit carus magis?
Tu primum teneris Christo coniunctus ab annis,
Virgoq; virginem colens,
Et quanto senior, tanto quoque gratior usu,
Seruans amorem mutuum,
Dignus eras cui se diuino panderet ora
Celso in Tabori vertice,
Dignus suprema cum iam post fercula cena
Sese ipse vescendum dedit
Ante alios omnes domino qui proximus esses,
Eodemq; discumbens sinu
Haurires dulcem calesti pectore succum,
Materno ut infans vberere.
Vnde & parta tibi vis illa & copia fandi
Tarrentis instar feruidi,

Qua satur eructans geniti mysteria Verbi,
 Sublimis in calum volas.
 Quid referam noctem qua non obscurior ulla,
 Nec fœda, nec tristis magis,
 Cum tu, cumq; alijs læsi graue crimen amoris
 Turpi subiistis fuga?
 At illi indecores tutis latuere sub antris,
 Quâ quemque adegerat timor,
 Tu rediens magno magnis in rebus amico
 Immotus hæstisti comes.
 Atque adeo infami cum fixus in arbore pendens
 Inter nocentes innocens
 Cerneret astantem mæsta cum matre, dolorem
 Leniret ut verbis trucem,
 Illi te natum, matrem tibi tradidit illam.
 Qua lege desponsi semel,
 Aeternum aeterno iunxistis fœdere vitam
 Quàm coniungum nexus tenent.
 Dein mortis domitor postquam Infræ regna relinquens
 Pedem sepulcro protulit,
 Accurrens subito (nam Petrus tardius ibat)
 Ut vacua vidiſti loca,
 Rem factam socijs properas dicturus in urbem.
 Nec habita dicenti fides.
 Tu credis tamen, & matri, qua prima reuersum
 Vidisset, augeſ gaudia.
 Mox etiam curuo staret cum litore, spectrum
 Sodalibus visus tuis,
 En inquis dominum. Cuius vi nominis alter
 Vndoso inambulat salo.
 At cum iam patrio victor conscendit Olympo,
 Et dona misit ignea
 Ætheream inspirans auram, ô qua tua virtus,
 Quæ fama, & ingens gloria.
 Cum Petro assidue comes imperterritus ibas,
 Ceu binâ mundi lumina.



AD GVLIELMVM SIRLETVM,
CARDINALEM.

DVM varias inter curas hominumque labores
Assidua versas scripta sacrata manu,
Mentis & intendens oculos ad lumina cæli
 Alius erecto vertice vera sapis;
Nec soli prodesse tibi contentus iam hostem
 Surgis, & arrepto bella gerens calamo
Æternos sophiæ seruas à furibus hortos,
 Hactenus occultis qui nocuere dolis,
Et procul immundos arces a fontibus apros,
 Vt sitiens puras hauriat hospes aquas,
Hos Elegos venerande tui Sirlete clientis
 Exiguum, at magni pignus amoris habeo.

IN

IN NATALEM CHRISTI ELEGIA.



ARVE puer, magno soboles aqua parenti,
De genitrice puer, de genitore Deus,
Atque idem indutus moribundi corporis
artus,

Idem sine simul principioq; carens,
Æterni patrisq; vigor, patrisq; potestas,
Et quamvis genus nil genitore minor;
Qui terras, vastiq; maris liquentia regna,
Et calum, & celi lucida signa regis,
Qui facis ut variis distincto partibus anno
Sit modò luce labor, sit modò nocte quies,
Ver generet flores, undans stet frugibus æstas,
Poma det autumnus, corpora curet hiems,
Nunc pacem seruent, ineant nunc prælia venti,
Nunc niteant Soles, nunc caput imbre tegant;
Cum penitus toto nil admiremur in orbe
Quod non arbitrio stetq; cadatq; tuo,
Quodq; velis factum præstet tua sola voluntas,
Natura Domino morigerante suo,
Que te parve puer traxit tam magna cupido,
Quis nostri generis tam violentus amor,
Ut talis tantusq; ab, toto pectore qualem
Haud capere humani vis queat ingenij,
Virgineo inclusus thalamo, castoq; cubili,
Factus sis nostra conditionis homo?
Es Deus, & quoniam Deus, es simul omnia & unum,
Nec tua quo virtus crescere possit habes,
Sed tamen afflictis hominum succurrere rebus,
Et cum delicijs te iuvat esse tuis.
Ergo hominem pietas atq; indulgentia fecit,
Verus homo humanis ut medeare malis.

*Hoc rerum dominum serui sub imagine texit,
 Corporis hoc fecit vincula ferre Deum,
 Ferre deum nostros non aqua sorte labores;
 Nos contrà proprijs ornet ut ipse bonis,
 Ornet, & ornatos fulgentibus inferat aëstris,
 Aëternis celi ciuibus annumerans.
 Natus homo es, nulli sed parturiente dolores
 Matre, nec amissus virginitatis honor.
 Illa quidem ternis uterum ter mensibus auxit,
 Ast uteri interea tedia nulla tulit.
 Partim hominem, partim ista Deum testantur, & unum
 Efficeris, duplici sed ratione, caput.
 Vt Deus, ingenti promissis miracula plausu.
 Res hominem dura difficilesq; manent.
 Hoc humilis clamat sors & fortuna parentum,
 Hoc lacera, & pecori vix satis apta casa,
 Et nullo quòd strata nitent cunabula cultu,
 Sed vilem præstant stramen & herba torum,
 Nec quidquam gelidae pellas quo frigora brumæ,
 Dant nisi quòd modicam bos & asellus opem,
 Dum tepidis molles recreant afflatibus artus,
 Et dominum agnoscunt quo pote seruitio.
 Fallor? an æthereas vagitum tollis in auras,
 Atque vrit teneras lacryma salsa genas?
 Ab teneras ne lade genas, ne lade parentem,
 Quæ simul effusis flebit & ipsa comis.
 Parce puella metu, parce ô pulcherrima rerum.
 Non opus ut turbet gaudia tanta dolor.
 Non minus ille Deus, quòd flentem conspicias. Ecce
 Fulgentes oculos, ignis ut instar habent!
 His te lacrymulis, his te compellat ocellis,
 Turgidulis inhians languidus vberibus.
 O virgo simul & genitrix, huc usque pudoris
 Virginei satis est, fer genitricis opem.
 Maternum petit auxilium. An cunctaberemater*

Lactēolos auso prona aperire sinus?

Tolle moram, tumidas pascendi porge mamillas,

Ambrosio tristē pellat ut amne sitim.

Mox satur iniiciet candenti brachia collo,

Et lentus roseas serpet adusque genas.

Dulcia tunc blando miscebitis oscula ludo,

Quorum nec numerus, nec modus ullus erit.

Applaudent Superi, & latum Paena canentes

Spargent purpureis lilia mixta rosis.

Mox etiam paribus sulcantes aëra pennis

Implebunt latis aurea rura sonis,

Vulgabuntque piis sacra mysteria noctis,

Nocte quibus teneros pascere cura greges.

Nec mora, quæ iussi visent cunabula, viset

Vndique vicini conscia turba loci,

Lata nouum celebrans partum rumore secundo,

Rusticaque, intextis dona ferens calathis.

Quæ tu parue puer, non auersatus agrestes,

Accipies lata quantulacunque manu.

Scilicet amplectens inopem sine crimine vitam

Pastoris veri nomen & ipse feres,

Pastoris veri, qui non detrectet acerbam

Pro grege seruando fortis adire necem.

Plaudite pastores. Simplex hunc cultus honorem

Vester, & emerita est iuncta pudore fides.

QVID mihi quod videor sonitus audire tubarum,

Et procul hinnitum Martius edit equus?

Concita precipiti properant simul esseda cursu,

Et calum nubes pulueris atra tegit?

Castra mouent magni Nabathæo à litore reges,

Pulcher ubi tremalis surgit Eous aquis.

Non tamen ut validas expugnent viribus vrbes

Aut furor, aut iustus concitat arma dolor,

Sed pacis cupidos dator ut te pacis adorent

*Sancte puer longas suasit inire vias.
 Stella recens picto magnum decus addita celo
 Pronocat, & recto tramite signat iter,
 Stella salutariprodens te sidere regem,
 Qui regna arbitrio des adimaiq³ tuo.
 Felices animi cali quos cura remordet,
 Et facit erectum tollere in astra caput.
 Addiscent illinc vitæ fomenta beata,
 Addiscent unum nosse & amare Deum.
 Pergite felices. Coram quem quaritis hic est.
 Stat in bar, occultam nec finit esse casam.
 Tres capit Heroas angusto villula tecto,
 Et videt inflexo ponere sceptragenu.
 Aspicte curuatas onerant ut fercula lances.
 Aurum, tus, myrrham, mystica dona, ferunt.
 Arridet puer, & tantos agnoscit honores,
 Attrectans cupida munera grata manu.
 Ad matrem tamen obliquos detorquet ocellos,
 Torquet & illa simul, suauiolumq³ rapit.
 Mirantur procures augustæ lumina forme,
 Atque iterum atque iterum vota precesq³ novant.
 Mirantur comites, nulla & tam Barbara mens est,
 Que non præsentem sentiat esse Deum.
 Dant plausum. Pariter respondent undique siluæ,
 Et letum ingeminant litora curuæ sonum.
 Exultant scopuliq³, & pulchro vertice colles,
 Et maiore cadunt murmure fontis aquæ.
 At matri tacitum permulcent gaudia pectus,
 Que partem tanta laudis & ipsa ferat.
 Nunc mater gaude, nam quæ ventura sequuntur
 Tempora, solliciti plena laboris erunt.*

*ECCÆ furens animis Solymæ regnator acerbis
 Ab puero insidias exitiumq³ parat.
 Nèue error seruet mori quem destinat atra,*

*Aut aliud feriat, quam petit ipse caput,
 Occidi latè infantes simul imperat omnes
 Annos qui nondum prateriere duos.
 Jamq; aderit stricto qui sauiat ense satelles,
 Materno rapiens pignora cara sinu,
 Atque hos atque illos promiscua funera mactans,
 Inmanis teneras ceu lupus inter oues.
 Forsitan & matrem feriet, sua viscera mater
 Corporis obiectu si miseranda tegat.
 Et qua non iugulum tunc ultro prabeat, vllus
 Si precibus locus est, possit ut ante mori
 Cernere quàm natum crudeli morte peremptum,
 Quò modò sit tanto facta dolore parens?
 Quin & erit verbis iram qua pronocet, & qua
 Infantem aduersi illidat in ora viri.
 Landabunt alia lapsantem in sanguine nati,
 Optabunt animos & sibi quisque pares.
 Tum verò accrescet rabies succensa pudore,
 Tutaq; qua pragnans non erit vlla nutrit.
 Impius extantem ferrum demisset in aluum
 Miles, & inuenient hac quoque fata viam,
 Non nati ut dulcem linguant in limine vitam,
 Ceu rosa purpureas nondum adaperita comas.
 Herodes scelerate tuam qua insania mentem
 Occupat, & vexat tam furiale malum,
 Ah nunquam Siculi quod tentauere tyranni,
 Auditum tragicis nec fuit antè choris?
 Tūc Deo speras (ò fœda & dira libido!)
 Vires facere, aut vllis posse nocere modis?
 Tūc Dei mentem, atque aternas bellua causas
 Mortali demens vertere consilio?
 At metuis regno, quia regem parturit orbis.
 Pone metum, regno nil perit inde tuo.
 Ille, Dei soboles, teq; & mortalia spernet
 Sceptra, pios animos religione regens.*

nos volet aeterna secum post luce potiri,
 Cum premet atra tuum nox furiose caput.
 nunc dabis infando ingentes pro crimine poenas,
 Tisiphone ultrices incutiente faces.
 nunc è etiam tempus veniet cum perditus optes
 Posse mori, at longam mors trahat usque moram,
 dum morbus lenta depascit viscera tabe,
 Et suus excruciet singula membra dolor.
 Nec stupor obtusos percellet frigore sensus,
 Ipsa nonis crescet mens agitata malis.
 Occurrent dira facies, Pallorq³, Pauorq³,
 Quicquid & Infernas excubat ante fores,
 Aridaq³ ardebunt tristi praeordia flamma,
 Quanta nec Aetnae astuat atra focis.
 Talia crudeles spectent exempla tyranni,
 Atque iisdem pereant qui meruere modis.

SED tu Diva parens puerum ne crede furenti,
 Nec pigeat longa tedia ferre fuga.
 Caestis monitam voluit Deus ipse ministro
 Ut Pharon, & Nili diuitis arua petas.
 Arua pete antiquis bene nota parentibus olim,
 Nunc tamen exilio nobiliora tuo.
 Obuius excipiet lato te flumine Nilus,
 Ostentans placidas ambitiosus aquas,
 Et quae monstra suo fert plurima turbidus amne
 Agnoscent posita te feritate Deum.
 At caro noceat capiti gravis anxia caneto,
 Et tenerum tepido fer bene cuncta sinu.
 Nec trepida si forte tuas pervenerit aures
 Vel rheda strepitus, vel properantis equi.
 Ipse licet veniat magna stipante caeterua
 Rumpere iam coeptum non queat hostis iter.
 Caestis vetet hoc qui te comitatur euntem
 Aliger, & tutam praestat ubique viam,

*Aliger horrendus nunc cuspide, blandus at olim,
Cum tibi de partu nuncius astiterat.*

*Tu quoque virginei custos memorande pudoris,
Nec vir, nec pater, at nomen virumque ferens,
Ipse manu placidum ducens cunctanter a sellum
Prospice securo vadat ut ille gradu,
Nec labet acclini seandat seu tramite montem,
Incurvo vallem seu repetat capite.
Ipse sacrum agnoscit pondus, sed fortius ibis
Et plausu, & blanda voce rogatus heri.
Aspice demisso nutantes vertice palmas.
Ipsa vocant avidas mollia poma manus.
Da puero, & tenera munuscula grata puella,
Quò minus esse gravem credat uterque viam.
Lude puer pomis, nona sed miracula nullum
Convincant Pharios numen habere Deos.
Quacunque ingrederis sacris gestatus in vlnis,
Circumagens cali quod regit astra caput,
Ecce iacent fractis simulacra ingentia membris,
Tympanaq; & nullo turpia sinistra sono.
Hoc Jsis gemit, & gemit hoc latrator Anubis,
Omnis & eversis territa turba sacris.
Causa latet, quis enim tantilli corporis umbra
Crederet ingentem posse latere Deum?
Tu tamen ille puer cecinit quem dia Sibylla
Vidtrix cum Pharias Roma teneret opes
Venturum latè regem, dominumq; potentem,
Æterna mundum qui ditione regat,
Celesti genitore satius, celestis & ipse,
Vera sed humani corporis ora gerens.
Tu puer Hebraeus natum quem plorat Apollo
Pythius, Infernos inssus adire Lares,
Iussus sortilegis cortinam relinquere Delphis,
Iussus apud Lycios, inssus & Ortygia,*

*Nec vatū inspirans mentes, nec pectora torquens,
 Sed penitus toto maſtus in orbe ſilens.
 Querite cur terris ceſſent oracula Gray,
 Quarite. Sed fruſtra ſumitur iſte labor.
 Hunc puerum docta nondum ſi noſtis Athenæ,
 Ignoto ſed adhuc ſtat vetus ara Deo,
 Agnitus excelsa turbabit ab arce Minervam,
 Falsaque diuerſis Numina mille locis,
 Numina, quæ Stygiis orbem merſere tenebris,
 Ipſa ſed ad Stygios nunc abitura lacus.
 Nos æterna manet lux, & bona plurima lacis.
 Nox fugit, & caca quæ mala nocte latent.
 Aurea pax orta eſt terris, deſcendit Olympo
 Iuſtitia, & veri non ſimulatus amor.*

*HACTENVS hæc. Super eſt ſed enim robuſtior ætas.
 Cuius ſi laudes & benefacta canam,
 Nec ſileam qualesq; feres quantosq; labores
 Humanum reparas dum venerande genus,
 Non vox vna ſacis, non lingua, & forſitan addam
 Plurima natali non bona verba diis.
 Nec teneant lacrymas duro licet obſita ferro
 Pectora, vel Libycis aſſeriora feris.
 Sancte puer, quoniam tota plebs nocte dieq;
 Pernigil ad cunas cum prece vota facit,
 Omnia quæ ſacro caſtus præit ore ſacerdos
 Annue. Natalem fac iuuet eſſe tuum.*

VIRGINI MATRI LAVRE-
TANÆ VOTVM,

SIVE

Vnde orta scribendi De partu Virginis
opusculi occasio.

DIVA parens nostros toties miserata labores,
Extremis toties auxiliata malis,
Nec timidum certis occumbere passa periculis
Quaę, forent terra, quaę, adeunda mari,
Que tibi pro tantis Superum regina merenti
Muneribus grata premia mente dabo?
Ædificent alij solido de marmore templa,
Ampla quibus largas arca refundit opes,
Et vetus argentum, vetus hic tibi splendeat aurum.
Deferat huc niueum discolor Indus ebur.
Hic tibi sint variis Arabum distincta lapillis
Grandia Sidoniis pepla recocta focis,
Molliaque intextis surgant aulae figuris,
Barbara quae tenui femina pinxit acu,
Ac benè materiam postquam suspexerit hospes,
Materiam vinci clamitet arte manus.
Talia qui donent laudemque decusque mereri
Crediderim, dignos semper ubique coli.
Ecquid enim toto tam rarum cernitur orbe,
Quod pietas meritis deneget alma tuis?
Sed duro tamen est aliquid viuacius ære,
Est lapide, & concha pulchrius Oceani,
Quod non solus Arabs, aut diues possidet Indus,
Et celeri externo fertur ab orbe rate.
Sed vates fecere pii, caelestibus usq;
Auspiciis, docta nobile mentis opus,
Mentis opus, quo non aliud præstantius ullum,
Nec donum calo gratius extiterit,

Mentis

entis opus, nihilo minus immortale coruscans
 Quàm qua sidereo mens venit ipsa polo.
 Non illud Martis rabies, non turbidus Austet,
 Non perimant casu fulmina missa graui.
 Et pieta pereunt tabulae, grandesq; colossi,
 Sive hominem simulet, seu labor ille Deum.
 gentes pereunt vrbes, immania regna,
 Seu tua rex Macedo, Romule sive tua.
 Nos nisi Pierio texisset Musa sub antro,
 Nulla illaudati nominis umbra foret.
 cetera cum longa pereant consumpta senecta,
 Et nunquam redeat qui fuit ante vigor,
 Ingenij monumenta manent, succrescit in horas
 Gloria, & extenta posteritate vires.
 Musa mori vetat, & longum diffundit in aenum,
 Dum sua virtuti premia ponit ouans.
 Atque hominum blando demulcens corda lepore,
 Mulcet & aternos non minus illa Deos.
 Illa etiam templis meritos indicit honores,
 Et facit ad nostras Numen adesse preces.
 Tum vatem quemcunque sacra semel imbuit vnda,
 Et dedit Aonio fundere verba sono,
 Morte obita, humanos cum spiritus exiit artus,
 Ipsa manu campos ducit in Elysios.
 Haud tamen immundos fas huc transire poetas,
 Quorum virgineus fugit ab ore pudor.
 Sit satis hos turba quondam placuisse salaci,
 Dum canitur medio turpis amica mero,
 Atque aliquem sculpto titulum superesse sepulcro,
 Notaque librorum nomina fronte legi.
 Casta placent Superis. Si casta poemata, vinct
 Auctor, & extrema cum venit hora die
 Qua mare, qua tellus, conuulsusq; ardeat aether,
 Et redeat fracto terrificum orbe Chaos
 Caestes inter choreas, caestis & ipse

Pars chorea, arguto pracinet ore melos.
 Intenti accurrent Superi, colloque canentis
 Iniicient auida florea ferta manu.
 Ipsa caput cinctum lauri frondente corona
 Adduces nati Diva sub ora tui,
 Flammantésque dabis radios, vultúmque tueri
 Siderem immotis posse supercilis.
 At Deus omnipotens solio sublimis eburno
 Antiquum reputans mente creator opus,
 Et memor ut quondam nostros indutus in artus
 Sanguine proclivem stravit ad astra viam,
 Tum verò ingenti vinctus genitricis amore,
 Non poterit votis durior esse tuis.
 Ipse igitur vatem quem calo digna locutum
 Comperit humanis altius isse modis
 Annuet aeternis procerum discumbere mensis,
 Atq; epulas casta concelebrare lyra.
 Ille tuos referet partus. Nec mollius vllum,
 Aut magis accendens gaudia carmen erit.
 Hæc ego sancta parens tota sic mente volutans
 Hôspes ad Hadriacas forte ferebar aquas,
 Brachia quâ curvans in portum contrahit Ancon,
 Et procul aduersos aspicit Illyrios,
 Quâque ferox nota Pænorum strage Metaurns
 Vmbrorum latos irrigat almus agros.
 At sacri nemoris dorso tibi plurima frondens
 Laurus odoratas explicat alta comas,
 Et sua marmoreis imponens nomina templis
 Non ita se Delphis iactat Apollineis,
 Non Lyciam, non Delon amat, quin Thessala sternis
 Tempe, oditq; tuum Phœbe superba caput.
 At Mariam laureta sonant, Mariam alta reclamant
 Litora. Quo audito ventus & unda silent,
 Horrida tempestas leni conueritur aura,
 Et volat excussa tota carina metu.

*Agnoscent duri cursus solatia nante,
Et quæ polliciti reddere vota parant.
Ipse gubernator puppim de more coronans
Te dominam plena voce salutat ouans,
Atque ait, O Ebalij valeant, mala sidera, fratres,
Certior hæc sæuo stella reperta mari.
Tunc ego progressus portu quò celsa vocabant
Culmina delubri conspicienda tui,
Dein sacrum genibus perrepens limen ubi aram
Aspexi, tactus religionis loci,
Protinus & duplices tendens ad sidera palmas,
Ritè pias animo concipiente preces,
Mæque meosque tibi deuoni sancta, labores,
Pieria parerem quidquid ab arte potens.
Hæc igitur tenui deducta poemata filo,
Dum inuat Ausoniam sollicitare chelyn,
Et numeris vulgare tuas pulcherrima laudes,
Reddimus integra debita vota fide.
Tu natum mihi concilia, tu remque domumque
Serua, tu patriæ fer pia mater opem,
Vt qui nunc nostrum turbat Mars impius orbem
Dura vel in Mauros, vel terat arma Getas,
Nos pax alma nouis plaudens circumuolet alis,
Aurea pax, terris aurea dona ferens.*

DE CHRISTO IN CRUCE PEN- DENTE ELEGIA.



*Q*uod non hic furor? aut quæ vos insania cives
 Arripere infesta compulit arma manu?
 Hostis an ad portas sedet, & quassata fatigat
 Mœnia seu Pharius, seu malefidus Arabs?
 Forsan & Ausonide terrent, & prisca maligni
 Sacra vetant sôlitis concelebrare modis.
 Nil horum, placida securi pace fruuntur.
 Sed qui scire velit quid paret iste furor,
 En captum adducunt regem diuinitus olim
 Promissum, terras qui ditione regat,
 Nomen & Abrami veteris super athera tollat
 Nobilis, æterni conditor imperij.
 Nec cepisse satis, pœnas cum sanguine poscunt,
 Senaq; non ullum nouerit ira modum
 Donec ab infami suspensus robore vitam
 Finiat, atque insôns facta aliena luat,
 Haud aliter sacras quàm quæ mactatur ad aras
 Victimæ, placatum conciliatque Deum.
 Quale sed hoc regnum est? Virumne a funere viuet,
 Et domita sceptrum morte tenebit ouans?
 Hoc erit, & bene sit. neque enim nos sômnia ludunt,
 Vanag; spes falsis ducit imaginibus,
 Sed dictis agimur vatum, & quæ cernimus ipsi
 Nil dubitare sinunt quin sit habenda fides.
 Quicquid enim noto præscripsit carmine Moses
 Cum iam Niliacis egrederetur agris,
 Siccaq; diffisso ferret vestigia ponto,
 Sensit ubi infidas mox ferus hostis aquas,
 Integrum & nitidum mandans occidier agnum,
 Huc facit, & nostras approbat historias.
 Ille ille informes agrè qui sustinet artus,

Qui

Qui madidam fuso sanguine tingit humum
 Transfixus rigido ferro plantasque manusque,
 Perfodit tenerum cui grauis hasta latus,
 Denique ut ostentent noua per ludibria regem,
 Cui ledunt lacerum spinea serica caput,
 Nudatus socijs, nec quidquam adiutus amicis,
 Solus, inops, nullis firmior alloquijs,
 Impia sed dira patiens conuicia lingua,
 (Qua grauior nulla est pœna, nec asperior)
 Immisit tandem confectus morte, sed ante
 Non moriens constet quàm voluisse mori,
 Cum uolet exanimis iterum penetrabit in artum,
 Et veluti positus pulchrior exuijs
 Exilit, atque alios serpens sibi computat annos,
 Imposito surget fortior e tumulo.
 Surget io rediuius, (foio omnis ubique
 Turba canet, mira conscia latitiae)
 Surget, & optanti referet noua gaudia matri,
 Et noua dilectis gaudia discipulis,
 Quos illo atque alio sumptis timor horridus alis
 Turpiter occultas egerat in latebras.
 Nec mora longa, dies primo qui tertius ortu
 Aduentans roseo lumine sparget humum
 Calesces inter choreas hos ire triumphos
 Cernet, & aeterna religione sacer
 Festa coronatis accendet lumina templis,
 Ingeret accensis & pia tura focis,
 Dulciaq; albatu recinunt dum carmina mista,
 Et crepitant dulces ara repulsa sonos,
 Mystica sacrae iterabitur hostia mensis,
 Hostia presentem certò habitura Deum.
 Quam supplex venerans gestu plebs omnis honesto
 Sobria caelestes pascet & ipsa dapes,
 Pastaq; securum peraget feliciter annum,
 Tutu Deo, tantum si modò fida ducem

*Servatis sequitur signis, se aptatq; labori,
 Furata subiens munera militie.
 Tunc tunc ingenti CRUX effulgebit honore,
 Aurea stans celsa conspicienda trabe.
 Quam nunc horrenti defixam cernere campo
 Si pudor est, ipsi sit graue carnifici.*

*ANTE sed optato quàm tertius emicet astro
 Lucifer, & veniant quæ memoranda cano,
 Ferali linquens pendentia stipite membra
 Spiritus Infernas victor adibit aquas.
 Debellanda illic sæni fera regia Duis,
 Magnaq; de magna præda petenda domo.
 Quippe cruentatas quæ cæsa est victima ad aras
 Defunctis etiam lumen opemq; feret.
 Impia nam primi lustrans admissa parentis,
 Quicquid in extenta posteritate mali
 Inde per immensos orbi defluerit annos
 Eluit, & priscum reddidit omne decus.
 Nec contra Stygi valeat vis vlla tyranni.
 Cedet, & en piceo mergas ut amne caput.
 Ferrati emoto franguntur cardine postes,
 Et gemina duro clausa adamante fores.
 At trepidi fugiunt Lemures, incondita turba,
 Sed nimis heu nostris ingeniosa malis.
 Ingeniosa quidem, nostro si Marte resisti
 Credimus. Ecce Crucem, suspice, tutus eris,
 Corniger aratum ut lasis dux extulit anguem,
 Cuius ad aspectum parta repente salus.
 Diuulsis igitur claustris per vasta profectus
 Regna, prius nullis peruia luminibus,
 Ipse pios repetet Manes, quorum inclita virtus
 Digna quidem calo, si patuisset, erat,
 Sed nullis illuc meritis ascendere cuiquam
 Tunc prope præsentem fas fait ante diem.*

Obstitit aeterni sententia iudicis aqua,
 Haust aque natali noxia fonte lues.
 Vos adeo furui tenebris quos eruit Orci,
 Inferat ut luci sidereisque polis,
 Illustres animae vatū, regūq³, ducūq².
 Per quos Isacidū fama perennis erit,
 Et quotquot patrias leges ritusq³, tueri
 Impulit antiqua religionis amor,
 Ite duci comites. Nondum via trita, sed ipse
 Ipse per insuetum vos bene ducet iter.
 At victor patrium donec conscendat Olympum,
 Et secum pariter vos super astra vehat,
 Interea latis secreta sedibus unā
 Ferte breuem (Multis proderit illa) moram,
 Dum sese socijs & dum manifestus amicis
 Approbat haud fictam versus in effigiem,
 Sed gestans eadem diuino corpore membra,
 Purpureis etiam consita vulneribus,
 Quale decus fulgens ebori quod commodat aurum,
 Quale rubens niveo lacte remissa rosa.

SED quis tam facilem dicenti praebeat aurem,
 Ut quemquam credat viuere post obitum?
 An cruce depositus, quassis vix ossibus haerens,
 Quo premitur, saxi pondera deuoluēt?
 Credere qui velit hoc, credat quoque posse reuerti
 Tempora quae volucris praeteriere fuga.
 Sit satis impositis animas non claudier urnis,
 Corpora, quae terrae debita, terra premat.
 Lazarus at superest. Scio, sed qui Lazarum in auras
 Rettulit infestam cur subit ipse necem?
 Anne alium inueniet simili virtute sepultos
 Qui reuocans fati imperet indomitis?
 At quanto satius venienti occurrere leto
 Quam functos rursus viuere, ut intereant?
 Hac alij atque alij, sed quos terrena morantur,

*Figere nec calo lumina recta sinunt.
Caleſtes animos cali decet aſtra tueri.
Illo certa tibi fonte petenda ſalus.
Quem canimus regem, caeſti ſede profeſtus
Et Deus, & noſtra conditionis homo eſt.
Eſt Deus, aeterni conſors genitoris in anum.
Eſt homo, qui matrem nominet, & proauos,
Donec honoratum Ieſſæo ab ſanguine diſcens,
Donec ab Abrami poſteritate genus
Impleri doceat magni promiſſa parentis,
Qui tales genito conſtituiſſet auos.
Nec verò matris nomen te terreat. Illa
Quæ parit, & virgo eſt, coniuge digna Deo eſt.
Hoc quoque coniugium firmanſe vatèsque vetuſti,
Et cali dextro pronubus auſpicio.
Qui noua cum lecta ferret mandata puella,
(Aſt illi roſeus ſtabat in ore pudor,
Quòd ſponſi thalamos voto neſcire volenti
Vicini partus mentio facta foret)
En (ait) ætherea virtus te Numinis umbra
Cinget, & hinc nato fama paterna tuo.
Namque Dei ſoboles toto dicetur in orbe,
Dauidis ſolium, regnàque auita tenens.
Dixit, & ut virgo dictis aſſenſit, ab illo
Tempore diuini conſcia connubij
Conceptum tenero ſeruans ſub pectore, tandem
Edidit integra virginitate Deum.
Hoc etiam veteres non neſciuerè Sibylle,
Nec quanquam inuito Pythias ore ſilet.
Quid prima cantus, chorèæque, & gaudia noctis,
Quæ virgo genitrix, quæ puer ille Deus
Principium tantis dederunt immobile rebus?
Ortæque quid medio ſtella repente polo,
Stella Dionæo procedens pulchrior aſtro,
Vt rectum ad cunas præuia monſtret iter?*

*Taliacui nequeant accendere lumina mentem,
 Hunc nihil ab tantis eruet e tenebris.
 Quod si plura voles, totum discurre per aenum.
 Circumfert hominem, monstrat ubique Deum.
 Non dicam teneri cunabula prima puelli;
 Diximus, huius operi stat suus ante labor.
 Aspice crescentem iam pubescentibus annis,
 Aspice mox iuuenem, aspice deinde virum.
 Inuenies lacrymas, curasque, famemque, sitimque,
 Lassata inuenies membra dolore graui,
 Sed tamen hac inter natura incommoda nostra
 Plurima demirans quae venereris erunt.
 Fert dura? At nobis virtutum exempla relinquit.
 Mira facit? Dictis postulat inde fidem.
 Nam neque mortiferas depellit corpore febres,
 Nec claudis gressum restituitque pedes,
 Vel surdis aures aperit, vel lumina cecis,
 Imperat aut ventis, imperat atque mari,
 Et vanos populi plausus mercetur hiantis,
 Suscitet aut vano gloriolam capiti,
 Sed patria celi veniens legatus ab arce
 Ut terris facilem sternat ad astra viam.
 Hoc credi studet, hoc credentum errata remittit,
 Maior eo quam si suscitet ossa rogis.
 Deus est igitur nostros circumdatus artus
 Christus, & hinc illi nomen utrumque damus,
 cetera quid dubitas? Quod mors inde abstulit atra,
 Hoc mortis domitor reddidit inde sibi,
 se iterum insinuans positus pro tempore membris,
 Nunc tutis omni prorsus ab interitu,
 Quaeque per obstantes possint euadere moles,
 Quaeque procelloso insistere firma mari,
 enique & aërias niti librata per auras.
 Tantum illis liquida lucis & ignis inest.*

*Quid mirum? Mors victa iacet, lato aucta triumpho
Vita coronatis aethera pulsat equis.*

*Nec te supplicij genus, atque horrenda moerentur
Probra, vel in vilem non toleranda reum.*

*Quidquid enim proani, quidquid commisimus ipsi,
Committentq; alij quos sua sacra manent,
Hoc infons simul omne luit pro fontibus, aqua
Lance volens pœnas pendere pro meritis.*

*Adde quod ut doceat mala vincere cuncta ferendo
Præius ipse ultro pessima quæque tulit.*

*Scilicet hac dura causa est pulcherrima vita,
Causa quod infamem non renuitq; necem.*

*Quo postquam eximium nostri testatur amorem,
Vulneribus sanans vulnera nostra suis,*

*Ac mortem subiens ne mors nos terreat, alma
Porta quibus vita non nisi morte patet,*

*Impia despiciat per dentem in stipite turba,
At nobis eius mutuus adsit amor,*

*Mutuus adsit amor. quis enim tam spernat amantem,
A quo pauper opes speret, & omne bonum?*

*Qui tamen indecorem demens opponere regem
Ausit, & impuris polluere ora sonis,*

*Hic contra accipiat nihil ullo augustius auro
Spectatum Eois esse, nec Hesperiiis.*

*Atque utinam tantis par sit facundia rebus.
Ut sit opem vati porridge Christe tuo.*

*Quo mihi Romani Iouis ad delubra triumphi,
Atq; victrici fixa tropæa manu?*

*Quo mihi Pisæis quæ parta est gloria campis,
Gloria apud præscos unica Graiungenas,*

*Diuitis aut Cyri solium, vel regia Cræsi,
Tota nitens auro, tota nitens lapide?*

*Non ego purpureum malim spectare tyrannum,
Pars illandata qui modò plebis erat,*

Atque

Atque erit, instabilem si Fors inuenterit orbem,
 (Forſitan & miſerum deteriora manent)
 Non ego vel pugnīs, vel equo, aut luctamine primum,
 Cui cingant apio ſerta reniſſa caput,
 (Qui ſi forte nono repetat certamina luſtro,
 Viſtus & exploſus iurpiter obticeat)
 Quàm Dominum pro me, pro te tam dira ſeuentem,
 Paſtor ut incolumi pro grege prada lupis,
 Aut ſponſus teneram ſano à raptore puellam
 Eripiens valida per mala multa manu.
 Fœdatur piceo quem cernens illa cruce,
 Improbâne id falſum vertat in opprobrium?
 An potius tali tota ſe mente marito
 Mancipet, æterno conſocianda iugo?
 Hoc ſuadet ratio, ſuadet pulcherrima virtus,
 Rebus in aduerſis intemerata fides.
 At melior quanto, quanto eſt præſtantior ille
 Quo ſine non uſquam eſt, nec queat eſſe bonum?
 Hic igitur, tanta pro maiestate verendum,
 Si nobis naſci, ſi voluitq; mori,
 Atque in utroque pati, nos ut ſeruaret amicè,
 Men' pudeat, dignum nec reat eſſe Deo?
 Ne dubita, Deus eſt. Cuius certiffimus index
 Aſurgens humili de Cruce ſummus honos.
 Nam quanto propius nobis ſe dia poteſtas
 Aſſimilat, tanto plus quoque laudis habet,
 Admirabilior mundum quòd morte redemit,
 (Sic placuit) quàm quòd condidit è nihilo.
 Condere namque Deo facile eſt quacunque volenti,
 Credere difficile eſt ſed voluiſſe mori.
 Hoc voluit tamen, ingenti percuſſus amore.
 Et poſtquam voluit, quis potuiſſe neget?
 Non igitur plaga, non nos opprobria turbent.
 Quæ quicunque Deum non decuiſſe putat,
 Iſ ſecum recolat veri tot maxima ſigna

Numinis, & latro quæ rata dona tulit.
 Dat celum, & perfert fanda atque infanda. Quid ergo?
 Flecte genu, mentem surrige, Numen homo est.
 Aspice luctantem cum morte hominemq; Deumque.
 At vincit moriens, & tibi victor ouat.
 Erumpent lacryma rigido durante duello,
 Sed certus palma vota precesq; feram.
 Et cui non teneram ducis hæc constantia mentem
 Fulciat? En nullis flectitur illa malis.
 Interea mæsta plangunt per devia rupes,
 Et reboant mæsto vallium opaca sono.
 Ipsa suum lugens tristis Natura parentem
 Ora superfuso condit operta sinu.
 Densant se tenebra, tegitur caligine calum,
 Sueta reformidant munera Solis equi,
 Saxaq; dissiliunt, adytisq; arcentia plebem
 Vela cadunt magno non sine prodigio.
 Mota tremit tellus, trepidant formidine gentes.
 Culpa penes solos est tamen Iſcidas.
 Quos ipse immani cacos errore furentes
 Pœnam inter placidis aspiciens oculis,
 Indolet, (ô pietas!) & supplice voce parentem
 Det pacem miseris, det veniamq; rogat.
 Hunc ego non venerer, non mirabundus adorem?
 Hunc non præcipuo gratus amore colam?
 Nascentem excipiunt læto simul omnia vultu,
 Nec quidquam est optet quin moriente mori.
 Desine crudeles Natura ô desine questus.
 Vnius est cunctis funere parva salus.

LÆVINI TORRENTII DE
CRVENTO DOMINI NOSTRI IESV
Christi sacrificio, ad GERARDVM, Cardinalem,
& Episcopum Leodiensem, Sacri Romani Imperij
Principem.

LIBER PRIMVS.

ILLE ego virgineum lato qui carmine partum
Ausoniis aptans fidibus felicia dixi
Tempora, quæ summi demissum vertice Olympi
Cælestes inter choreas cantusq; sonoros,
Et subito effusos hiberno sidere flores
Viderunt nasci regem dominumq; potentem,
Mortales indutum artus, at cetera Numen.
Aurea qui mundo producens sæcula princeps
Et maria, & terras simul, & cælum omne teneret;
Heu quo nunc gemitu, quo luctu sono singultu,
Et caput, & duris pertundens pectora palmis,
Deplorem infanda damnandum morte reuinctis
Post tergum duci manibus? Quid deinde? cruentis
Vndique fœdatus plagis, ut corpore toto
Non ullus liuore locus, sanieq; vacarit,
Naturæ mundiq; parens, quod crimina nostra
Diluat, ipse expers labis, sublimis in altum
Tollitur infami fixus cruce. Nostra nec angat
Corda dolor? Totos lacrymarum effundite riuos
Pierides, neque Castalis de fontibus vnda
Profluat, assiduus mutentur fletibus vnde,
Nec magis in fontem defleuerit Orphea mater
Orphea Calliope crudeli morte peremptum
Quàm Christum chorus omnis. & hunc nam maximus
Orpheus,
Et vestris nota studiis cecinere Sibyllæ,
Transgressi æternos sophia veracis in hortos.

Tuque adeo, felix Eburo cui pinguibus aruis,
 Condruisq; ferox, & prisco nomine Tungri
 Imperio subsunt & sceptris & sacra ferenti,
 GERARDE, ingenio pollens & diuite lingua,
 Nec pacis virente minor quam fortibus armis,
 Tempora purpureo velans incincta galero,
 Adsis o faueasq;, precor, non vana canenti,
 Mastus & hunc mecum pariter decurre laborem.
 Sic pecudes non vlla tuas incommoda ledant,
 Nec lupo insidias commisso tendat ouili,
 Sed densas subter salices ad flumina Mosa,
 (Ingentis Mosa, quo non felicior amnis)
 Securos potent latices. secura pererrant
 Gramina, caelesti semper gemmantia rore.
 Quod si forte aliquas, ut magno in corpore, tristi
 Correptas morbo scabies inuasit atra,
 Aut fidis procul a stabulis malus egerit error,
 Tunc proferre Crucem, qua spes est una salutis,
 Sanguinis & Christi fluuio mersare salubri
 Cura fit, ut redeant sepiis, & signa sequantur
 Deposita lata illuie, & prurigne tetra.
 Sed iam tempus equos lugubri inducere campo,
 Liberaq; effuso permittere frenis dolori.

Tunc postquam undenos vita compleuerat annos
 Ex quo virgineo de corpore Christus in auras
 Prodit, aeterni soboles aeterna parentis,
 Hinc instare graues casus atque aspera multa
 Prospiciens, metuensq; suis, ne forte remisso
 Imbelles animo tanta sub mole fatiscant,
 Ipse suas ignominias, sauosq; dolores,
 Verberaq;, & mortem nullis ambagibus utens
 Pradixit, monuitq; vires constanter & ipsos
 Dura pati, caeloq; viam affectare ferendo.
 Ast illos nondum dociles, meliora precatos,

Fallit amor. Diuersa etiam tunc mente fouebant.
 Præmia. Sed nec erat quisquam qui credere posset
 Admitti tam grande nefas, ille ille suorum
 Perfidia ut caderet fessis qui venerat ultro
 Porgere rebus opem, & miseris solatia terris.
 Tres igitur comites, fidissima pectora, toto
 De numero legit. His altum stipatus abibat
 In montem, magno facturis vota parenti.
 Quò simul ac ventum, vix dum caelestibus ora
 Soluerat alloquiis, subito tremere omnia motu,
 Audiri fragor, ac puro vaga murmura calo.
 Tum verò aethereis latè loca fulgere flammis
 Aduentante Deo, quem circum exercitus ibat
 Calicolum, auratis persultans æra pennis.
 At socij attoniti subita ad miracula mente
 Horrescunt trepidi, gelidos stupor alligat artus,
 Genua labant. Nec stare loco, nec tendere contra
 Mortales possint visus, ni prouocet ipse
 Omnipotens, tantumq; oculis aspires honorem.
 Ergo animi pulsas tenebris, iam luce serena,
 Ecce duos inter proceres, clarissima vatum
 Lumina, narrantes qua mox ventura trahantur,
 Legisferum Mosem, præcinctum cornibus aureis,
 Qui vada nudauit pelagi sistontibus undis,
 Heliamque, ardens quem vexit ad aethera currus
 Calcantem siccis undantia flumina plantis,
 Ipse ingens, ipse ante homines pulcherrimus omnes
 Conspicitur. Splendent vestes candore niuali,
 Ars qualem occultis non temperet ulla venenis.
 At facies instar Solis cum mane recenti
 Ambrosium nitido spirans de vertice odorem
 Iungit equos, lucemq; ferens, & gaudia terris.
 Talem se fulgens candenti in nube ferebat,
 Aeterna simulacra ciens verissima vita,
 Digna Deo soboles, magnum patris incrementum,

Cum subito æthereas venit vox missa per auras,
Hic mea progenies, mea magna & sola voluptas.
Hunc audite viri, & mea credite iussa ferenti.
Nec plura. Applaudunt Superi, simul alta patefcit
Ingenti latè sonitu stellantis Olympi
Regia, natiuis translucens auroa gemmis.
Ipse noua attonitis specie quo suenerat ore
Reddit se sociis, verbisq; affatus amicis
Visa vetat vulgata leues efferre sub auras.
Firmatis sic deinde animis studiisq; suorum,
Quos nempe eximio dilectos semper amore
Iam designato vellet succedere regno,
Quo propius dura sentit luctamina mortis,
Hoc maiora palam promens miracula, sese
Jam magis atque magis diuina stirpe creatum
Prodit, & immensis calum virtutibus aquans,
Quanquam ingens fama, factis ingentior exit,
Egregium cœptis cupiens imponere finem.
Sic & Apellæa quicunque probatus ab arte
Siue hominem, seu fortè Deum describere sollers
Optat, & æternum sacrare in sacula nomen,
Cum ventum ad summū est, cum iam manus ultima totum
Ponit, ut innexi conspirent molliter artus,
Tunc tunc præcipue mens irrequieta laborat,
Et socio dextram studio curaq; fatigat,
Nequid hiet, nequid sibi discrepet, omnia viuant,
Omnibus & constans numeris mirabile visu
Surgat opus, laudemq; ferat, plausumq; magistro.
Possem equidem (nec vana fides) portenta referre
Innumera, ut pulsa moribundo corpore febres,
Pulsus hydrops, lenta depascens viscera tabe,
Obscænisq; elephas deformans ora lituris.
Quid vinctæ toties abrupta silentia lingua?
Nunc surdis ad aperta aures, nunc reddita cæcis
Lumina, nunc creto claudis vestigia talo?

Quidve

Quidve quod extincto dudum torpentia sensu
 Protinus infuso caluerunt membra vigore,
 Et fluor ille cruoris apertis undique venis
 Deproperans tacta cessauit munere vestis?
 Nec fileam Infernis tot libera pectora Diris,
 Cum malus humanos qui spiritus obsidet artus
 Ad Stygios remeare lacus, noctemq₃ profundam
 Cogitur. Ille quidem multa vi perfidus obstat,
 Innectitq₃ moras, sed enim maioribus actus
 Imperiis cedit tandem, vacuumq₃ relinquit
 Corpus, & illidens terra, versansq₃ supinum,
 Horridus infirmi spumas agit ore fluentes.
 Mox turpi inuisus specie, nigrantibus alis,
 Teter, odore graui, fugit indignatus ad Umbras.
 Scilicet hac cum saepe alias primoribus annis,
 Tum verò extrema iam nunc sub tempora vite
 Sapius ingenti spectata per oppida plausu
 Arrectas hominum mentes oculosq₃ trahebant,
 Et clarum Christi nomen super astra ferebant.
 Nam neque Medea, claraq₃ Machaonis arte,
 Aut magico pollens cantu, aut felicibus herbis,
 Morborum pestes, & corpora fessa lenabat;
 Sed verbo ut quondam Omnipotens terrasq₃ iacentes,
 Atque astum pelagi, caliq₃ volubilis orbes
 Produxit genitor, sic & genitoris imago,
 Et decus, & virtus, & non dubitanda potestas,
 Filius, humano quamuis se absconderet ore,
 Celesti quodcunque animo sedisset id omne
 Praestabat verbo, factumq₃ erat ipsa voluntas.
 Diuinum tamen vsque adeo res nulla vigorem
 Prodidit, aut aequae populum stupefecit hiantem.
 Ut quarto post fata die reuocatus ab Orco
 Lazarus, eterne factururus nomina fama.
 Tertius ille quidem tanto dignatus honore,
 (Namque duos ante hunc alios abduxerat Umbris)

Ast ea nota minus, magis hac illustribus acta
 Sunt studiis, magnoq; velut spectata theatro.
 Nunc quoque si docti referantur carmine vatis,
 Percussus mira capiant dulcedine mentes.
 Nos licet exili tentemus grandia plectro,
 Lazarus antiqua genitus de stirpe, nec ipse
 Degener, aut veterum nequicquam oblitus auctorum,
 Sed patriis crescens virtutibus, arua domumq;
 Berhanie, haud procul a Solymis, atque ampla tenebas
 Pradia, condecorans parvis sua stemmata censu.
 Non tamen aut modicos tumidus despexit amicos,
 Aut vasser occulta decepit fraude clientes.
 Commodus, & facilis, quas Numine repperit aequo
 Innocuas servabat opes, certare paratus
 Officiis, nec se vinci passurus, & ultro
 Auxilium cuicunque volens laturus egenti.
 Huic gemina, pariter virtute & sanguine iuncta,
 Germane, Martha & Maria, haud obscura per orbem
 Nomina, praestantes & forma, & moribus amba,
 Fraternum irrupto servabant fœdere amorem.
 Illa sed assidue variis exercita curis,
 Atque intacta manens vincloq; aversa ingali,
 Remq; domumq; omnem magna cum laude regebat.
 Altera, quae primos indulsit amoribus annos,
 Postquam est aetherei blandis correpta magistri
 Vocibus, & monita melior sententia sedit,
 Cessit & ille malus Genius, suasorq; malorum,
 Lustratam fugiens caelesti lumine mentem,
 Ex hoc grata quies, & sancta pabula vitae
 Otia, non cithara cordi, mollesq; chorea.
 Christum amat, absentem quamvis auditq; videtq;
 Hoc unum meditans opus, ut mens apta magistro
 Serviat, aeterna succensa cupidine vitae.
 Hæc igitur tam casta domus, sanctiq; Penates
 Excipere Deum hospitio, Nec latior usquam,

quando immodico lassarat membra labore,
 Diuertit, placita sumens solatia mensa.
 orie etiam magno dum cana paratur amico,
 et soror officiis trepidans vernalibus instat,
 illa suo vigilem seruans sub pectore flammam
 Ad domini reuoluta pedes, securam laborum
 germana, fratrisq; sui, dicentis ab ore
 pendet, & arcanis animum sermonibus explet.
 felix o nimium felix, quæ iudice Christo
 arda laborant tamen est prælata sorori,
 ista quod incertis errans ut sedibus hospes,
 Nil firmum propriumq; diu solidumq; teneret,
 illa uniconiuncta Deo, qui continet vnus
 omnia, qui calum voluens immobilis heret,
 hunc unum saperet, nil extra hunc triste timeret,
 Non magis ac tumidos cautes altissima fluctus.
 Languidus interea morbo tentatur acuto
 Lazarus, & medicis nil promittentibus ingens
 exoritur luctus. Sed spem tenuere sorores
 Pelli posse malum si præsens adforet ille
 Qui mala vel solo depelleret omnia nutu.
 Ergo trans patrū Iordanis protinus amnem
 (Namque ibi Iudæam fugiens tunc Christus agebat,
 Tinctus ubi quondam fuerat lustralibus undis)
 Mittitur agroti casum qui mestus amici
 Nunciet, & dubia narret discrimina vitæ,
 Vota silens. neque enim precibus locus est ubi regnat
 Verus amor, cui sponte subit succurrere amato.
 Ille autem afflicti sortem miseratus acerbam
 Latiferum negat esse malum, diuinitus agro
 Immissum, non sponte sua, quod fama per orbem
 Cresceret hinc laudesq; sua, laudesq; parentis.
 Tertia sed postquam claro lux fulsit ab ortu,
 Rem sociis aperit, dormire professus amicum.
 Illuc se properare, ac velle abrupto pere somnum.

*As̄t ea nota minus, magis hæc illustribus acta
Sunt studiis, magnosq; velut spectata theatro.
Nunc quoque si docti referantur carmine vatis,
Percussas mira capiant dulcedine mentes.
Nos licet exili tentemus grandia plectro,
LaZarus antiqua genitus de stirpe, nec ipse
Degener, aut veterum nequicquam oblitus auorum,
Sed patriis crescens virtutibus, arua domumq;
Bethania, haud procul a Solymis, atque ampla tenebat
Prædia, condecorans parili sua stemmata censu.
Nontamen aut modicos tumidus despexit amicos,
Aut vaser occulta decepit fraude clientes.
Commodus, & facilis, quas Numine repperit æque
Innocuas seruabat opes, certare paratus
Officiis, nec se vinci passurus, & ultro
Auxilium cuiunque volens laturus egenti.
Huic gemina, pariter virtute & sanguine iuncta,
Germane, Martha & Maria, haud obscura per orbem
Nomina, præstantes & forma, & moribus ambe,
Fraternum irrupto seruabant fœdere amorem.
Illa sed assidue variis exercita curis,
Atque intacta manens vincloq; auersa ingali,
Remq; domumq; omnem magna cum laude regebat.
Alicra, quæ primos indulset amoribus annos,
Postquam est ætherei blandis correpta magistri
Vocibus, & monita melior sententia sedit,
Cessit & ille malus Genius, suasorq; malorum,
Lustratam fugiens caelesti lumine mentem,
Ex hoc grata quies, & sanctæ pabula vitæ
Otia, non citharæ cordi, mollesq; choreæ.
Christum amat, absentem quamuis auditq; videtq;
Hoc vnum meditans opus, ut mens apta magistro
Serniat, æterna succensa cupidine vitæ.
Hæc igitur tam casta domus, sanctiq; Penates
Excepere Deum hospitio, Nec latior vsquam,*

ando immodico lassarat membra labore,
 erit, placita sumens solatia mensa.
 etiam magno dum cena paratur amico,
 or officiis trepidans vernalibus instat,
 uo vigilem seruans sub pectore flammam
 domini reuoluta pedes, securam laborum
 manae, fratrisq; sui, dicentis ab ore
 det, & arcanis animum sermonibus explet.
 e o nimium felix, quae iudice Christo
 da laborant tamen est praelata sorori,
 quod incertis errans ut sedibus hospes,
 firmum propriumq; diu solidumq; teneret,
 uni coniuncta Deo, qui continet vnus
 nia, qui calum voluens immobilis haeret,
 ne vnum sciperet, nil extra hunc triste timeret;
 n magis ac tumidos cantes altissima fluctus.
 aguidus interea morbo tentatur acuto
 arus, & medicis nil promittentibus ingens
 ritur luctus. Sed spem tenuere sorores
 li posse malum si praesens adforet ille
 i mala vel solo depelleret omnia nutu.
 o trans patrij Iordanis protinus amnem
 amque ibi Iudeam fugiens tunc Christus agebat.
 etus ubi quondam fuerat lustralibus undis)
 Cititur agroti casum qui maestus amici
 unciet, & dubia narret discrimina vitae,
 ta silens. neque enim precibus locus est ubi regnat
 rus amor, cui sponte subit succurrere amato.
 e autem afflicti sortem miseratus acerbam
 tiferum negat esse malum, diuinitus agro
 missum, non sponte sua, quod fama per orbem
 esceret hinc laudesq; sua, laudesq; parentis.
 ertia sed postquam claro lux fulsit ab ortu,
 em sociis aperit, dormire professus amicum.
 uc se properare, ac velle abrupto somnum.

Cumq;

Cumq; illi somnum sperarent proficere, molli
Quem ducens lecto vires repararet, herumq;
Iudaïs tunc se credere posse negarent,
Mortuus est (mors somnum nam dixerat ante)
Lazarus. Ei cessamus adhuc? Sed nomine vestro
Lector, ait. Vobis post hac fiducia nostri
Maior erit, dabiturq; ingentia cernere facta,
Facta meum latè cunctis testantia numen.
Nec vos insidia moveant fraudesq; malorum
Dum fulgente diem curru sublimis ab alto
Sol agit, & spirant diuini luminis aura.
Nam qui carpit iter manifesta in luce viator
Certus inoffenso pergit pede, nocte sed idem
In tenebris trepidans haud unquam incommoda vitat.
Sic memorans iter accelera: comitum simul omnis
Turba venit. Mortem veriti, & tamen ire parati
In mortem, subeunt animo discrimina tristi.
Jamq; propinquabant portis, cum Martha repente
Audit adesse virum. Mora nulla, celerrima testis
Euolat, occurritque simul, simul ore profatur,
Hanc domine hanc presens poteras auertere mortem
Fratris, & insano pariter nos soluere luctu.
Quamquam ò. nam quaecunque Deum tu munera posces,
Rem factam dabit, & precibus pater annuet equis.
Cui Christus, Frater tuus hic ò Martha resurget.
Non equidem ignoro, sed tunc (sic rettulit illa)
Cum suprema dies collatis corpora membris
Aspiciet tumida rediuiua exurgere terra.
Ille iterum, gaudens ea quòd responsa dabantur,
Muneris est hoc Martha mei. Sum vita, salusq;
Certa resurgentum. Quod spe quicumque tenaci
Crediderit superest etiam post fata, nec unquam
Interit. Hac ne tibi de me fiducia surgit?
Surgit, ait. tu namque Dei certissima proles
Venisti tandem, & mundo succurris egenti.

ita leni properans pede tendit in urbem
 nam blandis cupiens perducere verbis.
 mi fufis refidebat mœſta capillis,
 ror ingrediens, Praſto eſt quem quarimus, (inquit)
 vocat. Surgit ſubito, pareſq; vocanti.
 nam in conſpectum venit, ſuffuſa rubore
 it timide, totidemq; quot altera verbis,
 crymas in vota vocans, genibusq; voluta,
 gemitum, atque alto ducens ſuſpiria corde,
 domine hanc praſens poteras auertere mortem
 is, ait. Nec plura loqui luctusq; ſinebat.
 dor, & tanti reuerentia ſumma magiſtri.
 ulit hanc Chriſtus ſpeciem, miſerat ſus amicos
 it, & lacrymis rorantia proluit ora,
 nit, & miro turbatur viſcera motu.
 x autem toto conſurgens numine mentem,
 , & nullo prius unquam tempore ſigna
 manifeſta dedit monſtrans hominemq; Deumq;
 frequens aderat Solymis excita propinquis
 a virum maſtis veniens ſolatia rebus
 re, & alloquiis magnum lenire dolorem.
 non Bethania ciues cum forſe viderent
 iſſo pariter germanas tendere paſſu,
 derant ſeſe comites, ſollennia tristes
 a tati lacrymis madefacta inferre ſepulcro.
 into in numero ſtudium non omnibus unum.
 ti namque boni linguis animisq; fauebant,
 guttis carnere gene, & quia cognita pridem
 na viri virtus, etiam ſperare libebat.
 ra vipereo pars mentem imbuta veneno
 quam voluens aciem, vultumq; malignum,
 aſſans caput, Hic (inquit) hic ſcilicet ille eſt
 lere fortuito potuit qui lumina caco,
 potuit caro vitam producere amico.
 in conuentu, magna cingente corona,

*Altior ingrediens calo dux missus ab alto
Monstrari tumultum, & tumulto superaddita saxa
Auferr iuber. Hic iterum nimis anxia Martha
Iam quartum fluxisse diem, iam viscera putri
Conceptam rabo monet exhalare mephitim.
Ille leuem verbis castigans equus amicis,
Quid struis? aut quò nunc (inquit) fiducia cessit
Tanta mei? Non te dixi, modò credere velles,
Visuram ætherei sis quanta potentia regis?
Sic fatuus, superasq; oculos intentus ad oras
Ostia dum magni referant obstructa sepulcri,
Rupe quod excisum vasta sub mole latebat,
Æternum clara compellat voce parentem,
Nunquam ego te genitor nunquam in mea vota vocavi,
Quin facilem nati precibus porrexeris aurem.
Semper ades, semperq; mihi tua certa voluntas,
Et mea stat firma nitens vi conscia virtus.
Non ideo tamen hoc iterum pro munere grates
Nunc agere, atque tuum cessabo poscere numen,
Sic norint homines ut te genitore creatus,
Te mittente vagum veni legatus in orbem.
Talia dum memorat circum tremere omne repente,
Et mugire solum. Stat consternata pauore
Turba silens. Fremit ille, & Manes voce ciendo
Lazare conclamat superas te Lazare in auras
Siste palam. Qua voce Dei concussa dehiscunt
Tartara, solvantur fatorum iura, nec atra
Omnia concedunt morti. Diuellitur Orco
Perfusus leti qui frigore liquerat artus
Spiritus, & celeri sparsus per viscera motu
Purpuream venis animam, nervisq; vigorem
Reddit, & extinctos feruens sub pectore sensus
Suscitatur. Aufugiunt macies pallorq; situsq;
Nullaq; præteriti remanent vestigia morbi.
Obstupuerè omnes nullo tangente moveri*

mum. Sed enim cumulo se viuendus ipse
 ut, ut positus postquam simul exiit annos
 ior exuuiis se in gyrum colligit anguis,
 ite, & summa testatus gaudia cauda.
 epulcrales nexæ per crura manusq;
 la obstabant, socij quas solvere iussi
 uulerunt. Mox ille cauo liberrimus exit,
 se facies coram spectantibus offert.
 quid agit, quidquid loquitur, quocunque mouetur,
 us est, atque esse liquet, licet ipse negaret.
 ait, & veteres gaudens agnoscit amicos,
 reasq; inhians anidè depascitur anras.
 an & Stygio narrans comperta barathro,
 emitu, quam saua ferant tormenta nocentes,
 q; pū Manes sperent mox adsore regem
 ilio, ferrata Erebi qui claustra refringat,
 tur puros scelerum vestigia Christi
 equi, certamq; hinc expectare salutem.
 us it magnam Solymorum fama per urbem,
 olūm patulas rumoribus occupat aures,
 subit, mentemq; animi percellere viatrix
 t, & immenso Christi succendere amore.
 de viri facies subit, & regalis imago,
 e Deo, incessusq;, habitusq;, & gratia blandi
 nis, quocunque potens inflectere duos,
 cet aut ferro, aut rigido de robore sensus.
 etiam anteacla repetunt miracula vite.
 , quibus magnum latè compleuerat orbem,
 prapriè, cocta cum munere frugis
 io, ac paucis (& erant ibi forte reperti)
 ulis, populo in turmas discumbere iusso
 à per irrigui redolentia gramina campi,
 us opum dapibus tot millia pauit inemptis,
 nis cumulans restantia frustra canistris.
 quoque, inexhausta capti dulcedine cena,

Sperantes

*Sperantes victu facili nulloque labore
Liberam & immunem tali sub Principe vitam,
Ausu sunt studio regem sibi postcere inani.
Iamq; novos cultus atque ornamenta parabant,
Impositum rapturi humeris, ipse ania montis,
Et solus loca sola petens, mortalia fugit
Sceptra, pro subigens animos, non corpora regno.
Hos populo stimulos postquam addidit inclita fama,
Idem omnes iterum ardor habet. Concurrere cernas
Hinc atque hinc, nec ferre moram, iuuenesq; senesq;
Erumpunt portis, iuvat ire, ipsumque tueri
Auctorem tantorum operum, iuvat antra subire,
Atque omnem lustrare locum. Tum si quis adesset
(Vt plures aderant) qui non audita referret,
Sed fidis spectata oculis, hunc dicere cuncti
Felicem, atque auidè scitari singula. Quae cum
Paresset narrare atque auscultare voluptas,
Nulla quies, eadem decies repetita iuabant
Nec saturas sermone aures, nec lumina visu.
Tribus intenti studiis blandoque labori
Dum gaudent, oculosq; ferunt per cuncta vagantes,
Ipse ultro, cupiens Christi increbrescere nomen,
Nec non impulsus monitis precibusque suorum,
Egrediturq; domo, campisque incedit apertis
Lazarus, & magni velut intra septa theatri,
Ingenti latè sonitu plausuque fauentum,
Stans cœtu in medio, & populo Patribusque fruendum,
Se præbens, latosque humeros, robustaq; colla
Artollens, alacri prodit sua gaudia vulu.
Tum quocunque pedem circumtulit, agmine facto
Huc ornes, motis velut unda impellitur Austris,
Incumbunt, pariterq; oculis, animisque sequuntur,
Infernis auidè reducem cognoscere regnis.
Sic quondam Eois ales Titanis oris,
Flagrantes inter casias, & pinguiatūra*

itor ipse sui solus sine matre creatur,
 arcus Phœnix, prima florente iuventa
 fines linguens patrios, ubi surgit anhelis
 equis, Pharios tendit nouus hospes in agros,
 neta glomerantur aues plaudentibus alis,
 ranturq; ducem. Gemina stant vertice crista,
 nificant oculi, collum circumdatur auro.
 nt carulea per terga, & pectora plume.
 a rosis, sparsisq; nitet pulcherrima gemmis.
 ona insignis specie caua nubila tranat
 us, ac tandem conspecta Hyperionis urbe,
 tulerat cunasq; suas, bustumq; parentis,
 ola petens, sacris infert ea munera flammis.
 abit, & motis eadem trahit agmina signis,
 as volucrum turmas, gentemque sonoram.
 ue hæc magna quidem, maior tamen orta fuisset
 ia inuento (solus nam defuit) illo
 poterat Manes arcessere faucibus Orci,
 ribusq; animas iterum insinuare sepultis.
 etiam audito loca quod deserta petisset,
 as fugiens mortesq; & vincla minantum,
 fere animis, pœnas odiumq; parati
 ere in auctores, atque huic transscribere regnum.
 era sæpe etiam iactabant verba per urbem,
 agno pariter cœpere efferuere motu.
 mora, conueniunt procures quæis prisca tueri
 patrum, ritusq; sacros, legesq; sacrorum
 e fuit. nam cetera tunc Romanus habebat,
 id facile Isacidum passurus surgere gentem
 erio, sceptrumq; & auita capessere regna.
 neque concily ratio, nec fas erat ullum.
 m damnare aderant, non disceptare parati,
 forte aliquis proferret libera verba,
 ntem indicta metuens malè perdere causa,
 nc, tanquam sacer, ac lege instabilis esset,

Arcentes pariter fœde in scelus omne ruebant.
 Ac velut emissi sana ad spectacula leones,
 Ursiq, tigresq, & quicquid Barbara quondam
 India Romana nutribat, & Africa arena,
 Ut Martis populus saturatos sanguine multo
 Assuescens oculos atrocior iret in hostem,
 Vnâ omnes immane fremunt, damnataq, tristi
 Corpora deposcunt leto, furit ardor edendi
 Improbus, & siccis glomerat sub faucibus iras,
 Haud aliter mentem flammata cupidine tetra,
 Invidiaq, odioq, gravi sine more furentum
 Turba Sacerdotum scelerato fœdere Christum
 Opprimere insidiis, aut vi, per fasq, nefasq,
 Destinat. Et iam tum peragit scelus impia iustum
 Impia lingua necans, serpente nocentior omni,
 Sibilaq, & tales dum vibrat ab ore sagittas,
 Hiccinè qui nostris semper conatibus obstat,
 Commodaq, auertens, & quos speramus honores
 Ipse intercipiens, nos, nostraq, liquidus odit?
 Hoccinè adoratum populo caput? At faber illi
 Est genitor, quamuis calo diuinitus ortum
 Se fingens, magico capias ita carmine mentes
 Alligat, atque oculos obiectis fascinat umbris,
 Viribus ut Stygii pollens atque arte tyranni
 Mille opifex rerum stupeat quas inscia turba,
 Quacunque incerto rapitur pede, (nam Laris expers
 Pauperiem, & magni simulat fastidia census)
 Non unquam incomitatus eat, popularia secum
 Agmina tota trahens leto acclamantia planctu.
 Tali se regnare videns benè tutus in aula
 Dum tonat eloquio, sua dum conuicia fundit,
 Atque ipsos dictis procures incessit amaris,
 Nos facit inuisos, & quò magis improbus urat;
 Contemptos etiam, ac vili ludibria vulgo.
 Idq, impune ferat? Nos ambitionis, & atre

at avaritia, nos illo indice sanctas
 nus ut libitum est priuata ad commoda leges,
 nesq; operum contemptoresq; sacrorum,
 mus populum quo nosmet fasce lenamus,
 ri, immites, & semina dira luporum,
 biem niuea celantes vellere lana.
 que ferali pragnans nos vipera partu
 t, & Stygiis genuit qui prasidet Vmbris,
 um cupidos miserè disperdere gentem,
 e omnes nostra simul inuoluisse ruina.
 Dei soboles calo descendit ab alto,
 qui veri, tenax, morumq; magister,
 e inculcata certissima regula vitæ,
 id non aliud? si de se credimus ipsi.
 ltis studiis, & multo callidus astu
 regnum pratentat iter. Plebs denique regnum
 lit. Et tantum patimur scelus? O ubi prisca
 gio, sanctiq; patres, atque inclita Mosis
 ia? Quò tandem miseri peruenimus? Ille
 regat, & solio spernat sublimis ab alto,
 m neque fabili victum si rursus ab arte
 erat inops oculis unquam spectabimus equis?
 amen (ut credunt quos spe frustratur inani)
 ac venisse monent hunc ipsum oracula regem,
 limem imperio regem, qui sacula condat
 rea & aternis moderetur legibus orbem.
 ecas hominum mentes! Concurrite templis,
 estos agitate dies, pracingite postes
 ndibus, absistant cura duriq; labores,
 omnes cumulabit opes. Quem quarimus hic est,
 azare ductus tenebris, & patre pudendo.
 em multo gaudere mero, lautoq; paratu,
 amesq; hominum prauorum accedere mensas
 tis scædum manibus, non vlla tenentem
 bñata, nec veterum seruantem iussa parentum

Scimus, & incestas pœna soluisse maritas.
 Sit vindex igitur patria, tutorque, paterque,
 Et late sua signa ferat legesq₃ per orbem.
 Nos (si quid sapimus, si quid ratione videmus,
 Atque aliquis toto superest in corpore sensus)
 Hunc nisi supplicio, & plebem terrore veramus
 Has turbas facere, & tanto concurrere motu,
 Romulide infectis aderunt sub Casare signis.
 Qui regem, & regis graviter multatus amicos,
 Inuisam crebris hanc seditionibus urbem,
 Nec minus inuisam ignoto sibi Numine gentem
 Perdet, & hostili populabitur omnia flamma.
 Istius hic finis regnorum, hic terminus esto.
 Talia commota iactabant mente per auras
 Hinc atque hinc, gliscente feris clamoribus ira,
 Pontificis summi cum maiestate verendus,
 Vittisq₃, & sacra redimitus tempora mitra
 Purpureus Caius, vulpino callidus astu
 Occultare nefas, verumq₃ obtendere falso,
 Aurato surgens solio, postquam alta repressit
 Murmura, Quid longis opus est ambagibus (inquit)
 Singula culpata disquirere crimina vite,
 Et veterem dictis toties renouare dolorem?
 Quo res nostra loco, quæ sit fortuna videtis.
 Unius ob factum patimur, nos unius omnes
 Causa premit, nec scitis adhuc quid postulet usus?
 Consulite in medium ciues, sint publica semper
 Priuatis potiora bonis. Incendia vidi
 Sistere vicini detracto culmine recti.
 Nos quoque sublato, qui cunctis officit, vno
 Nos meliora manent. Nec refert ater, an albus,
 Sit quicumque volet. Nunquam pars corpore toto
 Dignior vlla fuit. Ne gens simul occidat omnis,
 Vnum auferte caput. Quid enim? Certe caesa per aras
 Victima votiuo placabit sanguine Numen.

gite, hoc egisse omnis letabitur aetas.
 at. Sequitur plausus, clamorque probantum
 viri. Non illa suo tamen edidit ore,
 a Pontificis sacrum tunc munus obibat,
 us aeterno manans de lumine mentem
 uit, & arcana lustrans vi pectora caca,
 ros subigens sensus, rabida ora coëgit
 oqui, & calo dignus prorumpere voces;
 ro ut liquidi saliant si marmore fontes,
 em Gorgonei fertur fuisse caballi
 la, fatidicis spargentem viscera lymphis)
 umentum ingens, possint quo nosse nepotes
 ta Sacerdotum stet gratia, quanta potestas,
 superi sibi delegit regnator Olympi,
 um terris, terrasq, innectere calo
 rum virtute queant, licet usque negarit
 ia, & nigris erumpens faucibus Orci
 bili sectum rabie qua nunc quatit orbem
 ida mortiferi nutrix discordia belli.
 em igitur sacri figunt consulta Senatus,
 cœna munita gravi concurrere vulgus,
 tus fieri, rebusq, instare nouandis,
 sectas agitare novas, super omnia Christi
 sequi, moresq, at que impia iussa vetabant.
 ioniam absentem, nullo accusante, nec ullis
 nare indiciis Patres non ulla sacratos
 gio vetuit, tanquam si causa peracta
 dret, ut citius senire in corpore possent,
 ue explere graves pœnis vlticibus iras,
 ia si quis eum latebris educat opertis
 m loca secretis peragrabat proxima silvis)
 Tum statuunt. quis enim nisi sponte sequentem
 eret? Idq, palam toties monstrauerat antè,
 ine cum medius saxisq, armisq, minantuna
 e cana, cœu nocte, lupos euasit hiantes.

*Sed quid agas postquam periit pudor? Effera mentem
 Abstulerat rabies. Et nulla immanior usquam
 Belua vel sauit siluis, vel atrocior undis,
 Quàm celo cognatus homo, rationis egentem
 Cum rapit impatiens magni vindicta doloris.
 Nec Christum latuere doli, quibus omnia vidit
 Vidit & hac oculis, & quanquam defuit index,
 Nec clausis unquam, nec surdis auribus hausit.
 Sed tamen e latebris humano more petitis
 (Ecquis enim prudens rabido se obtruderet hosti?)
 Prodit in apricum, quò se demonstrat acerbam
 Posse quidem, sed nolle, suo iam tempore, mortem
 Effugere, & sauos ultra differre labores,
 Et iam tristis hiems squallentia texerat ora
 Vere nouo, cum turgent humus, cum Sole recentis
 Mille trahunt varios fragrantia prata colores,
 Mille sonat variis animum concentibus aether,
 Nec procul ille dies toto celeberrimus anno
 Tunc aberat quem Pascha vocant, rituq; parentum
 Mirifice coluere sacrum. nam tempore eodem
 Abrami soboles, longi pertasa laboris,
 Atterritam damnis & prodigialibus olim
 Suppliciiis spreti sauas ob Numinis iras
 Aegyptum fugiens, atque impia regna relinquens,
 Cum grauis infesto premeret rex milite terga,
 Et maris obstarent trepidis a fronte procella,
 Euasere tamen. Medio dux gurgite Moses
 Diuisa attollens hinc atque hinc agmina aquarum,
 Ceu vitreos subter scopulos proiectaq; saxa
 Trans vada sicca leui populum pede duxit onantem,
 Conantemq; sequi, cadesq; inferre tyrannum,
 Armatq;, quadripedesq; simul, currusq; minaces
 Obruit, immissis quas anie reduxerat undis.
 At pulchris aucti spoliis ac diuite gaza
 Isacida optato potiuntur litore lati,*

s ingentes cæptis ingentibus aquant.
 lo, quò nota magis sit gloria facti,
 daq, æternum fama extendatur in ævum,
 t quot eunt celeres voluendis orbibus anni,
 ense suo, pulsus Aries quando aureus intrat
 bus, & spatiis nox lucem intercipit aquis,
 bis septeno vaga Luna accreuerat ortu,
 sideratq, diem clauso iam vespere Olympo.
 ere erat Patresq, simul populumq, tributum
 etenim Phariis gens olim excefferat oris)
 inctos, crudoq, ad iter perone paratos
 fluere, & positis astantes ordine mensis
 restes inter lactucas, libaq, nullo
 gida fermento (iussis exire profanis)
 iculum maculis pariter vitioq, carentem,
 ostum flammis absumere morsibus agnum,
 eptem immunes operum transmittere Soles.
 igitur tam lata dies urgebat, & acri
 lique concursu populos cogebat in urbem,
 rgati scelerum votis sacrisq, peractis
 uri ut diis possent se adiungere mensis,
 m graue dissidium variis sermonibus ortum
 cissent quòd abesse virum, quem cernere cuncti,
 & paribus quanquam studiis multumq, remotis,
 debant pariter. Sed enim pars adfore dixit,
 returumq, minas, pars indignata negavit.
 e autem innocuo mitiq, simillimus agno,
 onte sua sacras circum qui ducitur aras,
 nturus Solymam decime sub tempora Lune,
 tollere tunc etenim legis præscripta iubebant
 uem quarto post quisque die consumeret agnum).
 ethania paulum, caros visurus amicos,
 bstitit, & nota mansit Simonis in ade,
 ui, licet immundam pepulisset corpore labem,
 eprosi tamen in vulgus cognomen adhasit.

gatur laudemq₃, feret noménque decusq₃.
 r & ob meritum toto celebrabitur orbe.
 cedunt monitis, peccasse fatentur,
 subit ora pudor. Sed solus Indas
 rius, loculos solitus gestare magistri,
 pi sacros furto interuvertere nummos,
 lens, nulloq₃, rubens in crimine, perstat
 t adhuc, fœdoq₃, tumens obmurmurat ore.
 pt umq₃, dolens sibi quod se poscere egenis
 t, & insano vindictæ accensus amore,
 variis agitat lucrum quâ penset ademptum
 iis, nec sese explet tam dira cupido,
 emò quoniam tali spes nulla peculi
 mino, dominum quærenti prodere turba
 ficum, & pactis insontem addicere nummis
 nat, infandum aggrediens scelus. Hora, locuq₃,
 it. At non deerit, ait, Fortuna labori.
 mora, nec requies, aurum noctesq₃, diesq₃
 at, & reputans sperati commoda census
 lautum, iam se nitidum fingitq₃, beatum
 cius instantis fati, mortisq₃, pudenda,
 m sibi proiecto consciscat turpiter auro,
 ernis Stygio addictus sub gurgite pœnis.

H ;

LÆVINI

LÆVINI TORRENTII DE
CRVENTO DOMINI NOSTRI IESV
CHRISTI SACRIFICIO.

LIBER II.

AMQVE exempta fumes, ablataq; pocula mensis.
Et bona pars noctis sermone absumpta benigna
Suadebant dulci componere corpora somno.
At verò humani generis servator Iesus
Aspera multa suo tristi sub corde volutans
Tam quæ pertulerat, quàm quæ ventura sequantur,
Ne quid inexpertum linguat quo flectere duros
Posset, & vnanimes aeterno iungere regno,
Se regem monstrare volens, Davide creatum,
Sed cupidum pacis, qualemq; oracula dicunt,
Mansuetum facilemque, & lenia iussa ferentem,
Postera cum croceo surgens aurora cubili
Rorantes primo sparsisset lumine terras,
Et sociis simul & paucis comitatus amicis
Ad Solymos contendit iter. Via parua, sed antiè
Assuetus nudis pedibus, tunc rure propinquo,
Missis precipue qui censebantur honore.
Adduci vincitum e biuio sibi mandat a sellum
Intactum sessore, & adhuc cum matre manentena.
Quos postquam dominis non obluantibus illinc
Abductos stratis ornarant vestibus ambos,
Terga premens pulli (quò regna nouissima primis,
Et patria antiqua sòbolem præferre recentem
Creditus est signo) medio dux agmine cunctis
Celsior it. Nec plura suo instrumenta triumpho
Comparat. Illa aderunt non arte, aut sumptibus ullis,
Sponte sed agnoscent aeternum cuncta parentem.
Fama, nouis semper trepidans præcurrere rebus,
Hæsterna festas epulas & gaudia mense,

Continuatur

uis etiam, quos inter Lazarus ille,
 d' ullos potis unquam oculos explere videndo,
 entiumq; ducis, quem, quod latitare ferebant,
 dicere ingenti populus gestibat amore,
 ludum tota passim vulgauerat urbe.
 mora, (sive viri virtus atque inclita facta,
 vis Natura, seu vis hoc numinis egit)
 montem postquam ventum est felix olivæ,
 us supremo de vertice sancta videri
 simul, & templi potuit veneranda vetustas,
 ima qua plenis proruperat obuia portis
 ba novum cernens sublimi vertice regem.
 itos inter plausus vocesq; suorum
 uti specimen caelesti effulgere vultu,
 uocunque caput circumtulit agmine toto
 undi athereos oculis stellantibus ignes,
 sta furore, sacros qualis sub pectore vates
 canis agitat stimulis & verberare caco;
 latis calo manibus, vultuq; supino,
 ruatoq; genu regem dominumq; salutant.
 c nuda patiuntur humo procedere, densæ
 aduut nemora, atque avulsis undique ramis,
 e oleæ, laurine forent, palmane comantes,
 ornantq; vias, & veste & frondibus explent;
 ichiaq; intorti ramis, atque ora corollis
 as studium vel cuique suum, vel copia fecit,
 que uno simul ore novum paana canentes,
 etandum lati ducunt trans mœnia regem
 on magno reducem bello, curruq; superbum
 urato captas monstrantem ciuib; vrbes,
 rbaraq; iniectis stringentem colla catenis.
 on illi mens ista fuit, fera bella vetabat
 icis amans, pacisq; ferens mandata per orbem
 ura pati, dura potius succumbere morte
 nam flagrare odii sanaq; cupidine pœna

Iussit,

*Iussit, & hac Erebi victor ratione tyrannum
Proruit, aeterna monstrans compendia vitae.
Quin ubi iam portas, & proxima circumspexie
Mœnia congestis calo minitantiæ saxis,
Tot moles tantorum operum, artificumq; labores
Commoto voluens animo, venturaq; pandens
Tempora quas iterent clades, quæ bella retractent
Romulidæ duricū cinctam hostilibus armis
Tot claram ducibus, magnis tot regibus auctam
Vi capient, captamq; ruent à sedibus urbem,
Non tenuit lacrymas, meliora capeffere ciues
Consilia, exhortansq; suam curare salutem,
Si modò paniteat scelerum, non desore Numen.
Dicta quidem memori & constanti mente tenenda,
Insano sed enim lati clamore fremebant,
Talibus attentas nec habebant vocibus aures.
Nos verò, nostrosq; inuet meminisse minores,
Nec pigeat precibus deflectere Numinis iram,
Quæ grauior quo lenta magis mortalibus instat.
At postquam populi viderunt gaudia tanta
Pontifices, accensi odiis, saeuq; furore,
Deterrere parant. Sed nec vi, nec prece blanda
Proficiant. Pueri circum, innuptaq; puella
Agglomerant, Patrumq; minas & iurgia temnunt,
Quoque magis vetiti, magis applaudente corona
Sacra canunt non sponte sua. Puerilia soluit
Ora Deus Deus ipse. Et quis caelestia vertat
Consilia? Ut taceant homines, vel saxa loquentur,
Assurgentiq; Deo, quò sit manifesta potestas
Numinis, & prodar sese insuperabile verum.
Sollenni interea pompa iam panè peracta
Ventum erat ad templum, quò se dux ipse ferebat
Caelestis memor imperij. Quod condere iussus
Non celsas regum turres, aut ampla petiuit
Ætria nobilium magno celebrata tumultu,*

quod delegit superi regnator Olympi
 lum augustum, ingens, & pratulit omnibus unum,
 ibit. Hac tali placuere palatia regi,
 ando studiis animo celestibus apia.
 pater omnipotens certis non sedibus ante
 s, & interdum fulgentia castra secutus,
 ica succinctis quò venerat arca ministris,
 ore & dumeis Solomon quo praefuit aruis
 r, & nullis turbantur secula bellis,
 opus sancta sibi surgere iussit in vrbe
 tis firmum cedris, auroq; decorum,
 uitq; locum diuini Nummis illa
 erras, calumq; & celi sidera torquet
 stas, quocunque ager quis fasce laboret,
 vota, sua si non aliena saluti,
 cibis facilem promittens vocibus aurem.
 ssis nec vana fides dum prisca manebat
 citas, dum sacra pius castusq; Sacerdos
 bat puris manibus, pastorq; praibat,
 pulus secura sequens vestigia nusquam
 bat, septis nec declinabat auitis.
 stquam antiquos obscena pecunia mores
 lit, & mentem scelere imbuunt atra nefando,
 n nulla gregis, sed habendi cura peculi
 ret, proprio & seruirent publica quaestu,
 nec addictis pudor esset vendere nummis,
 pascentis erat pecori quoque tristis adhaesit
 emum scabies, contracta erugine terra.
 us amor sociis, nulla in commune voluntas,
 dictis, factisq; fides. Sua cuique cupido
 erat, & sibi quisque Deus. (Sic nempe necesse est
 gio cum spreta iacet) Tu moribus istis,
 scas, sperare queas placabile Numen?
 c precibus locus est, tunc acceptissima templis
 a feret, flexura Deum, mens conscia recti

Cum

Cum culpa vacat omni, aut si qua culpa remansit,
 Eluitur lacrymis, gemitus planctusq; sequuntur,
 Atque imo sub corde dolor. Sic ardua calii
 Porta patet. Nec commissi pœna ulla timenda est
 Cum iudex sis ipse tui, vitæq; prioris
 Panitet, & spondes melius. Confide, sed & tu
 Tu quoque confer opem. Vana est fiducia nullis
 Si meritis ornatus ades. Quæ maxima quanquam,
 Tu pretium ne pone, Deo exploranda relinque.
 Quicquid erunt, ille ingenti cum fenore reddet
 Cum iudex aderit supera sublimis ab arce,
 Præmiaq; & pœnas statuet mortalibus æquas,
 Lucis & ad campos, aut nigra in Tartara mittet.
 Regni ergo ætherei reputans fundator Iesus
 Quantum religio attulerit contempta malorum,
 (Religio, quæ sola regit, quæ sola coercet
 Luctantes animos, pressisq; inflectit habenis,
 Et rerum fluctus tempestatesq; serenat,
 Tristitia sedatis depellens nubila ventis)
 Marmorei ingressus fulgentia limina templi,
 Quos ibi deprendit pretio transcribere nummos,
 Nec secus atque foro in medio mercesq; pacisci,
 Et pecora, & teneras soluenda ad vota columbas,
 Vestibulo ex ipso rapiens sublime flagellum
 Expulit, & loculos, mensasq; omnemq; paratum
 Subuertit. Sparsi sinuosa per atria questus
 Lugentium nummos, & verbera dura ferentum.
 Nec tanto tamen in numero vel restitit ullus,
 Carpere vel factum potuit. Mens conscia linguam
 Pressit, & æterno reuerentia debita regi
 Eximium licet inuitis extorsit honorem.
 Tunc, Nostra hac (inquit) votis sacrata, piisq;
 Stat precibus domus. Hanc ausi scelerare, velut si
 Latronum spelunca foret. Procul este profani,
 Sit procul omne nefas, nec templi insistite limen,

edos inferre pedes, nec temnite Numen,
 Et iterum plaudit chorus. At mala turba
 cum accensa quamvis sic aestuat ira
 tis ut athena solent efferuere flammis,
 sito tamen & vultu & sermone magistrum
 lant, tantosque rogant compescere motus,
 nere ut pueris pormissa licentia crescat
 di olamore vias. Ille abdita cernens
 is, & infusum venis letale venenum,
 os usque adeo puerorum nania turbat?
 escitis (ait) priscos sic tradere vates,
 tes & adhuc pendentes ubere matrum.
 ta cecinisse Deo preconia laudis?
 us, quò signa sui tum plura relinquat,
 manifesta magis, media inter millia quot quot
 laudi, aut aderant caci, diuinitus omnes
 & optatum spargit per membra vigorem.
 ant, aliosque pedes, rerumque colores
 ntur, regisque ferunt ad sidera laudes,
 & ingeminant nomen. Ferit aethera clamor.
 sed excelsa serus quam vesper Olympo
 bitans magna tellurem inuolueret umbra
 staurati perfunctus munere templi,
 cens sese populo, sub lumina prima
 niam redit, & noctem non amplius unamque
 itibus, cenaque breui, placidaque quieti
 gens, iterum se matutinus ad urbem
 lit, inuigilans operi, regnisque futuris
 amenta locans qua nulla absumpserit aetas.
 atque aliam manifestus luce renisens
 pla Sacerdotes acri sermone notabat,
 ta monens, monitisque minas & iurgia miscens.
 octurna piis impendens tempora curis
 tim olimiferi solus secreta subibat,
 caros etiam extremum visebat amicos,

Demulcens placidis marentia pectora dictis,
 Nec temere infusum admittens per lumina somnum.
 Ac vagus ut viridi pratexens margine ripas
 In mare nunc tacito lenis pede labitur amnis,
 Silvarum decus, ac vitrea pulcherrimus vnda,
 Nunc latè hibernis niuibꝫ, atque imbribus auctus
 Exundat campis, atque atro vortice saxa
 Saxa trahens, stirpesqꝫ, domosqꝫ, avulsaqꝫ, rura
 Fertur, & aduersum multa vi rumpit in aquor
 Spumens, altà sonans; (Celfo stat in aggere pastor
 Toruà tuens, glomerant densa toto aethere nubes)
 Haud secus aeterni progressus ab ore parentis
 Ipse patris Sermo, qui magnum ut condidit orbem,
 Sic quaterè & turbare potest & vertere fundo,
 Maxima venturis post sese exempla relinquens,
 Nunc molli alloquio, verbis nunc asper acerbis,
 Sponte sua mitis, iusta sed feruidus ira,
 Laudabatqꝫ, humiles, castigabatqꝫ, superbos,
 Infestus vitiis, virtuti aquissimus vni.
 Summus at ille labor, matrem cum multa dolentem,
 Implentemqꝫ, sinum lacrymis, vultumqꝫ, decorum
 Liquit, & afflicta solatus, tristis & ipse,
 Ipse etiam ingentem fassus genitricis amorem,
 Ingemuit, reputans quanto maestissima planctu
 Nati sit visura sui miserabile cunctis
 Supplicium. Stat iussa tamen caelestia iam iam
 Firmato complere animo, stat morte pacisci
 Humani generis dura sub lege salutem.
 Interca firmi trepidans formidine magna
 Rex Erebi, cecis loca qui torrentia flammis,
 Et mersos atra semper caligine campos,
 Feruentesqꝫ, lacus piceo (res mira) cruore
 Imperio tenet, & fontes sub gurgite vasto
 Exercet variis, est ut sua cuique libido
 Vinenti, nec cura subit commissa piare,

applicis, Tenuis stridor feris horridus auras)
 concilium vocat. Immani stant agmine circum
 uisa Lemurum facies, sine corpore forma,
 ualesque aëry percurrunt nubila venti,
 nos sentire magis miseri quàm cernere possunt
 Mortales dum mole premuntur corporis aëri,
 Nec cadit in nostros natura recondita visus.
 se in deformi cœtu deformior atros
 errori attollens oculos, præfixaq; fronti
 rnuâ, nigranti semper squalentia fumo,
 irâ fremens, pressisq; infrendens dentibus atrox,
 datus, & longo sacrorum exercitus usu,
 nec singultanti tandem sic protulit ore.
 Et hercis olim fulgentes sedibus, imos
 nunc missi ad Manes, quanquam illatubile regnum
 titi sumus umbrarum noctisque profunda,
 regnamus tamen. Et non hoc in carcere tantum
 gnamus, terram mare quâ circumdat & aër,
 super & fuluo lustrat Sol aureus axe,
 nnia sunt nostris iam peruia viribus, omnes
 didimus latè populos, urbēque tenemus,
 tque animas mira lactando ducimus arte,
 us illo, has alio vinctas ad Tartarâ nodo.
 se adeo vacua cali se iactet in aula
 si nos exturbauit atrox, sua fulmina mittat
 orridus, & tonitru magnum labefactet Olympum.
 t mundi certè imperium, licet abnuat usque,
 bstulimus. Superest tantum ut retinere queamus.
 is dictis arrecti animi, vulgusque moueri
 perat, & tremulis inuoluere murmura labris,
 siluis strepitant auræ simul imminet atra
 empestas, miseris meditans mala plurima nautis.
 se suis iterans compressit murmura verbis.
 s Stygia, atque omnis sceptri fiducia nostri
 on alio stetit auxilio, nec stare videtur

Posse diu, quàm quòd sceleratum irrepfit in orbem
Vana superstizio, & tam longa obliuia veri
Numinis. Hinc vires, hinc tanta potentia nobis.
Scilicet & rerum domini sumus. An ne videtis
Nostra quot & quantis cumulant altaria donis?
Nec tantum pecudes, armentaque buccera ducunt,
Ipsi se mactant homines, & saepe ministro
Latior optatis iugulum dedit hostia cultris.
O ingens, verùm nobis gratissimus error!
Quippe etiam Superos sese implorare professi,
Quorum nos cultus & nomina finximus ipsi,
Mille Deos, totidemque Deas, & somnia mille,
Impia mentitis bacchantes orgia sacris,
Nostris aduoluunt genibus, votisque fatigant
Non donaturos nisi noxia munera Diuos.
Quando igitur nostri custos fidissima regni
Sola superstizio est, atque huic debere fatemur
Tot fontes animas, quas hic Acheronte sub imo
Cogimus illa pati quæ nos perferre necesse est,
(Idq; iuuat, neque iam superest alia vlla voluptas)
Hoc agite, arripite arma citi, stet parta tueri.
Ipse ego, quòd maiora vocant discrimina, nunc hic,
Nunc illic adero, & tota me mole mouebo.
Flammea si potui conuersus in ora draconis
Infesto cali armigeros incessere bello
Æthera per medium, & tanto superesse labori,
Nunc morer, & Christi turbet me nomen Iesu?
Scitis enim quibus ille ferox nos, nostraque vexet
Auspiciis. Ideo (nisi mens tunc nulla fuisset)
Principio perdendus erat, vel matris in aluo,
Vel tener in cunis, aut cum gestatus in vlnis
Herodem fugiens Aegypti regna petebat.
Tunc quoque (nam memini) nimium puer ille timendus.
Sed quis ab incerto genitum patre, vel patre nullo
Crederet ad tanta venturum lumina fama?

odio probitas omnis, sed ferre queamus
 imprivata manet. Nimum me publica virtus
 erritat, & profusa sui. neque enim auias rura,
 silvas colit, aut prærupti vertice saxi
 nosse viam, aut astrorum arcana laborat,
 paucos inter comites, iuuenumque cateruas
 rictibus clausis cacòque immurmurat antro
 a nescire aliquis prudens quàm discere malit,
 ales saepe viros submitunt Baëtra, vel Indi,
 Nilis fontes, aut mendax Gracia nutrit;
 t urbe in media mediis se in millibus effert,
 dictis factisq; potens quæ tradidit ore
 estat & exemplis, nec linguae discrepat usus.
 nite quanta illi de se fiducia surgat.
 s quoque cum voluit sua iussa capeßere cogit,
 odq; iubet, quamvis rerum natura repugnet,
 amen. Hunc credam mortali sorte creatum?
 labor, & gemitus, durisq; in rebus egestas,
 color, & facies hominem sonat. Est homo certè
 patitur, certa est hac experientia veri.
 igitur vires huc toti effundite vestras,
 ille nocendi artes. Aliquā nocuisse iuua-bit.
 fide deerunt opera, scelerumq; ministri.
 s enim quorum ille odiis iactetur & ira.
 tum absit mora. namq; suo pede si steterit res,
 ncat virtus, si nemo exorsa retardet,
 ulsis mundo tenebris, & lucereuersa
 rarum pereat regnum noménque necesse est.
 q; relligio præclusis faucibus Orci
 rno illustres animas transscribet Olympo.
 it. Hinc dira socios partitus in omnes
 era militia tetro seuissimus antro
 et, & rectà Solymos petit. Horror euntem,
 uitur Pavor, & commota Insania mente,
 aq; simul Furia. Quarum una, sororum

Pessima, se Ischarij sub pectore condidit imo.
Nec via difficilis. Iam dudum strauerat illam
Turpis auaritia labes teterrima, qua se
Furia per, & celeres properat ditare rapinas.
Sed tamen apposta est tali custodia talis
Mancipio, incepto ne forte absistere victus
Possit, & excussis educere colla catenis.
Inuadunt alios alij, pars viribus usi,
Pars instructa dolis. Nulli stat parcere, nullum
Nontentare nefas. Quo quisque integrior omni
Abstinent cautius vitio, tanto acrim instant.
Sic quondam hiberno cum sidere tristior annus
Ningit, & astrictos Aquilonibus impedit amnes,
Quotulas magis ad caulas pecus omne remotum
Ruminat, & teneris implet balatibus auras,
Seuior hunc mouet arma lupo, partesq; per omnes
Explorans aditam nunc huc, nunc vertitur illuc
Dira fremens. Premit atra fames, ira que ministrat.
Ipse caput quassans cinctum serpentibus atris
Pontificis summi limen dux obsidet, illam
Expugnare parans, & vertere funditus aulam.
Obstitit aggressu primo sacer ille tiaras
Vittati capitis, quod tunc insigne gerebat
Muneris eximij, visuq; exterruit hostem.
Sed quia quem nactus pretio fœdabat honorem
Occulta scelerum illuue atque libidine turpi,
Spem dedit ipse sui. quid enim mens conscia posset?
Victus habet, sparsum venis furiale venenum
Labitur alia petens, penitusque per ossa medullis
Hæret, & indomita torquet precordia flamma.
Æstuat infano vindictæ accensus amore,
Æstuat, & sine more furens sitit usque cruorem
Infantis Christi, miserumque ea magna coquebat
Cura, quod obstabat populi fauor. Aduocat ergo
Concilium. Accurrunt procures, spatio sâque complent
Atria

teria. Stat circum Larvarum exercitus ingens,
 iste satellitium, tali sed praeside dignum.
 qui toruam voluens aciem, suffusaque tabo
 umina, (nam toto rabies ardebat in ore)
 sper in hac sauis prorupit iurgia verbis.
 uo nos usque viri mala perdu inertia, nec se
 tollit humo si qua est in pectore viuida virtus?
 Tempe hoc assiduum, repletur curia verbis,
 d nihil interea geritur quod postulet usus.
 uid querar? aut quò me referam? Pro dedecus! Illo
 nem toties meritis tolli decreuimus omnes
 ppliciis en viuit adhuc. Quid viuere dicam?
 regnat. Nec populi tantum se iactat habenis,
 os petit, & nostros ad se iraducit honores.
 am qua sacrorum, templi qua salua manebat
 ra, nec imperiis infracta hostilibus unquam
 rbitrio stabat nostro, hanc sibi vindicat iste
 improbus, & raptis iortorum more flagellis
 uos se ferre negat sacra inter septa ministros
 icit, atque in nos probris ea ructat accerbis,
 alleat, inq, sinum sibi despuat omnis ut astant
 uditor. Patimur tamen, atque ignoscimus ultro.
 ilicet hic tota quem vidimus vrbe triumph
 inis, ut in tanti iuremus verba magistri,
 edamus patriis ut legibus, at iua Mose
 ssa dehinc nemo, nemo tua signa sequatur.
 unierat, bilémque animis accenderat atram,
 Quàm facile arentes torret cum Sirius agros
 Accipiunt ignem stipula, flammásque sequaces.
 ed populum festis tamen irritare diebus
 non relligio, prohibet timor. Haetenus ira
 substitit, ut paulum repressa ferocior inde
 urgeret, & siccas expleret sanguine fauces.
 Ast iisdem interea furis agitatns Indas
 rumpens portis, ut qui non parua referret,

Attonito similis, (pallor sic verterat ora)
Impronsus adest, & quod vix credere quisquam
Audebat tanto in numero, licet improba tota
Turba foret, dominum venalem obrudit, & ultro
Quid mercedis erit? Si debita poscimus, (inquit)
Premia si nostro stant non indigna labori,
Ipse ego (ne dubitate viri) quem queritis ipse
Ipse manu vobis tradam. Vos quolibet illum
Ducite. Certa fides quam certa pecunia firmat.
Hanc date, spe citius mea dein promissa sequentur.
Sic ille. Incerto resonant subsellia plausu.
Quem Stygi circum alipedes ferali dederunt
Læticia signum, veluti spectata theatris
Fabula cum placuit fremit omne ignobile vulgus.
Nec mora, quos pacti simul (O vesana cupido!)
Ter denos infantis heri pro corpore nummos
Accipit argenti veteris. Quod vile quis usquam
Mancipium non pluris emat? Sed nec dare multa
Consuerunt qui sacra ferunt, & quisquis auarus,
Semper inops animi, quoties obiecta lucelli
Conditio est trepidans rapit obuia, longa relinquit,
Præverti miserè metuens, aut denique falli.
Mercedem hanc igitur sceleris capit improbus, atque
Vnguenti reputans pretium, (causa vnde furoris)
Quæ ter centenis ter dena abraderetur turpi
Tunc poterat furto nunc proditione reponens,
Latus abit, voluens animo quo tempore, quæve
Mox præstet promissa modo. Iam totus in illo
Ad socios redit, & nutus observat heriles.
Quoque magis lateat, blandos stat fingere mores,
Dissimulare nefas, crimen non prodere vultu.
Nec subit ab misero quoties iam viderat antè
Occultos aperire dolos, atque intima mentis
Consilia hunc ipsum quem vendidit, idq; Senatus
In medio coràmque (pudor) tot testibus astant,

Et spondere volens, cupiens & in aëla referri
 Publica, quò cunctis testatum dedecus esset.
 Sic scelera ingeminant, errorémque implicat error
 Cum semel excutiens neglecti frena pudoris
 Perfurit indomitam, nec habet vesania finem.
 Iam bis septeno se Luna coëgerat ortu,
 Et patrio sibi quisque agnum de more parabant
 Isacida lati. Et quoniam nil iusserat, ultro
 Accedunt Christum comites, pia cura, rogántque
 Sollennes ubi & ipse dapes sibi posceret. Ille,
 (Vt Solymis aberat) Præcedite (dixit) in urbem.
 Obuius ingressis fiet de fonte reuertens,
 Qui dulces habili latices gestabit in urna.
 Hunc vos obseruate, & quò diuerterit, illic
 Affati dominum, paucis mea vota referte.
 Nam simul atque suis me velle intelliget uti
 Aedibus, instructam monstrabit sedulus aulam.
 Hic agite. hic nil deerit enim quorum indiget usus.
 Non secus ac iussi faciunt quibus illa duobus
 Cura fuit. Sequitur mox ipse, & nocte propinqua
 Tecta subit, tanti latè celebranda per orbem
 Hospitis aduentu, qui quas celebrauerit ades,
 Sint humiles licet, & nullo spectentur honore,
 Ardua decedat magni quæcunque tyranni
 Regia nobilibus fulgens innixa columnis,
 Ac neque Romani certet domus illa Neronis
 Aurea, nec Bactris, nec si qua feratur ad Indos,
 Ditésque Aethiopum populos, ubi fama coruscat
 Ostendi Solis mensas, fontésque beatos.
 Si desunt Pario ducti de marmore vultus,
 Si proauum series molli nec spirat in ære,
 Nec pictis eadem sic est expressa tabellis,
 Vincat ut argutam, aut possit vicisse videri
 Naturam manus artificis, modò verba sequantur;
 Non ebur, aut summis fulget laquearibus aurum,

*Nec sola luxuriant nitidis variata lapillis,
 Aut strepitant cultu sinuosa per atria serui;
 At mundus victus pura sine crimine mensa,
 Et iucunda quies nullius conscia culpa
 Non desunt. Hic & socij concordia lecti,
 Atque amor, atque fides, veri certissima custos,
 Cautaq; simplicitas, atque omnis mater honesti
 Religio regnant pariter, dominumq; beatum
 Pacata assidue recreant solatia mentis.
 Talia tunc igitur cum tecta subisset Iesus,
 Tecta, Dei templum quo non antiquius ullum
 Christiade agnoscunt, (Ideoque augustius illud
 Legerat, instructum, pictisq; tapetibus aptum,
 Ut noua sacratissibi traderet orgia mystis)
 Eterno comites sibi quos deuinxit amore
 Communi associat mensa. Ac simul ardor edendi
 Cessit, & absumpto, vetus ut lex imperat, agno
 Iam magis attentae stabant sermonibus aures,
 Incipit, & blando mitis sic ore profatur.
 Hoc solenne sacrum quod nunc celebramus, amici,
 Ingenti desiderio saepe antè cupiui
 Perficere humanis quàm me discedere rebus,
 Atque extrema pati iubeat diuina voluntas.
 Adiicite ergo animos, & quod nunc instat agamus.
 Sic fatus linquit mensas, vestemque fluentem
 Ponit, & accinctis inducens lintea lumbis
 Flumineos latices undanti pronus ahenò
 Grandibus infundit labris, pedibusque suorum
 Abluere aggreditur sordes. Procumbit humi rex
 Qui calum calique suo sub numine torquet
 Sidera, & aduoluens genibus quos lauit eosdem
 Deterget niueo quo se velarat amictu.
 Non tulit hunc habitum Petrus, quem viuida semper
 Vis animi stimulo generosa mentis agebat.
 Vig; eius venire vices, sic turbidus infit,*

*Tūne meis lympham pedibus? Dum vita manebit
 Nunquam egote patiar dominum seruire ministro.
 Ille refert, Meus iste labor quid conferat, aut quò
 Tendat adhuc nescis. Sine te leuis abluat unda.
 Nisi facias, pars nulla mei tibi cedit honoris.
 Quod simul audiuit, velut astro percitus, At tu
 Non summos modò tinge pedes, ne deserar (inquit)
 Et capite, & manibus, toto & iuuat ore lauari.
 Cui Christus, Loto mundus qui corpore viuit,
 Huic satis est lauisse pedes. Vos denique mundi,
 Non omnes tamen. Hoc addens, quò proditor ille
 Scilicet agnoscat culpam, nec fallere speret
 Perfidus. At nec facta valent, nec dicta mouere
 Deuorum Diris animum pestiq; nefanda.
 Postquam lustrali socios sic abluuit unda,
 Aptauitq; viros sacra ad mysteria cena,
 Qua pueros poscuntque pedes, & pectora pura,
 Depositae sumens vestes, iterumq; recumbens,
 Hortatur meminisse velint alternaque semper
 Prestare officia, & fidum non ledere amorem.
 Nam si ego, quem dominum, regemque, patremq; vocatis,
 (Et merito, neque enim non debita sumimus, inquit)
 Tale ministerium nullo cogente peregi,
 At certè inter vos eadem seruariæ æquum est.
 Talia commemorans, quæ corda domare superba
 Paulatim, & miti possent assuescere cultu,
 Dein maiora mouens, caris quæ linguat amicis
 Munera proponit, summumque instaurat honorem,
 Quo mortale genus fulgentibus inserat astris.
 Illa quidem aspectu nusquam non obuia, & agrè
 Quæis duci sine vita queat panisq; merumq;
 Sed verbis vis omnis inest, quam nulla referre
 Lingua, nec humano mens ulla apprehendere sensu
 Possit in his rerum tenebris & nocte profunda.
 Namq; super cenam mensis de more secundis*

*Dum gaudent socij, medio dux agmine calo
 Sidereos tollens oculos, atque in sua vota
 Implorans genitoris opem, qua fregerat antè
 Frusta laborata frugis partitur in omnes,
 Atque ait, Hoc vestra pretium non vile salutis,
 Ecce, meum est corpus. Id sumite. Deinde recepit,
 Implevitq; mero calicem, quòque antè tenore,
 Hic meus est (inquit) sanguis, quem publica fundo
 Victimam pro populi admissis. Haurite volentes
 Ordine quisque suo. Suprema hac munera sunt.
 Non etenim post hac una continget, amici,
 Has iterare dapes, hos vitis ducere succos,
 Donec ad aeterni culmen progressus Olympi
 Illic vos regno excipiam, mensisque paternis,
 Atque ibi nunc coepti tunc perficiantur honores.
 At vos interea, vestrique in sacra nepotes
 Praclaris aucti donis, hunc ritè frequentes,
 Hunc lati celebrate diem. Juuet acta referre,
 Et mortem iuuet, & nostros memorare labores,
 Donec summa dies cum fractum euerterit orbem
 Caelesti veniam index horrendus ab arce,
 Et sua tunc ponam sceleri, sua premia laudi.
 Sic fando (res mira) sacras iam corpore toto
 Induerat sese in fruges, laticèmq; Lyeum.
 Miratur Natura parens, sed fassa pudorem
 Absistit tamen, & non indignata recedit
 Aduentante Deo. Specie tenuis illita restat
 Forma, sed arcano mutantur corpora motu,
 Nec cernunt oculi cupido quod sumitur ore.
 Ex illo mundis quoties aduoluimur aris,
 Et sacer Antistes ea protulit ordine verba
 Quae quondam Christus (Christi namque instar in illo
 est)
 Non, quae spectamus, pateris delibat & auro
 Vitigenos latices, & pura crustula frugis,*

*Sed verum Christi corpus, sanctumq; cruorem,
Atque iisdem populum dapibus quoque pascit opimis.
Quippe Dei soboles, cui par cum patre potestas,
Ut nostros sibi nascenti circumdedit artus,
Sic sese insinuat nobis, sese ipse vicissim
Reddit, & ingentem voluens sub pectore flammam
Accensis diuinum animis infundit amorem.
Tum si quid superest contracta labis, id omne
Purgat, & aternis cali nos ciuibus aequat.
Sentiet hoc casta quicumque ea sacra frequentat
Mente, nec addubitat quanti sit Numinis hospes.
Felix ille etenim ceu flumina propter amœna,
Ver ubi perpetuum tepidi fouet aura Fauoni,
Ambrosia vescens securi graminis herba,
Quos sors cunque ferat, vis aut inimica tumultus,
Mollia tranquilla traducet tempora vite,
Nec mortem metuet, morti qui nempe superstes
Victor ad optatas transit, sua premia, palmas.
O utinam cunctis ea stet fiducia cordi,
Ut nostris olim proavis. Qui credere docti
Quodcunque aetherei processit ab ore magistri,
Nectam scire auidi, quàm cauti viuere rectè,
Æternam stabili seruabant fœdere pacem.
Nos verò humanis rationibus omnia mensi,
Ipsum etiam nobis ausi submittere calum,
Dum sua quemque trahit studia in diuersa voluntas,
Omnia dissidiis miscemus, & omnia bello.
Nec spes vlla boni superest ubi soluitur illud
Sacramentum ingens, & tanquam tessera sacre
Militiæ Stygiæ contra horrida castra tyranni.
Cessant excubie, saeuo via panditur hosti,
Et generosa phalanx iunctis inuicta manipulis
Rumpitur, huc illuc versis dum labimur alis.
Sed frustra queror heu, nec habet furor impius aures.
Postquam sic igitur sollennia dona peregit*

*Humani generis vindex, accensa suorum
Corda nouis agitans stimulis, turbatus, & altè
Dans gemitum, Vita spatium percurrimus (inquit)
Hactenus, extremi superest nunc meta laboris,
Scilicet ut nostro peccata aliena luantur
Sanguine. Nec mortem tamen exhorrescimus, vltro
Ibimus, & magni peragentur iussa parentis.
Morte sed est grauius quòd qui me destinat hosti
Tradere de vestro hic numero est, & vescitur iisdem
Nobiscum dapibus. Sic de me oracula loquuntur.
Nec tamen hoc impune feret. Miser ah miser ille,
Cui satius foret haud prodisse in luminis auras.
His dictis trepidant pauidi gelidusque per ora
It sudor, quatit ossa pavor. Tum lumina volunt
Huc atque huc, vultu crimen si agnoscere possint.
Quippe fidem verbis adhibent, sed credere de se
Horrescunt tam grande nefas. Ergo ordine cuncti
Pro se quisque rogant anne ipse anne ipse scelestus
Ille foret. Rogat & frontem perfrictus Iudas.
Nec responsa incerta refert, sed nescia culpe
Simplicitas alios, nec inutilis impedit error,
Ne quâ fortè manum iniiciant, & cœpta morentur.
Namq; & Ioannes, magno dilectus amore,
(Proinde sinu lecti recubans quo Christus eodem,
Pronus & aethereos ducens de pectore succos)
Cum Petri monitis (quid enim non auspice Petro?)
A domino auctorem sceleris perquireret, atque hunc
Protinus ille manu porrecta ostenderet ossa,
Quod videre palam poterant vidisse negari.
Vsq; adeo obscura inuoluit pater omnia nocte
Dum perfecta forent, & iam meminisse iunaret.
Denique cum caput infandum sic iussit abire,
Hoc age, tolle moram, ac Furiis comitantibus idem
Festinans abiit, quid apertius? Et tamen illi
Omnia credebant potius quàm tale parari*

Insidiis scelus, & diras cum sanguine pœnas.
 Quæque fides animi tecta nil fraude mouentis,
 Quandoquidem regni fuera' spes facta propinqui,
 Cetera securi, multis contendere verbis
 Cœperunt pariter cui fors ibi prima daretur,
 Quo se quisque gradu, quanto spectandus honore
 Tolleret. Ipse suis fastum procul absore regnis
 Affirmans, & dona tamen sublimia spondens,
 Sollicitus monet exemplis ut maior haberi
 Qui velit officii inuēt, obseruēque minores.
 Nēve suis fidant meritis, nisi Numinis ultro
 Adfuerit fauor, & caelesti afflauerit aura,
 De vestrū in me studiis præclara professos
 Amplector, sed tempus adest quo deserar, (inquit)
 Et quem nunc colitis, regēque, patrēque vocatis.
 Rebus in aduersis confusi optabitis omnes
 Non nosse. Vsq̃ue adeo pulsus de pectore nostri
 Cedet amor, nec erunt mea magna opprobria cura.
 Jam Stygia incumbunt tenebra, ruit horrida calo
 Tempestas, quæ deprensos vasti æquore campi,
 Turbatosque metu deserta subire ferarum
 Hospitia, & cacas adiget penetrare cauernas.
 Sic vates cecinere. Cadet sub verbere duro
 Pastor, & incerta huc illuc custode remoto
 Dispergentur oves. Tūque o qui feruidus anteis
 Semper, & eximium præfers accensus amorem,
 Nunc Petre aduigila. Inferni te tela tyranni
 Prima petent, neque enim cribris agitata farina
 Puluere tam tenui fundo subsidit, ut ille
 Vos quaterere obtritis malè perfidus ossibus optat.
 Sed tu fide Deo, supplex quem voce rogavi
 Ut tua certa fides omnes stet nota per annos.
 Erige te, fratresque tuos, neu desere lapsos.
 Petrus ad hæc, Summis ego me tibi iungere rebus
 Addubitem, aut ullo possim terrore moneri?

Non

*Non adeò nullus circum præcordia sanguis,
Non fronti pudor omnis abest. 'Per tela, per enses
Te sequar, absistant alij. Sit carcer, & atra
Mors subeunda mihi, tecum subisse iuuabit.
Sic ille, atque alij, donec procul absuit hostis
Intrepidi. quid enim de se non crederet ipse
Qui sibi plaudat amor? Nulla ac sine Numine vires.
Ergo illi contrà quem nec ventura latebant,
Tunc ò nequicquam confidentissime mecum
Vel mortem, vel vincla feras? Non antè secundo
Excubitor lucem cantu prædixerit ales
Quàm ter me nonisse neges, dominumq; relinques.
Hactenus, exuti propriis, atque omnium egeni,
(Sic iussi ignotas quoties accessis ad oras)
Cum nec Zona foret, nec res, nec sacculus ullus,
Vixistis tamen, & securi vinitis. At nunc
Me sine quid superest? Nulli iam sacculus vnus
Sit satis, aduciat Zonam, tunicamq; cõempto
Permutet gladio. mihi nam grauis exitus instat,
Supplicio vt fontes inter male plectar acerbo.
Cumq; illi, ignari verum, noctisq; profunda
Offusi tenebris, binos ibi forte repertos
Monstrarent gladios, Satis est satis, inquit, & inde
Inceptum peragens sermonem talia fatur.
Venit summa dies, oculis iam subtrahar. Atqui
Mox reddar. Magno genitor me poscit Olympo,
Huc feror. Huc necdum vobis via, præire necesse est,
Augustasq; aperire domos, spatiosaque cali
Atria, distinctis latè penetralibus apta.
Illic vos igitur certo post tempore latos
Excipiam, vt mensis saturi celestibus vnà
Immortali æuo incunda in pace fruamur.
Interea durate viri, nec rebus in artibus
Cedite, dum redeo. neque enim vos tempore longo
Nostra nudatos ope præsidioq; tenebo.*

*Arma manent reducem Galilæa. Huc tendite gressum.
Nunc fuga, nunc labor, & trepidis timor anxius instat,
Fletusq; gemitusque, & quæ dolor imperat ingens,
Sed velut immites experta puerpera partus
Cum semel arrisit matri dulcissimus infans
Præteritos animo iam nunc oblita labores
Exultat, gaudens quod cinem protulit orbi,
Sic mea vos omnem præsentia ponere luctum
Coget, & infundet placida nova gaudia menti.
Non ego tunc iterum patrio ceu funere maestos
Pupillos nullo tutos custodere relinquam,
Ætherea sed enim veniet demissus ab arce
Spiritus, æterni lumen patris. Ille docebit
Omnia, quæ longo neque nunc sermone referre
Possim ego, nec vestras penetrent narrata per aures.
Dura ferenda quidem, (nam me quoque dura ferentem
Cernitis, & cernetis adhuc) mens dura ferendo
Assuescet tamen, atque etiam letabitur ultro.
Hæc est illa quies, hæc pax, quæ plurima nostro
Numine tranquillis penitus se mentibus infert,
Vis ut nulla queat, nulli turbare tumultus.
Hanc ego supremum vobis nunc munus, amici,
Largior aspirans animis. Hæc fœdera leti
Iungite, & ut norint omnes vos esse meorum
De numero, firmum nunquam interrompите amorem.
Sic ego, sic unum genitor sumus. Omnia in unum
Cogat amor, tali cedant atque omnia amanti.
Quæ nato pater omnipotens, ea munera natus
Ipse dabit vobis. Petite, & donabitur omne
Quod petitis. Quin vestram mihi si certa fides est,
(Sicut erit) memores mea si præcepta tenetis,
Quæ nunc ingenti plausu pulcherrima facta
Cernitis æquare, atque etiam superare licebit.
Nil sine me, nil me quisquam quæsiuerit extra.
Qui faciet, sacra quondam de vite recisus*

*Ut palmes mane at sterilis, pereatque necesse est.
 Filioli seruate fidem, seruate perennem
 Solliciti, toties quem commendamus, amorem.
 Talia mellifluo postquam sic fuderat ore,
 Acque patri magno grates persoluerat, illinc
 Sublatis abiit mensis, urbemq³ reliquit,
 Et solitos petiit colles, hortosq³ supinos,
 Quâ torrens Cedron liquidis pralabitur undis.*

LÆVINI TORRENTII DE
 CRVENTO DOMINI NOSTRI IESV
 Christi Sacrificio.

LIBER III.

INTEREA magnū nox horrida texerat orbē,
 apta dolis. Quos iam meditans teterrimus ille
 Proditor, ast idem metuens ne fallier arte
 Inqueat occultas toties quem viderat ante
 Effugere insidias, & opertos promere sensus.
 Fraudem animis munire parat. Nec cogere cœtum
 Difficile, accurrunt ultro procerūque ministri,
 Et procerum vilis quos offula fecit amicos,
 Aut merces etiam, & pacti pro sanguine nummi.
 Hæc tali duce digna cohors sub nocte profunda,
 (Sed noctem vicere faces) ductura nocentem
 Scilicet, ut iusti se iudicis ante tribunal
 Si fiat, & obiecto pendat pro crimine poenas,
 Egreditur portis, campoq³ effusa patenti,
 Hos, illos seruans aditus, Cedronis ad amnem
 Ut ventum est, colles hortorum indagine cingit.
 At ductor, vitam cen qui venatibus asper
 Exercens celeris sequitur vestigia cernit,
 Mox noto inuentum thalamo clamore secundo
 Excitat, & carulis aduersa in retia cogit,
 Partitus socios, il præmiis ipse, solebat

Quā domino praeunte sequi per nota viarum
 Compita. Nec mora longa, locum deuenit ad illum
 Quo tendebat inops animi, & iam perditus ipse
 Perdere festinans alios. Tum limine primo
 Substitit, & paucis, (ut erant ad cuncta parati)
 Affatus comites, Hic hic latet abditus ille
 Hic (inquit) latet. At ne quem malus implicet error,
 Aut alia occurrat facies, ego primus adibo,
 Porrectaq; manu prensabo, atque oscula iungam.
 Vos cauti seruate virum, nec parcite capto.
 Quae verò interea Christus contrā arma parabat?
 Non illum latuere doli, non turpe nefandi
 Artificis scelus. At quoniam suprema volenti
 Nox aderat, monstrans alijs ratione modoque
 Dura pati, mortisq; minas postponere vero,
 Aetherei postquam repetens arcana parentis
 Alloquia ab magna strepitu secesserat urbis,
 Quos duxit secum comites virtutis amore
 Accensus monet ut perstent, promissaque seruent.
 Neue animi imbelles onera ad maiora vocentur
 Quam perferre queant, velut intra septa relictos
 Castrorum viridi considerare iussit in herba.
 Ipse tribus toto è numero stipatus amicis,
 Quorum summa fides, quibus & iam testibus antè
 Signa sui dederat, radiis ardentibus aptum
 Cum cinxit caput, & diuino effulsit honore,
 Commisit sese pugna, non horridus ense,
 Horridus aut iaculis. Gemitus fletusque fuere
 Arma viro, atque agrorupti de pectore questus.
 Fassus enim fusis inter suspiria verbis,
 Dum mortem, & sauas reputat longo ordine poenas,
 Quam vehemens animum quateret dolor. Ipse tamen so
 Colligit, & sociis medio in sermone relictis,
 Sed monitis iterum ut vigilent, totoq; precentur
 Corde Deum, duris quarens solatia rebus

*Ad patrem conuertit iter. Nec longa remotus
Post spatia extantis scopuli sub rupe canata
Hortus ubi acclini surgebat margine montis
Curuis fusus humi genibus, mox sustulit ora,
Æternum hac supplex compellans voce parentem.
Sancte pater, qui me tecum supera alta tenentem
Induere humanos moribundi corporis artus,
Et nasci, & tantos voluisti ferre labores,
Hactenus exhaustum satis est, nunc horrida transfer
Pocula, quæ gustu nimium miscentur amaro.
Si tua progenies, si sum tua sola voluptas,
Si tua ritè tuli verax præcepta per orbem,
Hoc precibus concede meis. hoc namque precari
Ah teneri nimium cogunt sub pectore sensus.
Sin aliter visum, mea ne sententia tecum
Discrepet, humanam aut videar differre salutem,
Tute iube. Iussi, genitor, meliora sequemur.
Quod superest, pressum grauitè, nec digna ferentem
Firma animum, & iustas in pralia suffice vires.
Talibus orabat lacrymans. Votisq; peractis
Inuisit socios, quorum iam soluerat altus
Membra sopor. Verbis igitur non lenibus illos
Castigans, Petrum ante alios, qui magna locutus
Nil faceret dignum dictis, at nil opis inde
Expectans, animus maior quòd viribus esset,
Mæstus abit, repetitq; preces, repetitque parentem.
Mox iterum tamen ut caros accedat amicos
Cogit amor. Sed non illos par cura remordet,
Ægra superfuso deuinctos lumina somno.
Tum verò exarsit mediis dolor ossibus ingens.
Ingemit, atque iterum lacrymis super ora profusis,
Assiduè reputans precibus miserescere Numen,
Summis annitens studiis, ac totus in illo,
Implorat genitoris opem. Gemit ardens æther,
Et mæsta illacrymant plangentibus arbuta filius.*

Ipse graves inter gemitus sænōsque dolores
 Feruidus inuicta perstat dum robore mentis,
 Luctantes moderans animos, it corpore toto
 Sudor, & immixto manantes sanguine gutta
 Purpureo circum omne solum tinxere colore.
 Usque adeò teneros de virgine duxerat artus.
 Quōque suos ardens complectebatur amore,
 Quicquid in hac illi peccarunt nocte licebat
 Ipse. Nec immenso poterat par esse labori,
 Sed pater omnipotens sortem miseratus acerbam
 Alipedem ætherea inuenem demisit ab arce,
 Purpurea insignem chlamyde, & talaribus aureis,
 Qui noua iussa ferens natum tam sæua dolentem
 Subleuet alloquio dulci. Volat ille per auras,
 Nec mora, fulgenti ante oculos in nube coruscans
 Improvisus adest, mollitq; his pectora dictis.
 Nate Deo, qua te pietas descendere calo
 Impulit, & casta progressum virginis aluo
 Inde ter vndenos vitam tolerare per annos,
 Prescripti spatium cum iam percurreris aut,
 Cur eadem non sponte tua concedere morti
 Suadet, ut humanum tollas ad sidera nomen?
 Si fuga, si latebra turpes, & probra tuorum,
 Si genitricis amor, si te furor angit Iudæ,
 Atque vno quicquid scelerum gens impia nectet
 Obtutu se infert oculis, agrumq; fatigat;
 Quò magis hæc indigna, olim maiora relinques
 Exempla, ut mala ferre velint, vincantq; ferendo
 Quos virtus tua per vestigia ducet ad astra.
 Maeste animo. Non parua ideo, aut temnenda sequentur
 Premia. Quà magni pandit se machina mundi
 Seruabis mortale genus, caloq; locabis
 Illustres animas, quarum non æthere vasto
 Equabunt numerum stellæ, non litore arenæ.
 Talibus aligeri dictis pater annuit equus,

Annuit, & sanctum nato aspiravit amorem.

Quo tutus Strygi contra omnia tela tyranni,

Cui data non unquam vis tanta, aut cura nocendi?

Perfunctus precibus socios simul excitat, atque

Obuius immanis fertur mitissimus hosti.

Quem postquam aspexit gradicens, non perfida fugis

Oscula, non sordes immundi despuis oris.

Quinetiam errorem miserans, Quò tendis amice,

Quid ve paras? Tum vos aliquem queritis, (inquit)

Quò ve tenetis iter? Cumq; illi murmure rauco,

(Isti iuncta stabant acie) vultuq; minaci

Dulce salutiferi proferrent nomen Iesu,

En (ait) en ego sum. Qua sola exterrita voce

Tota cohors gressum reprimens, ut vipera morsu

Si petat, Herculei aut vis ingruat horrida morbi,

Concidit in tergum crepitans. Procul arma, faecesq;

Et dolus, & rabies flava extenduntur arena,

Ceu pecudes medio feruet dum Sirius aestu

Propter aquam ignavum proflantes pectore somnum.

Nec satis, errantem ut reuocent miracula mentem,

Sapius ac moniti discant non temnere Numen,

Erecti ex templo redeunt, iterumq; rogati

Quem querant, eadem postquam responsa dedere,

Excussis iterum labuntur turpiter armis.

Ipse autem in mortem properans torpore sepultos

Suscitat, & nulli iam formidabilis ultro

Sese offert, sacras tendens ad vincula palmas.

Sed tamen ut seruetq; gregem, reddatque parenti

Incolumen, dempto, qui se male perdidit, vno,

Permitti iubet intactos discedere amicos.

Quos inter vanis iactantes grandia verbis

Acrior insurgens Petrus, quem texerat antè

Corripuit gladium, & Quin nos quoq; cadimus? inquit.

Quo dilatoruit in medios, servumque trucidet

Pontificis summi Malchum, sed vertice aberrans

Auri-

Auriculam misero non optimus abstulit ensis.
Iamque iterum feriat, placidi sed voce magistri
Ne gladium intentans aliis gladio occubet ipse
Admonitus, tandem absistit, ferrumq; recondit.
His pudor accessio, quod quæ manifesta dedisses
Vulnera contactu subito sanata videbat
Mitis heri, ut monstret sese nullius egentem
Auxilij, cuius nutum caelestia servant
Castra, quibus nostras haud fas contendere vires.
Atque adeo ut turba mixtos cognouit in illa
Primores quosdam populi, templique magistros,
Dum tortum expediunt funem nodosque tenaces,
Cur structis (ait) insidiis per denia rura,
Haud aliter quam filatro, aut sicarius essem,
His in me sumptis nocturni acceditis armis,
Quem medio in templo, mediâque in luce frequentes
Vidistis toties, toties audistis? Inermem
Prendere quid vetuit tunc atq; abducere captum?
Sed iam tempus adest quo quod fuit antè negatum
Permittit genitor, laxasque effundit habenas
Vmbrarum dominis, penitusque procacibus Vmbris.
Hoc agite, atque explete animos. Sic ore locutus,
Amisissis sociis, amissis solus amicis,
Per varia ad notam ludibria ducitur urbem.
Quo tanto letus successu immanis auari
Rex Erebi mira praestantes arte ministros
Imperia, & totas odiis disperdere gentes,
Evocat. Accelerant auidi. Iubet ille parati
Auxilio ut properent aliis quibus addita nuper
Cura dolos struere, & tantis praeludere factis.
Consueniunt igitur primum, atque informia iungunt
Agmina, dein tenui audito stridore per auras,
Non aliter capta miles quam raptor in urbe,
Ad sua dilapsi scelera & compendia leti
Per fora, per vicos, per compita secta viarum,

*Perq̃, domos omnes, stratisque cubilia lectis
Aegros sollicitant animos, sparguntque venenum.
Omnibus hic labor, hoc studium est, ut amabile Christe
Nonn, & horrendi caelestia iussa magistri,
Creditaque ingenti toties miracula plausu
Excitant animis, quò tanquam luce remota
In tenebris trepident miseri, perdantque pudorem.
Diuersi volucrum vultus, artésque nocendi
Non varia minus ac nobis sua cuique cupido.
Nusquam absunt, seruant nutus, seruantque colorem,
Nec temerè exciderit quicquam dicentis ab ore
Quod non solliciti expendant, quo pectora norint
Intima, & obsequio perdant faciantque nocentem
Cuicunque institerint, si non se surrigit ipse,
Si non auxilio Diuûm ratione magistra
Praduros subigit sensus, molliq̃, premendo.
Hoc genus acre mali terra seuire marique
Permittit genitor nullo ne segnior hoste
Torpeat, atque oblita sui, atque oblita suorum
Gens humana malum consumat inaniter aenum.
Nam neque Olympiace veniunt sine puluere palmæ,
Nec nisi post magnos cali patet alta labores
Ianua, quâ sedes contingit adire quietas,
Et capere antea et pulcherrima premia vitæ.
Tales cum populo stimulos mala subderet Orci
Turba leuem rumpens per conscia pectora somnum,
Nec minus interea subito vaga fama tumultu
Spargeret adduci captum longo agmine regem
Indecorem regno, qui se diuinitus ortum
Finxerit, at turpes nequeat vitare catenas,
Vndique visendi studio concurritur. Ille
Solus, inops, cuius etiam miserabilis hosti,
Infernas inter Furias, harumque ministros,
Imbellis licet, & placido mitissimus ore,
Vexatur tamen, ac patitur, quia velle videtur,*

Ipse pati. Gaudent certatim illudere capto.
 At verò proceres magna tentantur & ipsi
 Letitia, immemores veri, sanctique pudoris,
 Ausi horrendum, immane nefas. namque ordine nullo
 Supplicium accelerant auidi. Nec causa rogetur
 Supplicij. Quidvis subeant dum perdere possint
 Inuisum caput, & fuso lauere ora cruore.
 Concurrunt igitur media de nocte frequentes
 Purpurei tectis Caïse. Sedet ipse superbo
 Inflatu solio, nec celans gaudia vultu,
 En (ait) ô ciues tota quod mente cupistis
 Posse datur. Longo nec vos sermone morabor,
 Iam captum teneo. Non me frustrabitur ultra
 Improbus, aut ficta vos ludet imagine veri.
 Quod dixi toties, nec me dixisse pigebit,
 Vni exitio cunctis adferre salutem
 Fas & iura sinunt. Satis est potuisse teneri
 Ut peroat. Nec quemquam aliò sententia vertat.
 Hic tantum superest labor, hæc me cura fatigat,
 Optato quod supplicio hunc punire nocentem
 Relligio vetat, & nostra qui præsidet urbi
 Pontius offerri crimen volet, atque probari.
 Efficiam tamen ut quouis sub iudice vincam.
 Vix ea fatus erat, fremitu cum turba feroci
 A socero veniens (magni cui prima Senatus
 Cura, nec insonnem genero minus oderat, ipse
 Ipse etiam hinc aliquam cupiens attingere laudem)
 Vestibulum subit. Ingenti clamore resultant.
 Atria, ceu vasti plangunt cum litora fluctus.
 Nec pudor, armati penetrant toto agmine sacrum
 Limen, & impuro repletur curia cœtu.
 Immixti Pairibus serui, milèsque protervus
 Vnà omnes immane fremunt. Hoc ante tribunal
 Stans captus, sparsis per candida colla capillis,
 Demissos tellure oculos atque ora tenebat

*Triste gemens, nec ob illa tamen qua sufferat ipse,
Sed miserans alios, quos tam manifesta libido
Per scelus infandum rapido compelleret Orco.
Non tamen aut lacrymas dolor, aut iniuria vocem
Exprimit. Insanos inter, qua maxima virtus,
Et silet, & patitur, nec mentem opprobria mutans
Vana magis quam vana aures illudit imago.
Tum vero actoris partes sibi sumere iudex
Non veritus rogat ecquid eum noua ducere sacra,
Atque alios populum ritus morésque docere
Paniteat, tum qui solus sine chorte suorum
Astat, an ijs domino superet fiducia capto,
Quidve parent. Contra ille refert, non abdita sese
Concilia, aut vetitos nocturnum cogere cœtus,
Sed medios inter proceres, plebêmque sequacem
Dicere cuncta palam, qua quisquis templa frequenter
Scire queat, promptos illinc non desore testes.
Talia narranti pugnâ ferus ora satellites
Percutit, increpitans quod non responsa dedisset
Digna satis. Quenam gens hunc tam Barbara morem
Laudet, ut iniussi feriant sua ritè tuentem
Facta reum? Horresco referens. Sed plura sequentur
Fœda magis. Tandem cum nil neque testibus ullis,
Corruptis pretio, nec gnaris texere falsa,
Proficeret structor scelerum, neque qua ipse rogasset
Firma forent, alias transit simulator ad artes.
Nam, quod Pontificem decuit, Mea maxima cura
Religio est, inquit. Quam dum retinere licebit
Incolumem, fas est aliis quoque fidere rebus.
Hanc igitur si tu nobis fulcire labantem
Venisti calo interpretes demissus ab alto,
(Quod te per Superum regem dominumq; potentem,
Cuius sacra fero supplex, & numen adoro,
Attestor) dic ipse palam. Te iudice causa
Ætet tua. Tunc decus nostra, & spes unica gentis,*

Tunc Deo genitore satus, quem nomine Christum
 Dicimus, & sperare monent oracula vatum,
 Isaciūm sublime feres super æthera nomen?
 Sic fatus, viridi latitans cœu gramine serpens,
 Eloquio dulcis, factis immitibus atrox,
 Infandum peragit scelus, instillatque venenum,
 Quo ferus incautum perimat. Nec cuncta videntem
 Id latuit, sed enim reuerentia debita summo
 Pontifici quanquam indigno, atque extrema merenti,
 Hanc tamen expressit vocem sic ore locato,
 Sum quod ais. Id si forsā mea vita peracta
 Vos necdum docuit satis, & nunc credere dictis
 Vincla vetant, veniet tempus cum nube corusca
 Fulgentem, & patris æterni latera alta tegentem
 Delabi summo regem cernetis Olympo
 Attoniti, quem nunc mortali sorte creatum
 Spernitis, & nullo ingratis laudatis honore.
 Hæc responsa ferens, animi turbatus & amens
 Obstupuit primum, hinc tantas exarsit in iras,
 Demessam ut summorumpens à pectore vestem
 Diceret exclamans, Ergo hunc tam dira crepantem
 Fertis adhuc, lasi nec quemquam Numinis ira
 Sollicitat? Quod si facinus linquamus inultum,
 Vnius obstricti scelere extirpabimur omnes.
 Morteluat luat ipse, Deum iactare parentem
 Ausus, & ab demens patriis obistere sacris.
 Mirabor si magnificè tam multa locutus
 Aut vincla excutiet, tortorum aut probra refellet.
 Dixit, & impatiens abiit, catumque reliquit,
 Poscentem meritas propter dicta impia pœnas.
 Tum verò scelerata cohors, cum vinctus, inermis
 Astaret, tacitus, tanquam ad ludibria natus,
 Et dictis saua, & factis immitior, omnem
 Effundit rabiem. Regem, vatēque salutant,
 Et feriunt pariter, calcantq; ruuntq;, trahuntque

*Quò rabidi voluere, oppletaque sordibus ora,
Et barbam, & sacros disarripunt vertice crines.
Heu mihi, quam magno nox illa extracta dolore
Nos vocat in lacrymas! nec enim satis apta canenti
Verba cadunt, crebris & hiant singultibus ora.
Tu modò, quò cæptos valeam finire labores,
Fer pater auxilium, atque aspersum sanguine nati
Annue speratam meritis attingere palmam.
Interea cecis latitabant turpiter antris
Dispersi socij, solus quem viuida semper
Vis animi impellens opera ad maiora vocabat
Captiui, quocunque trahant, vestigia furtim
Ponè legens, ipsas etiam penetrarat ad ades
Pontificis. Tàmque in turba magna atria circum
Dum trepidat, videt ingressum, quòd notior esset.
Et facilem primis veniam speraret ab annis,
Dilectum Christo iuuenem, qui pressus & ipse
Fugerat abiecta dilapsus munere vestis.
Mox rediit tamen, & turba se immiscuit audax.
Innuir huic igitur. Nec defuit ille sodali,
Admittique rogat. Sed enim quæ limine primo
Serua sedens habitumque viri vultumque notarat,
Ingressum his adiit dictis, Tu tecta subire
Hac ausus, capto solitus quocunque moueret
Ire comes? Qua voce miser perterritus ille,
Oblitusque sui, notum negat. Atque ita porrò
Ingreditur, tali tanquam bene tutus in aula,
Scilicet, & mediis qui non mergatur in undis.
O hominum ignare mentes quos dira cupido
Viuendi scelere obstrictos ad talia cogit.
Opprobria! Incurrit mortem fuga mortis honestæ.
Hic igitur seruos inter vernasque procaces
Frigidus accensum cum se recrearet ad ignem,
Agnitus est iterum, nec ab vno proditus hoste,
Sed plures uno ore simul dixere quis esset.*

Ipse eadem repetens modo quæis euaserat arma
 Perfricuit frontem, semel & quem forte pudorem
 Laſerat euulſum penitus timor abſtulit omnem.
 Furatus pro quo morti ſe vouerat antiè,
 Abnegat, atque ultro, ſi quis malè credulus inſtet,
 Errorem vocat, & mendacia duplicat amens.
 Incertuſque animi nunc huc, nunc vertitur illuc,
 Ac velut in laqueos qui ſe ſemel induit arctos
 Luctando obneſcit magis atque intricat ineptus,
 Sic ſeſe infelix aperit prodiſq; negando,
 Suſpectus magis atque magis, dum notus oberrat
 Omnibus, atque alius quàm ſit vult ore videri.
 Agglomerant igitur famuli, rixæque parati
 Hic impoſtoris comitem vocat, alter amicum,
 Sectatorem aliſq; ſtipatorèmq; quod enſem
 Strinxerat, & Malcho violens auulſerat aurem.
 Tum linguam facere iudicium, Galilæa ſonantem
 Verba, neque hanc alibi ſic increbreſcere peſtem.
 Quæis ille auditis, animo confuſus inertè
 Non tantum negat, & mendaci peierat ore,
 Sed diras adhibet, diris ſe deuouet amens,
 Si non vera refert. Necdum ſe lingua tenebat
 Cum gallus caneret, lucemque in tecta vocaret,
 Atque alia ex aliis ſubiens tormenta benigno
 Reſpiceret Petrum vultu conuertere fontes
 Quem iuuat in melius, veniàmque impendere lapſis.
 Nulla mora, aſpectu ſolo (Tantum inſtar in illo eſt)
 Ad ſeſe rediens, dominique effata recordans,
 Dat gemitum, & properat ſcelerata excedere ab aula.
 Inde accuſantem ſeſe, atque immane dolentem,
 Numinis ac laſi pacem per vota precantem
 Ille dies, alterque dies, & natus ab illo
 Tertius aſpexit placidi ſine munere ſomni
 In lacrymas fluere, & vacuis tabeſcere venis,
 Donec iam domita victor de morte triumphans

Addere

*Adderet afflicta Christus solatia menti.
Iamq; Aurora novo splendescere cœperat ortu,
Cum sacri cœunt proceres, iterumq; rogatum
Caleſti de progenie, nec vera negantem
Condemnant iterum, & manibus poſt terga reuinctis
Abductum rapiunt Romani ad Præſidis ades.
Quod ſimul ac vidit, nec iam dubitabat Iudas
Quin turpi afficerent leto quem tradidit illis
Ipſe quidem, aſt aliquâ ſeruari poſſe putabat,
Ingemuit, guttiſq; rigans ardentibus ora
Protinus inſonti acceptos pro corpore nummos,
Ipſe ſui teſtis ſcleris fraudiſq; nefanda,
Porticibus templi magna ſpectante corona
Ipſorum ante pedes ad quos ea cura redibat
Proiicit, irriſus quòd facta inſecta volendo
Nequicquam ſaperet. Tum verò excanduit acra
Bile tumens, piget ora virum, lucemque tueri.
Ac ſolis errans ſiluis dum facta recenset
Impia, nec precibus cura eſt inſectere Numen,
Ultrices adſunt Furia, qua verberare ceco
Percuſum exagitant animum, flammâſque rotatis
Intentent facibus. Fædo ſtat pallor in ore,
Sanguinei turgent oculi, tremor occupat artus.
Flicet inuiſam properans abrumpere vitam
Ficulnum infelix legit ad ſuſſendia truncum.
A quo ſemianimis compreſſo gutture pendens
Diſſiſſo crepuit ventre, atque ita morte pudenda
Deformem Stygias animam tranſmiſit ad umbras
Exemplo horrendo, quanquam (ſi dicere fas eſt)
Deterius peccent multi. Quos ſera moratur
Pœna quidem, at tanto grauior poſt exitu inſtat.
At verò nummos, pretium quòd ſanguinis eſſent,
Pontifices veriti fiſcis immittere ſacris,
Conuertere aliò. figuli nam pauperis agrum,
Egeſt amque luto, & nullis ſementibus aptum,*

Vilibus emere hospitibus commune sepulcrum,
 Infandum aeterno signantes nomine factum.
 Iamque omnis magno penetrarat turbatumultu
 Indicis ad sedem, nec tectum ingressa, quod illud
 (Non etsiam insontem nulla male perdere causa)
 Religio hand sineret, spatiosa sed atria circum
 Perstabat non digna fremens. Et clamor ad auras.
 Protinus excitus thalamo se proripit ille,
 Et matutinos tanto concurrere motu
 Admirans, rogat ecquid eos perturbet, & unde
 Causa mali. neque enim procures quoque adesse frequentes
 Pro nihilo ducens, etiam grauiora timebat.
 Illi indignantes captiuum obrudere, & vnâ
 Poscere supplicium. Sed quo pro crimine iussi
 Pandere, conclamant a se procul abfore vt vllum
 Ad pœnam poscant quem non & noxa sequatur.
 Accipiant igitur monet ipse, vltique nocentem
 Absistant, patriis modò cautum ita legibus esset.
 At veriti patrio ne si de more periret
 Coniectu lapidum multo minus improba ferret
 Supplicia expeteret quàm dira ac saeva libido,
 Infando obtendunt sceleripia sacra, negântque
 Dedere posse neci quamuis extrema merentem
 Exempla, vt gentem qui panè euerterit omnem,
 Obstiterit fisco, pendenda tributa negarit
 Caesaribus, quò sceptrâ sibi regnumq; pararet;
 Quandoquidem plebi regem se iactet inerti.
 Hæc ubi narrassent, quamuis conficta videbat
 Romulides, tali nec conuenientia capto,
 Semotum tamen à turba scitatur an ergo
 Rex sit, & angustis vnde hac fiducia rebus.
 At Christus, ne forte virum grauis auferat error
 Aduersis ductum studiis, & fraude maligna,
 Respondet regem se nolle, aut posse negare,
 Sed regem regni quod non mortalibus ullis

Pendeat auxiliis. nam decertare parati
Astant domino, ruerent & in arma ministri.
Longè alia, atque alibi sibi parta exurgere regna,
Sed colere interea terras, ut amabile verum
Eruat, & veri cultoribus imperet equus.
Hic igitur rogat ille quid hoc quod nomine verum
Dicat, & antè abiens sibi quam responsa dabantur.
Edicit populo nullum deprendere sese
Crimen. At hi contrà fanda atque infanda locuti,
Dum cœptum perhibent Galilæa per oppida adusque
Jam Solymos venisse malum, facili annuit aure
Pontius. Et miserè cupiens hoc fasce leuari,
Herodi, cui pars regni forte illa paterni
Cesserat, (ut Solymis tunc opportunus agebat)
Imperat adduci tacito tot vobra ferentem
Ore reum. Cuius propter facta inclita fama
Rex gaudens aditu, propius quò nosse daretur
Artificem simul, atque artem explorare videndo,
Quamquam iterum instabat probris ferus hostis acerbis,
Suspendum blando primum sermone tenebat.
Dein quoniam neque signa dedit, neque verba remisit
Vlla quibus magnum sibi conciliaret amicum,
Indutum tunicis, quòd eum contemneret, albis
Reddidit, & veteres cum Præside finiit iras.
Hic iterum cœunt, iterum conuicia fundunt
Pontifices, certi nunquam desistere cœpto.
Occlamat tamen insontem damnare recusans
Romulides, postquam Herodis quoque calculus illum
Soluerat. At spreto hibernus velut aggeris torrens,
Sic spreta & facida infreni ratione ruebant.
Mos erat ob festi quod tunc instabat honorem
Vinctum aliquem immunem populo donare volenti.
Quod cum negligerent procures, ne liber abiret
Quem rapere & sauis absumere dentibus optent,
Plebs tamen urgeret morem seruauerat equum,

Sponte sua Praeses verbis hortatur amicis
Hunc poscant, regemq, suum Christumq, quod illis
Non ignarus eum passim consuesse vocari
Vocibus, aduersum Patres, quos sola monebat
Inuidia, à populo seruari posse putaret.
Sed frustra. Quod cum prudens aduerteret ipse;
An malint igitur Barabam rogat, inq, merentem.
Perdere stet potius iustas quàm sumere pœnas?
Nam Baraba neque deterior, neque turpior alter,
Qui latrociniis tota notissimus vrbe,
Cuiem etiam raptis in turba occiderat armis.
His versi distis animi, plebésque moueri
Cœperat. At procures summa nituntur opum vi
Latronem vt seruent, regem dominumq, trucident.
Dúmque alijs alij mutabile vulgus adorti
Artibus hoc agitant, Romanum exterruit vxor,
Horrida nocturnas sibi que sint visa per umbras
Enarrans, precibúsque monens ne seque domúmque
Perdat ob insensós insontis sanguine Diuos.
Quæ dum cura virum tacito sub pectore torquet,
Exoritur clamor, nec letas perculit aures
Poscentum Baraban, Baraban vno ore sonantum.
Nec contrà iam verba valent monitúsque precésque.
Quàm magis insanos compefcere nititur orsus,
Tam magis ignescunt animi, & se suscitât ira.
Prospiciens igitur rabidam sine sanguinis haustu
Sedari non posse sitim, concidere flagris
Imperat, vt tetro stillantia membra cruore,
Nudatósque artus, atque illacrymabile corpus
Ostentans animos mitescere cogat acerbos.
Nec mora, ceu visa catuli sue fertur in vnum
Tota cohors, auidi sibi qui sine Cæsare regnum
Sumat, vt insanum, quauis malè perdere regem.
Deripiunt igitur tunicas, raptântque feroci
Horrida flagra manu. Stat nuda affixa columna

*Brachia constrictis tendens luentia nodis.
 Ac velut aëriam si quando euertere quercum
 Alpinicertant Borea, gemit ictibus aether,
 Ipsa inuicta manet, nec turbine frangitur ullo;
 Sic illi incutiant ceco licet usque furore
 Verbera, quo latè sonitu percussa resultant
 Atria, constant; perfert fortissimus ipse
 Pectore, & illasum seruat genitoris amorem.
 Nec virgis adeò discindere corpus honestum
 Est satis, ad risus etiam & spectacula sauas
 Exercent pœnas, nam tanquam rex foret alto
 Impositum solio circumstant agmine lato,
 Atque humeros super, & perfusum sanguine pectus
 Coccineam inducunt chlamydem, dein vertice sacro
 Consertam spinis figunt de more coronam.
 At sceptrum inseritur dextra fluminalis arundo.
 Quem gestans habitum regum rex maximus (eheu)
 Quæ non fanda, infanda tulit? nam ludicra tanquam
 Res foret, ut pasti per florea prata iuuenti
 Et latera, & circum saliunt caput. Inde cruentas
 Lasciui repetunt pœnas, pars vellere barbam
 Gaudet, & immunda totum conspergere arena,
 Pars spuerè in faciem, & duros impingere pugnòs.
 Dumq; nouo apparent per tanta opprobria regi,
 Admirans tam longa trahi tormenta reuertit
 Pontius, atque animo quamuis non cerneret æquo
 Supplicia iniussa, & diras sine crimine pœnas,
 Obliquit tamen, hac specie fera corda domari
 Posse ratus triplici quamuis circumdata ferro.
 Horrendis igitur squalentem sordibus ipse
 Ipse reum ductans dextra, & crudelia passum
 Ostentans populo, atque illuc intenta referri
 Ora iubens, tristi tandem sic voce profatur,
 Hunc neque conuictum, nec quicquam sponte fatentem,
 Sed monitum flagris, ne quis dein publica turbet*

*O*ra, dimittis satius quam morte suprema
*E*ffugere afflictæ mansura opprobria vite.
*Q*uod vobis igitur melius, quod durius illi,
*H*oc agite, & tantos placidi componite motus.
*T*alibus obtundens lassas rationibus aures
*N*on magis inflexit sensus animosq; malignos
*Q*uam caute illis fluctus, aut litora venti.
*S*icut enim celerem nacta per devia ceruicem
*L*atratus incurruntq; canes, pradamq; sequuntur
*Q*uo se cunque ferat, sic semper vocibus iisdem
*I*nfesti Isacida tolli celsaq; iubeant
*S*uffigi trabe qui sese regemq; Deumq;
*D*iceret, & cali & Roma sceptrâ tenenti
*I*nuius pariter. *Q*uæ se verba impia iam iam
*N*olle pati, aut alium Romano agnoscere regem.
*H*is ille auditis, ut si via fallat euntem,
*S*ubstitit, incertus quò se discrimine tanto
*V*erteret, hinc Diuum metuens, hinc Caesaris iram.
*E*rgo iterum interiora petens iterum iubet ad se
*A*dduci captum, rogat ecquos sanguine Diuos
*A*ttingat, quis, & unde domo. Sed vana roganti
*U*t nil respondit, commota Pontius ira,
*T*unc (inquit) mihi verba negas, vitæq; necisq;
*S*ubdita cui fortuna tua? *Q*uem Christus amicis
*C*astigans fastum verbis, diuinitus ipsi
*H*oc monet esse datum, quo se ne iactet inanis.
*A*tque adèò, quanquam non inculpatus abiret,
*D*eterius peccasse tamen qui fraude nefanda
*P*erculit immeritum, atque insontem prodidit amens.
*D*ixerat, & dictis hominem permouerat equis,
*C*ertaq; iam stabat sententia parcere capto.
*S*ed magnis iterum populi clamoribus actus,
*U*t nauta aduersis acti in contraria ventis,
*S*uccubuit tandem, atque animo defecit inertis.
*H*eu quàm difficile est verum seruare tot inter

Errorum illecebras, & recti premia falsi!
 Et iustum, & sanctum, & penitus sine crimine notum
 Concidi flagris populi sedanda furentis
 Seditio impulerat, turpi nunc perdere leto
 Imperat ambitio, & Romani gratia regis.
 Antè tamen quàm fas violet, damnetq; cruentas
 Morte virum proprio delicta aliena plantem
 Sanguine, ceu sacris qua victima ceditur aris,
 Sublimi effultus solio iubet ante tribunal
 Fulmineos ferri latices, lotisq; velut qui
 Peccata eluerit manibus, se crimine soluens,
 Ac damnans alios, Quò me fera vestra libido
 Inxitum cogit, nullum mihi (dixit) in ista
 Cade nefas. Vos hac vos hac commissa luetis.
 Illi indignantes longo nimis atque molesto
 Supplicium sermone trahi, Tu sospes abito,
 Acclamant. Si quas Deus hoc pro sanguine pœnas
 Exposcet, nobis, nostrisq; minoribus olim
 Incumbat quodcunque mali est, perdatq; volentes.
 Sic dira obitrici prece postquam à iudice tantum
 In se conuertere nefas, permissa potestas
 Ut Barabam seruent, vita praecepta ferentem,
 Supplicio afficiant. Qua seditionis adepti
 Premia consurgunt animis, ruit undique magno
 Cum strepitu plebs seu à furens. Furit insuper atrox
 Miles, & in pœnas odio succensus iniquo,
 Carnificum partes subiens, quasunque nocendi
 Pectore condiderat secundo exercitus artes,
 Vniue exitio gestit depromere latus.
 Nec lasso brevis ulla quies, aut pausa malorum.
 Principio Tyriam, (quod regni insigne gerebat)
 Concretam tabo, atque harentem viscere nudo,
 Deripiunt costis chlamydem, vestemq; reponunt
 Consuetam, vnde nouo crude scunt vulnera tactu.
 Inde grauem nodis, crudoq; e robore sectam

Imponunt sine more crucem. Subit ille laborem
 Sponte sua, nudis gradiens super aspera plantis.
 Mox impar humeris cum iam succumberet, agrè
 Progrediens porta, miles non tardus iniquo
 Tarda ferens animo, quendam (ut tunc rure redibat,
 Nam Solymos patriis migraverat antè Cyrenis)
 Simonem arripuit, Christum qui ponè sequendo,
 Vir bonus, & patiens, tali nec inutilis arti,
 Partiretur onus. Nimis ò nimis ille beatus,
 Cuius ad exemplum tanto duce dura ferendo
 Participes onerum referent quoque premia laudum.
 Nec tanto in numero deerant quibus atra furentium
 Displicuit rabies, lacrymas quoque fundere visa
 Cum gemitu matrèsque pia, teneraq; puella.
 Quas placido aspiciens vultu mitissimus ille,
 Onata Isacidum, Solyme infelicitis alumna,
 Quas meste pro me lacrymas nunc funditis (inquit)
 Pro vobis potius, vestrisque effundite natis,
 Tantorum quos iusta manet vindicta malorum.
 Tempus enim veniet nuptis quo nomina matrum
 Sint odio, laudent steriles, subsidere montes
 Exoptent, findique solum, inuoluque ruina.
 Nam succi qui plena solo plantaria vellunt
 Arida quid facient? Sic euentura notando
 Tempora in aduersum conatur scandere cliuim.
 Conantem impediunt illi, raptantque, ruuntque
 Nunc huc, nunc aliò, donec sub pondere iniquo
 Multa gemens tandem scruposi vertice montis
 Infami campo, disiectisque ossibus albo,
 Dum qua supplexio extremo sint apta parantur,
 Calcatis eger pedibus, plagisq; fatiscens,
 Restitit. At silice in nuda dum lassà reponit
 Membra dolens, que damnatis miscere solebant
 Pocula vitigeno vires reparantia succo
 Hi felle, hi & myrrha inficiunt. Gustata sed ipse

Respuat, ingrata gentis tam perfida damnans
 Munera, & infandos avidus finire labores.
 Iam tuba commissis celsò velut aggere ludis
 Tristia clarifono populum ad spectacula cantu
 Excierat, mixtiq³ equites, peditèsque ruebant,
 Visuri domita figi de morte tropaeum.
 Ergo in conspectu postquam urbs se effudera: omnis
 Infelix Judea tuo, fera munera miles
 Perficit, atque iterum detracta veste relictis
 Horrendum plagis infami stipite corpus
 Extendens, clauos (Qua maior pœna?) trabales
 Corripit, & ferro multa vi annixus acuto
 Perfossas figitque manus, figitque cruentos
 Inde pedes. Crebris resonans gemit ictibus ingens
 Mons circum, & mæsta demisso vertice siluæ.
 Olli iterum obtritis, quæ pars mollissima, nervis
 (Heu mihi) quàm vehemens oritur dolor! Et tamen æger
 Vincit amor, vincit pietas, & vinida virtus
 Quò premitur magis, hòc contrà feruentior instat.
 Atque ita funestè peragunt dum iussa ministri,
 Iamque erecta solo crux horrida surgit ab alto,
 (Horrida tunc, nostra nunc spes æterna salutis,
 Atque ad eò mediis fulgens pulcherrima templis,
 Cultaque præcipuo mortales inter honore)
 En mater, si iam mater quæ funera nati
 Prænosceat afflicta domi atque immota sedebat
 Deposita similis, quanquam prodire vetabant
 Et pudor & tenero dura sub pectore cura,
 Prodibat tamen, ut coràm mala cernere tanta
 Posset, & ipsa suos miserando incendere luctus,
 Atque aliquam tanti partem sentire doloris.
 Accedunt pauca comites. Dux omnibus anteit
 Fidus Iohannes, sinceri exemplar amoris.
 Quo signante viam postquam trans mœnia tandem
 Peruentum ad montem est, & quæ suspiria? quali

Cum gemitu? Silet ipsa tamen, nec verba remittit
Vlla, nec indignum quicquam, aut molitur ineptum,
Sed fidens animi (haud equidem sine Numine certo)
Ausa per obstantes virgo penetrare cohortes
In nati conspectum, atque illic sistere fœdos
Carnifices inter, quæis nulla immanior usquam
Bellua, profundens lacrymas, & pectora subter
Tot pariter tormenta ferens quot corpore plagas
Filius. Immeritam cui si depellere mortem
Morte queat, secura sui deposceret ultrò
Supplicium, & seuas expleret sanguine mentes.
Multa vetant. Igitur diuini conscia partu,
Ac nati reputans dicta, atque ingentia facta,
Spem certam sonet exiguo se tempore forti
Dura ferentem animo dein non peritura manere
Gaudia, conspecto rediuiuo à funere nato.
Nec tamen interea minus acri concita amore
Suspiciò undantes suffuso sanguine vultus,
Expectans cara si quid velit ille parenti.
Verba absunt. Nec verba queant aquare dolorem.
At verò rex Isacidum (neque enim altera causâ
Inseritur titulis ob quam suspensus ab alto
Pendeat infamis trunco) seruare nocentes
Dum cupit ipse insons, serpens ut aheneus ille
Quem diro auxilium morbo dux corniger olim
Extulit, athereos latè magna agmina circum
Intendens oculos, certam mortalibus agris
Spondet opem, spondet veniam, distentaq; pandens
Brachia in amplexus vocat ultrò, & vertice prono
Annuit optanti votis quod concipit æquis.
Sed contrà scelerata cohors nil impia præter
Verba refert. Ipsi procures teterrima primi
Eruçant, fœdisq; inestant vocibus auras,
En Diuum genus, en templi de structor, & idem
Conditor. Ecqua tuo pro te nunc cura parenti?

*Si qui seruarit alios discrimine tanto
Jam seipsum seruet, summos tum poscat honores,
Et regnum poscat. Regno potiatnr auito
Si cruce defiliat, nodosque & vincula rumpat.
Nos quoque consilia in melius mutabimus, & iam
Te sequimur. Tu res eia ò ne desere nostras.
His alternantes regemque Deumque ferebant
Laudibus. At ferro quis tam graue vulnus adaeto
Inferat, ut dira superet fera verbera lingua?
Et tamen (ò pietas!) precibus petit ille furenti
Flagitium ignosci populo, pœnamque remitti
Ignaris quem sic feriant, quem voce laceessant.
Quin geminos inter pendens utrimque latrones
Opprobria hinc etiam, dum debacchantur & ipsi,
Non leuiora tulit. Dispar tamen exitus illis.
Nam dextram qui forte latus clauderat ut ad se
Mox rediit, socium perstantem, ac dira canentem
Excipit increpitans, O rerum oblite tuarum
Quid iuuat insonti contem te illudere dictis?
Nos merito hac patimur, quin & grauiora meremur
Quàm patimur, quorum scelerei atq; immanibus ausis
Non mors una satis. Sed enim quid proximus iste
Commeruit? Fert dura tamen, superatque ferendo.
Hac factus, commissa dolens, atque vnde salutis
Spes erat huc vertens oculos, sic ore profatur,
O domine aeterno cum iam regnabis Olympo
Sit tibi cura mei. Cui rex, ingentia quanquam
Pramia poscenti nullo merita ante labore,
Elysios mundi campos, vitamque perennem
Annuit exemplo insigni, quocunque rogetur
Tempore, se, vitæ modò nos immaniter actæ
Peniteat, facilem præbere rogantibus aurem.
Interea maestam morientia lumina vertens
Ad matrem, & matris comitem, quo carior alter
Non erat, a teneris nec ei coniunctior annis,*

En (inquit) malier nati cui nomina serues.
 Tūque hanc ô iuuenis caram mihi suscipe matrem.
 Dixit, & æternum dictis afflauit amorem,
 Testamentum ingens. neque enim possederat vllas
 Quas heres tacito subter præcordia risi
 Ferret opes. Vestes verò iam miles habebas,
 Ut plexi spoliū, diuisas partibus æquis
 Quatuor, excepta tunica, quæ textilis illi,
 Nec consuta fuit, matris venerabile donum.
 Quam, ne secta minus solitos seruiret in vsus,
 Sortiti fuerant talū, ut cederet vni
 Tota per immensum nulli violabilis æuū.
 Sis vates cecinere pijs. Nec mystica defuit
 Causa, sed ingratum festino abrumpere luctum,
 Et monstrare Deum. Deus est Deus ille nefando
 Quem velut obstrictum scelerigenis perfida morti
 Obiicis, & regnis quod te magis omnibus vnā
 Extulit, hos illi scelerata impendis honores,
 Horridior saxis, quando illa luce dolebant
 Omnia quæ celi subter fulgentia signa
 Produxit Natura parens. Quin tunc etiam Sol
 Aureus obscura nitidos ferrugine vultus
 Texit, & ingenti innoluens caligine mundum
 Ignotas etiam, atque alio sub sidere gentes
 Terruit, & magnos docuit non temnere Diuos;
 At Solymi (ah) Solymi, quos hac ostenta petebant,
 Non timuere tamen, sed adhuc immane frementes
 Instabant operi, donec suprema viderent
 Funera, necdum una posituri morte furorem.
 Tres panē elapsa spatii equalibus hora
 Ex quo deformi pendens a stipite tandem
 Effusas inter tenebras Solisq; labores
 Inclinare diem sensit, corpusq; relinqui
 Exangue, atque animum superas contendere in oras.
 Ergo nudatus sociis, nudatus amicis,

Solus, inops, laceros monstrans crudeliter artus,
 Implorat genitorem, & Quò devenimus inquit
 O Deus? An tanto solum in discrimine linguis?
 Qua patrio sic verba palam sermone locutus,
 Creditus est aliis Heliam accersere votis.
 Expectant igitur si quâ descendere calo
 Heliam videant, & opem prabere roganti,
 Ignari quanto Helia prestantior esset
 Quem tunc crudeli certabant perdere leto.
 Ipse patris summi se iam caelestia iussa
 Expleuisse videns, tanquam certamine lento
 Perfuncti pugiles, infracta voce sitire
 Sese ait. At siccas non tam sitis arida fauces
 Urebat, quàm cor nostra pia cura salutis.
 Atque adèd hyssopo quod mixtam astat acetum,
 Sistendis inter tormenta cruoribus aptum,
 Spongia uti calamo pratenta admonerat ori,
 Libavit patiens. Inde omnia ritè peracta
 Effatus, repetitque preces, manibúsque parentis
 Infontem tradens animam, ac vertice prono
 Demissos claudens oculos, in voce suprema
 Hæsit, & atphereas sic vita recessit in auras,

LÆVINI TORRENTII DE
 CRVENTO D. N. IESV CHRISTI
 SACRIFICIO,

LIBER IIII.



T verò exanimos dissolui corporis artus,
 Corporis eximij, cui se diuina propago
 Induerat casta nascens de virginis aluo,
 Indignans magis atq; magis rerū alma creatrix,
 Quam Deus esse sui voluit vim numinis olim
 Cum semel aternis fundavit legibus orbem,

Natura,

*Natura, ingentem gemitum dedit. Vnde repente
 Contremuit tellus, tremuit simul arduus ether,
 Et media intendens tenebras de luce coortas
 Attonitam horribili formidine perculit urbem.
 Quin etiam sacris adytis arcentia plebem
 Vela, tot anteaetos iam formidata per annos,
 Nec fonti cuiquam, nec praterenda profano,
 Tunc subito discissa notabant omine certo
 Mutanda imperia, ac prisca mysteria gentis
 In melius, caso sacris felicibus Agno.
 Post quem nulla truces dein mactaretur ad aras
 Victima, nec fuso manarent templa cruore,
 Sed pater omnipotens solo contentus honore
 Pontificis Christi, Christo sponsore benignas,
 Si puris libent manibus, si pectore puro,
 Præberet sine cade bonum poscentibus aures.
 His magis horrendum, magis admirabile monstrum
 Accessit, quod humata olim ac desleta piorum
 Corpora, præstantum vita dum vita manebat,
 Diffissis tumuli saxis rediuvina trementi
 Exiliere solo, dein visa atque agnita multis
 Haud dubiam fecere fidem vi numinis eius
 Qui mortem vicit moriens caelestia pandi
 Atria, turbatis duripenetrabilibus Orci.
 Sed pauci (ab) pauci quos hac ostenta monebant
 Vera sequi, & mersos errorum in nocte profunda
 Mortales oculos aeterno attollere Olympo.
 Ambitio obstabat procerum, ac toti insita genti
 Perfidia, & prava perstans vesania mentis.
 At qui Romana astant de more cohortis
 Centurio, cui supplicij commissa cruenti
 Cura fuit, (veteres Longinum nomine dicunt)
 Anxius observans quò res tam turbida tandem
 Vergeret, ut vidit tantos consurgere motus,
 Ingemuit miserans, ac tundens pectora palmis,*

En (inquit) quo non melior, neque iustior alter,
Occidit. Et dubitem caelesti stirpe creatum
Quem dolet extinctum tellus, quem maximus aether,
Et poenas simul insonti pro sanguine poscunt?
Sic ille, atque alij, duris exercita castris
Turba quidem, ac molles vincens pietate cathedras
Pontificum. Quorum egregijs si consona dictis
Facta forent, non tot quaterent erroribus orbem
Dira superstitio, ac levis inconstantia vulgi.
Pauca praeterea matres, quas religioſus
Traxit amor, Christum solita quocunque moueret
Sponte sequi, ac praebeſe inopi qua posceret vsus
(O pietas! o femine laus unica sexui!)
Rebus in angustis, ne tunc quoque tempore summo
Usquam aberant. Flentes igitur, quanto acrima illam
Ardebant, tanto cura maiore metuq;
Seruabant quae tam varic simul orta fuissent
Prodigia, humanas nimium terrentia mentes.
Haec tabula, hi testes, atque haec monumenta furoris
Infelix Iudaea tui, quae sola recusas
Credere quod scopuli collēsque & saxa loquuntur,
Esse Deum quem tu crudeli funero mactas.
Atque vitinam mactes tantum. Culpa omnis in una
Perfidia est, hanc tolle, nihil mactasse nocebit.
Turbato interea descendit vesp̄er Olympo.
Et quia funestis crucibus pendentia linqui
Corpora religio vetuit, cum proximus esset
Ille dies toto nullus quo sanctior anno,
Praefectum exorant Solymi ne Sabbata turbet,
(Scilicet!) infirmi si fixa cadauera trunco
Horrescant Superi, atque auertant lumina sacris.
Nec mora, qui mortem accelerans succidere crura
Iussus erat secto latronum poplite postquam
Ad Christum veniens oculos in morte sepultos
Aspexit, pressitq; gradum, ferrumq; recondens

Abstinnit

Abstinet scelere, haud equidem sine Numine. namque
Mysticus ille, sacris quem sueti apponere mensis,
Integer ac nullis confractis ossibus agnus
Absumendus erat. Sed enim crudelior alter
Ferratum manibus quod forte hastile tenebat
Infixit lateri. Tactum quo vulnere corpus
Exanimum roseo manantem sanguine rivum
Permixta profudit aqua. Quo pignore lati
Lustrali primum abluimur divinitus unda,
Aptamurq; Deo, sacro dein viscere pasti
Terrenam exuimus molem, caloq; locamur
Felices anima, sumpturi corpora rursus,
Corpora sed nullis deinceps obnoxia fati,
Cura mortis domitor, mundi regnator Iesus
Calicolū populo & sancto comitante Senatu
Exacti veniet iudex aequissimus ani,
Certaq; felicit gestans insignia pugnae,
Transfixas ferro plantas pectusq; manusq;
Gaudiaq; horroremq; feret iustisq; malisq;.
Dūmq; ea Judaeos nequicquam cura tenebat,
Securos quo iure cadat, quo indice quem sic
Aggressi ut caueis emissa frementibus atrox
Bellua quos fors cunque, aut pœna obiecerit hostes,
Sollicito metuens animo ne membra magistri
Proiecta aspiceret iusti sine honore sepulcri
Fidus Thōsippus, cui clarum Arimathide ab urbe
Nomen erat, præstans opibus, præstantior acri
Virtutum studio, cum tandem exacta videret
Supplicia, ingressus Romani Præsidis aulam
Pontificum spretis odijs ius poscit humani
Corporis. Ast ille, audito quod mortuus esset,
Inuitus vinum quem sustulit haud inuitus
Reddidit extinctum. Quo tanto munere letus
Vir pius, intactum sibi quod de rupe recoisa
Servabat monumentum ingens hunc vertit in usum,

Ac tenui contexta parans velamina lino
 Accingit se operi. Socio acceditque labori
 Nicodemus, & ipse pari pietate magistro
 Inferias properans. nam myrrham aloëq^{ue} ferebat,
 Et quicquid patrio gentis de more sepulcris
 Conuenit in luctu magni morientis amici.
 His illi instructi rebus lacrymabile corpus
 Consensu immani trunco, clauisque reflexis
 Demissum subeunt humeris, positumque parentia
 In gremio, fletumque diu, abstersumq^{ue} crnore
 Textilibus cingunt velis. Strophium ipsa sacro
 Nectit odoratum capiti mastissima mater.
 Verbaque post suprema, atque oscula mille canato
 Molliter imponunt saxo, cumulatæque dona
 Vnâ omnes spargunt lacrymis, quas pectore tristi
 Profudit sincerus amor. Sic rite peracto
 Officio pater ipse loci (Locus assitus urbi
 Hortus erat) magnum magno conamine clausis
 Aduoluit foribus lapidem, extremusque recessit.
 Interea tristi nox calum obtexerat umbra,
 Inq^{ue} vicem roseis iam lucem Aurora ferebat
 Vecta rotis. Sed enim neque tam solennia sacra,
 Nec præscripta quies, atque otia debita sacris
 Indomitam poterant procerum compescere mentem
 Quominus infando post horrida fata tumultu
 Compositos agerent Manes, ruerentque sepulcro.
 O nunquam saturata malis vindicta, quid ultra
 Queris? Habes anida demens quas fauce sitiisti
 Infantis pœnas. Quæ te noua suscitât ira?
 Aut quid adhuc superest quod iam sentire sepultum
 Posse putes? Mæstos cum solaretur amicos,
 Ut qui iterum superas esset venturus inoras,
 Pollicitum audierant aliam post funera vilam.
 Hinc veriti ne forte potiti corpore furtim
 Incolumen fingant socij, & plebs credula falsi

Commotam magnis rumoribus impleat urbem,
Soliciti rectorem adeunt, discrimina regni
Proponunt, si qui ante alios subduxerat Orco
Ipse redux oculos impostor fascinet agros,
Errorémque alium semper nouus aggeret error.
Quos ille irridens monitus, Ea vestra sit (inquit)
Cura, nec in Laruas vires arcessite nostras.
Conducunt igitur vigiles, atque agmine tuto
Obsessum seruant tumultum, & ne fallere possint
Ipsi custodes, commissis annulus ingens
Imprimitur saxis, fraudis certissimus index
Si fraudem quis forte paret. Tum denique latè
Festa superstructis ineunt conuiuia mensis,
Securi scelerum, & non vana Numinis ira.
Nec tamen una omnes cepit dementia. Verum
Dum varijs magna studijs certatur in vrbe,
Hi metuant, sperant alij, sua quemque libido
Mittit in auspicium, & nunc huc nunc diuidit illic,
Atque ita neglectis temerant sua Sabbata sacris;
In cruce suspensos qui iam modò liquerat artus
Spiritus, exutus vinclis, & liber ab omni
Mole, per obstantes penetrans in Tartara terras,
Per loca senta situ & longa squallentia nocte,
Vestibulo in magno primaq; ad limina portæ
Bella mouens, ipsos vocat in certamina furui
Primores populi. Iubet alto a cardine tolli
Ferratos Erebi postes, atque ardua pandi
Atria, quâ duri pater ingens regia Ditis.
Illi indignari primum, mox turpiter unâ
Ingenti trepidare metu. Fremit ipse tyrannus
Sauâ tuens. Sed nec tanto contendere regi,
Quem decus & virtus & gloria cingit euntem,
Ausit, & ausurus neque iam consistere vires,
Nec quicquam veteres procedere sentiat artes.
Quas malè nunc odit, nunc execratur, & optat

*Infestos abijisse dolos quibus occidit ille
Cuius morte salus alijs, sibi poena suisq;
Parva foret. Quare fractus formidine densa
Sepisit se nebula, barathrique in valle reductus
Desedit, subuersa dolens immania regna.
Tunc ergo aeterno munita robore, nulla
Nec vi, nec prece, nec fuluo penetrante metallo,
Impulsu mandantis heri velut ariete crebro
Disiecta patuere fores, subitoq; tumultu
Attoniti cessere loci statione relicta
Lucifuga fratres, fœda atque incondita turba,
Et factum in pœnas hominum genus, aspera semper
Supplicia & saevas exercens fontibus iras.
Est locus (inuisi pomœria dixeris Orci)
Horridus ille quidem, tristiq; inamabilis umbra
Funesti nemoris, pigra nec amœnior unda,
Quam diffusa palus stagnis includit opacis
Semper iners, semper torpenti nubila fumo.
Non illic virides pratexunt gramina ripas,
Pascua non flores, non fetus educat arbor,
Nec teneros animum nidos suspendit ab alto
Dulcisonum tenui meditantes gutture carmen.
Omnia mœsta silent. quis enim sine luminis aura
Letitia locus est? Sed pix, sed flagra, sed ignes,
Ceteraque impuros Erebi torquentia Manes
Supplicia absistunt, ea tantum cura fatigat,
Sperata quòd luce carent diuinitus orti
Qui se cognato poterant attollere calo
Si non primæui obstiterant admissa parentis.
O sedem inuisam! Terras & flumina subter
Depressa lugent, optantq; euadere in auras
Insignes anime, generis stirps inclita nostri,
Iapetusq;, Noasq;, & qui sine patre creatus
(Sic limum formante Deo, vitamque mouente)
Implevit magnum dein successoribus orbem.*

Quid sobolem Abtami veteris, tot nomina regum,
 Quidve pios memorem vates? Rex maximus idem,
 Atque idem vates multo certissimus, ipse
 Iessides etiam has sedes lucosq; tenebat.
 Qui tunc forte leni tremulas sub pollice chordas
 Fatidica tangens citbara cum proxima iam iam
 Gaudia veraci caneret mirantibus ore,
 Non aliter magna quàm si succurreret urbi
 Obsessa, longamq; famem pestemq; ferenti,
 Ac penitus dura versanti in limine mortis,
 Vltor adest, largo latè loca lumine complens.
 Protinus abscedunt cura, marorq; dolorq;
 Succedit tranquilla quies, & dulcia mentis
 Otia, quæ cali ciues liberrima ducunt.
 Ergo exultantes pariter pariterq; trementes
 Numinis aspectu incundo horrore fruuntur,
 Ac circumfusi regem plaudente corona
 Sit placidus mitisque, inceptaque gaudia firmet
 Pro se quisque rogant. Ipse amplexatus amicos,
 Transactum reputans olim sine crimine vitam,
 Gaudet, & ut norint causam quæ Tartara adire
 Impulit, æterni profert arcana parentis
 Consilia; ut lecta conceptum virginis aluo
 Et nasci, & natum duos tolerare labores
 Iusserit, ac tandem post horrida fata sepulcro
 Condier, & clauso non antè exurgere saxo
 Quàm castos adeat Manes, atque eruat Orco
 Felices, iusto quos secum inferre triumpho
 Possit, & æthereo victor transcribere calo
 Emeritos, latis ubi Diuûm accumbere mensis,
 Et liceat dulci deponere nectare curas.
 His postquam attentas permulsit vocibus aures,
 Atque animos tanti fulgore accendit honoris,
 Pramissis solum paucis qui corpora rursus
 Ingressi notis monstrent se ciuibus, atque

Perculsam

Perculſam moneant oſtentis talibus urbem,
(Mutato interea Genioque habitūque locorum
Donec cum lati reducem ſuper aſtra ſequantur)
Ipſe etiam repetens tumultum ſe inſundit in artus,
Corporeos equidem, atque eadem (mirabile) forma
Qua nuper fuerant, ſed quos non corporis vlla
Afficiat labes, non vlla iniuria tangat,
Nil obſtare queat quo motu cunque ferantur.
Tantum illis & lucis ineſt caeſtis, & aura.
Ille ſis igitur clauſtris ſignisque ſepulcri,
Tertius efferret primos cum Lucifer ignes,
Inciperetque diem quo non felicior alter
Illuxit, mota penitus tellure repente
Auditi ſtrepitus, leuibꝰque per aethera pennis
Calicolꝰ fulſere acies. Quis teſtibus ille
Ille ſua qui ſponte cruenta ſe obtulit ara
Agnus uti nunc arma mouet, velut excitus antro
Indomitus mouet arma leo, mediꝰque per enſes
Seruantum, & lato praefixa haſtilia ferro
Tendit, & aërias penetrat rediniuius in auras
Horrenda domitor mortis, Ditisque ſuperbi.
At trepidi vigiles, magna mercede coempti
Cuſtodire locum, furẽsque arcere ſepulco,
Incerti quò ſe tanto in diſcrimine vertant,
Abiectos inter clypeos formidine turpi
Incubuerẽ ſolo. Quo vixdum horrore ſoluto,
En aliud quo ſe prodat diuina poteſtas
Indiciũ. caeſti etenim de chorte ſatelles,
Ac nec voce minax, nec formidabilis armis,
Fulmineo tantũ aſpectu qui territet hoſtem,
Cetera candenti tectus velamine veſtis,
Impoſitum rota cuſtodum aſtante corona
Attonita mutaque metu diſtoocius alto
Deuoluit tumulo lapidem. Super aſſidet ipſe
Ipſe palam. Fugiant illi, munusque relinquunt,

Testati quàm grande nefas si obistere Diuis
 Mortalis forsan tentet furor irrita voluens
 Consilia, insano non processura labore.
 At verò promissa ferens solatia matrem
 Victor adit. Sedet illa, graui moritura dolore
 Ni maestam spes alma leuet recreetq; monendo
 Ut certò expectet redeuntem à funere natum.
 Natum igitur dum mente fouens noctesq; diesq;
 Cogitat hoc solo defixa in nomine, tandem
 Exoptatus adest. Stupet illa, incertaq; primò
 Annatum, an nati videat simulacra, veretur
 Ne nimium sibi fidat amor. Verum obuius ipse
 Infert sese oculis cara genitricis, & acres
 Illabens aperit sensus, cogitq; fateri
 Nil fictum nec inane geri. Quin nomine matrem
 Appellans veris testatur vocibus id se
 Esse quod ante fuit. Palmas ad sidera tollens
 Ingentes virgo grates natoq; patriq;
 Rite refert. Gaudent simul ambo. Alterna sequuntur
 Alloquia, exhaustos inuat auscultare labores.
 Parte alia sociis operum comitata duabus,
 Impatiensq; mora pulcherrima Magdalene,
 Aeternum spirans ardenti pectore amorem,
 Mox ubi seruatis transissent Sabbata sacris,
 Insomnem ducens noctem, iam mane recenti
 Egreditur portis secum funebria portans
 Munera, Idumaeos, tumulto quos didat, odores.
 Dumq; simul properant mota non omina terra,
 Non celi strepitus inceptam quo minus ausint
 Ire viam prohibent, verum custodia terret,
 Tot vigilis oculi, molesq; immensa sepulcro
 Obdita, femineis agrè cessura lacertis.
 His ergo intentæ curis, nec sequius illi
 Confissa qui cuncta potest, saepe inter eundem
 Effusis lacrymis, quoties infanda magistri

M

Supplicia,

Supplicia, & dura subiisset mortis imago,
Tandem pervenire locum quo tempore iam iam
Dilapsi vigiles fædo se protenus illinc
Proripuerè metu. Cernunt manifesta pudenda
Signa fuga, cernunt loca sola, hortiq; remotum
A foribus saxum. Dein succedentibus antro
Confestim dextra monumenti a parte refulgens
Apparet cali interpret, demissus ab alto.
Et quanquam trepidare vetat, tamen ipsa timorem
Res tulit. Ille igitur verbis sic fatur amicis,
Horrescant alij, vos o pia turba timere
Non decet. Affixum modò quem cruce mole sub ista
Queritis, (haud ignota loquor) non ille sepulcro
Clauditur, ætherea vivens sed vescitur aura,
Sicut & ipse sue mortis momenta, novamq;
Prædixit (meminisse licet) post funera vitam.
Aspicite en vacuam defuncti corporis arcam.
Discipulis itaque, & Petro rem dicite, inssi
Ut Galilea petant, tendet quò pravius, arua.
Sic ait. Accedunt propius, verumq; fatentur.
Cumq; externata mentem vestigia paullum
Flexissent, duo præterea vultuq; habituq;
Primo illi non dissimiles in lumine claro
Conspectere viros. Oculos quos tollere contrà
Non ausa stabant pauidè, vocemq; premebant.
Illi autem percontati cur querere viuum
Defunctos inter ventant, non dissona dictis
Vno ambo simul ore ferunt, letasq; remittunt.
Letitia tamen horror inest ob visâ repente
Maxima, non oculis nostris, non auribus apta.
Atque adeò in populum verita dispergere famam
Discipulos adeunt. Sed & ipsi immane dolentes,
Conceptum possent licet hinc lenire dolorem,
Verbis nullam habuere fidem, quin somnia visi
Audire, & vacui deliria vana cerebri.

Solus Iohannes ac Petrus, pectora quorum
 Magdalena suis poterat percellere dictis,
 Curriculo monumenta petunt. Sed grandior atas,
 Assidua & lacryma, quibus hic commissa piabat,
 Tardauere virum, multo prior appulit alter,
 Et prestans animi, & florentibus integer annis.
 Verum dam trepidans ad limina prima moratur,
 Contentus vidisse cauam sine corpore rupem,
 Occupat ille locum, & penitus sacraria lustrans,
 (Ingresso mox & socio) nil linica prater,
 Et cari seorsim capitis diadema repositum
 Repperit. Exhalat suauem locus omnis odorem,
 Et volucres lato permulcent athera cantu,
 Terraq; purpureos submittit dadala flores,
 Natura victoris heri plaudente triumpho.
 Atque illi, ignari rerum, miracula fando
 Audita euenisse vident, sed ut aëre denso,
 Aut vda septi nebula, nec carminavatum
 Expendunt animis, nec magni dicta magistri
 Mente tenent. Abeunt igitur, repetuntq; Penates
 Promissi immemores regni sortisq; beatae.
 Forte secuta viros ostenti nuncia, tandem
 Suscepti cupiens euentum nosse laboris,
 Ante fores stabat, nec discedentibus illis
 Cessit & ipsa loco, sola ac deserta per agros
 Ah desiderio mentem percussa fidei
 Quarebat dominum, domino suprema negari
 Munera lugebat, traiectisq; oscula plantis.
 Heu quoties agro rapit de pectore questus!
 Heu quoties tristi suspiria duxit ab ore,
 Ac lacrymis persusa genas votisq; vocauit
 Et precibus dulci compellans nomine Jesum!
 Quos inter gemitus latebras dum forte per omnes
 Respicit, en iterum supera de sede profecti
 Siderei iuuenes dextra lanaq; cauato

*Insidant lapidi, & luctus qua causa requirunt.
Illa refert, Dominum cuius sum saucia amore
Nocturni rapuere, at raptum ubi deinde locarint
Nescio. Sic dicens ut forte obuerterat ora,
Quaesitum videt, & submissa voce rogantem
Quid ploret, quemve exoptet sibi maestum repertum,
Agricolam credens, custodem aut ipsius horti,
(Æthereum tali nam texit imagine vultum)
Quisquis es hospes, (ait) tu si illum forte tulisti,
Dic ubi condideris. Veniam, referamq; sepulcro.
Talia dicentem dubitare diutius equo
Non finit omnipotens. Nec longa ambage moratur,
Verbo uno penetrat mentem, Mariamq; vocando
Suscitat oppressos velut agro in corpore sensus.
Nec mora, consueto postquam de more magistrum
Dixerat, aduoluens genibus, prensare parabat,
Votaq; defuncto viuenti porgere dona.
Ille vetat, differre iubens, non ardua cali
Tam cito scansurus regna ut non talibus ante
Sit locus officiis. Eat ergo, & fratribus ista
Nunciet, in regni socios quos ipse futuri
Legerit, heredes summi patrisq; Dei que.
Iussa redit, rediensq; aliis occurrit amicis,
Quas idem stimularat amor studiumque, sepulta
Reddere quos ardens pietas vouisset honores.
Dumq; inter sese dicta acceptaq; salute
Verba ferunt, iterum manifesta in luce refulgens
Astitit. Astantem submisso poplite matres
Agnoscent pauide, ac presens vti Numen adorant,
Instaurantq; preces. Sed & has discedere in urbem
Intrepidas iubet, & sociis quæ gesta referre.
Quo facto, at frustra, (neque enim narrantibus illi
Adiecere fidem,mersi caligine caca)
Ipse Petrum visurus abit, non vana dolentem,
Antè quòd admissa noua nunc opprobria culpa
Accedant,*

Accedant, viso nondum sibi femina princeps
 Quem vidisset ouans. Nec ei cedebat amore.
 Ergo indulgentem lacrymis, & cruda nouantem
 Vulnera solatur miserans, quassataq; si mat
 Pectora, nec tristi patitur succumbere luctu.
 Interea vigilēs sparsi magna atria circum
 Excusare fugam. Trepidī coīcere frequentī
 Concilio Patres. Illi cuncta ordine narrant,
 Vt terra tremor, vt commoti murmura cali,
 Ac iuuenū ignota species fulgentibus alīs
 Terruerint animos; nullum venisse per umbras
 Mortalem, nil fraude noua, nil viribus actum;
 Et tamen effractis monumenta patefcere claustris,
 Nec quicquam vacua cerni nisi lintea in urna,
 Indicio insigni non furtim, at numine Diuū
 Id factum quodcunque vident. Neque de fore testes
 Complures alios, si se fortasse resellant.
 Talibus auditis quamuis exurgeret imo
 Corde dolor, sanas tamen efferuēscere in iras
 Haud passi, stultum placidis reprehendere verbis
 Errorem cēpere virū, qui fata refigi,
 Aut flecti Manes, functosq; & lumine cassos
 Posse redire putent. Notum quibus artibus ille
 Impostor tenebras populo offudisset inani.
 Huius etiam docuisse suos, quō fallere posset
 Mortuus, & longum diffundere nomen in auium.
 Qui potuit Stygius animam subducere regnis
 Quin potius turpem defendit corpore mortem?
 Desistant igitur, nec vana & ludicra narrent.
 Somnia, fabellas ad pensā canentibus apta;
 Sed quod sit, verumq; sonet, penetretq; per aures,
 Hoc spargant auide, & fama dent vela secunda,
 Nempe per obscurum noctis cum vincta teneret
 Membra sopor (sive id magica sic accidit arte)
 Defunctis quosdam comitum cenā dona ferentes

Occultis subiisse viis, corpusq; magistri
 Asportasse loco, & mutati fraude sepulcri
 Fingere nunc reducem nostra nil lucis egentem.
 Nec satis, instructis addat quod pondera verbis.
 Præmia dant, atque ara iubent appendere latis,
 Nèue reformident offensi Præsidis iram,
 Iniussi excubitis quòd discessere relictis,
 Hoc quoque promittunt curæ fore. Denique vincunt
 Munera, confictam glomerant mendacia famam,
 Sed frustra. neque enim tam vili teste moueri
 Fas erat æterna certissima fœdera vite,
 Certior est aliunde fides. Nos ista canamus.
 Postquam femineis parcebant credere dictis
 Supplicio ducis horrendo, tristiq; ruina
 Afflicti comites, vidua ceu funere matris
 Pupilli, quos dura domi perturbat egestas,
 Signa dedit manifesta magis, conspectus & ipsis
 Sæpe viris. Quorum e numero cùm forte Cleopas,
 Fidus & Amæon, (siue is cognomine Lucas,
 Siue alius fuerit) Solymis Emaunta petentes,
 Ab cari præceptoris de cade nefanda
 Multa modis quæsti variis, fusi q; subinde
 Aspersi lacrymis, iter hoc sermone leuarent,
 Ipse peregrini sancta venientis ab urbe
 Cultum habitumq; gerens medium sese obtulit ultro,
 Percontans quid agant, mæsti q; alterna loquantur.
 Cui maior, Quod scis equidem ne quare doceri
 Hospes, ait. Solymis veniens his acta diebus
 Solus an ignoras? Dein necdum scire fatenti
 Cuncta refert, ignarus eant quas verba per aures,
 Concessum terris diuino numine vatem,
 Insignem meritis vatem, dictisq; verendum,
 Cui Nazara domus, notum cui nomen Iesus.
 At talem tantumq; virum, quem plurima fama

Equabat calo, tandem quia facta notabat
 Improba, nec prauè corrumpi sacra sinebat,
 Pontificum incurrisse odium, atque id morte piasse,
 Indigna sanè, & multis immanè dolenda,
 Sed sibi precipuè, qui nomina tanta secuti
 Extulerint animos ob spem surgentis in illo
 Isacidum regni, qua nunc frustrentur inanes.
 Tertia quandoquidem lux panè effluxerit acti
 Supplicij, at nulla audiri solatia luctus
 Femineas præter voces, quæ viuere dicant
 Defunctum, quando hoc supera de sede profecti
 Testentur volucres. Quos se vidisse professa
 Impulerint etiam socios accurrere, & omnem
 Explorare locum, haud multum diuersa ferentes.
 Sed necdum reperisse ducem, nec scire quid ipsi
 Acciderit, vacuam cerni tamen ossibus urnam.
 Hactenus humano secum de more locutos
 Tam malè quod memori mysteria mente tenerent
 Non tulit ulterius mundi sator, atque ita futur,
 O stulti, ò segnes priscorum oracula vatum
 Qua par est versare fide, quippe illa monerent
 Promissum Isacidis regem, qui secula condant
 Aurea, non aliter quàm vos nunc ore refertis,
 Exortum terris, post horrida funera clauso
 Surgentem tumulo patrum conscendere calum
 Fas esse, & totolatè dominari orbe.
 Sic orsus, magni diuina volumina Moysis,
 Atque alia ex aliis subtexens carmina, Christum
 Explicat, atque hominum docet instaurasse salutem.
 Et iam finis erat, Phæbo maioribus umbris
 Inclinate diem, parua cum mœnibus urbis
 Successere viri, comitemq; in tecta vocabant.
 Et quanquam superesse viam sibi fingeret, intrò
 Corripuere tamen. Dein quo potuere paratu
 Dum posita excipiunt mensa, Cerealia forte

*Ipse manu frangens porgebat ut ordine dona,
Agnitus, amplexus fugiens & verba precantum,
Confestim liquidas abiit diuersus in auras.
Ast illi roseum suffusi fronte pudorem,
Quòd somno depressa graui non antè leuassent
Lumina, cum vatum repetens monumenta priorum
Accendit dictis animos, nubemq; remouit,
Erroris poscunt veniam. Mensisq; relictis
Quam venere viam prima de nocte remensi
Primores adeunt comitum, sua gaudia narrant,
Inq; vicem accipiunt, visum iam denique visum
Ipsi etiam Petro dominum. Neque sic tamen actis
Plena fides, obstant tenebrae, curaq; recurrant,
Nec quassam terrore sinunt consistere mentem.
Vulnera adhuc versantum animo plagasq; crucesque;
Haud aliter capta quam cum furit impius urbe
Miles, & igne necans & ferro & tristibus undis,
Si quem libertatis amor, sobolisque, Larisq;
Misit in arma virum, qui non tamen occubet armis,
Auxilio incolumis Diuum patriaq; superstes,
Quamuis inde alias concesserit exul ad oras,
Horror inest oculis, fronti nox incubat atra,
Ipse velut mediis ardens in cadibus errat
Immemor, in somnos etiam cum membra resoluit
Iactata nunc bella manu, nunc voce retractans,
Donec longa dies tantos sedauerit aestus.
Forte sub aduentum noctis, quia fama ferebat.
Iam reducem dominum, tecto coiere sub vno
Selecti comitum. (Saeua at formidine gentis
Vectibus, & duri firmo munimine postis
Occlusas tenuere fores) Cenantibus ipse
Atque super cenam de se diuersa locutis
Ut celer è rapidis proruptus nubibus ignis
In medio conspectus adest, pacemq; precatui,
En ego sum, timor absit, ait. Vox cognita sensum*

*Perculit. Obstupere omnes, regemq; patremque,
 Esse rati vacuum simulati corporis umbram,
 Expanere suum. Quem cum deprenderet ipse
 Errorem, occurrit miserans, pectusq; manusq;
 'Perfossus ferro trepidis ostendit, & (ultra
 Quod dubitare vetet. nam gaudia iuncta paucori
 Turbabant animos) cene pars si qua supersit,
 Ferre iubet, positisque fauis ac pisce retosto
 Vescitur, inuitans alios, dapibusq; remotis
 Segnes increpitans oculos, & pectora ceca,
 Et tam difficiles verum narrantibus aures.
 Mox placidus tamen, & pacem impartitus amicis,
 Celestem inspirat sacris afflatibus auram,
 Et sua ferre iubet legatos iussa per orbem
 Imperio fultos ingenti, ut soluere possint
 Ac damnare reos, celoq; Ereboq; locare
 Pro meritis, ut certa fides, vel adegerit error
 Aut noua sacra sequi, vitamq; expendere sacris,
 Aut patrare nefas, priscisque habere tenebris.
 Atque ita dum leto plaudunt sua gaudia gestu
 Fallens per medios abiit, cœtumq; reliquit.
 At Thomas aberat, Didymus cognomine, & ipse
 Bissenos inter magno nunc cultus honore,
 Qui Christi pia signa tulit per Bactra, per Indos
 Victor, & Hyrcanas docuit mansuescere tigres.
 Tunc tardè excitus latebris, quò degener illum
 Compulerat timor, & vita nimis anxiosa cura,
 Quacunque affirmant alij, tot testibus acta,
 Tot manifesta modis, durus meliora doceri
 Credere posse negat. Coram vult brachia dira
 Fixa cruci, fossumq; latus, plagasq; cruentas
 Tangere, ne solo tentet si corpora visu
 Spectra leues fallant oculos, & imagine vana
 Incurrant animo vera rationis egenti.
 Hunc itaque (ô pietas!) medio velut aquore cecis*

*Infixum scopulis optata absistere meta
Non tulit humani generis pater optimus. Ergo
Septima lux postquam nocti concesserat atra
Rursus convenere viri, plenòque Senatu
(Nam Thomas aderat) multi cum multa referrent
De duce qui moriens Inferni claustra refregit,
Ipse locum per inane petens, fratresque reuifens,
Per clausas, velut antè, fores in lumine claro
Se confessus adest. Tenuere silentia cuncti,
Cum Didymum aggrediens dictis, non vana pauentem,
Imperat inserta scrutari vulnera dextra.
Ast ille aduoluens genibus, quàm turbidus antè,
Tam mitis placidusq;, videns per candida membra
Ceufusas ardere rosas, gemmasue rubentes,
Agnoscit veram effigiem, dominumque Deumque
Confessus, veniamque rogans, hanc Numinis ore
Iucundam nobis nostrisque minoribus olim
Elicuit vocem. nam tu comperta videndo
Credis, ait. Venient olim viuèntque beati,
Credere quos non visa inuuet, Christumque fateri.
O quàm difficile est mortali mole retentos
Humanos animos superas assurgere in auras,
Principium finemque suum quò nosse laborent,
Non agitante Deo! Cuius tum filius, idem
Æquatus, quicquid faceret, quacunque moneret,
Frustra erat ille labor, donec super aethera vectus
Ureret eterna feruentia viscera flamma,
Firmaretque viros. Tunc tunc meminisse iuuabat
Auctoris Christi, tunc inclita facta referre
Impavidos, regèsque simul regumque ministros
Spernere nequicquam cuneosque uncòsque minantes.
Quanquam igitur toties reducem videre, nec vllò
Fas dubitare modo, nondum tamen arsit in illis
Verus amor, veròque fides comes addita amor.
Ante quidem sacri diuinus anhelitus oris*

*Pectora firmarat coëptis ingentibus apta,
Grata sed expectanda dies diuinitus olim
Decreta, & latos tandem visura triumphos.*

*Atque adeo plausus inter regisque recepti
Gaudia, cum possent non deteriora secuis
Res alias agere, atque alijs accingier orsis,
Pars bona, quos septem numero dux Petrus agebat,
Solliciti antiqua victum meditantur ab arte,
Piscatamque abeunt, obliti nomina regi
Cum primum dixere suo non humida iussos
Lina, nec occultos intendere piscibus hamos,
Sed tali abduetos studio & certamine lucri
Capturas hominum caelestibus addere regnis.
Instructis ergo ratibus per stagna lacusque
Quos instar maris attollit voluentibus undis
Jordanis pater, & vicinas educat vrbes,
Ire parant, nullas si non maiora capebant
Passuri insidias, qua tunc vel maxima cura.
Iamque per extentam spectarant sidera noctem
Intentos operi, lucemque Aurora ferebat,
(At piscem toto scrutati gurgite nullum
Invenere viri, vacui lassique fremebant)
Cum vanum aspiciens maestos agitare laborem
Ignoto fulgens habitu predator Auerni
Indoluit, vocemque dedit de litore curuo,
Ecquid agant rogitan, & si qua obsonia feruent.
Cumque illi, quod erat, nil se predisse referrent,
Dextrum (ait) ô pueri dextrum latus vda laceffant
Retia, nec iactu descendunt irrita inani.
Quod iussi faciunt, dextram petit impete magno
Tota cohors. Sonat unda vadis elisa refusis
Dum subit ac glomerans sese ultro in vincula condit
Squamigerum pecus, & tremulo ferit aquora saltu.
Attoniti monstris depressam pondere cymbam
Vix tenuere. Silent alij, sed mente sagaci*

*Ad Petrum flectens oculos nutantiaq; ora
 Primus Iohannes, Herus est herus, inquit. At ille
 Tam bona non surdas simulac vox attingit aures,
 Totus ut incumbens operi nudauerat artus,
 Iniecta tantum togula, succinctus in altum
 Profilit, & celeri tranans freta cerula lapsus
 Ad dominum contendit iter. Pars cetera remis
 Ponè sequens lembum subigit, prædamq; natantum.
 Postquam unà appulerant omnes, litusq; tenebant,
 Egressi ducis ante pedes obsonia panè
 Cocta vident. Lento pisces torrentur ab igne
 Impositi prunis, quos dura atque arida tellus
 Summisit mandante Deo. Nec farrea deerant
 Liba. Sed his epulis diuina sorte paratis
 Adiungi præde partem iubet. Aduolat ergo
 Ante alios senior Petrus, vastamq; sagenam
 Extrahit irruptam, quamuis ingentia centum
 Quinquaginta aliis alia interstincta figuris
 Corpora substrata moribunda extenderet alga.
 Accurrunt deinde & socij, quæque optima gustu
 Lecta manu spoliant squamis, finduntq; lauantq;,
 Atque in frustra secant, prunisq; ardentibus aptant.
 Ipse pater vino factam de cespite mensam
 Monstrat, & herbofo constrata sedilia musco,
 Quo simulac iam membra toro flexere, per omnes
 Partitur sua dona dapes, panemq; ministrat,
 Et lassis reparat vires, redditq; vigorem,
 Agnitus haud dubiè, quanquam neque proferat ipse,
 Nec quis sit rogitent alij, turbentue molesti.
 Sed postquam depulsa fames, mysteria surgens
 Aggreditur, patrium mox conscensurus Olympum
 Pastorem partis sibi nuper ouilibus ut te
 Te Petre instituat, per te sua maxima firmet
 Imperia, atque tuis mox successoribus auctet.
 Nec leuiter res tanta agitur, ter voce rogatus*

Ecquid amet dominumq₃ colat, ter spondet amorem,
 Et toties ut pascat oves, ut pascat & agnos
 Poscitur illacrymans, memor (ah) ter ut antè negarit
 Tam carum caput, & serua externarit inertem.
 Ne tamen ignoret pascendi munera quantis
 Plena minis, quanto veniant implenda labore,
 Antè, (ait) ut iuuenem decuit, florentibus annis,
 Præcinctus quocunque pedes te sponte ferebant.
 Acceſti, moremq₃ animo gessisse iuuabat.
 Grandior at postquam declinem exceperit ætas,
 Iniectis alijs manibus rapientq₃ trahentq₃
 Quo nolis. Sed tu vestigia nostra secutus
 Carpe viam. Hoc ille oraclo non mollia fata
 Sortitus, quarens socium, cum forte propinquum
 Discipulum aspiceret primas in amore ferentem,
 Sollicitè rogat ecquid & hunc tam dura manerent.
 Sed percontanti responsa incerta dabantur,
 Si donec redeo volo eum remanere, quid ad te?
 Tu modò me sequere, & quæ sunt tibi cunque ferenda
 Ipse subi, nec quære alios miscere labori.
 Sic ait. Et quanquam sermonem in nube tegebat,
 Creditus est tamen æternam promittere vitam
 Dilecto ante alios iuueni. Cui postera fecit
 Fama fidem. seris nam iam plenissimus annis
 Compositum ingressus tumulum, diuinitus illinc
 (Ut nostri tradunt proaxi, credentq₃ nepotes,
 Incertum tamen an viuens, an morte repenti)
 Raptus ad æthereas non ultrà apparuit oras.
 Postquam sic toties rediniuum corpus apertis
 Obiectando oculis satis obfirmata suorum
 Pectora perspexit rerum sator, ipse parentis
 (Scilicet imperij iam successore relicto)
 Ardua maturam celestia scandere regna,
 Idq₃ palam, quotquot norat sua signa securos,
 Permixtos ducibus quos tunc Galilæa tenebat,

Effusa quã rara Thabor perfrigerat umbra,
Occupat, & latis spem quam dedit implet amicis.
Et quanquam (vt magno in numero) non omnibus idem
Ardor erat, victæque eadem fiducia mortis,
Augustam tamen effigiem splendentiaque ora
Regis vt aspexere sui, nouus incidit horror,
Concipiuntque preces, & flexo poplite adorant.
Ast ille accedens propius, Iam vicimus, (inquit)
Omnia iam mihi posse datur, terræque quod vsquam est
Et calore gere, & toto dominarier orbe.
Vos igitur, pia turba, meis exercita sacris,
Quacunque humana memores praecepta salutis
Audistis quã se pandit latissima tellus
Ferte viri, & puris mystas abstergite lymphis,
Voce Patrem, Natumq; simul, sacramq; cientes
Rite Auram. Qui crederit, lustralibus undis
Tinctus in aeterno felix regnabit Olympo.
Qui non crediderit, miserum sententia tristis
Merget in aeternam iusto sub iudice noctem.
Nec verò ambiguis credentum maxima virtus
Se feret indicis. Si quos malus obsidet artus
Spiritus, ex templo nostri vi nominis illum
Eicientq; procul, nigra atque in Tartara mittent.
Tum si forte noua sit opus mysteria lingua
Tradere per positas alio sub fidere gentes,
Auditor patrio mirabitur ore locutos.
Serpentes etiam tollent, & plena veneni
Pocula securis ducent innoxia labris,
Et cuicumque velint agro depellere febres,
Aridus attacti n fugiet dolor ossa relinquens.
Maesti animis. Mea vos tutos praesentia seruat,
Seruabitq; omni terris dum viuatur aeo.
His dictis mulcens animos, penetransq; sub imum
Pectus, & arcanis aptans sermonibus aures,
Fatidicos vates, priscarum anigmata legum,

ſeſſa oſque aperit cantus, & quicquid in illis
Prædictum exemplis id ſe diuinitus omne
Implenſſe docet, ſic naſci, & viuere, demum
ſic decuiſſe mori, & mortem ſuperare relicto
Surgentem tamulo, & cali ſupera alta ſecantem,
Vnde ſit ætherei miſſurus dona parentis.
Quo factò, exorſi à Solymis per maxima mundi
Regna ſui mandata ferant patrisq; Deiq;
Præclari teſtes operis, monitisq; verendi,
Vt pigeat ſclerum, redeat ſua gratia lapſis.
Nec mora, ſupremum ſic tunc affatus amicos,
Ante alios matrem, ſuſpiria longa trahentem,
Bethaniam veniens, atque hoſpita tecta remiſens,
Nec renuens ſumma ſociis ſe iungere menſa,
Hinc ad oliuiferum flexit veſtigia collem.
Atque ibi ſtans cœtu in medio pulcherrimus ipſe,
Sublatis altè manibus, vultuq; decore
Præfatus bona verba ſuis, pacemq; precatuſ.
Molliter aërias librat ſe ſponte per auras,
Cognatosq; inter procereſ quos eruit Orci
Faucibus, effuſo toto ad ſpectacula celo,
Candentis nebule tenui velatuſ amictuſ,
Aſcendit patris ſolium, dextraq; locatuſ
Æternos iniis victor memorandus honoreſ;

LÆVINI TORRENTII DE
CRVENTO DOMINI NOSTRI IESV
CHRISTI SACRIFICIO.

LIBER V.



QBSTVPVERE omnes, calog₃ intentæ tenebant
 Lumina, cum gemini, ceu rupti nubibus ignes,
 Velati niveis caelestia corpora pallis
 Emicuerè viri, medi₃q₃ astante corona
 Talia voce ferunt, Cur ô Galilæa propago
 Erecto aspicitis fulgentia nubila vultu?
 Hic ipse humani generis servator Iesus
 Ut coram superas abiit sublimis in arces
 Sic veniet cum iura dabit, victi₃q₃ triumphum
 Orbis aget, vindex scelerum, laudator honesti.
 At vos interea læti discedite in urbem,
 Atque illic quæ pollicitus sua maxima dona
 Expectate viri. neque enim dimittet inanes.
 Sic moniti pergunt Solymos, vno₃q₃ recepti
 Hospitio sacra servant consortia mense
 Vnanimes, eadem₃q₃ & velle & nolle parati,
 Voluentesq₃ animo diuini dicta magistri,
 Dicta, quibus sanctum toties laudasset amorem,
 Coniunctis ineunt alacres pia fœdera dextris.
 Omnibus vna præest Virgo, coniuxq₃ parensq₃
 Alma Dei, sociisq₃ suos impartit honores,
 Consilio, exemploq₃ iuuans, & moribus aureis.
 Et quanquam dubitare nefas quin proximus esset
 Ille dies promissa ferens solatia maestis,
 Non tamen idcirco segnes animisq₃ remissi
 Descendere viri, sed certæ incertæ putantes
 Si nullo adiutent agiles sua vota labore,
 Ardescunt studiis. Iuuat ire per ardua fortes,
 Virtutemque sequi. Quin quanto gratia maior

Qua sese acceptos calo carosq; videbant,
 Tanto solliciti magis observantq; coluntq;
 Auctorem, veriti ne reiciantur inertes,
 Ut qui ferre velint pulchram sine pulvere palmam.
 Usque adeo vitanda omnis velut improba Siren
 Desidia est, segnesq; mora, & male credula semper
 Tardaque, & ignavo torpens fiducia somno.
 Interea fugiunt qua se putat illa tenere,
 Et sera irrisa gemit infortunia dextra.
 Illi igitur, sacri tanquam nona germina regni,
 Vndeni in primis procures, pulcherrima mundi
 Lumina ad aeternam nobis praeuntia vitam,
 Securi spondente Deo, qui fallere nescit,
 (Non tamen ut nullum incutiant humana timorem.
 Agnoscunt etenim veteris vestigia culpa,
 Cum foede, quamvis & multa & magna loquuti,
 Deservere suum medio in discrimine regem)
 Assiduè inuigilant templo, Numenq; fatigant
 Supplicibus votis. Quibus & ieiunia iungunt,
 Non aliam esse viam moniti qua fortiter hostem,
 Lasciuosq; doment animos, sensusq; rebelles.
 Has igitur fundunt imo de pectore voces.
 Omnipotens, aeternae Deus; qui summa gubernas
 Infimaeque, & rebus sic te simul omnibus infers,
 Omnia alens, hilaransq;, & magno numine complens,
 Ut sine te non esse queat, non vivere quicquam;
 Humani generis quoniam tibi maxima cura est,
 (Cuius in obsequium non solum cuncta creasti,
 Verùm etiam afflictum primana ab stirpe parentum
 Dilecti, o pietas!, effusso sanguine nati
 Erexti, aethereis non passus ut exulet oris)
 Ipse autem natus regni rerumq; suarum
 Fundamenta locans, tua laus, tua maxima virtus,
 Nos sibi dilegit comites operumq; ministros
 Tantorum, fratresq;, atque appellavit amicos,

(Unde & adoptiuo tibi nos cognomine iunxit)
 Haud equidem tanto digni quod simus honore,
 Obscuri, agrestes, inopes, sine gente domoque,
 Dilegit tamen, & dignos dabit esse volendo;
 (Nec tu quod nolis volet ipse) ô rexq; paterque,
 Qui terram, pontumq; regis, calumq; profundum,
 Haud bonitate minus quam maiestate verendus,
 Non nostro nixis merito, sed numine nati
 Quam petimus fer opem, & propius res aspice nostras.
 Nati causa agitur. Tu nato infusus, & idem
 Cum nato, quamuis persona & nomine dispar,
 Haud alium nato moliris sancte laborem,
 Et par humana studium est utrique salutis.
 Cuius nos aliquam si fas attingere partem,
 (Filius æternum nam conscensurus Olympum
 Sic docuit magnum cum nos dimisit in orbem
 Legatos monitisque suis sacrisque ferendis,
 Lustrauitque nouos sacro spiramine mystas,
 Iussit & affusa detergere crimina limpha,
 Purgati sedes possent ut adire beatas,
 Nec dubium quin hac eadem tua certa voluntas)
 O genitor confirma animos, & suffice vires,
 Quamq; iterum atque iterum te supplice voce rogamus
 Affer opem, paruumque gregem defende periclis.
 Respice dilectam tibi de tot millibus vnâ,
 Quam colimus, sponsamque tuam, natiq; parentem.
 Poscit idem, & quamuis eius certissima apud te
 Gratia, nullius culpa labefacta pudore,
 Poscit idem, secura sui, sed publica querens
 Commoda, & in nostrum semper propensa fauorem.
 Exigui numero parua trabe currimus aquor
 Immensum, nullis opibus, nec viribus usi.
 Tu rector, tu remigium, tu clauus, & arbor,
 Velâque, & antenna, tu prora, & puppis, & omne
 Instrumentum artis, tumidos qua spernere fluctus

Audet,

*Audet, & infestis vectorem immittere ventis.
 Te sequimur, natumque tuum. Nec Spiritus ille
 Defuerit parili quem produxistis amore,
 Ipse amor, atque omnis seu fons, seu fomes amoris,
 Caelesti accendens mortalia viscera flamma,
 Non terrore ullo, non vi, non morte domanda.
 Talibus orabant dictis, noctesq, diesq,
 Intenti studiisq, simul pietatis, & una
 Solliciti ne qua possent offendere culpa.
 Non tamen interea cessabant cetera vitae
 Officia. admoniti Petro referente vacare
 Quippe locum quo deciderat sceleratus Iudas,
 (Nam cum bis senos inter numeratus obisset,
 Expleri sacer hic numerus debebat, ut olim
 Isacida equarent totidem de sanguine natos)
 Concilium indicunt procures. Venere vocati
 Centum ac bis deni, dederant qui nomina sacra
 Militiae, magni tantilla exordia regni.
 Quos inter senior, merito praelatus honore,
 Conuentus memorans causas, ut perfidus ille
 Victus avaritia turpi, vilisque lucelli
 Illecebra sauregem (pro dedecus!) hosti
 Sponte sua (namque ipse ducem se praeiit amens)
 Prodiderit, (Nec cura fuit commissa piare.
 Vnde infelici deformis ab arbore pendens
 Terram inter calumq, ut & hoc & perderet illam,
 Supplicio infami, diffisso ventre, pudendam
 Finierat vitam) fratres hortatur ut illi
 Dent successorem melius qui iussa magistri
 Impleat, & late portet mandata per orbem.
 Esse et enim monitum Iessida carmine vatis
 Talis ut in dominum domini quae dona tenebat
 Perdat, & in sortem veniat prestantior alter.
 Sic ille, & tacitum seruans sub pectore vulnus,
 Quod dominum ter & ipse suum miser ante negasset,*

Non tenuit lacrymas, ut nec tenuere profundo
 Permixtas gemitu quotquot tam mesta loquentem
 Audierant. neque enim ullus erat se dicere posset
 Qui nulla in fontem penitus pallefcere culpa.
 Præterea subeunt animus opprobria mille,
 Tot plaga, struct. q₃ doli, irrisusq₃ procaces,
 Vulneraq₃, hamataq₃, sacratio in vertice spine,
 Infixi manibus clau pedibusq₃ trabales,
 (Vnde cruor, saniesq₃, oppletaq₃ sordibus ora)
 Summaq₃ supplicij, trux detestanda latrones
 Inter, & astantem caro cum fratre parentem.
 Quæ medio tunc in cætu lugentium & ipsa
 Mæsta quidem, constans tamen & formidinis experts,
 Alloquio dulci comites affata, benignum
 Spondebat natum, cœptisq₃ instare iubebat.
 De supplendo igitur magno sanctoq₃ Senatu
 Quam suasset genitrix legem, Petrusq₃ rogauit,
 Leti omnes statuunt. Sed quis successor habendus
 Ambigitur, non quòd consensum rumperet audax
 Ambitio, aut fallens fucato gratia vultu;
 (Non ea nam tali pestis regnabat in aula)
 Sed duo non magnis opibus, neque sanguine clari,
 At virtute pares, ad eò discrimine nullo,
 Censeri ut possent inter se panè gemelli,
 Alter Iosippus, pulchro cognomine Iustus,
 Matthias alter, primis laudatus ab annis,
 Sistuntur medij. Dein supplice voce precati
 Rite Deum quotcunque aderant, quando intima soli
 Viscera nosse datum, & verum dignoscere falso.
 Diuinis aptum officiis ut utrumlibet horum
 Surroget, unde suis cecidisset proditor ausis.
 Dant sortes, urnamq₃ mouent: Sors exilit æqua
 Matthie. Sequitur plausus, deinde oscula iungunt.
 Amplexiq₃ virum sublimi in sede locarunt,
 Non aliter quàm si rex ipse optasset eundem

Christus dum species humana & vita manebat,
 Exemplo insigni, veniens quod profit in aevum,
 Scilicet ut norint homines eadem omnia posse
 Quae Christum Christi comites, comitumq₃ minores,
 Praefectos quos rite suo delegit onuli.
 O Deus! ô pietas! Quae nostra haec cura salutis?
 Tunc tuos ut me serues mihi cedis honores?
 Quas heu quas tanto referam promunere grates?
 Non alias quam tute velis. Tu suffice robur,
 Et dum te canimus quamvis non digna canamus,
 Qualescung₃ tamen non aspernare Camenas.
 Sic ergo expleta procerum iam classe suprema,
 Cuius ab imperio penderet cetera pubes,
 Perdomitura orbem, sed necdum libera curis,
 Caestes poterant quas sola abstergere flamma,
 Formidansq₃ malos hostes, iam rege remoto
 Intentos ipsum cum rege excindere regnum,
 Absente ut pastore gregi lupo imminet acer;
 Ne superante meâ spem quisquam amitteret omnem,
 Impatiensq₃ morae vicina atque obuia quaq₃
 Arriperet, spernens quae promittuntur in annos,
 Nec cerni possunt, oculis imperuia nostris,
 Ille opifex rerum, mundi q₃ assertor Iesus
 Optatam & toties precibus votisq₃ petitam
 Accelerabat opem. nam quamvis dura per omnem
 Ut vitam ipse tulit, sic nobis dura ferenda
 Edixit, voluitq₃ sequi se dura ferentem,
 Natura tamen humana, qua se induit ultro,
 Consciens, iniusto non fert nos fasce gravari,
 Aut minuens onus, aut dans in certamina vires.
 Vincereq₃ est illi confidere, nec tamen ullum,
 Quâ perferre queas, subterfugisse laborem.
 Jamq₃ dies aderat maiorum more perenni
 Religione sacer, quod quinquagesimus illum
 Exciperet quem Pascha vocant. Et ut hunc mare sicco
 N 3 Calca-

Calcatum pede cum fugerent Nilotica regna
 Ornati spoliis omnes & diuite gaza,
 Sic illum fecit celebrem festumq; quotannis
 Tempore quod tali Sinai in vertice montis
 Isacida trepidi legem acceperere, magistram
 Iustitia, cultusq; Dei, cultusq; parentum.
 Quam sauos inter strepitus, sonitumque tubarum,
 Fumumque, & picea permixta tonitrua flamma,
 Diuinis sculptam digitis, dux corniger olim
 Pertulit, & seros iussit seruare nepotes.
 Hanc igitur festi causam qui sanxerat illud
 Confirmare volens, & quod sub nube latebat
 Eruere, ac terris generosum prodere verum,
 Non umbra, ut Moses, & re sine tristis imago,
 Quae desiderium moueat, neque compleat unquam,
 Sed vis ipsa boni, tanto praestantior illo
 Quanto lux tenebris melior, dux milite maior;
 Nuper ut alterius festi solennia seruans
 Mosaicos oculis fecit comprehendere ritus,
 Victimam cum sacram cecidit tener agnus ad aram,
 Sic etiam festo accingens se rite secundo
 Euoluit dubios tot circum oracula sensus,
 Lex ipse, & nostris inaratum mentibus aquum.
 Nec vero horribili quatiens formidine gentes
 Arcuit accessu quemquam, renuique videri
 Obscura teētus nebula & caligine densa,
 Tum si quis propius ferret vestigia, diram
 Increpitans, etiam pecori, pro crimine mortem,
 Sed mitis placidusque aderat cuiusque vocanti.
 Usque adeo nostros postquam semel induit artus
 Nos amat, atque illi sumus, & nostra omnia cura.
 Ergo expectat am cernens erumpere lucem
 Quam canimus, multo antè sacram, at maioribus olim
 Sacrandam auspiciis, omni ut venerabilis aeo
 Permaneat magnus quam latè extenditur orbis,

*Astitit ante patris solium qua parte serenos
 Calum aperit campos, gemmataque floribus arua.
 Atque illic medius procerum quos faucibus Orci
 Ereptos victor stellanti inuexit Olympo,
 Sidereos tollens oculos flagrantiaque ora,
 O (infit) genitor, qui decedentia certis
 Tempora momentis sic emetiris, ut aptè
 Eueniant sua cuique dies & tempora factò,
 Ut nascens, moriensque, & victa morte resurgens,
 Ac tandem superas scandens sublimis in arces,
 Omnes impleri numeros, quò notior esset
 Laus tua si veterum consent sibi carmina vatum,
 Conueniantque noui prisca fulgoribus umbra;
 Hunc quoque sancte diem, donis tam grandibus aptum,
 Optatumque diu, ne prætermittes rogatum,
 Quin socios fratresque meos, quos semper amavi,
 At nuper ceu pupillos sub matre reliqui,
 Tu mecum amplectens, & tadia longa repellens
 Amisso tristes que persensere magistro,
 Ut fore pollicitus sum te sponfore, benigno
 Respicias vultu, tanto in discrimine rerum
 Calestem trepidis infundens mentibus ignem.
 Quo freti non iam latebras & deuia quarant
 Antra, nec insidiis pascant hostilibus, atque
 Diffugiant molles aquila ut veniente colamba,
 Sed lati atque alacres subeant aduersa parati
 Supplicio, extremamque petant per vulnera laudem.
 Est votis hæc summa meis, hic terminus haret,
 Non profecturis tot nempe laboribus actis
 Tu pia pacta tuo genitor nisi numine firmes.
 Et facies. neque enim tua me sententia fallit.
 Sic fanti applaudunt comites, genibusque voluti
 Vno eadem simul ore rogant. Fulgentia at ipse
 Arma tenens Erebi quibus expugnare tyrannum
 Posse datum, clauosque, trabemque, hastamque cruentam.*

Hareret capiti, quàm quod sub corde lateret
 Acribus accendens feruentia viscera flammis,
 Nullam ferre moram, nullamq³ admittere causam,
 Quin velut exempti vinclis & carcere duro
 Erumpant alacres, pulsi ceu lacte leones,
 Usque nouas auidi Christo compellere pradas.
 Prima tamen meritas cura est persolvere grates.
 Accedunt igitur nulla formidine templum
 Confertum populis, quos lex antiqua iubebat
 Undiq³ tam celebri Solymos concurrere luce.
 Nec iam sese humiles pressa cervice tenebant,
 Ut nuper, clausis voluentes murmura labris,
 Liberi & erecti sed qua se cunque iulissent,
 Non poterant alios propriis sibi sumere vultus,
 Et quem conbiberant non exhalare vaporem.
 Atque ut Setinis, aut collibus orta Falernis
 Nobilibus diffusa cadis dulcissima musta
 Dum feruent, penitusq³ tument ardore recenti,
 Euertunt fundo quicquid subsidit ab imo,
 Exercentq³ iras, & si spiracula fumo
 Desuerint, fractis erumpant turbida vasis;
 Sic illi intrepidi non se tenuere, sed omnes
 Intentos operi sensus nervosq³ gerentes,
 Conceptum interius (Tanta est vis Numinis) acrem
 Spirabant oculis atque ore & naribus ignem,
 Non iudem modò qui fuerant, sed mente renati,
 Atque animo ingenti, cui non mortalia cura
 Sed calum Superiq³, & quæ caelestia regna
 Conciliant homini, ut viuens moriensq³ beatus
 Aeternam insigni referat mercede coronam.
 Atque adeò hac turbæ dum præcinuere procaci
 Non veriti se inferre ultro, pulchrumq³ fateri
 Seu Christi, licet inuisum, seu nomen Iesu,
 Quo sine fas homini non est sperare salutem.
 Cumq³ eadem variis narrarent omnia linguis,

*Aut vſos propria contenderet eſſe locutos
Quiſque ſua, Parthique, Afrig³, Arabesq³, Phryges
Qui Nilum, Tigrimq³, bibunt, Phasiſq³, Lycumq³,
Et Tuſcum hac inter regnantem flumina Tybrim,
Atque alij qui forte aderant, ſtupueret tremendis
Attoniti monſtris, nec contemnenda putabant.
Non pauci tamen, ut media de plebe, profani
Hunc generoſum animi motum ſanctumq³, furorem
Attribuere mero. dulci nam ſeruere muſto
ſactabant tales ructent qui gutture voces.
Falsò equidem hoc illi, tamen ut gratiſſimus eſſet
Error, & argutas penetraret ſuauiſer aures.
Nam muſtum illud erat non quo percuffa fatigat
Tempora, & enervat vires Semelcius Euan,
Ebria raro iniens nullo conuiuia luctu,
Semper & in rixas, vetitos aut pronus amores,
Sed quo calicula caſti pleniffima ducunt
Gaudia, & ambroſiis permixto neſtare menſis
Illius aſpectu ſaturi qui eſt omnia ſolus
Æternum ſecuri agitant feliciter auum.
Hunc ergo errorem ſancta dux ipſe cohortis
Diſcutiens Petrus, quo non ardentior alter
Hoſti inferre pedem, mediumq³, irrumperet in agmen,
Non iſta ebrietas, qualem malè ſingitis, (inquit)
Seu ciues, alij ſeu conueniſtis ad urbem.
Quippe diem nos hunc, quarta vix parte peracta,
Haſtenus integrum ſicci tranſmiſimus, & iam
Non cyathi, ſed erant potiora negotia cura.
Enigitur lucem ſeris voluentibus annis
Quam vates monuere ſacri ſub tempora rerum
Ultima venturam mundo, qua plurimus alto
Spiritus effuſus calo, & mortalia latè
Corda nouis urens flammis, virèſq³, miniſtrans,
Fatidico impletet iuuenèſq³, ſenèſq³, furore
Sexu etiam in fragili, ſeu viſa, & ſomnia narrent,*

Sive alia quacunque probent ratione modò,
 Intus agente Deo mentes atque ora moueri,
 Ac non sponte sua. Quin & maiora sequentur.
 Igneus hic ille est descendens riuus ab ipso
 Ore Dei, latum fundens mortalibus imbrem,
 Imbrem euerrendis animi squaloribus aptum,
 Vt viridi crescant virtutum germina culmo,
 Grandiaq; immensas stupeant ipsa horrea messes.
 Igneus hic itidem carbo, seu calculus ille,
 Polluta Esaiæ purgans qui crimine labra
 Protinus arcanis vatem maioribus aptet.
 Denique & illapsus positus altaribus olim
 Deserto in medio, turbis mirantibus, ignis
 Mactata absumens caelesti animalia flamma,
 Quem iussi assiduus intra penetralia curis
 Nutrire, ut longo seruatus viueret aeo,
 Pontifices, non tam ignis erat, quam Spiritus iste
 Qui nostra inflammat modò pectora. Nène putetis
 Nos aut verba dare, aut ficto procedere vultu,
 Nil nostrum hic agitur, magnis auctoribus omnes
 Nitimur, imbellis licet imbecillaq; turba.
 Ipse Deus Deus ipse mouet, verumq; fateri
 Cogit, & ut sacris iam declinantibus orbis
 Interitum possint non formidare nepotes,
 Sollicitos vestra mandat nos preire saluti.
 O domus Abrami veteris, notissima calo
 Nomina, quos tanto Deus est dignatus honore,
 Vt post tot vates, regesq;, ducēsq;, verendos
 Imperio, & monitis, simul & prestantibus ausis,
 Dilectum sibi precipuo (vidistis) amore
 (Cuius signa dedit cum tot miracula tanto
 Edidit applausu) vobis donarit Iesum,
 Quem Nazarenum cognomine dicitis; (ehem
 Quid dicam, taceámne? O dedecus! ô scelus ingens!)
 Hanc ipsum, quo nil maius videre parentes,

Optarunt.

Optarunt tamen, at frustra, vos denique visum,
 Audituq; diu, & penitus sine crimine notum,
 Vestris permissum arbitriis, sub indice duro
 Afflictum prius, & crudelia vulnere passum,
 Tandem occidistis miseri. Quid profuit autem
 Occidisse? Deus probrosa vincula mortis
 Soluit, & inferni reducem de carceris antro,
 Ac penitus nulla pollutum labe sepulcri,
 Ut fore Iesseus monuit per carmina vates,
 Restituit vitæ. Quod nos ut vidimus omnes,
 Quos coram aspicitis, vestro de sanguine cretos,
 Sic sanctè testamur. Et en qui spondeat iste
 Iste ardens qui corda premit, qui viscera torret
 Spiritus, & quanquam infantes facit esse desertos.
 Vos sapite, & rebus fratres attendite vestris.
 Talia diuino Petrum sic ore tonantem,
 Atque unà astantes socios capita alta ferentes
 Ut videre palam, multi, quos altius acri
 Fulmina contigerant tactu, pulchroq; rubore,
 Voluentes animo spectata ingentia Christi
 Facta, quibus moti voluere obtrudere regnum,
 Imposituri humeris loca ni deserta petisset,
 Contremuere metu. Sequitur dolor, & fuga morbi,
 Si quo forte modo possint prauertere ne mors
 Occupet, & meritas soluant pro crimine pœnas.
 Consiliumq; rogant, ut qui monuere periculum
 Ostendant pariter quæ sit fuga tuta periculi,
 Cum breuiter senior vitæ iubet ante peractæ
 Peniteat, veniamq; petant, lustralibus inde
 Purgati scelerum lymphis dent nomen Jesu,
 Concesso terris regi dominoq; potenti.
 Cui si crediderint, aura celestis & ipsi
 Dona ferant, non nota sibi. quippe ordine primum
 Promissa Isacidis, dein quos Deus ipse vocasset.
 Hi illi atque aliis firmati pectora dictis,

Iamq³, auidi prauum fugere, atque insistere recto,
 Non pauci numero, sed ter se mille beato
 Tincti undis iunxere gregi, pluresq³, secuta
 Felices anime, sacri primordia regni,
 Bissenum captura virum, felicior illis
 Quas fecere prius, cum cymba & retibus usi
 Traxerunt tremulos Galilæa ad litora pisces.
 Nec mora, mutatis studiis, tua Petre secuti
 Exempla & monitus, nunc sanctum ascendere templum
 Intenti precibus, nunc circum tecta domorum
 Solliciti inter se sacrum diffringere panem,
 Vnanimes, veriti nil præter Numinis iram,
 Cetera securi, (O prudentissima mentis
 Simplicitas!) faciles, nullaq³, in parte molesti,
 Degebant hilarem sine fraude & crimine vitam.
 Nec cura illis census erat, tabulaq³ue, grauiq³,
 Nunc quæstor, nunc scriba procax, acerq³, coactor,
 Cum sua quisque lubens aut in commune referret,
 Mancipio aut domini, parerent omnibus usu,
 Fraternalis animis. nam Christum propter eodem
 Quo Christum sese complectebantur amore.
 Nec poterant aliter, tam pleni Numinis aura,
 Ut nil humane labis subsideret usquam.
 In se cuncta domans quod non conuerterit ignis.
 Nam veluti mediis feruent ubi athena caminis
 Ebullit trepida & flammis attollitur vnda,
 Quamlibet illa grauis, siccoq³, aduersa calori;
 Sic cedunt vitia & quicquid virtutibus obstat
 Aduentante Deo, quem nil nisi lata sequuntur,
 Spes, amor, atque fides, & mens sibi conscia recti.
 Et quanquam totis deinceps quæ gesta diebus
 Omnia prodigiis feta essent, omnia monstris,
 Hoc tamen eximie populum stupefecit hiantem,
 Quod vespertinam facturi vota sub horam
 Iunctus Iohanni Petrus, decora alta lenitus,

Cum templum peterent, aurata ad limina porta
Mendicum atque inopem, vitæq; ab origine claudum,
Claudum utroque pede, ut neutro consistere posset,
Ignotum nulli, (Multis ibi sederat arnis,
Collecta stipe quò ventrem fulciret inanem)
Conspexere virum. nam compellabat & ipsos.
At senior fixis oculis, vultuq; verendo,
Auri atque argenti non est mihi copia. Quod dem
Non deerit tamen. Ergo ingens en accipe donum.
Apprensâq; manu, Per Christi nomen Iesû
Surge, ait. Ille pedum subito compagibus aptis
Subsiluit gaudens, & ne quem facta laterent,
Se comitem ambobus iunxit quacunque movebant.
Atque ita cum cupidè procurreret agmine factò
Portentum visura nouum densissima turba,
Vidit, & obstupuit, vultuq; immobilis hasit.
Restitit ergo iterum Petrus, & liberrima fundens
Verba palam, ut decuit dicentem vera, sine vlla
Ambage & latebris, quæis mos inuoluere falsâ,
Non opis est nostra quod cernitis (inquit) amici
Hoc facinus praeclarum, ingens. siquidem omnia solus
Humanis maiora facit Deus. Illius ergò
Adsumus, & domini præfando nomen Iesû
Hinc pedibus captum vinclis exemimus. At vos
Auctorem tantorum operum, vitæq; magistrum,
Et sanctum, & iustum, & mundi rectore creatum
Supplicio infando ab vita spoliastis, & ipso
Iudice detestante nefas tam immane; latronem,
Seriastis Baraban, haud vno nomine lasa
Fusi itia pacisq; reum. Redivivus at ipse
A tumultu superas abiit regnator in arces,
Donec ob aeterno rursus demissus Olympo
Collapsus instauret index æquissimus orbem.
Nos testes sumus. Ac ne sit dubitabile verum,
En qui confirmet. neque enim sine Numine coram

Astat,

Astat, & integris figit vestigia talis.
Ille quidem multa antè pati, montemq; subire
Debuerat monitis vatum, quò nostra piaret
Crimina, peniteat tamen, atque agnoscite culpam,
Erroris veniam dabit, & miserebitur ultro,
Abrami soboles, vestrisq; è fratribus unus.
Cui Moses assertor adest, Mosisq; minores,
Cui Deus ipse iubet tanquam sibi credere toto
Addictos animo. Nec, si quis negligat, absit
Supplicium, & populi pars desinat esse beati.
Hec ille. At nondum quamvis sermone peracto
Prepositi templo, iunctis qui sancta negabant
Corpora post cineres alia revirescere vita,
Acribus invidia stimulis, iraq; frementes
Iniecere manus, & sub custode retentos
Postridie in magno sisti iussere Senatu
Pontificum, ut facti lucrent delicta tumultus.
Haud leuior prima interea captura secundo
Adiicitur iactu, persuasi millia quinque
Accessere hominum numero, tanto antè minori.
Nec capiti timuere Patrum subsellia, quamvis
Cum socero Caïphas, & plures ordine adessent,
Qui praiudicio, ut condemnauere magistrum,
Discipulos etiam debebant tradere leto.
Tum cœtu in medio rationem reddere iussis
Criminis admissi, senior, prefatus honorem,
Visceribus totis calestem ut senserat auram,
Inualidum hunc: (aderat nam forte, & cominus ibat)
Si quonam pacto nuper sanauimus (inquit)
Quaritis, en virtus, en Christi nomen Jesu,
Quem cruce suspensum Deus ipsa à morte reduxit,
Huius causa boni est. Lapis en non utilis arti
Creditus, abiectusq;, idem compage suprema
Parietibus sulcimen & hinc & conuenit illinc.
Inde & nostra salus, nec nomen Sole sub omni

Est aliud quod nos faciat seruetq³ beatos.
 Hac simul accipere, ausi nil hiscere contra,
 (Tantum animusq³ valet constans, verumque, fidesq³)
 Inuiti quanquam, & non aqua mente, solutos
 Ire iubent, sectaq³ monent & nomine Iesu
 Abstineant deinceps. Ast illi (O nescia vinci
 Pectora!) sic referunt, Vos auscultare, Deumq³
 Spernere, quando oculis circumspicit omnia iustis,
 Quarite num deceat, visa atque audita tacere
 Haud nostrum est. Tum verba malum minitantiia ducent
 Pro nihilo, & cupidi sociis exacta referre,
 Latantes abeunt, referuntq³, & pectore ab imo
 Vno omnes simul ore canunt hunc suauiter hymnum.
 O domine, ô cali, terraq³, marisq³, profundi
 Arbiter, ô quicquid genitum est ubicunque gubernans,
 Iessiades cuius sic vaticinatus ab ore est;
 Quid gentes studio populosq³ exciuit inani
 Nequicquam fremere, atque omnes contendere vires?
 Quid reges proceresq³ animo perstare minaci,
 Ac tanto in dominum Christumq³ efferuere motu?
 En ut in hanc urbem trepido coiere tumultu
 Hinc rex Herodes, hinc Praeses Pontius iste
 Pilatus, pluresq³ alij, nec segnius illis
 Isacide, cupidi nomen disperdere nati
 Dulce tui. At quorsum? Tua nempe ut sancta voluntas
 Consiliumq³ tuum his ipsis immanibus ausis
 Firmetur. Trepident illi frustra, laborent.
 Tu nos aspiciens, & qua minitantur in ipsos
 Avertens, nobis liberrima suffice verba,
 Da vires animosq³, nouis ut territus orbis
 Prodigis tua signa volens natiq³ sequatur.
 Finierant. Tremuit tellus, & conscius aether;
 Impleuitq³ viros diuini flamma caloris
 Securos fortisque sua, votisq³ positos.
 Ergo operi innigulant, inuat indulgere labori

Quem successus alit, quem premia tanta sequantur,
 In primis placuisse Deo, qua maxima laus est.
 Et quoniam sanctis nil tam conatibus illis —
 Profuit indignum quam ducere si quis abundans
 Rebus in alterius non succurrisset egenis,
 Nil non deesse aliis patiens, sibi commodus uni,
 Omnibus hoc studium, hic labor, ut qua priua fuissent
 Publica deinficerent, spreto, ni splendeat usu,
 Argento atque auro. Cuius sitis improba sauis
 Causa malis, scindens humana fœdera vite.
 Nec veriti leges pœnasq₃, aut iudicis iram,
 Sponte sua fugere nefas, fundosq₃, domosq₃,
 Distraxere hilares, ac nummos inde redactos
 Ante Petri abiecere pedes sanctiq₃, Senatus
 Non aliter quàm putre solum, testâmne, lutâmne.
 O virtus cunctis optanda, sed agnita paucis
 Qua nulla ad Superos propior via! Deperit aurum
 Cum seruas, manet absumptum. Custodia census
 Optima consortes quem diuidis inter amicos.
 O bone te fures, aut cur incendia terrent?
 Est ubi non fures, ubi non incendia cures.
 Calo infer pia dona, Dei gremioq₃, repone,
 Eripiet nemo. Nec te intervalla moerentur,
 Tangere quòd nequeant Superos quas terra recondit,
 Et malè seruat opes. Sunt hic araria cali,
 Sunt arca & loculi. quod enim largiris egenti
 Seu cum dura fames, seu cum sitis arida fauces
 Obsidet, aut nudum penetrabile frigus adurit,
 Vel lecto affigit morbus, vel carcere sauis
 Creditor, aut alius fortuna casus inique,
 Hoc Superis crede esse datum: Fit debitor ipse
 Ipse. Peui. Quin & grandi si fanore gandes,
 Danti vnum spondet centum qui possidet vnum
 Omnia, nec fraudare potis nec fallere quenquam.
 Tam præstans igitur virtus quâ gravior esset

Omnibus, ac scdum magis horrendumq, quod illi
 Aduersum est vitium, placuit punire nefanda
 Crimen auaritia. Ananias cum coniuge quo se
 Induerat Sapphira, ignari haud posse latere
 Quae tegimus peccata Deum. Communis agelli
 Quem modò vendiderant pretium non omne ferebant.
 In medium, vt fecere alij, sed partē retenta
 Cum mentirentur solidum se reddere, Petro
 Vlciſcente nefas, coram tot testibus ambos
 Iudicio insueto (neque enim sufflamine longo
 Causa trahebatur) commixta cupidine caca
 Sustulit ambitio. Mendaces dixerat ille
 Antè virum, deinde uxorem; qua voce repente
 Extincti incubuere solo. Sententia facti
 Pœna fuit, neque enim index lictoris egebat,
 Diminuatam vel voce potens abrumpere vitam.
 Vsq; adeo nihil est quod non indulserit illi
 Omnipotens quem ritè suo præfecit oculi.
 Quos ergo vt crimen, sic mors coniunxerat vno
 Compositos tumulo postquam vulgauerat ingens
 Fama, simul trepidiq, omnes latiq, coibant,
 Vt Petrum aspicerent. Qui quanquam plurima summo
 Prodigia edebat plausu, parente iubentis
 Natura imperio, cum nil decerperet inde
 Ipse sibi, ast vni domino deferret honorem,
 Sic placuit magis, & se se quocunque moueret
 Diuinum latè populis afflauit amorem,
 Contemptorq, sui (Tanta est vis Numinis) alto
 Aequatus celo nitidis caput intulit astris.
 Nec tantum Solymis ea se iam fama tenebat,
 Sed pagis etiam vicinisq, vrbibus acri
 Excitum studio ruit ad spectacula vulgus.
 Nec cupidi poterant oculos satiare videndo
 Bissenos procures, templi de more manentes
 Porticibus, facile vt quis accedere posset,

Scitariq; viam supera ad conuexa ferentem.
 Sed quanquam plebi eximie placuere sequaci,
 Non illos ausus propius contingere quisquam,
 Relligione sacros, & maiestate verendos,
 Tristi etiam Anania casu terrente profanos.
 Accreuit numerus tamen, & dilecta bonorum
 Copia. Lustrali passim quos fonte renatos
 Mox alios mores, alios assumere vultus
 Edocuit pietas, & celo fecit amicos
 Inconcussa fides. Cuius vi quotquot ubique
 Obuia erant variis affectu, aut saucia morbis
 Corpora, quae sellis, atque imposuere grabatis
 Marentes socij, fieri modo posse putarent
 Quod factum optabant, Christi per nomen Jesu
 Factum erat. Hic surdi, mutiq;, & lumine capti,
 Hic claudi exilivere solo, pestesq;, luesq;,
 Et furor, & macies, & anhelus pectoris aestus
 Diffugere loco quâ se dux cunque ferebat,
 Cuius ab effusa sacrati corporis umbra
 (O magno res digna Deo!) mirantibus agris
 Influxit sperata salus. Quae gloria quanto
 Splendidior, tanto magis, execrabile virus,
 Invidia accreuit. Prensos duxere ministri,
 Additaq; est vinctis custodia publicâ, ne quâ
 Effugerent. Sed caelesti de chorte satelles
 Astitit, & media dimissos nocte recluso
 Carcerâ commonuit sacro se reddere templo,
 Atque illic vitae praecepta docere beata.
 Interea coeunt hostes, furit impia turba
 Pontificum punire reos. Quos ducere iussi
 Cum clausis foribus tamen enasisse referrent;
 Securos narrant alij consueta subire
 Munera, mulcentes populi sermonibus aures.
 Ferruit ancipites hic nuncius, haud tamen ira
 Concidit. Accurrunt templo, narrata fatentur

At plebem veriti, manibus saxisq; minacem,
 Non vincla iniiciunt, blandis sed vocibus vfi
 Hortantur sancti consulta audire Senatus
 Ne pigeat. Parent ultro summumq; sequuntur
 Pontificem. Solio qui cum sedisset in alto
 Turbatus sano ore rogat cur publica turbent
 Otia, & insanis scindant erroribus urbem,
 Affirmantq; suum post funera vivere regem
 Invidia Patrum ingenti, qui nempe necassent
 Immeritum. Ast illi, quoties contraria mandant,
 Non hominum, sed iussa Dei dixerere sequenda.
 Nec tamen hac iussit ratio, & plura ordine dicta,
 Quominus iniusto caderent sub iudice, si non
 Eloquio prastans, & rerum exercitus vfu
 Gamaliel placidis lenisset pectora verbis,
 Dum docet exemplis melius non tangere qui se
 Mox ipsi perdant, nequicquam humana secuti
 Consilia, instinctu contra quod Numinis ausis
 Mansurumq; dix, nec posse impune moneri.
 Atque equidem hac poterat sententia solvere litem,
 Obstitit ambitio. Ne nil egisse putentur,
 Admonitos primum dictis, atque inde flagellis
 Ire iubent. Abeunt lesi, quod sanguine fuso
 Sortiti fuerint talem grex omnis honorem.
 Nec templo tantum, sed per vicosq; domosq;
 Vulgarunt alacres hilari mysteria vultu.
 At tam fausta sacri post hac primordia regni
 (Vi fieri magno in numero persape videmus)
 Propter inaequales mensas victumq; coorta
 Est inter fratres (qua tunc se voce ferebant
 Christiade iuncti) discordia, pristina verum
 Gratia mox coit, suppressa in fomite flamma.
 Servato (ut decuit) procures sibi iure docendi,
 Explendiq; animos dapibus caelestibus aptos,
 Alterius curam mensa, qua corpora pascant.

Ut sese indignam, quanquam laudabilis esset,
 Committi suadent aliis, qui classe secunda,
 Haud plares septem numero, gnariq₃, boniq₃,
 Hoc agerent. Placuit populo sententia Patrum.
 Nec mora, dilecti totidem. Quæis supplice gestu
 Imposuere manus, atque hi dixerè ministros,
 Lenitas alijs. Sed sicut in ordine princeps,
 Sic præstans etiam virtute, & Numine plenus,
 Prodigijsq₃ potens, Stephanus superare nec ipse
 Invidiam potuit. Longum est exacta referre.
 Occubuit tandem, prima, & gratissima calo
 Victimæ, cui stantem à dextra super æthera natum
 Mortales oculos tanto dignatus honore
 Ostendit genitor, contemptæ ut præmia vitæ
 Cerneret antè grauis lapidum quam clauderet imber.
 Ora viri, exemplo pendentis in arbore Christi
 Hostibus (ô pietas!) veniam pacemq₃ precantis.
 Atque utinam unius cessassent impia morte
 Supplicia. Hostilem rabiem successus alebat,
 Nec poterant non ferre boni quæ ferre inebat
 Præceptum celestis heri. Dispersa piorum,
 Bissenis tantum Patribus seruantibus urbem,
 Agmina. Quos alijs, quos ceu lupo acer agebat,
 Saulus, ab excidio Stephani crudelior usque &
 Usque, nec ætati parcens, nec denique sexu,
 Quin rueret traheretq₃ ferox & perderet omnes
 In quos inciderat. De quo maiora canemus,
 Nunc aliò vocor. Illa igitur quo tempore nata
 Scintilla est creuere & honos & gloria, nullis
 Fracta malis, firmoq₃ hærens constantia gressu.
 Disiecti namque exilio, quocunque locorum
 Venissent iisdem pugnantes cominus armis,
 Quæ pietasq₃ fidesq₃, & vis suggessit amoris,
 Morborum pariter scelerumq₃ examina forti
 Pellebant animo. Nam quis te magne Philippe

Samarita in magna, (quam post dixere Sebasten)

Perq; Palestina, & Galilae diuitis vrbes

Auspicio Domini pulcherrima bella gerentem

Pro meritis celebres? Per te iuga ferre coactus

Accinctus Furiis ille infernalibus ille

Est Simon, magicis toto notissimus orbe

Artibus, & quamuis aliquis sit visus & ipse

Esse Deus, Stygiae qui tot portentis per umbras

Ediderat, cessit tamen, & lustralibus undis

Tinctus longè alias disci diuinitus artes

Agnoit. Felix, coeptum sine fraude doloq;

Si tenuisset iter. Quid apricos inde per agros

Exceptum Eunuchum, virtute opibusq; potentem,

Edoctum primò mysteria, fonte renatum

Deinde sacro, & tacta Aethiopum per te alta salutis

Fundamenta canam? Renocas me Petre, beati

Dux gregis. Incepti qui tam felicia regni

Incrementa videns, an (qui tuus ardor) abesse

His poterat tantum nosse quos ferre laborem?

Præfeto Solymis Iacobo, agnomine Iusto,

Quo te cunque loco peterent, ceu tutor adisti

Pupillos, natosue parens, tractusq; per omnes

Terrarum, quâ dispersi nona signa tulissent

Victoris Christi, huc etiam solatia vultus

Accessere tui. Comites Fiducia firmo

Nixa pede, & tranquilla Quies, immotaq; Virtus.

Quas hilari circum plaudunt miracula gestu

Extimulantq; animos, & densa indagine cinctos

Ceu pauidos adigunt aduersa in retia cernos.

Tu dum Iudaicas visis pater optime gentes

Quâ Saurona iacet, quâ latum prospicit aquor

Prisca Tyrus, Sidonq; potens, grauidamq; metallis

Quâ brevis à terra Cyprum discriminat aestus,

Tu Lydde Aeneam nervis per membra solutis

Affixum stratis annos bis quattuor uno

Restituis verbo, inssum consurgere, & arcti
 In quo decubuit componere stragula lecti.
 Sparserat hoc factum vicinas fama per vrbes,
 Iamq; aderant celsa egressi qui mœnia Ioppes
 Oratum venere tuis optatus adesses
 Discipulis, functa dolituris morte Tabitha
 Dorcadis, hanc nisi tu serues, reddasq; propinquis.
 V: properes vrget pietas, & vota tuorum.
 I bone. Sed nigris illam circumuolat alis
 Horrida mors, moritur, clausisq; lauatur ocellis.
 Ecce venis. Crescit luctus, positamq; feretro
 Stant mesta circum viduae, innuptaq; puella,
 Perfusa lacrymis omnes. Nec tollere vocem
 Permittit pudor, ostentant tunicasq; recentes,
 Pallasq;, & vestes alias, pia dona benigne
 Dorcadis, ipsa suo quas are, manuq; pararat,
 Defensura inopes infesto à frigore amicos.
 Nec verbis lassare opus, aut clamoribus aures.
 Pro precibus lacryma, pro verbis facta suere,
 Notaq; in afflictos pietas, calog; repostum
 Quo defuncta manus inopum replerant aurum.
 Ingeris ipse, fremens animo, coetug; remoto,
 Inflexis supplex genibus, fixoq; cadaver
 Aspiciens vultu, (mirum) duo verba, Tabitha
 Surge, inquis, leuat illa oculos, residetq; superstes
 Ipsa sibi. Prensâ quam tu sanctissime dextra
 Sistis, & admissis tradens grataris amicis.
 Hactenus Isacidas inter, ritusq; colentes
 Isacidum, & magni diuina volumina Mosis,
 Exoriens Christi regnum immortale manebat.
 Sed maior fetura gregem ut suppleret, & olim
 Quem vates cecinere lapis coniungeret ingens
 Hinc atque hinc utrumque latus surgentis in altum
 Regia, & aeterno sese exaquantis Olympo,
 Hac apta est via visa Deo. Quo tempore Ioppen,

Et vicina Petrus coluit loca, miles agebat
 Casarea (Pyrgon veteres turrimq, vocabant
 Stratonis) cui Roma domus. Cornelia gentis
 Nomen erat. Magnos hic inter Centuriones
 Italica ductor chortis, vir magnus in armis,
 Nec pietate minor, metuens offendere Numen,
 Seq, suosq, arcens vitiis, & egentibus ultro
 Dans quas dives habebat opes, noctesq, diesq,
 Intentus precibus, nonam iam circiter horam
 Ieiunus videt astantem e caelestibus unum,
 Conspicuum forma iuuenem, qui nunciet eius
 Acceptas calo voces & verba precantis,
 Dona q, qua miseris dabat opportunus amicis;
 Simonem accersat, Petrum cognomine, Ioppa,
 Dicturum quid opus facto. Mittuntur honesti.
 Jamq, propinquabant, media prope parte diei
 Præterita tabulata domus cum scanderet ille,
 Secretum poscens precibus. Mox esurit, atque
 Apponi iubet. Interea caelestia toto
 Commentans animo, raptusq, ad sidera, cernit
 Oris de calo demitti quatuor alto
 Vas immensum, ingens, quod strata ad lintea opimis
 Implebat mensam dapibus volucrum, atque ferarum,
 Reptiliumq, simul. Tum vox audita per auras,
 Surge Petre, & mactans hac vescere. At ipse negabat.
 Id sibi Iudæo, immunda & promiscua nunquam
 Gustanti, fas esse. Iterum sed perculit aures
 Vox eadem, ter idem increpitans, ne fallere posset,
 Quod purgat Deus immundum tu dicere noli.
 Mox vero ablata dum secum anigmata mensa
 Cogitat, oblitus quas antè poposcerat escas,
 Præ foribus stabant à Centurione ministri.
 Quos adiit monitus calo, & sese obtulit ultro;
 Acceptaq, viæ causa diuertere apud se
 Iussit, & assumptis, ne res sine testibus esset,

Bis ternis secum sociis hilari pede sanctum
 Postridie est ingressus iter. Venit obuius ille,
 Procumbensq; solo sanctam cen Numen adorat.
 Sed renuit Petrus, atque hominem sese ore professus;
 Ipsi haud dissimilem, diuinos spernit honores,
 Hospitiumq; subit. Plures acciuerat hospes.
 Quos simul aspexit, Non est fas (inquit) amicis
 Iudeum genti se commiscere profana,
 At mihi iam fas esse Deus Deus ipse probauit.
 Cur igitur poscor? Tunc rem Cornelius omnem
 Explicat, & contra qua sit diuina voluntas
 Supplice voce rogat. Mox ille, Agnoscimus (inquit)
 Te genitor, laudesq; tuas. Mihi, & omnibus idem
 Es Deus, es Dominus, nullumq; ab oculibus arces
 Qui subdat tibi se, & subdens tua iussa capestat.
 Scilicet hoc mihi visa canunt. Dein fronte serena
 Versus ad astantes, solitoq; ardore redempti
 Seruatorem orbis tollens super athera Iesum,
 Dum loquitur, firmans animos, purgansq; veneni.
 (Si quid erat) videt afflari caelestibus auris,
 Et noua diuersis fari mysteria linguis,
 Quorum causa aderat. Comites noua crescere sacra
 Latantur. Petit ipse undas, tingantur ut undis
 Quos tinctos liquido agnouit diuinitus igne.
 Haud potuit tanti notissima gloria facti
 Non aliquos fulgore oculos prastringere, & acris
 Inuidia prabere locum. Addictissima sacris
 Gens Hebraea suis, omnesq; exosa profanos,
 Vnum ut sola Deum coluit, sic credidit uni
 Deberi sibi quam promiserat ille salutem,
 Nec sua contemni passa est praputia. Motum
 Composuit tamen hunc sacri pater agminis, ultro
 Accurrens Solymam, & Tyrios quae gesta per agros
 In pleno referens fuerant ut gesta Senatu.
 At quia non Solyma tantum, sed ubique per omnes

Principium turbis dabat hac tum causa profectus,
 Omnibus ille locus aderat, vigilesq, monebat
 Huc illuc oculos, quoquò se verteret hostis.
 O magnum virtute virum, quem frangere nulla
 Vis aduersa queat, nulli lassare labores!
 Quos hilari subiens animo dum sepe recurrit,
 Usque noui secum referens compendia lucri,
 Herodes Agrippa nono sublimis honore,
 (Iussus enim in patru succedere regna tetrarchæ)
 Ut viuens, sic & moriens memorabile sortis
 Exemplum humana, quò se iactaret atroci
 Pontificum turba, bissex e Patribus vnum,
 Primitias gregis ah, Zebedao patre creatum,
 Eductum vinclis Iacobum perculit ense.
 Nec satis, ut maior sceleri sit gratia, duci
 Imperat & Petrum. Simili quem perdere leto
 Solennes vetuere dies. Custodia pernox
 Additur, & duplices per crura, manusq, catenæ.
 Heu qui tum luctus, gemitusque, & vota piorum?
 Quid facerent? Calum assiduo clamore fatigant.
 Nec frustra, precibus Diuûm pater annuit aquis
 Omnipotens. Suprema vironox venerat, ipse
 Securus media quamuis in morte quiescens,
 Fit vigil. Assistit lateri demissus ab alto
 Armiger, & totum diffusa luce per antrum
 Surgere, vestiriq, iubet, vinclisq, solutum,
 Quacunque ingreditur portarum claustra reficens,
 Sistit enim notas citus unde accurreret ades
 Liber, & inuentos ibi solaretur amicos.
 Profuit hac aliis violenti iniuria regis
 Gentibus, ut tenera dociles ceruice beatum
 Christi ferre ingum possent, calumque mereri.
 Tali etenim veriti submittere colla tyranno,
 Perq, novos anidi pomœria tendere fines,
 Sortiti variis sectum regionibus orbem

Inter se proceres, sua quisque ad munera lati
 Diversis abiere viis, sed fœdera pacti
 Permanſura diu. Qua ne quis fallere poſſet,
 Addita ſacrati quadam cen teſſera belli,
 Symbolaque, à populis nos diſtinctura profanis.
 Atque iterum ſolita hic patuit conſtantia. nam qui
 Antiochi in magna Syria præditiſis vrbe
 Cæleſtis ſedem imperij dux ipſe locarat,
 Nobilius molitur opus, tua Romule regna
 Conturbare parans, Capitoli euertere ſaxum,
 Et ſaxo maiore nouum ſuperaddere regnum,
 Regnum æternum, ingens, famam quod terminet æſtris.
 Diſcedens igitur patria valedicit amicis,
 Et quaſcunque alias ſe deinde ſerebat ad vrbes,
 Solatus ſocios, tum qua præcepta dediſſet
 Vt memori voluant animo ſeruentque precatiſ,
 Nauigat. Aſpirant Superi felicibus auris,
 Atque ipſum, ſociosque ſimul iurantur euntes.
 Inde per Ægeos ſcopulos, Tyrrhenaque, veſtium
 Æquora, (Nunc etiam remanent veſtigia) primum
 Parthenope accepit venientem, hinc Martia Roma
 Amplexa eſt tenuiſque diu, quam ſeta triumphis,
 Tam vitiiſ morbiſque, tumens, quos diuite luxu
 Mixta ſuperſtitio & magici peperere pauores.
 Haſ ille edomuit peſtes, Lemurumque cateruas,
 Quasque a Samaria Simon adduxerat Vmbraſ,
 Et coniux Helena, & præſtantior arte Menander.
 Quorum ubi viciffet fraudeſ, cathedramque locaſſet,
 Pontificiſ ſummi cathedram, ut ius diceret orbi;
 Iamque nouum Chriſti nomen non Itala tantum
 Audiſſet latè telluſ, ſed & aſper Iberuſ,
 Germanuſque ferox, Galliſque, & trans freta ponti
 Africa; (nam ſocios parteſ diuiſit in omneſ)
 Septima Romuleaſ ex quo peruenit in arceſ
 Meſſiſ erat, nouum regnancum Claudiuſ annuſ

Judeos

210 DE CRVENT. CHRIST. SACRIFIC. LIB. V.
*Judaos simul & Christi pia sacra colentes
Urbe atque Italia tristi decedere iussit
Exilio immeritos. Quos tu quoque Petre secutus,
Ut partem gregis, Eoumpetis impiger orbem,
Hic patriam antiquam, ac veteres visurus amicos,
Antiochi sedem, septemplex ostia Nili,
Marcus Alexandri sanctis ubi legibus urbem
Fundavit tuus, & Phariis Christum intulit oris.
Quid Pontum, quid Cappadocas, ditesq; Bithynos,
Atque alios referam populos, tua maxima regna?
Magnus ubique labor, sed subleuat ille laborem
Quo mandante subis. Propera, & res fortiter aude.
Post certas hiemes repetet te regia Roma,
Sed comitem dabit. Hac una expugnandus in urbe
Orbis erit, saeva quem tu cruce, Paulus at ense
Deiunctum eximio ducetis ad astra triumpho.*

AD



AD ERNESTVM BAVARVM,
SACRI ROM. IMPERII ELECTOREM
Colonensem, Episcopum, & Principem
Leodiensem.

DEscripsi Christum, descripsi carmine Paulum,
Exiguus impar viribus orsus opus.
Hinc assertorem querenti occurrit vt olim
Gerardus, Tungros sub ditione regens,
Qui Christum exciperet blando placidissimus ore,
Meque sua tegeret non leuis auctor ope,
Sic tu nunc Paulum Princeps Erneste, tot vrbes,
Tot præter Tungros regna sacrata tenens,
Suscipe. Patrono mox se præstabit & ipse
Patronum, larga dans bona multa manu.
Queis te viuentem seruetque, ornetque, beetque,
Et functum campos transferat Elysios.
Horum ego nil possum, sed quæ tibi posse videbor
Impera. Erunt meritis inferiora tuis.
Nec tamen idcirco tenuem aspernare poetam.
Quem cecini, pro me spondeat ille tibi,

LÆVINI

LÆVINI TORRENTII
RERVM A DIVO PAVLO
GESTARVM
LIBER I.



ACTENVS aterni Patris de Virgine natum,
Concessum terris, & post fata aspera, victa
Scandentem patrias arces, (vnde inclita dona
Christiadium, & sacri Petro duce gaudia regni)
Nunc te Paule pater, nunc te generose canemus
Tarsids, laudesq, tuas super astra feremus.
Haud equidem tantis quod par conatibus ausim
Æthereos penetrare sinus, atque aurea cali
Atria, natiuis circumfulgentia gemmis.
Non ea vis animi. Sed tu pater optime, (quandò
Hoc uni tibi posse datum est dum vita manebat)
Nunc quoque precipuo Superis spectatus honore,
Denicti gestans spoliū fortissimū orbis,
Hanc mihi confer opem. Non me mea fallit egestas.
Tu mihi dunitia, tua per vestigia cantus
Ingrediar, nec transuorsum malus auferet error.
Et iam tollor humo, miseris mens libera curis
Euolat vnde illi vigor, atque insignis origo.
Hic auidè aspectans qua sint decreta beatis
Premia, qua merces atque emolumenta laborum,
Multiplices nexa vario de flore corollæ,
Gaudiaq, & plausus, festisq, immixta choreis
Carmina, (qua nulli fas est audire profano)
Quæro etiam contrà qua sit fortuna reorum,
Quæ, quorum scelerum pœna & tormenta sequantur.
Namque etsi procul inde dolor luctusq, refugit,
Nil tamen ignorant Superi, sed ab æthere summo,
Sint quibus exempti vt norint curisq, malusq,
Quidquid vbiq, graue & miserum est vaga sidera subter
Præste.

Prospectant, mersos etiam sub Tartara Manes.
 Sed tamen & fora sunt, est & sublime tribunal,
 Magnifico cultu, stratumq; tapetibus aureis.
 Aurea collucens illic subsellia, & auro
 Substructa solido surgunt adamantecolumnæ.
 Quas intra densò cœant simul agmine ciues,
 Intentisq; oculis, erectisq; auribus astant.
 Apparent etiam succincti ad iussa ministri
 Alipedes, soliti terras lustrare iacentes,
 Et responsa ferunt. Superest sententia tantum.
 At Pater omnipotens per se licet omnia norit,
 Æternum aeterno Natum complexus Amore,
 (Vnus enim est, triplici sed maiestate verendus)
 Fulgentem gemmis gestans in fronte tiaram,
 Puniceamq; sacro demittens pectore pallam,
 Effultus solio, sceptroq; innixus eburno,
 Auscultat patiens; fonsq; ipse & regula recti,
 Iustitiæq; tenax, sic illam temperat aquas,
 Vt neque inulta ferant ulli commissa nocentes,
 Et tamen agnoscant non tarde ignoscere Numen;
 Si venia locus, & quanto graviora fuisse
 Crimina, virtuti tanto feruentius instent
 Conuersi in melius, nec quidquam turpiter ausint
 Quin subeat pudor, & vitæ peccata prioris
 Admoneant satis esse semel potuisse teneri,
 Ac miserum tantis caput obiectasse periculis.
 Hæc ibi iudicii ratio est, ipsissima veri
 Forma, Deus Deus ipse, in quo sunt omnia. Sed cum
 Luctandum in terris, ubi nil immobile, nil est
 Non fluxum, non tabificum, nos, pulvis & umbra,
 Vt si quis speculo se contempletur inani,
 Ducimur exemplis. Nec in his illustrius vllum,
 Seu curas hominum spectes, sine otia Diuum,
 Quam Paulus dum Saulus erat, tum totus in illo,
 Infantes variis misere ut disperderet atrox

Supplicis, alio celans sed nomine culpam,
 Pontificum magni quod se decreta Senatus
 Christiadis super exilio, vel morte piandis
 Tutari studio demens iactaret honesto.
 O tenebra, ô hominum fallax prudentia! Sano
 Hac secum voluens animo, spiransq; furorem,
 Legatus veniens Solymis dum forte Damascum
 Tendit iter, vinctos, seu vir, seu femina, passim
 Ut raperet traheretq; omnes quicunque novandi
 Res studio ritus aspernarentur auitos,
 Horrida de caelo ruit haud sperata sereno
 Tempestas, qua terrificum ceu fulmen & ipsum,
 Quadrupedemq; simul, quo se sublimis agebat,
 Stravit humi. Turbant comites, dein vox quoque torue
 Omnibus audita est sonitu, praefata sed unum,
 Saule quid insequeris me Saule? Ast ille, repenti
 Attonitus quanquam casu trepidansq;, Quis (inquit)
 Es domine, imprudens quem persequor? Hinc simulatque
 Auduit hac iterum, Ego sum cui nomen Iesus
 Est Nazareus, tibi durum impingere calcem
 Tam duro stimulo, supplex adiecit & O quid
 Vis Domine ut faciam? verbisq; ita lenibus iram
 Fregit, & extemplo via quâ ducebat in urbem
 Iussus abire, abiit. Sed cassus lumine, apertis
 Quanquam oculis, (dictu mirum, diuinitus ut se
 Crederet his monitum signis) nec sat bene fultis
 Erectus tandem pedibus, cacumq;, per umbras
 Pratentans iter, à comitum se chorte iuvari
 Expetit. Horum agrè manibus trans mœnia ductus,
 Tres solidos sine luce dies, somnoq;, ciboq;
 Peruigilans, pacem precibus veniamq; rogabat.
 Ast ortu quarto, cuius iam mente tenebat
 Effigiem monitu Diuûm, monefactus & ipse,
 Ipse itidem iussus Tarsensem inquirere Saulum,
 Astuit Ananias. Velusq; ex more lenatis

Vix admissus erat, vix cur venisset amicis
 Effatus verbis, dicta acceptaque salute
 Abrasis veluti squamis cum lumen ocellis
 Redditur, & totis pariter sua robora membris.
 O qui tunc plausus, qua gaudia! O ubi Tigris?
 O ubi palmifera valles, & odora Damasci
 Gramina? Quis viui sistet me ad fluminis oram,
 Purgatum ut limphis lustralibus, & cruce Christi
 Signatum aspiciam sacris accingier armis,
 Sancte quibus Stygio figas de rege tropaeum?
 Te colo, te veneror. quid enim tam cernitur usquam
 Eximium, quod non superet tua maxima virtus?
 Cuius si vitam primis memoremus ab annis,
 Nil non ingenuum, nil non occurret honestum.
 Nascentem excepit Cilicum pulcherrima Tarsus,
 Urbs vetus & veterum iactans se iure Quiritum.
 Nutriuit Solyme. Nec se veniente iuuenta
 Desidia dedit, aut blando seruivit amor.
 Litterulis imbutus, & ut succreuerat atas,
 Ad grauiora etiam sub Gamaliele magistro
 Aptatus studia, ut leges morésque paternos
 Sciret, & arcani diuina volumina Mosis,
 Assiduus quam non operam dedit? Ille docentis
 Ante pedes fixus, non se dimouit ab ore,
 Inueniens semper quod disceret. Hinc nouus ipsi
 Feruor, & accensis ira dolor ossibus harena,
 Obnixus contra si quis conuelleret audax
 Qua prisci seruanda patres praecepta dedissent,
 Longus & exacti firmasset temporis usus.
 Sic Galilaorum conatibus obstetit acer,
 Debita Romanis qui pendere regibus ara,
 Censeri populum, compelli ad munera cines,
 Arbitrio nec quemque suo permittier, armis
 Accincti falsâ pro libertate, vetabant.
 Atq; utinam in tali semper pugnasset arena,

Non aliis, rerum quam turbatoribus asper,
 Sed rectum prauo, verumq; obtendere falso,
 Virtutem vitio, confundere nomina rerum,
 Accalam terra miscere, & sacra profanis,
 Infontemque eadem qua fontem inuoluere causa
 Immane est facinus. Fallit te Saule iuuentus.
 Nil nimium durare potest. Nec sic tuus ipse
 Gamaliel. (Ne sperne ducem) Cunctatius ibis,
 Sed melius. Præcepit atque inconsulta cupido
 Fit furor. Excusas leges & iussa Senatus,
 Immemor importunus vt hac ambiueris ante
 Quæ modo causaris, quò te defendere possis.
 Tun' Mosén Christo, veterumque oracula vatam
 Obiectas? quem cum Moses, tum consona vatam
 Carmina promittunt toties regemque Deumque
 Venturum auxilio terris, pacemq; daturum
 Eternam, & miserè afflictis solatia rebus.
 En venit, promissa dedit, conscendit Olympo,
 Unde & plura daret. Sed enim caelestia dona
 Conueniunt humili. te dum tam grandia iactas
 Te fugiunt, Saulosque omnes, omnesque superbos,
 At Paulos modicosque vtrò nec iussa sequuntur.
 Tu nunc Paulus eris. Venia dignissimus error,
 Qui te imprudentem, cum nil tibi conscius esses,
 Impulit vt notos etiam carosque sodales
 (Hos inter Stephanum) quauis male perdere mallets
 Quam ferre antiquo quidquam discedere regno
 Pontificum, qui more Patrum tunc sacra tenebant.
 At grates age Paule Deo. Sunt hæc sua dona,
 Quod ceca te mente diu non pertulit atris
 Palpantem in tenebris, vmbraque & imagine ductum
 Has potius veram quam cali admittere lucem.
 O amor, o pietas! Deus hæc tua non bene facta
 Ceu nati tulit offensam, gaudis amanti
 Oblatum cupide quod mox ignoscere posset,

Vltro etiam donis cumulans te ingentibus, ut si
 Funderet aurato fruges bona Copia cornu.
 Vtere sorte tua. Sentisne ut pectora subter
 Igneus accensus vapor, & te flamma fatigat,
 Nec sinit ignotum vitam traducere inertem?
 Non illi hac similis flamma qua te prius, acri
 Flagrantem inuidia, in Christum Christi que ministros
 Impulit infesto nequidquam insurgere ferro.
 Ah verè miser. At faustum felixque putabas,
 Munus ad hoc alijs falso prelatus honore,
 Imbellem & tantum patienda ad vulnera fortem
 Cadibus, atque fuga terris excindere gentem.
 Nemo malus felix. Gaude mutatus ab illo
 Qui fueras. etenim postquam nouus ignis adhaesit,
 Inuidie successit amor, successit honestum,
 Successit pietas, & spectatissima virtus
 Rebus in aduersis patientia. Talibus armis
 Instructus protolle pedem, tota agmina victor
 Sternes. Sed vincent victi quoque, ferre coronam est.
 Cuique suam longum qua non marcescat in aenum.
 Felices pugna sua sunt ubi premia victis,
 Felices etiam sine cade & strage triumphi.
 Maeste animo, confide Deo, primamque Damascum
 Arripe. Iamque tenes, & totam nomine comples
 Paule tuo. Hæc illi merces reddenda recepti
 Luminis, hoc pretium. Sit deinceps conscia laudum
 Officiis seruata tuis, malefacta videndo
 Que fuerat scelerum. Stupeat vaga turba recenti
 Commota ostento, concurrant agmine cines,
 Mirenturque novos fetus insuetæque poma
 Arboris & succo, & foliis, & cortice amara.
 His tu principijs aliquo post tempore vises
 Petraos Arabas. Nec te rex illius ora,
 Parte, Aretas, regnans Syria quoque, terreat, armis
 Herodem generum, Romanæque signa laceffens.

*Non illi insidias tendis, nec onustior auro
Vt redeas longinqua petis. Tua lucra coempta
Sunt anima, viles illis qui regna gubernant,
Nec subit esse deos, aliámque a funere vitam.
Spernere quos monuit (Facilem te redde monenti)
Auspice quo sic bella geris, quos viceris hostes
Vt victi nolint te non vicisse, beati
Quod tanti ducis ense cadant, cum se quoque vincant,
Quicquid & aduersum fors obijcit. 7 pede fausto.
Gens Arabum fera, gens infida, atque aspera culen,
Nec magnum est operapretium tentasse superbos,
Quosque sui seduxit amor; sed gens tamen ista
Nota abauis atavisque tuis dux corniger ex quo
Isacidas Pharijs olim traduxit ab oris
Iordanem ad fluuium, sacri media arua secantem
Imperij, unde salus totum manauit in orbem.
Et pigeat segnem te aliquam his impendere curam?
O utinam tua nunc iterum vestigia seruans
Diuina celebrem tot, tanta encomia laudis!
Abrami soboles, prisca tot millia gentis,
Cum pueris & coniugibus (mirabile dictu)
Per loca senta situ, per sola & inhospita tesqua,
Per loca qua rapidi nequeant attingere Soles,
Lucosque, dumosque, abruptaque saxa tot annos
Errabant, inopes simul ac nullius egentes.
Copia erat sua cuique Deus, nunc manna refertis
Collectum calathis, nunc aethere lapsa coturnix,
Aut palma, & duro expressa de marmore limpha.
Denique nec vestis deerat, nec calceus ulli.
Et quoties his atque illis mutata fuerunt
Castra locis, toties diuina potentia sese
Prodidit, ingeminans varijs miracula formis.
Sine taceo sacrata cacumina montis.
Forsan & hac tibi causa via, noua iura daturus
Vt firmes vetera, & Mosem virtutibus aques,*

Successu

Successu superes, victor non axe sub uno,
 Sed quâ quadrifidum lustrat Sol aureus orbem.
 Nec verò hic Arabes te longa ambage morentur.
 Inuenient alios per quos mutescere possint.
 Iam reducem expectat Syria, & tua cura Damascus.
 Haud tamen hic quoque tutus eris. Disperdere quarunt
 Te consanguinei, te regius undiq; terror.
 Ipse urbis custos portas indagine cingit,
 Obseruatque vias, ne quâ elabaris inultus.
 Sed fratres veri, sacro quos fonte renatos
 Iunxisti tibi, demisso per mœnia fune
 Impositum emittent sporta, noctisq; per umbras
 Euades dubia manifesta pericula vite.
 Tertius atq; adeo vix fugerit annus ab illo
 Tempore quo Christi es fulgentia castra secutus,
 Talia post exorsa noue, quam sancte subiisti.
 Militia, Petrum ut videas, visq; fruaris,
 Amplectens veneransq; virum cui summa potestas
 Obtigerat mandante Deo, primasque ferebat,
 Accedes Solymos, animumq; explebis honestum.
 Ast illi, atq; alij (nam conuenere frequentes)
 Audio Sauli trepidantes nomine, (Tantum
 Fama potest) tali se credere posse negabant,
 Donec eum vindex sancto coeunte Senatu
 Appensum dextra Barnabas Cyprius intro
 Duxit, & ostendens factum diuinitus id quod
 Factum erat, excussit turbantem corda timorem.
 Ex quo perspectum Paulus sibi tempore summa
 Iunxit amicitia, multa & praeclara gerendo
 Tali operum socio, qui, par primoribus ipsis,
 Ipse etiam abiiciens patrimoni multa talenta,
 Aeternos celebri signauit nomine fastos.
 Coniunctis igitur studiis ac viribus ambo
 Non tantum Solymæ, Petri ducis arma secuti,
 Aut solos apud Isacidæ formidine nulla,

Non illi insidias tendis, nec onustior auro
 Vt redeas longinqua petis. Tua lucra coempta
 Sunt anima, viles illis qui regna gubernant,
 Nec subit esse deos, aliamque a funere vitam.
 Spernere quos monuit (Facilem te redde monenti)
 Auspice quo sic bella geris, quos viceris hostes
 Ut victi nolint te non vicisse, beati
 Quod tanti ducis ense cadant, cum se quoque vincant,
 Quicquid & aduersum fors obijcit. 7 pede fausto.
 Gens Arabum fera, gens infida, atque aspera culem,
 Nec magnum est operapretium tentasse superbos,
 Quosque sui seduxit amor; sed gens tamen ista
 Nota abauis atauisque tuis dux corniger ex quo
 Isacidas Pharijs olim traduxit ab oris
 Iordanem ad fluuium, sacri media arua secantem
 Imperij, unde salus totum manauit in orbem.
 Et pigeat segnem te aliquam his impendere curam?
 O utinam tua nunc iterum vestigia seruens
 Diuina celebrem tot, tanta encomia laudis!
 Abrami soboles, prisca tot millia gentis,
 Cum pueris & coniugibus (mirabile dictu)
 Per loca senta situ, per sola & inhospita resqua,
 Per loca qua rapidi nequeant attingere Soles,
 Lucosque, dumosque, abruptaque saxa tot annos
 Errabant, inopes simul ac nullius egentes.
 Copia erat sua cuique Deus, nunc manna refertis
 Collectum calathis, nunc aethere lapsa coturnix,
 Aut palma, & duro expressa de marmore limpha.
 Denique nec vestis deerat, nec calceus ulli.
 Et quoties his atque illis mutata fuerunt
 Castra locis, toties diuina potentia sese
 Prodidit, ingeminans varijs miracula formis.
 Sine i taceo sacrata cacumina montis.
 Forsan & hac tibi causa via, noua iura daturus
 Vt firmes vetera, & Mosem virtutibus aques,

*Successu superes, victor non axe sub uno,
 Sed quâ quadrifidum lustrat Sol aureus orbem.
 Nec verò hic Arabes te longa ambagemorentur.
 Inuenient alios per quos mitescere possint.
 Iam reducem expectat Syria, & tua cura Damascus.
 Haud tamen hic quoque tutus eris. Disperdere quarunt
 Te consanguinei, te regius undiq; terror.
 Ipse urbis custos portas indagine cingit,
 Observâtque vias, ne quâ elabaris inultus.
 Sed fratres veri, sacro quos fonte renatos
 Iunxisti tibi, demisso per mœnia fune
 Impositum emittent spora, noctisq; per umbras
 Euades dubia manifesta pericula vite.
 Tertius atq; adeo vix fugerit annus ab illo
 Tempore quo Christi es fulgentia castra secutus,
 Talia post exorsa noue, quam sancte subiisti,
 Miluia, Petrum ut videas, visq; fruaris,
 Amplectens veneransq; virum cui summa potestas
 Obtigerat mandante Deo, primasque ferebat,
 Accedes Solymos, animumq; explebis honestum.
 Ast illi, atq; alij (nam conuenere frequentes)
 Auduo Sauli trepidantes nomine, (Tantum
 Fama potest) tali se credere posse negabant,
 Donec eum vindex sancto coeunte Senatu
 Apprensus dextra Barnabas Cyprius intro
 Duxit, & ostendens factum diuinitus id quod
 Factum erat, excussit turbantem corda timorem.
 Ex quo perspectum Paulus sibi tempore summa
 Iunxit amicitia, multa & praeclara gerendo
 Tali operum socio, qui, par primoribus ipsis,
 Ipse etiam abiciens patrimoni multa talenta,
 Aeternos celebri signauit nomine fastos.
 Coniunctis igitur studiis ac viribus ambo
 Non tantum Solymæ, Petri ducis arma secuti,
 Aut solos apud Isacidas formidine nulla,*

Sed quosuis alios quocunque sub aëre natos
 Liberi & erecti Christum docuere quis esset,
 Suadentes pulso putri per membra veterno
 Et tenebris lucem, & verum praponere falso.
 Sed Paulo rursus insidie, vitaq; paratur
 Exitium. Vigilant fratres, ductumque latenter
 Casaream inde monent Tarsum patriamq; reuolat.
 Tutior aspectu procerum quò longius absit.
 Interea varijs appulsi sedibus ingens
 Quos metus ob mortem Stephani sancta expulit vrbe,
 Quam Christi imperio poterant impendere curam
 Præstabant hilares. Dux ipse exempla daturus,
 Prodigijs signisque potens, ubicunque per omnes
 Conuentus aderat, factis verbisque iuuabat,
 Sacra ferens, solansque animos, & robore firmans.
 Quin & Orontea penetrans ad mœnia Daphnes,
 Sacrati hic regni tunc fundamenta locauit.
 Maximus vnde illuc præstantum laude virorum
 Concursum. Quorum in numero neque Cyprius vnus,
 Et plures, qui longinquis venere Cyrenis,
 Suasere assidue, magnis rationibus vsi
 Iudeos simul ac Graios, fortēsque Latinos,
 Et quauis alia natos de gente profanos
 Depositis odijs uni dare nomina Christo,
 Oblatamque ultrò non despectare salutem.
 Nec frustra fuit ille labor, cui Numen amicum
 Adfuit, & blando celestis gratia vultu.
 Quod postquam Solymis auditum est, Antiocheam
 Mittitur allectus Paulo comes optimus, atque
 Spectata fidei, & diuina afflatus ab Aura.
 Qui simul aspexit rem quo narrata fuisset
 Esse loco, laudans factum, cœptamque cohortans
 Ire viam, Tarsum petijt, Pauloque recepto
 Unde ierat redijt, secumque in prælia ducens
 Victorem toties, toties folia ampla ferentem,

Immane est quantas prostravit uterque ceteruas.
 Et quoniam quanto plures sine sanguine victi,
 Tanto etiam plures vinci voluere, nec ultra
 Sculptoris vani arbitrio, dum vendit at artem,
 Perferre aut ligno, aut factos de marmore Divos,
 Successu crevit studium, ut solet, ampla laborum
 Premia dum recreant animos, morosaque pellunt
 Tadia, & ignavos generoso è pectore somnos.
 Vix dum igitur solidum se verterat annus in orbem,
 Cum iam collectis hominum tot millibus, una
 Voce Deum, Natumque Dei, utriusque & Amorem
 Laudant um, audiri coeptum est in sinibus illis
 Illustre, eximium, & quo non sublimius ullum
 Christi adum nomen. Salve o clarissima tellus
 Nec quidquam cedens illi quæ prima creatum
 Aspexit de limo hominem. quid enim esse iuvabit
 Evili putrique luto, nisi sanguine sancto
 Damnatos primique patris commissa luentes
 Nos redimat, solvatque nefas assertor Iesus?
 Salve iterum, salve tellus faustissima, & o si
 Perpetuo Petri monitis, Paulique steterisses.
 Sed Romam meliora manent. At tu mihi Phœbe,
 Latona cum matre, & venatrice Diana,
 Seu placidus citharam, seu tendis senior arcum,
 Quidquid agis, fallax commentum & fabula vatum,
 Tu mihi Phœbe vale. Daphnen, tua regna, relinque,
 Linque focos arasque, etsi non Thessala Tempe
 Te capiant magis. En multo te fortior ille
 Qui nuper tua præda fuit. Parere necesse est
 Non vni tantum Paulo, sed quot quot ab illo
 Edocti Christum regem dominumque sequentur
 Insignes eius cognomine, cui comes hæret
 Gratia, & affuso nitidi decor oris olivo.
 Atque hæc tam celebri dum spectabantur in urbe,
 Nonnulli Solymis illuc venire probati

Dicendo ventura viri. Quos inter Agabus
 Fatidico enarrans voluentia tempora cantu,
 Aduentare famem Claudis sub Caesaris auum
 Pradixit, monuitq; bonis succurrere amicis,
 Quos triste exilium & pietas fecisset egentes.
 Hic iterum Paulus collegam naetus eundem,
 Impositum subiens onus, & collecta suorum
 Aera ferens Solymis mox dispensanda minutim,
 Ut primum redijt, socijsq; exacta probauit
 Concilio in magno magna virtute virorum,
 (Ut soliti) precibus pia dum ieiunia iungunt,
 Dum pacem veniamq; petunt, arisq; ministrant,
 Vox excepta Dei est Paulum, Paulique sodalem
 Seponi mandans, aliosque accingier orsus.
 Illi opere in tanto, ut par est, ieiunia casta
 Instaurant, sanctasque preces, iterataque sacra.
 Dein capiti impositis manibus bona cuncta precati,
 Tali illos ritu prisco de more sacratos
 Dimittunt quocunque ferat diuina voluntas,
 Non equidem ornatos rhedisque & nauibus altis,
 Non seruis, & equis, stipatorumq; catervis,
 Sed vacuos in palliis & paupere cultu,
 Securos tamen, & nil usquam triste timentes,
 Quis custos Deus & vindex acerrimus adsit,
 Ipse comes, Dux ipse via, & certissimus auctor.
 Nam cum de celo te vox audita sereno
 Auulsum socijs opera ad diuina vocauit,
 Tunc ego crediderim te tunc ò maxime Paule
 Mestum ac sollicitum, perraro & pauca loquentem,
 Voluentemq; animo qua sint ventura, repente
 Arreptum ad Superos Paradisi gaudia lati
 Arcanis vidisse modis, vidisse & Iesum,
 Qui te perculerat, placido tunc fulgere vultu
 Verba inter nequeant vlla qua voce referri.
 Nec vero ille ego sum stultè qui scire requiram

Id quod scire nefas, tentor tamen. ecquid enim sis
 Si non perpetui series operosa laboris,
 Atque eodem intuitu merces quoque grandior atque
 Vberior, quanto terris caelestia praestant,
 Diuina humanis, mansura aeternaque fluxis?
 Hoc tu Paule doces, factisque & moribus imples.
 Hinc tibi seruata tanta est fiducia palma,
 Hinc & tantus amor, quem nec regum ira, nec enses,
 Nec flamma, nec liuor edax, nec tristis egestas,
 Nec populi furor, aut Stygij vis saeva tyranni,
 Non mors, non vlla poterunt abolere ruina,
 Teque tuo, quem suspiras, abducere Christo.
 Felix ò nimium felix! Sed nos quoque tecum
 Felices, pars vlla tui si tangat amoris.
 Sic itaque Antiochi progressi mœnibus urbis
 Matris Laodices natique per arua Selenci
 Litoreum ad tumultum, curua subeunte carina
 Inde Cyprum, & Salamina petunt. Hic sceptrata tenebat
 Aecides olim Telamon, si vera feruntur.
 Tunc vero Aeneadum latè loca subdita regno.
 Paulus enim, patrio cognomine Sergius, omni
 Jura dabat populo. Nec erat prudentior alter.
 Ipse sed hinc aberat quam longa est insula ab ortu
 Solis ad occasum, celsis quàm mœnibus aequor
 Despectant Paphij, Veneri gratissima sedes.
 Cuius in obsequium iussa prostare puella
 Concubitu turpi famoso in litore turpem
 Vulgato (pudet ab) quarebant corpore dotem.
 Compositis igitur rebus, Salamine relictæ,
 Inde peragratis Cypriorum finibus, ambo,
 Captura facta ingenti, haud sine Numine, notam
 Iam celebres fama, quam propter sponte vocati,
 Peruenere Paphum. Faciles Proconsulis aures,
 Accessus facilis. Sed eo notissimus aeo,
 (Simonis de gente, reor, vel gente Menandri)

Obstitit inceptis Elymas magus, arte pudenda,
 Arte tamen qua nulla domos penetrantior intrat
 Induperatorum, regumque, ducumque, quot usquam
 Publica sic agitant, nacti vel maxima semper
 Ut cupidè maiora petant, inhièntque futuris,
 Cum neque quod præsens est rectè impendere possint.
 Inquirunt mortes, inquirunt tempora, quid fors,
 Quid Fatum, aut Fortuna parent, momenta quæ soli,
 Non opera, non consilijs ullius egenti,
 Nota Deo. Spondet tamen ars hac omnia, dum se
 Cantibus atque herbis, numeros ac sidera miscens,
 Venditat, & nusquam qua sunt vult esse videri.
 Non tulit ergo Elymam Paulus maledicta canentem
 In Christum, cuius coram tunc astitit ipse
 Legatus, vultumque planum, dictisque seneris
 Increpitans. Sed cum nihil illum verba mouerent,
 Addam (ait) exemplum. Magicis hucusque tenebris
 Inuoluisti orbem: Tenebra tua lumina obumbrent,
 Cacus abi mandante Deo. Fit cacus, & atra
 Mersos intorquens oculos caligine, querit
 Ductorem titubante manu. Perterritus astat
 Sergius, ast oculis lucem quam perdidit ille,
 Hic Pauli credens monitis in mente recepit.
 Sic fixo Paphijs in collibus auspice Christo
 De Cypro erepta Veneri fulgente tropæo,
 Paucis cum sociis, eadem qui sacra ferebant,
 Victor ouans placidis à puppe ferentibus Austris
 Nauigat, & celerè transmissa per æquora cursu
 Late ubi pomiferos aperit Pamphylia saltus
 Optata tandem gaudens allabitur ora.
 Dein priscos inter Lycios, Cilicèsq; feroces
 Quà celer Eurymedon, Persarum cade cruentus,
 Aspendum & Pergen lato discriminat amne,
 Hic Pergen subit, & Pergee templa Diane
 Præteriens claram Antiochi dirigit ad urbem,

Quam

Quam Pisida coluere feri, & predator Isaurus.
 Romanam illustrans noto cognomine gentem.
 Hic mixti Hebraeis alijs quoque gentibus orti
 Quisque sua Diuos pro religione colebant.
 Sed Paulo solenne fuit praeferre profanis
 Abrami de stirpe satos. Et septima forte
 Sabbata erant. Intrans igitur de more proscucham,
 Postquam assedisset, simul inuitatus & ipse
 Dicere quae vellet, post facta silentia longa
 Sermonis serie, repetens ab origine causas,
 Deberi ostendit terris hominemq; Deumque,
 Qui vitam repararet moriens, & crimina soluat,
 Esse nec hunc alium quam, quem laudabat, Iesum.
 Quem prisci celebrent vates, quem carmina regis
 Iesai, & nuper digito monstrauerat ipse
 Magnus Iohannes, quo non veracior alter.
 Dixerat, & potuit iam persuasisse videri,
 Sabbata seruari placuit tamen altera. Quae cum
 Instarent, subito tam conuenere frequentes
 Quam soliti Circis, aut concurrere theatri.
 Obsuit hoc ipsum, furysq; accendit & acri
 Inuidia, populo dum se vilescere credunt.
 Hebraeos procures. Nec cessauere proteruos
 Fritare animos dictis plebisque Patrumque,
 Femineis etiam illecebris atque artibus vsi,
 Quis facile est lactare viros, & texere fraudes.
 Donec cum socijs operum sanctisque ministris
 Dilecti ante alios populi fastidia culpans,
 Excusso pedibus scelerata puluere terra,
 Paulus ab immiti pulsus discederet ora.
 Unde per Arcadici cognata Lycaonis arua
 Ventum est Iconium. Fuit hoc quoque nobile nomen
 Nec multum dispar fuit exitus. Orta repente
 Seditio causis nec non auctoribus iisdem
 Obstinit optatum votis ne laesa videret

Successum

*Successum pietas. Quin & grauiora parabant
 Flagitia, ut saxis agerent ruerentque. Sed illi
 Præmoniti sceleris, Derben, Lystramque petentes,
 Euasere nefas. Nec erant discrimina tanti,
 Vt sanctum cessaret opus. Persistere fortem
 Conuenit, & læso mortem præferre pudori.
 Sed tamen effugio locus est tectis que latebris,
 Et licet ingratos contemnere, non tamen illis
 Ad facinus munire viam, & fecisse nocentes.
 Mutatis igitur terris, Genuoque locorum,
 Ardentes instant operi, & quod forte negatum
 Iconij tentant alibi, ut si surgite in uno
 Nil capias, alio merces tua lina profundo.
 Hoc Lystra eximium, quod ibi cum ciuis adesset
 Affectis ager pedibus genitricis ab aluo,
 (Nam claudum ediderat) neutro ut consistere talo
 Posset, & intrepidis vestigia figere plantis,
 Hunc simul aspexit Paulus, sed mente valentem,
 Sperantemque suo medicum superesse dolori,
 Vt iacuit, magna compellans voce iacentem,
 Surge, ait. Et dicto citius se erexit in auras,
 Subsultans, pulsansq; nouo letus pede terram.
 Non factum humanis sensere hoc viribus. Ergo
 Attoniti accurrunt omnes, duo Numina credunt,
 Mortali indutos specie, te Mercuri & una
 Aduenisse Iouem, comes hic, sit Paulus ut ille,
 Eloquio Paulus, grauitate notabilis alter.
 Audijt hac Flamen vicini forte Tonantis,
 (Rure suburbano sua nam delubra tenebat)
 Nec mora, siue sum cupiens accendere quæstum,
 Siue Dei laudes, sen (quod fas credere) virumque,
 Dona ferens, varia nexas de fronde coronas,
 Turaque, sacratis solennia munera Diuis,
 Admotosque aris aurata fronte iuuenços,
 Cum populo Dis hospitibus libare parabat.*

Illi autem offensi discissa veste ruebant,
 In medium, & quod erant, homines sese esse profati,
 Sed sancti verique Dei vinique ministros,
 Dum vana abductos specie hunc agnoscere solum
 Hortantur, maris & terra calique potentem,
 Antè quidem notum magni moderamine mundi,
 Dum pluit, & latis secundat frugibus annum,
 At maiora suis olim atque aeterna daturum,
 Vix tandem exortos ita composuere tumultus.
 Iam stabat Lystra, poterat iam tuta videri,
 Finitimis etiam Christi pia signa secutis;
 Quando iterum invidia stimulis ardentibus acti,
 Qui prius Iconij, tunc hic quoque perdere Paulum
 Aggressi, saxis sic oppressere, relictum
 Corpus ut abijcerent, tanquam si mortuus esset.
 O nimis infidum variūque ac mobile vulgus!
 Factus heri Deus est, hodie perit. Ipse tamen se
 Sustulit, & fidis noctem largitus amicis,
 Postridie Derben repetens, dein plura retrorsum
 Oppida, multa monens mandansque, & dura ferendo
 Vincere dura docens, quoniam sic itur ad astra,
 Prepositis operum loca per diversa magistris,
 Substitit Attalia. Lyciōque à litore soluens,
 Antiochi sacram rursum peruectus in urbem,
 Rettulit ad sanctum victor sua bella Senatū.
 Dūque ibi non paucis facta est mora grata diebus,
 Ecce recens aliunde labor. namque amula Moſis
 Gens Hebraea sui, sperni praeputia iniquo
 Agra ferens animo, & quanto concurrere plures
 Ad sacros vidit fontes, qui friuola tanquam
 Despicere auderent prisca mysteria legis,
 Tanto feruidius studia in contraria tendens,
 Omnia dissidiis miscebat & omnia luctu.
 Dux facti Cerinthus erat, sectator Iesu
 Dum licuit, falso sed post se hoc nomine iactans,

Ausus Johanni est, ausus se opponere Petro,
 Tunc quoque Paule tibi, neque enim te inuisor alter,
 Cui semper vigili prima & vel maxima cura
 Parietibus iunctis Christi ut consurgeret alte
 Regia, bis senis fulgens innixa columnis.
 Et quanquam exemplis poterat res clara videri
 Eunuchi Æthiopis, Cornell Centurionis,
 Cœpta semel mansit discordia caca furore,
 Donec eam celebri sanctam conuentus ad urbem
 Dissecuit, gentesque alias hoc fasce leuauit,
 Nil præter castum mandans seruare cubile,
 Nec vefci immundis quidquid venisset ab aris.
 Sic sibi, sic placuisse Deo præfantur, & omnes
 Decernunt vulganda Patrum consulta per oras,
 In primis Syria. Quo cum redisset & ipse
 Paulus, inexhausto vincens aduersa labore,
 Tot varias inter curas noctesque diesque
 Diuino inuigilans operi, dum mente volutat
 Quidnam ubinam præstet quo publica commoda crescant,
 Antè pererratas iterum stat visere terras.
 Nec collega negat, sed ut adsit tertius optat
 Marcus Iohannes. Non aequè acceptus utrique
 Hic erat. Hinc Silam legit sibi Paulus, at ille
 Cum Marco repetens Cyprum, partitus honorem est.
 Ipse Palastras quâ pulsant aquora turres,
 Ipse Syros, & Cæsarea prædinitis arua,
 Et sanos adiit Cilices, Tarsumque superbam,
 Quam pulcher gelidis Cydnus perlabitur undis.
 Inde Lycaonia sunt, & Pamphylides vrbes.
 Quas inter Lystram cum peruenisset amœnam,
 Immemor offensa veteris pulsique pudoris,
 Traditur hic illi iuuenis de patre profano,
 Matre sed Hebraea, sacro iam fonte renatus,
 Timotheus, populo laudatum nomen ab omni,
 Et (quod res docuit) nulli pietate secundus.

Quem

Quem simul accepit, cernens quantum instat in illo,
Quantus amor recti, quanta & constantia amoris,
Nec minus expendens Iudaea tadia gentis,
Expertus toties duro circumdata ferro
Pectora, & infestas nolenti cedere dextras,
Dilectum primos inter numeravit amicos,
Virtuti hoc tribuens. Sed ut esset gratia maior,
Nec quisquam Isacidum posse: reprehendere tanquam
Immundum, & veterum spernentem insignia legum,
Pracidi, atque notam voluit praeferre parentum
Materni generis, quamvis pater externus esset.
Non hoc ante Tito dederat, Petrumque negarat
Posse dare, atque alias veris obtrudere formas.
Vicit amor, vicit pietas, omnesque coegit
Se induere in facies, omnes acquirere Christo
Ut posset, laetos hilares, tristesque severos.
Ergo & iurgia erant non iurgia, si qua videri
Vniuges poterant disungere verba sodales,
Quos vita iunctos nec mors suprema diremit.
Nunc etiam iunctis servant pia foedera dextris,
Intenti nostram assidue curare salutem.
Proxima Pamphylis hinc fortis Isauria, & illinc
Sunt Lycij, Lycijs Cares, Mysique, Phrygesque,
Dein Galatae, mox Paphlagonae, pontoque propinqui
Euxino populi. Per quos tunc Paulus cundo,
Multa docens, factisque probans quae voce doceret,
Sacrati imperij noua fundamenta locabat.
Nec voto difformis erat successus, inani
Irrita quod numquam laxarat retia iactu.
Cum tamen ad Galatas Phrygibus post terga relictis
Esset iter, tacito subter praecordia motu
Senserunt Asia cedendum sinibus, intra
Hos vetiti coeptam ulterius vulgare salutem.
Sed fas esse rati Bithyna requirere regna,
Conuersi ad Mysos, non quo voluere, sed auctor

Credidit, & puro tincta est diuinitus amne
 Lydia, cui grandem vanalis purpura censum
 Quæsierat, nec erat melius quò impendere posset.
 Hæc illos, nulli consuetos esse molestos,
 Perpulit insigni pietate subire paratum
 Hospitium, atque suæ victum non spernere mensæ.
 Interea Stygio possessam forte puellam
 Ab Genio, (Pythona vocant) quæ, ut Pythia Delphis,
 Diuinans populo fundebat fata petenti,
 Respiciens Paulus de se sociisque canentem,
 Seruos esse Dei, quos obseruari æquum,
 Ingemit, & Lemurem verbis vultuq; seuerò
 Inreptans exire iubet. Dicto ocius ille
 Paret, & ignaram quid fors, quid fata relinquit.
 Sed quia serua fuit, multoq; vberima questu
 Ditabat dominos, domini, sua damna putando,
 Aegro indignantes animo, caciq; furore
 Concurrunt, prensosque velut qui publica turbent,
 Collo in iura trahunt. Facilis iactura bonorum,
 Quos algens tantum pietas, prope nomen inane,
 Commendat populo, si non & commoda portent,
 Et repleant loculos. Quid tum si commoda ladant?
 Ipse Magistratus tam viles tamq; pusillos,
 Ultro ut probra ferant, nec saltem voce refellant,
 Nudatos tunicis Paulum Silamq; cruentis
 Concidi flagris iubet, atque in vincula duci.
 Est locus interior, strictis ubi robore plantis
 Seruati tacita per amica silentia noctis
 Solennes domino laudes gratesq; canebant,
 Cum motu terra ingenti tremefactus & ipse
 Est carcer. Patuere fores, pedicisque solutis
 Sponte sua, poterant impune euadere capti,
 Territus & monstris custos fugisse putabat,
 Atque a deo arrepto voluit se perdere ferro,
 Sed vetuit Paulus, clamans esse omnia salua.

Constitit illatis mox ut salua esse lucernis,
 Ille pijs voluens genibus rogat ecqua salutis
 Sit via. Demonstrant Christum. Dat nomina Christo
 Ipse, sui que omnes, abluta que vulnera curant,
 Et lati apposita monstrant sua gaudia mensa.
 Non potuit facti non conscius esse Senatus.
 Panituit, nec tam subito sententia lata
 Quam reuocata fuit. Custos dimittere iussus
 Nunciat hoc Paulo. Negat ille, & Quinam (ait) isti,
 Romanos sine more palam saeuissima passos
 Sic clam qui extrudunt? Veniant, & crimina purgent.
 Nec mora, Romana veniunt formidine fama,
 Multa que causati, quod non potuere minando
 Efficiunt precibus. Sancti sua dona volenti
 Dant ultro, inuitum fugiunt. Tna gratia mansit,
 Lydia. Quam postquam collectis undique amicis
 Visissent, motis adeunt loca proxima castris,
 Amphipolim primo, gelidi quam Strymonis amnis
 Cingit, & à magna medius discriminat vrbe,
 Thessala cui clarum fecit victoria nomen.
 Atque illam leuiore gradu, vicina que quadam
 Oppida percurrunt alacres, maioribus ista.
 Auspiciis capienda fuit. Noscenda peritis
 Est ducibus natura loci quem Marte laceessant.
 Audierant igitur comem populum atque benignum,
 Quique illic agerent Mosis praecepta tenentes
 Haud similes alijs, quos iam violentia notos
 Fecerat, at cultos magis, intentosque labori
 Assidue veterum versare volumina vatum.
 Hoc Paulo vicisse fuit. Tria Sabbata postquam
 Appulerat dedit huic operi, multisque probauit
 Non alium vates, alium se tradere Christum.
 At verò ciues facili magis occupat arte,
 Commodus & patiens, nulli grauis, omnibus aequus.
 Talis enim cuius quid non persuadeat, apta

Si qua voce sonat vita irrepressa loquatur?
 Successum remorata tamen terribima plebis
 Seditio. Hospitium sanctis praebebat Iason.
 Quaesitos illic ut non reperere, repertum
 Mulcantes dominum, raptim ad subsellia ducunt.
 Verum ipse, atque alij se tutabantur honestè.
 Nec levis hos illos, sed Paulum turba petebat,
 Et Silam. Noctu qui migravere Beroeam,
 Hanc quoque praestantem fama, nec prorsus inani.
 Multa ibi nobilitas, atque ingens ardor honesti.
 Comperit hoc usu Paulus. per Sabbata namque
 More suo in coetu multa & praeclara loquentem
 Audierant avidi, ut nova quae sibi visa fuissent
 Collata antiquis possent contendere, & inde,
 Tanquam ignem silicis conflictu, elidere verum.
 Hoc placuit. quis enim tali semente peracta
 Non speret gravidas stipare per horrea messes?
 Tempestas eadem qua cultis incidit agris
 Thessalonica tuis, votis inimica coloni,
 Hos quoque concussit, tamen ut revirescere possent.
 Temporibus cessit Paulus, persuasus amicè,
 Atque ibi Timotheo Silaque haud sponte relictis
 Ad mare descendit. Dein vela vocantibus auris
 Nauigat, & magnas cursum tenet acer Athenas.
 O felix animi, fortunatusq; laborum!
 Magna petis, paret rerum natura petenti,
 Agnoscitque Deum, qui, fons & causa bonorum,
 (Nam mala nec mala sunt) sancto facit omnia numen.
 Ille suum terris cupidus diffundere Numen,
 Misit ad hoc natum. Qui, lex & regula vite,
 Postquam quod patriis regnum fundauerat oris
 Bis senos inter Petro transmisit habendum,
 Te quoque in aeterno regnans iam victor Olympo
 Illi collegam dedit, ut per Barbara regna
 Mille rudes populos sponte exoptanda vocares

Subinga quæ soli subeantq, ferantq, beati.

*Nec se commoueat tam clarum nomen, Athena,
 Priscaq, nobilitas, & Curia Martis Athenis,
 Non oratorum cunei, qui pectora vulgi
 Sic agitant agitur tumidis ut follibus ignis,
 Non flaua tutela Dea quæ possidet arces,
 Diluc, Deæue omnes quos fertilis ille Deorum
 Angulus eduxit, studioq, sacravit inani.
 Prote consurget, tua spes, tua gloria, Christus.
 Cuius ab aspectu ceu flammis cera liquescit,
 Ceu fugiunt molles aquila veniente columbe,
 Nec Boream nubes, nec lucem sustinet umbra,
 Deficient, fugient, cedent quicunque repugnant.
 Nec plura Alcides fudit, fuisse vel olim
 Mendaces illum fingunt portentosa poetæ,
 Aut pugnax Theseus, puppisque repletor Iason,
 Et Danaë Perseus, & natus Agenore Cadmus,
 Quam tu Paule vna prosternes victor in urbe.
 Illa quidem pulchra est ut pulchri ex ære colossi,
 Sed foris, introrsum turpes rubigine tetra.
 Ecquod enim horrendum magis, aut mirabile monstrum
 Quam (cum natura vis, & simul omnia clament
 Tantum unum, qui cuncta creet, qui cuncta gubernet,
 Esse Deum) sibi quisque Deos quod fingat, & illum
 Prasficiat filius, hunc fontibus atque lacunis,
 Vilibus aut aliis curis quas dicere nolo,
 Haud aliter belli quam si dux munia didat,
 Aut variis figulus discriminet vasis ollas?
 Diuisos taceo studius, quos torqueat ira,
 Quos amor, atq, odium, & nunquam satiata libido,
 Ante alios ipsum (si fas dixisse) Tonantem.
 Inde furens Iuno violati crimina lecti
 Increpat, & seuis calum clamoribus implet,
 Nunc hac, nunc alia sumens de pellice pœnas,
 Nec parcens natis, ne quid patiatur inulta.*

Vnde

Unde graues inimicitia, & caelestia bella,
 Structa etiam insidia Diuūq; hominūque parenti.
 Hoc grauida monstrum postquam peperistis Athenae,
 Monstrum informe, ingens quod non det corpora leto.
 Aut vastet segetes, (neque enim hac est maxima cura,
 Postquam debemur morti nos, nostraque) verūm
 Aeternas animas aeterno immergat Auerno,
 Quis pudor atque metus, vel qua reuerentia fama,
 Quis scelerum modus est, ubi quicquid turpiter ausis
 Semper in exemplum trahitur Deus? Ebruius Euan,
 Silenūque pater, Mars depredator & exlex,
 Fallax Mercurius, magus atque impostor Apollo,
 Mulciber uxoris leno, implacabilis Orcus,
 Neptunus violens, mæchus cum gente Deorum
 Iuppiter, at virgo vix una è chorte Dearum.
 Torna oculos Pallas, ut qua se vindicet armis,
 Virgineum horribili defendens agide pectus,
 Nec tamen intentata viro, ut nec regia funo,
 Iurgatrix licet, & sauis metuenda sagittis
 Delia, qua trepidis quod parturientibus adsit
 Ferre timet qua ferre videt tormenta puellas
 Cum primū pariunt, atque execrantur amores.
 Idcirco in siluis agit, & connubia vitat.
 Quid puer fides? quid ceculus ille Diones?
 Hinc factum ut liceat calum dixisse lupanar.
 Hoc igitur monstrum, de quo tot nata per orbem
 Monstra, ut Paule domes, te tellus Attica poscit.
 Iamq; ades, & tecum ipse Deus, iam lumina praefers,
 Certa signa via qua scanditur arduus aether.
 Errantes reuocas, aliam post funera vitam,
 Iudiciūq; animis in corpora sancta reuersis
 Expectare mones, sanctum & venerabile cunctis,
 Quo sine nulla salus, inculcans nomen Iesu.
 Antè sed ignotum patulas haud repperit aures,
 Ut neque sermones alij, quos spargere tanquam

Seminate aiebant. Et erant quoque semina, verbum
 Nempe Dei. Seris hoc, auget, suet, educat ille
 Qui segetis dominus puras ut in horrea menses
 Colligit, infelix lolium sic mancipat igni.
 At leuis in risum populus qua verterat ante,
 Cum sciret tandem, reperit se vera locutum
 Tunc cum spermologon clamantes, Stoicus ille,
 Hic Cynicus, scaber aut Epicuri de grege porcus,
 Querebant plausum, pressumq; in iura trahebant.
 Ad Martis scopulum, taciti delubra Senatus,
 Tentantem patriis alios confundere Diuos.
 More peregrini lustranti publica forte
 Visa fuit multas inter spectabilis ara
 Ignoto signata Deo. Diuinitus autem
 Acciderat. culpam nam declinare volenti,
 Ac simul aethereum sub pectore condere Numen
 Hoc caput, hic causa placuit status. Astitit ergo
 Concilio in magno, quo conuenere frequentes
 Permixti hospitibus ciues, ad libera facti
 Otia, & intentis animis audire parati,
 Aut narrare aliquid nouitate quod arrigat aures.
 Cumq; rogaretur noua quid sibi somnia vellent,
 Quidue recens Deus, atque inculta & agrestia verba,
 Sic inquit. Vestram pro religione sacrisq;
 Curam istam atque operam passim quam conspicio hospes
 Non possum, o ciues, non collaudare, sed ydem
 Ignoto quod me pro Numine dicere causam
 Cogitis, hoc mecum quid sit disquirite. Vidi
 Tot vestras inter statuas pretiosaq; Diuum
 Signa Dei ignoti (nam sic inscribitur) aram.
 Quem licet ignotum, colitis tamen. Hunc mihi notum
 Conscius affirmo, venerorq; & pronus adoro,
 Qui mare, qui terras, qui calum rexq; patërque
 Condidit, immensussq; suo simul omnia complet
 Numine, limitibus nec circumscribitur ullis.

Hic,

Hic, talis tantusq; oculos fugit, & fugit aures,
 Mole carens omni, nulloque effabilis ore.
 At minus in lucis habitat, vel templa frequentat
 Mortali constructa manu, minus are refertur,
 Auroue, argentoue, aut sculpto in marmore vultu.
 Nil nostra illi opera conferre, aut munera possunt.
 Omnia dat, nullius egens. Est sanguinis auctor,
 Est vita unicuique sua. nam vivimus omnes
 Vno eodemque parente sati, quem condidit ille,
 Addidit & sociam, sponsi de viscere sumptam.
 Vnde hominum genus, & sacrorum lata propago,
 Temporaq; , & fasti, & certis contermina regna
 Limitibus, rerum mundi ut pulcherrimus ordo
 Erigeret mentes, si quâ contingere possent
 Inde Deum. neque enim procul est, sese obijcit ultro,
 Inspiratque animis, illius quippe, poëta
 Vestri etiam ut cecinere, genus sumus. Haftenus ergo
 Erratum satis est, oblitaque pectora cali
 Terrenam satis ab facem fumumque biberunt.
 Vnde nec arcani valere evolvere nomen
 Numinis, haud aliter pura quam mente tenendum.
 Quod verè est Deus est, ipsum verumque bonumque,
 Mens mundi, omnipotens. Nihil ultra inquirere fas est.
 Hicigitur, postquam nunc ultima vivitur aetas,
 Errantes miserans, ac tristia nubila pellens,
 Purgari scelerum iubet, & meminisse supremi
 Iudicii, quod erit iusto sub iudice Christo.
 Quem nasci, atque mori voluit, vitaque priori
 Restitui, aterna ut superet fiducia vite.
 Haftenus orantem impediunt, pars fata revelli
 Posse negant, risumq; movent, pars altera rursus
 Inquiri par esse putant, pars credere dictis.
 Quos inter multorum instar Dionysius ille,
 Conscriptis vnus de Patribus, eius & uxor
 Damaris, atque alij. Medijs at Paulus Athenis

Euadens, bimarem festinat adire Corinthum.

Quò simulac ventum est, non celsa palatia dines

Ingrreditur, quò se conferret Achaia tota,

Sed tenuem recipit tenuis sub paupere tecto

Ponticus, (Huic Aquila nomen) cum coniuge nuper

Priscilla Italia profugus quo Claudius illinc

Iudeos Caesar discedere iusserat anno.

Hoc doluit Paulus, tantoque libentius illi

Haerebat, parili quòd uterque exercitus arte

Nauibus & castris pelles umbrásque parabant.

Vnde illis victus, libertas ne minor esset

Si quidquam peterent, vlla ratione molesti.

Dúmque suum celebrat per singula Sabbata Iesum,

Emathys redeunt, quos illic liquerat, armis

Timotheus Silásque simul Quibus auctus amicis

Acrius instabat, magno molimine adortus

Hebraeos iterum, sed frustra. Hinc ferrea damnans

Pectora, detestansque nefas, spretamq, salutem,

(Quod luerent illi se sospite) migrat ab ipsis

Ad Graiúm populos. Tuus vnde, agnomine Iustus,

Præbuit hospitium, vicinus forte profeuche.

Profuit hoc Crispo, (Hebraea cui credita sacra

Gentis erant) tinctiq, undis simul ipse, domúsque.

Debita quæ Iusto merces, sed reddita Crispo.

Quinetiam sedes Veneris famosa Corinthus,

Lais ubi, & prauos generans mala copia mores,

Fit melior. Faret ipse Deus, qui nocte silenti

Astitit, & Paulum verbis erexit amicis,

Ingentem spondens posita formidine messem.

Anno igitur toto, & bis ternis mensibus illic

Permansit vigilans, & Achaica regna reducens

Conatu facili, ni gens Iudæa retardet,

Et consanguineus fratrum furor. Hos tamen omnes,

Perfidia insigni permulta & saepe querentes,

Ut si agri veteris narrarent somnia, constans

Repulit, & tantum proponere crimina iussit,
 (Si qua forent) non ambages de ritibus ortas,
 Quos ignorabat, res tunc pro Consule curans
 Gallico. Quem veriti, neque sic satis ora tenebant,
 Multato coram male Sosthene, nec minus ipso
 (Vt solet in turba) Paulo. Tanta ira furentum.
 Ipse autem Syriam meditans, cognataque regna,
 Per maris Icarij scopulos Ephesina petiit
 Mœnia, ut & tonsis votorum lege capillis
 Ponticus, ac coniux, quò sic via tutior esses
 Iudeos inter. quis enim crudelior hostis?
 Et quanquam qui tunc aderant promittere visi
 Sunt aliquid si mansisset, non longa moratus,
 Res mandans socijs, dai vela ferentibus auris,
 Casaream properans. atque illinc Antiocheam,
 Dein Galatasque, Phrygesque, iterataq;, sapius arua
 Per multos magnosque, at non sine fruge, labores
 Interea Aegyptum linquens, atque ostia Nili,
 Natus ibi, hinc Ephesum venit, doctissimus vnus
 Qui fuit Isacidorum quotquot pia cura tenebat
 Legiferi Mosis, nulli non notus Apollo,
 Orator vehemens, sed tantum flumine puro
 Tinctus Iohannis ritu. Non Spiritus illi
 Additus, impositaq;, manus. Hunc Ponticus ergo
 Exceptum edocuit vires morèmq; sacrorum.
 Deinde Corinthiacos cupiens peruadere fines
 Commendatus abit, fratresque affatus amicè,
 Iudeas acies rumpens inuictus, ab alto
 Demissum terris regem demonstrat Jesum,
 Nec fas esse alium sperare, aut credere Christum.

LÆVINI TORRENTII
RERVMA D. PAVLO GESTARVM
LIBER II.



AMQVE opere exacto rediēs, Ephesūq, reuisens
Paulus, vt offendit quos lauerat auctor Apollo
Non quo par erat edoctos mysteria ritu,
Expleuit numeros, bis senāque corpora Christo
Iunxit, & abluto positus in vertice palmis,
Celestem aspirans Auram, celestia fudit
Dona, loqui linguis, & qua maiora sequuta.
Quo facto illustri quis non vel ferrea corda
Flecti posse putet? Longo tamen atque molesto
Nil tandem effecit dignum molimine. Visum
Est igitur fidos rectosque abducere prauis,
Illos amplecti, reliquos contemnere, qui se
Negligerent ipsi, nollentque agnoscere verum,
Iudai primum, lumen qui in lumine quarunt,
Queque tenent optant. Sic spes deludit hiantes.
Hos igitur linquens Paulus, sese applicat illis.
Inq, duos labor hic tarde protenditur annos,
Seu Tyrno prabente locum, seu forte Tyranno.
Nomen enim ambiguum, res est plenissima laudis.
Quod tam conspicuum, quod tam sublime theatrum
Quam locus ille fuit qui te te Paule tot unum
Spectandum exhibuit populis, nunc aurea dicta
Instillantem animis, nunc facta ingentia fidis
Obiectantem oculis, vt qui te cunque viderent
Praconem eterna possent agnoscere vita?
Nec tantum verbis, solo aut miracula nutu
Per te facta canam. Sint hac ingentia, posse
Sed maiora datum est. nam quamuis nescius esses,
Si que forte tuum tetigissent lintea corpus,
Si que fasciole, dein deferrentur ad agros,
Actactu redijt vigor, & fugere dolores,

Quodque

Quòdque magis mirum est, eadem medicina malignos
Exterrens Genios rabido procul expulit ore.

Nec satis hoc, patrias sed idem tentare per artes
Iudæi duo de septem Scæua patre natis,

Patre, Sacerdotum princeps qui sacra regebat,
Haud veriti, accito coleret quem Paulus Jesu,
Hac male tentata retulerunt præmia luctæ.

Namque hostis violens obsessi voce locutus,
Et Paulum noui, nec Iesum nescio. Sed vos
Quinam estis? dixit. Nec multum deinde moratus

Proruit, infremuitque ferox, atque hospitis ora,
Ora, manûsque ambas, ac ferrea brachia saeuus

Torsit in aduersos, & sic mulcauit utrumque,
Vt laceri, ac tetros perfusi sanguine vultus

Diffugerent nudi, male ne discerperet ambos.
Fama rei tantæ totam percurrerat urbem,

Commotisque animis, (ut erant meliora professi)
Pauli creuit amor, creuit reuerentia Christi,

Et pius inuasit mentes timor. Esse nocentes
Displicet, inquirunt sua crimina, seq³ fatentur

Esse reos. Fassos absoluit rite Sacerdos,

Qui Christi vice regna tenens nunc claudit apertum,
Nunc clausum referat calum, culpâsque remittit.

Quòdque erat indicium veræ pietatis, ad vnum
Cuncta referre Deum, atque illi confidere soli,

Nec luci tenebras, fonti præferre lacunas,
Non pauci magicas edocti accingier artes,

Fatâque metiri numeris, educere sortes,
Fortunâsque hominum fallaci prodere questu,

Aut alia simili ratione laceffere Numen,
Extra quod nihil est quo quis se iactitet amens,

Quos habuere libros, aut instrumenta dolose
Artis, plebeium quamuis superantia censum,

Ne permutato quoque possessore nocerent,

Abiecere palam, flammisque vrenda dedere.

Hæc Paulo adiecit Deus emolumenta laborum.
 Iamque iterum Emathiam meditans, Ephyreiaque arua,
 Deum Solymam, ac tandem Romanam inuicere gentem,
 De comitum grege coniunctum præmisit Eraslo
 Timotheum, ipse Asia tantisper publica curans
 Commoda, cum vehemens Ephesi conflata repente
 Seditio est. Truiam ciues coluere Dianam,
 Nec minor hæc illic quam credita Pallus Athenis.
 Testis erat templi moles operosa superbi,
 Artificum decus, & magnorum opulencia regum,
 His aurum argentumque, illis monstrantibus artem.
 Quod quonobis, tanto quoque sanctior esse
 Visa Dea est, tutela Asia, Europamque per omnem
 Culta, vel ad Gades usque, ad Solémque cadentem.
 Hinc ingens porro questus, tot commodà plebis,
 Undique cum celebrem fieret concursus in urbem.
 Nunc refugis etiam tutum præbebat asylum.
 Sed quoniam Paulus causam si forte teneret
 Nec Dea, nec templum veterem seruaret honorem,
 Inuenti inuidia via, quàm se prodere posset,
 Moliri que nefas. Auri argentique metalla
 Fingere in effigies solers hominumque Deumque,
 Aut quiduis aliud mira Demetrius arte,
 Arte simul linguamque valens, tunc totus in illo,
 Delubra ut puro procuderet ex argento,
 Pluribus huc operis & pluribus usus amicis,
 Conuocat hos aliosque, graui dein voce profatur.
 Quores nostra loco, quæ sit fortuna uidetis
 O socij. Fuimus populi non ultima nostri
 Pars, sua dum magna constabat fama Diane,
 Dum pietas, dum prisca fides, tot templa, tot aræ,
 Tot simulacra Deum. Quos si fabricauimus ipsi,
 Pars aliqua & nobis tanti debetur honoris.
 Hinc decus, hinc nomen, vita quoque commodà nostræ
 Dependunt. Sed enim templi venerabilis ista

*Maiestas agitur, nec iam discriminis expers
Ipsa Dea est. Pro qua quis ferre extrema recuset?
Nec res difficilis. Solus quem nomine Paulum
Appellant, Tyrijs (credo) fugiuus ab oris,
Dum negat esse Deos nostra quos ponimus arte,
Nescio quos alios memorans Natūmque Patrēmque,
Qui calum, non templa colant de marmore facta,
Omnis causa mali est. Hic hic pellendus ab urbe,
Atque Asia, ne cuncta ruant, & turpis egestas
Vos cogat non digna pati. Hanc defendite causam,
Este viri. Pudor est non propugnasse Dianam.
Talibus accensi dictis magno ore Dianam,
Dianam magno ore sonant, subitoque furentes
Concursu turbae cen propugnacula plebis
Stultitia inuadunt lasciuia septa theatri.
Quò raptis etiam socijs, (Hic Caius, alter
Dictus Aristarchus, Macetū de finibus ambo)
Indoluit Paulus tamen haud deterritus unquam
Quin sese offerret, crimēque refelleret ultro.
Sed reprimunt procures, nec quisquam suadet amicus.
At vero Hebraei, mixtum genus, omnia & ipsi
Horrebant simulacra Deū, tamen acta ferebant
Lentius. Et quamuis Paulum quoque non satis aequis
Aspicerent oculis, Mosi non usque fauentem,
Tutius esse rati tantos componere motus,
Submisere virum mulcendis auribus aptum,
Nomine Alexandrum. Qui cum procederet, atque
Extentā inciperet suadere silentia dextra,
Ut videre hominem seruātem Sabbata, magnam,
Magnam iterant, magnam contenta voce Dianam.
Concio clamor erat. Jamque altera fugerat hora,
Compositis tandem cum iam clamoribus astans
Vir gravis & prudens, Ephesum qui Scriba regebat,
Quenam (ait) o cives vos tanta exasperat ira?
Ecquis enim magna cultores esse Dianā*

Nos negat, aut nata Iouis hunc detrectat honorem?
 Non isti certe quos ducitis. ecquid enim vel
 Infandum, vel sacrilegum, aut fecere pudendum?
 Consulite in melius, fama^{que} insistite vestra,
 Nec vos pracipites trahat inconsulta voluntas.
 Si ladi sese queritur Demetrius iste,
 Artifices^{que} alij, nil ut linguatur inultum,
 Sunt fora, sunt leges, est & pro Consule; fiunt
 Iudicia. Accusent se, defendant^{que} vicissim.
 Quinetiam plebem si forte coire necesse est,
 Impediet nemo, cætus modo causa probetur.
 At penitus nulla est. Vos testes. Seditionem
 Appellent cupidi male res succedere vestras.
 Dixerat, & positis siluerunt aquora ventis.
 Hac, & plura Ephesi passus fortissimus heros,
 Haud aliter fulua quam si pugnasset arena
 Aduersus Libycos non aqua sorte leones,
 Ipse quod Aemonias, Graiá^{que} renisere gentes,
 Dein Solymos optasset, iter non distulit ultra.
 Exhortans igitur Christo quos iunxerat omnes
 Orsa sequi, & fidi monitis herere magistri,
 Cum maestis valedixisset, Macetúm^q, per arua,
 Per maris Aegæi scopulos, Cretám^{que} potentem,
 (Cui tunc rite Titum summo præfecit honore)
 Helladá^{que}, & Graiúm veteres venisset ad vrbes,
 Ambració^{que} sinus, & quâ iacet Illyris ora,
 Tres ibi post actos per multa pericula menses
 In Syriam recto sperans contendere cursu,
 Detexit fratrum insidias hac parte locatas.
 Præmissis igitur socijs hinc inde secutis,
 Commutauit iter, tendens ad Thessala regna,
 Donec Pharsalios pertingeret usque Philippos.
 Surgentis Christi festis ubi rite peractis,
 Quinto deinde die peruectus Troada, saluos
 Inuenit comites. Septem quibus ordine Soles

Indulsi.

Indulſit. Serus ſed cum iam veſper adeſſet,
 Et conueniſſent modica ad conſortia menſa,
 Poſt epuláſque pias noctem ſermone benigno
 Celſior illatis traheret de more lucernis,
 Eutychns auditor patula dum forte fenestra
 Inſidet, oppreſſus ſomno, & iuuenilibus annis,
 Non nimis intentus, tria per cenacula praeceps
 Decidit. Accurrunt maſti, componitur, & iam
 Fletur vt extinctus, cum mox deſcendit & ipſe
 Paulus, & vt poſitus fuerat, ſuperincubat. Inde
 Aſtantes trepidare vetans, cenacula ruruſus
 Intrat, & in primam proſert ſolatia lucem.
 At redit interea iuuenis poſt fata ſuperſtes.
 Nec mora, nauigio comites, pedes ipſe propinquam
 Peruenit hinc Aſſon, Leſbum dein, ac Mitylenam,
 Inde Chium, pulchrámque Samum, viſurus amœnam
 Mox Ephesum. Sed enim Sol quinquageſimus illius
 Poſcebat Solymis feſti ob ſolennis honorem.
 Hanc igitur prateruectus, ne longius a quo
 Res illum extraherent Aſia, Mileſia venit
 Litora, & huc una quos illinc iuſſit adeſſe
 Primores populi, Chriſti pia caſtra ſecuti.
 Vtq; aderant, verbis ſic eſt affatus amicis.
 Non alios, fratres, quam voſmet poſcimus ipſos
 Noſtrorum teſtes operum. Vos ſcitis ab ipſo
 Limine quâ dices Aſia penetrauiſmus oras
 Quae mala, quae fuerint cognata opprobria gentis,
 Inſidiaq; graues. Quas & tolerauiſmus a quo,
 Vt par eſt, animo. Nec eo minus addita cura
 Tum ſeruire Deo, tum commoda quaerere veſtra.
 Quos omni, vt potui, ſtudio clam ſape palámque
 Per multas etiam lacrymas gemitúſque preceſſus
 Admonui à vobis auertere Numinis iram
 Mutando vitam in melius, noxámque cauendo,
 Et Chriſto praſtare fidem. Non certior vlla eſt

Regula, qua, seruata inuans, neglecta nocebit.

Hanc consanguineis, hanc Graijs, atque Latinis,

Dispare quantumuis successu, per mala multa

Huc vsque edocui. Solymos nunc tendere certum est.

Flagitat hoc etenim qui me praecordia subter

Spiritus intus agit. Nec quis tamen exitus illic

Me maneat noui, sed quò me cunque locorum

Pes ferat, admoneor (nec frustra, ut credere fas est)

Affligi grauitèr debere, ac ferre patique

Qua nolum, vita si non mihi carior essem

Ipsè mea. quid enim demens tolerare recusem,

Dum praesto officium, testis qua quantàque calo

Gratia manarit nostrì cultoribus aui?

Stat conferre manus, stat in hac certare palastra,

Et breue non segnem spatium percurrere vita.

Interea monitos volui vos quotquot adestis,

Quotquot & huc properans adij. non amplius ora

Visuros nostra. Et quoniam nihil hactenus à me

Neglectum quo diuinum notescere possit

Consilium, si quis propria immemor ipse salutis

Non auscultarit, luet hanc me sospite culpam.

At vos o gregis electi patrèsque ducèsque,

Quos Deus ipse suo per me praefecit ouili,

Seruatis Christi pretioso sanguine quam fas

Atque aequum est ouibus. precor o, impendite curam.

Non ignota mihi rabies truculenta luporum.

Forsitàn & vestra me iam custode remoto

Non deerit de chorte lupi qui more rapacis

Se gerat, & fastu populum seducat inani.

Sed tanto magis atque magis vigilare necesse est,

Et meminisse mei, qui tam tribus impiger annis

Noctes atque dies eadem lacrimansq; precansque

Admonui. Sed nunc quoniam diuellimur, ipse

(Namque potest) Deus ipse Deus vos seruet, & auctet,

Ac proprios faciat quos est largitus honores.

Hoc precor, hoc nostro facilis concedat amori.
 Non aurum, non argentum, vestemue cupini
 Cuiusquam. Victum tenuem mihi nempe meisque,
 Nec plus quam satis est, (Non hoc nescitis, amici)
 Ha peperere manus, nam rebus id omnibus egi
 Ne Christi causa mea coniunxisse viderer
 Commoda, neu fratrum si quisquam infirmior esset,
 Hunc forte in lapidem praeceps impingeret. Ergo
 Hoc agite, atque animis Christi perpendite dictum,
 Non tam qui accipiant quam qui dent esse beatos.
 His postquam attentas penetrarat vocibus aures,
 Procumbunt pariter, verbisque precantibus usi
 Dant gemitum, & lacrymis per fusi grandibus ora
 Se collo injiciunt abeuntis, & oscula iungunt,
 Non alia maesti magis (ut par credere) causa
 Quam caris longum vale quod dixisset amicis,
 Et sua post vnaquam visuros ora negasset.
 Deducunt tamen ad naudem, latumq; per aquor
 Quâ pote contentis oculis comitantur euntem,
 Nec desiderio pudor, aut modus ullus acerbo.
 Ipse per Icaris Zephyris dans lintea fluctus
 Nauigat, & sospes Cois allabitur oris.
 Vnde Rhodum veniens, atque Astypaleia regna,
 Quae Lycia est Pataram pertendit, Apollinis urbem.
 Atque ibi Sidoniam sortitus forte carinam,
 A tergo Cretam liquens, Cyprumq; sinistra,
 Appulit antiquas Tyrriorum salus ad arces.
 Inuentisque illic nonnullis fratribus, et si
 Terrebant ipsum Solymis, post septem ibi Soles
 Exactos, tota sanctum stipante caterua,
 Matronisque, virisque, & progenie simul omni,
 Post vale, post gemitus, post & bona verba, precésque
 Consensa rate descendit Ptolemaida, & inde,
 Alloquio indulgens lucem non amplius unam,
 Caesaream petijt, Syria caput. Omnia magna

R

Caesarea;

*Cæsareæ, sed enim nil tunc illustrius, & quod
 Esset tam mirum quam tu diuine Philippe,
 Tūque domusque tua. E septem tu fratribus vnus
 Qui iuncti Stephano mensis seruire solebant,
 Diuulsam misere potuisti adiungere Christo
 Samariam, & magicos illic frenare furores.
 Tu pater Æthiopum, tincto lustralibus vndis
 Eunuchos, extremum mysteria sancta per orbem
 Vulgasti princeps. Dein, quod tibi contigit vni,
 Te genitore sate sunt quatuor ordine nata,
 Larga quibus culta pro virginitate suere
 Premia, vaticino ventura edicere cantu.
 Ha tecum domitorem Asiae Europaeque pusilla
 Excepere domo. Sed quæ nata inde repente
 Gaudia non tantum turbabant carmine vates,
 Verum etiam signis. sancta namque hospes ab vrbe
 Adueniens, alio celebris quoque tempore, Agabus
 Accepta Pauli zona sibi crura manusque
 Impediens, moto diuinitus hac ait ore,
 Zona huius dominum Solymis Iudæa ligatum
 Tradet in externi ius arbitriumq; tyranni.
 His omnes maestis monitis circum undique amici
 Diffluere in lacrymas, & dissuadere paratam
 Pro se quisque viam. Magnos sed pectore Paulus,
 Quid mihi, quid vosmet vobis iuuat esse molestos
 O fratres? Ibo Solymos, nec vincula tantum,
 Sed mortem per flagra feram, per saxa, per ignes,
 Dum Christo placeam. Vita mihi carior ille.
 Dixit, & astantes non oblectarier ausi
 Rem totam domino sic permisere volenti,
 Instructique iniere viam. Deinde vrbe receptis,
 Cæsareæ hac tantum causa congressus, Iason
 Cyprius, à multis Christi comes optimus annis,
 Præbuit hospitium. Aduentum gratantur amici.*

At memor officij Solymorum antistitis ades
Paulus adit, (Frater Domini, cognomine Iustus
Hic erat) & dicta mox acceptaque salute
Confessu in medio cum se confecta ministro
Narrasset, dignasque Deo grates simul omnes
Egissent, ne quo cessarent gaudia luctu
Tam bene promerito si quid male cederet, ipsi
Quod nollent, monuere palam discrimina si se
Incautus turbis immitteret, ire per urbem
Nulla multa virum dederint qui nomina Christo,
Sed patrios tamen obseruent super omnia ritus.
Hos omnes illi infestos, quod temnere Mosem
Haud veritus damnet praputia, damnet & illa
Quae mos, quae patria firmet longissimus usus.
Sese equidem reliquis iam nil à gentibus horum
Exigere, & normam sancti seruare Senatus,
Sed tamen Isacidis non ultra obsistere, ne quo
Dissiliat male facta modo concordia fratrum.
Consilio suadent patientem commodet aurem.
Quatuor esse viros qui nomina Nazaraeis
Scripturi ex voto, rasi, lotique, sacrato
Conueniant templo. Quae se quoque iungere curet,
Ut videant patrias ipsum non spernere leges.
Paruit his, quanquam vehemens dissenserat olim,
Atque una ingressus templum, se explese professus
Cetera, permansit dum, quod superabat agendum.
Pingua honoratas dona offerrentur ad aras.
Et prope finierat, iam portum cymba tenebat,
Cum fera tempestas disiectam protinus alto
Affixit scopulo. nam multi ex Aside terra
Iudaei postquam conspectum saepius antè
Agnouere virum, stimulis atrocibus acti
Inuidiae, haud aliter quam visam per iuga ceruam
Latrantes catuli magno clamore sequuntur,
Iniciuntque manus, & tanquam publicus esset

260 RERVM A. D. PAVLO GESTARVM
*Hostis, ad arma vocant alios, commune periculum
 Communi ut pellant opera poscuntq; iubentque.
 Auxerat offensam Trophimus, de gente profana,
 Permixtus turba Pauli comes. Hoc quoque viso,
 Nil satis est illi scelerum, nisi sancta profanet,
 Conclamant omnes, vulsúmque à limine sacro
 Proripiunt, clauduntq; fores, ne fretus asylo
 Se mortieripiat iam iam mactandus. At acer
 Audio motu ingenti Romana Tribunus
 Signa mouet, laturus opem. Stat fassa timorem
 Turba minax, cohibetq; manus. Ille aduolat, atque
 Vincula parans, rogitat quem quo de crimine culpent.
 Sed varius clamor fractas cum obtunderet aures,
 Compedibus vinctum duci, vallóque teneri
 Imperat. Incumbunt alij, triduntque, crepántque,
 Hunc hanc dede neci, subiens cum miles ab ipso
 Castrorum a scensu sublimem in tuta recepit.
 Tum vero astantem cum supplice voce Tribunum
 Oraret fandi veniam, Num (rettulit ille)
 Tu Grace nosti, Pharijs qui natus in oris
 Latronum duxisse manum sicarius ipse
 Diceris? At Paulus, Non sum quem dicitis (inquit)
 Judea sed stirpe satum me Tarsus in auras
 Produxit Cilicem. Nec vero ignobile nomen.
 His tantum permitte loqui. Permisit. At ille
 Hebræo sermone vtens, quò grator esset,
 Attentos gradibus sic est affatus ab altis.
 O mihi dilecti fratres, patrésque verendi,
 Quos amo, quos veneror, qua tanti causa tumultus?
 Anne ego? Quid feci? quis quo me crimine damnat?
 Forsitan externo veni procul exul ab orbe?
 Isacides adsum. Non non me Barbara tellus
 Extulit ignarum quid lex, quid sacra, quid ipse
 Sit Deus, immensi qui rex & conditor orbis.
 Qua docuit Moses sub Gamaliels magistro,*

Ut Tarsi genitus, sic hic nutritus & auctus,
 A puero didici, patrij tam iuris amator
 Quam proquis, quam vos, ut nec discrimina vitæ
 Obstiterint quin opprimerem diuersa sequentes.
 Si mihi nulla fides, norunt hæc omnia norunt
 Pontifices, nouit sancti pars magna Senatus,
 Auctores eorum quæ gessimus. Hactenus ista
 Prefatus, quò se diuinitus esse vocatum
 Montraret, nouit asque minus suspecta maneret,
 Addidit historiam rerum quacunque Damasci
 Acciderant curante Deo. Sed & inde reuersum
 Iam Solymos, intra sancti penetralia templi
 Intentum precibus, tanquam si corporis expers
 Viueret, æthereas sublata mente per auras,
 Se Christum uidisse, atque audiuisse monentem
 Festinans abeat Solymis, nec se malefido
 Offerat in testem populo. Cumq; ipse vicissim
 Argueret, quod quo constantior ante fuisset
 Propatria tanto testis nunc firmior esset,
 Nec cito, nec leuiter tantum mutatus ab illo
 Qui fuerat Stephanum saxi cum perderet atrox,
 Responsum quod & antè, ut nil cunctatus abiret
 Longinquas mandante Deo conquirere gentes.
 Hactenus audierant placidi, sed gentibus vllis
 Deferri Isacidis proprium (ut rebantur) honorem
 Haud passi, calum parili clamore fatigant,
 Hunc hunc tolle, nefas cali quem cernere lumen.
 Quodque ira signum ingentis, missiq; pudoris,
 Puluerea manibus dispersa nube per auras,
 Discingunt etiam vestes, & in æthera iactant.
 Non poterat nulla furor hic existere causa.
 Querere quam cuperet cum per tormenta Tribunus,
 Vinctus ad hoc loris astanti Centurioni
 Siccine ait Paulus Romanum cadere flagris
 Indieta licitum causa? Nec plura, iubentem

Consulit. Ille venit, rogat an sit ciuis, Id ipsum
 Affirmat vinctus. Stupet alter, & Haud mihi paruo
 Ius (ait) hoc constat pretio. At vero mihi nullo,
 Respondit Paulus. Ciuem genuere parentes.
 His dictis, turbati omnes maſtſique recedunt
 Liſtores. Timet ipſe iniecta ob vincla Tribunus.
 Ne tamen ignoret cur tam furialiter inſtent
 Iudæi, vinctum ſoluit, ſed cogere mandat
 Concilium proceres, vulgo ut procul inde remoto
 Ipſe reum ſiſtens tali ſe faſce leuaret.
 At reus intentis oculis vix pauca proſari
 Cæperat, oſtendens quam nil ſibi conſcius eſſet,
 Pontificis iuſſu cum de prope ſtantibus vnus
 Percutit ora viri. Grauis illa iniuria, forti
 Nec toleranda fuit. Quare commotus & ipſe,
 Te feriat Deus ô paries foris oblite, (dixit)
 Introrſum turpis. Iudex tu lege ſedeſis,
 Et contra legem me cades? Succinit alter,
 Et tu Principibus maledicere peſſimus audes?
 Tum Paulus dictum moderans, Scio legibus (inquit)
 Hæc vetitum, ſed Pontificem nunc eſſe latebat.
 Proſuit hoc aliquid, ſed puncto temporis. Ergo
 Expendens rapidum fruſtra ſe tendere contra
 Torrentem inſanis dum vult ratione placere,
 Nec ſe poſſe aliter cernens euadere quam ſi
 Diſcrepet ambiguus varians ſententia votis,
 Vt Sadduceos permixtos cum Pharifeis
 Norat, & omne forum ſectis conſtare duabus,
 Tam bene coniunctis quam ſunt Aquilonibus Auſtri,
 Iudicij (exclamat) noſtri ſons & caput hoc eſt,
 A genere. & proavis cum ſim Pharifeus, aperta
 Quod doceam ſunctos debere reſurgere terra.
 Hæc cauſa ſumma eſt. Vos iſtam ſoluite litem.
 At Sadducei magno hoc clamore negabant,
 Firmabant illi, Non ergo ſolueret litem,

Sed lites struere, & ciuilia bella mouere
 Vidisses homines ad rixam & iurgia natos.
 Quin aderant etiam vinctum qui absolueret vellent,
 Sed vicit pars peior, & immedicabilis error,
 Quo demptum Mosis qui Christo accedat honorem
 Credidit insanum vulgus, vulgique magistri.
 Nec modus. Adiutus, lacerum ne in frustra secarent,
 Militibus Paulus saluum se in castra recepit.
 His actis, nocturna quies dum recreat artus,
 Afflicto sua ne deessent solatia amico,
 Astitit ipse Deus, monuitque ut pergeret, a quo
 Sana ferens animo, Solymis ut sicut iniquis,
 Romæ etiam spargat diuina encomia laudis.
 Solamen miserum series tam longa laborum,
 Sed forti prædulce viro. Petit aspera virtus,
 Ut luctam pugil, & validus certamina miles.
 Nec tamen hæc dirum constantia terruit hostem.
 Conspirat bona pars hominum, & se deuouet ultro,
 Ni Paulum insontem crudeles ante trucident
 Quam victu reparent vires, placuitq; referre
 Pontifici. Probat ille nefas, ut mane Senatum
 Conuocet, & deinceps spondens meliora, Tribunal
 Oret eum sistat, sibi enim fore cetera cura,
 Scilicet incantum ut leto dent inter eundum.
 Arcanum audierat iuuenis qui sanguine Paulo
 Iunctus erat, cara germana filius. Ergo
 Insidias aperit vincto, vinctusque Tribuno.
 Hic silet, & fidis cum Centurionibus, ut se
 Liberet inuidia, rem transigit. Ac mora nulla;
 Impositum rheda Paulum, stipante frequenti
 Præsidio peditum atque equitum, de nocte silenti
 Egressi castris, clam se execrantibus illis,
 (Non tamen hos veriti) via quâ tutissima ducunt
 Antipatrim, & peditum permissa chorte reuerti,
 Per solos equites nota regione locorum

Cæsaream, præses ubi tunc Romanus agebat.
 Qui simulac captum, Claudiq; petita Tribuni
 Vidit, & inductam didicit se iudice causam,
 Accusatorem patrio de more requiri
 Dixit, & interea fido custode tenendum
 Esse reum, Herodis duci ad pratoria mandans,
 Gens dura & vehemens ne quid reprehendere posset.
 At neque Pontifices rem protraxere, sed ante
 Septima quam claro lux effulisset Eo,
 Impulsi furiis, & amica cadibus ira,
 Prompti aderant, multis illos comitantibus. Inter
 Quos Tertullius erat, magna mercede coemptus,
 Orator. Paulo qui rite in iura vocato,
 Composito vultu, O (inquit) clarissime Felix,
 Cum per te placidi iocunda pace fruamur,
 Et tua nos varijs ereptos antè periculis
 Nunc velut in portum prudens tutela locarit,
 Seruamus memori tot tantæque munera mente,
 Ac meritas agimus grates, ut semper agemus,
 Et nomen laudèsq; tuas super astra feremus,
 Sperantes similem, similis si causa, favorem.
 Ne multis igitur remorer tua tempora verbis,
 Oranti faciles pietas tua commodet aures.
 Hunc hominem (monstrat Paulum ut vix nomine dignum)
 Non tam deferimus, (quid enim?) deprendimus ipsi
 Ceu pestem ferre exitium quocunq; locorum
 Venerit. Insanis ita seditionibus vrbes
 Concutit haud Syria. tantum, (qua nunc tua cura)
 Sed ictum sese quâ gens Iudæa per orbem
 Diffundit, sectæ qua Nazarena vocatur
 Auctor, & assertor teterrimus, Insuper ausus
 Ipsum etiam templum temerare nefarius. Hæc
 Capiuo ob causas stabat sententia nostris
 Legibus ulcisci facinus, sed Claudius illum
 Eripuit Lysias, duxitque in castra, Tribunus,

Institui mandans coram te Praside causam.
En praeſto eſt reus. Accedat, criménque reſellat.
Dixerat. Aſſenſu comites plaudúntque fremuntq̃.
At Paulus veniam naſtus tempúsque loquendi,
Demiſſos tollens oculos, ſpectansq̃ tribunal,
Novi (inquit) ſtudíumque tuum curámque gerendi
Imperij, multis qui ſis Praeſectus ab annis.
Integer ergo animi, ne noſtra ſilentia culpes,
Pro me pauca loquar. Bis ſex (Notiſſima res eſt)
Effluxere dies Solymam ex quo Numinis ergo
Venimus. Interea nec templi ſepta, nec omni
Ullus in urbe locus, quo me hi contendere verbis
Videre, aut aliquem vulgi compellere cœtum.
Hæc mea ſeditio. At ſectam (quocunque vocetur
Nomine) non aliam novi, nec noſſe laboro,
Quam noſtri quondam proavi, patrémque Deúmque
Rue meum venerans, legémque, & carmina vatum
Amplectens, ſperansq̃ olim (Nec ſequius iſti,
Ni fallor) iuſtos ſimul iniuſtósque reſumpto
Corpore quemque ſuo ſubituros iudicis ora,
Diuerſa anteaſta reſerant ut premia vita.
Hoc ago, ſic doceo, ne mens mea conſcia dicat,
Peccaſti ſtultè, offendens hominésque Deumque.
Hæc vita ratio. Nunc quid culpatis amici?
Aſcendi templum (Quid ni? Hic illius uſus)
Post annos aliquot, iam forte diutius abſens.
Adveni Solymam facturus vota precésque,
Subſidiumque aliquot vita impenſurus egenis.
Anne alibi hæc fieri poterant? Vbi turba, tumultus,
Seditio? His porro intentum me, verticeraſo,
Arripiunt, vexant, crudeli voce cientes,
Hunc hunc dede neci. Dein cum me occidere vellent,
Servavit Lyſias. Aſia nec crimina curo.
Cur abſunt qui me accuſant? cur vota morantur
Iſtorum patria qui me peſtémque luémque

Appellanti? Veniant, adsum. Te iudice nemo
 Se sistet? Dicant ergo hi quid carpere possint
 Hanc prater vocem, Defuncti à morte resurgent.
 Hac pro se Paulus, Felici nota. Sed ipse
 Expectare iubens Lysiam, rem distulit. Arctia
 Nec nimis apposita est custodia, Centurioni
 Mandatum est seruare virum, non pellere amicos,
 Officij causa vellent si accedere captum.
 Ipse autem Felix, aliquid cognomine, sed re
 Seruus, Pallantis, cui Claudius omnia Caesar
 Indulsi, germanus erat, seruiliter utens
 Imperius, opibusque, illi quas gratia fratris
 Attulit ingentes, clarus dum Claudius orbem
 Rexit. Sed postquam parebat Roma Neroni,
 Non tulit inuidiam, cui dum fortuna manebat
 Nil satis. Hic igitur reginas appetere ausus
 Regis Emessenii thalamum fœdauerat, inde
 Abducta, quæ se titulis iactabat auorum,
 Drusilla. Quæ cum Iudæi sanguinis esset,
 Agrippæ soror, atq; Agrippæ filia, regum,
 Siue viri fama, seu commendante marito
 Optabat Paulum de Christo audire docentem.
 Paruit ille lubens, ditēque vocatus in aulam
 Non aule ritus verba assentantia dixit,
 Quæ prodesse reo, quæ molles ire per aures
 Possent, & dulci lenimine flectere mentes,
 Sed postquam explicuit quæ sint mysteria Christi,
 Quæ spes æterni quanta & fiducia regni,
 Addidit hæc credi frustra, nisi quæ pote factis
 Demonstrant vere se credere. Conscijs ergo
 Quinam utriusque foret vitæ modus, admonet illum
 Iustitiæ, virtus qua nulla in Principe maior,
 Hanc castum seruare torum, communibus usus
 Præceptis, (Sed erat proprium quod sumere possent)
 Nil super inculcans magis, aut ardentius urgens

Quam

Quam vim iudicij extremi, discrimine nullo
 Equantem populo reges, plebique Senatum.
 Horruit hæc Felix. Misero nec profuit horror.
 Nam levis abrupto Paulum sermone remisit,
 Optima non aptæ spargentem semina terra
 Hirsutos inter vepres, lappasque tenaces.
 Quin etiam vincto quod se simulabat amicum,
 Accersens toties, non hoc virtutis amore,
 Non animi factum cura, sed tetra cupido
 Ambibat sibi collectum quod egentibus aurum,
 Ausa etiam Paulum simili subiungere culpa
 Ipse aliena suos si interceptisset ad usus,
 Eternam fluxo spernens præ corpore mentem.
 Sed breue Felicis regnum. Jam tertius annus
 Cœperat infandi post tristia sceptrâ Neronis,
 Porcius in Syriam veniens cum Festus habenas
 Suscipit. Et paruo primum pro tempore mansit
 Cæsareæ, hinc adiit Solymam, latissimus vrbi
 Offensa. neque enim populus longissima laudat
 Imperia, & nouitas semper delectat inanes,
 Sperantes melius, cum deteriora sequantur.
 Infonti necdum Felix sua vincula Paulo
 Soluerat, ut tanto Iudæis carior esset.
 Sed frustra. fuso nam non sine sanguine tanta
 Sedari potuit rabies, inimica quieti.
 Et quoniam magnos quisquis sortitur honores
 Aduentu primo solet indulgentior esse,
 Ut vulgo placeat, strepitumq; & sibila vitet,
 Tam bona ne nullo transirent tempora fructu,
 Pontifices simul ac procures, totisque Senatus
 Festum aduunt, blandique rogant det ut omnibus unum.
 Ducendum Solymos vinctum, hic peccasse, nec æquum
 Sisti alibi, aut alio patriæ quam more teneri.
 Hæc illi verbis. Aliud sed mente agitabant,
 Scilicet ut ductum sine more occidere possent

*Cæsaream. at Festus nos hunc non misimus inquit,
 Repperimus missum. Res Cæsaris ante tribunal
 Jam coepta est, illic leges decidere mandant.
 Ibimus, & nostra quod opus prestabimus. At vos,
 Ut res vestra feret, mecum dimitte causam
 Qui peragant, damnentque reum. Sic ille, nec ultra
 Distulit, octaua in Syriam nam luce reuersus,
 Postridie ascendens sellam de more curulem,
 Iura dedit. Stabat reus hinc, suus ipse patronus,
 Illinc Isacida magno ad subsellia fastu,
 Multis multa modis questi. Sed inania verba,
 Et sine pondere erant. Leges, templumue, Deumue,
 Aut rem Romanam sese offendisse negabat
 Paulus. Et hoc ipsum cum res & facta probarent,
 Non erat inuitum Praeses cur cogeret. Ergo,
 Visne (inquit) Solymis coram me iudice sisti?
 Ast ille, Hic actum est, hic Cæsaris esse tribunal
 Nouimus. Huic asto. Si me Iudea nocentem
 Arguerit, vel morte luam. Si te quoque teste
 Nil nocui, nil commersi, cur transferar insons?
 Aut quis Iudaeis me mancipet? Hac mea si quem
 Non vincit ratio, Romam ad te maxime Caesar
 Appello. Hic Festus cum nil opponere posset,
 Ut decuit, cum concilio non multa locutus,
 Romam (ait) appellas? Romam visure tribunal
 Cæsaris accedes, atque hoc me fasce leuabis.
 Iamque iter instabat, cum rex Agrippa superbus,
 Atque eadem regis soror & coniux Berenice,
 Cæsaream venit, Festoque est usus amico.
 Sermones varij, quos inter Paulus, & omnis
 Historia series. Quam cum narrasset, id unum
 Me premit, (aiebat Festus) quod mittere Romam
 Hunc cogor, cuius cause qui sit status ipse
 Ignoro. Appellant Asia pestemque luemque
 Iudaei, indignum celi qui luce fruatur.*

Ast ego nec crimen video, & si crimen in illo,
 Sola superstitio est. Affirmat vivere lesum,
 Reclamant alij. Tu rem rex optime multo
 Me melius nosti. Mox ille, Accepimus (inquit)
 Horum aliquid fama, sed coram audire iuuabit.
 Nec mora, post ridie ingenti sublimis tribunal
 Instruitur pompa. Non inferiore paratu
 Accedunt reges, proceresque & in urbe Tribuni.
 Ducitur & vincetus, conspectior omnibus unus
 Quotquot erant, splendens diuini lumine vultus.
 At Præses solio simulac confedit eburno,
 Ad regem vertens oculos, atque indice vincetum
 Signans, En (inquit) de quo tam seua loquuntur,
 Nec tamen admisit quidquam quod morte luendum.
 Caesaris implorauit opem. Mittendus ad Urbem,
 Nec domino quid rescribam mihi constat, amici.
 Vos qui in concilio, & tu rex Agrippa benigne
 Consulite, & propius (precor) o disquirite factum,
 Ne cui me affinem culpa mala fama loquatur.
 His dictis, placido stantem rex lumine Paulum
 Aspiciens, Fas est pro te tibi dicere quidquid
 Tui voles, ait. Et non longa silentia, dextram
 Leniter extendens cum voce hæc protulit ille.
 Multa quidem (fateor) sunt o rex crimina nostri
 Quæ consanguinei grauius sine fine modoque
 Obiiciunt licet infanti, natum inde dolorem
 Sed leuat, ut tristi pro conditione reorum
 Censeri possim felix dicique beatus,
 Te coram quod contigerit defendere causam.
 Tu gentis nostræ mores, tu iura sacrorum,
 Tu nodos etiam legumque enigmata nosti.
 Confidens igitur, te tantum Agrippa precabor
 Vt tua mi pietas patientem prabeat aurem.
 Non ita me gessi, aut talem genuere parentes,
 Vt qui sim, fuerimue, aut qua de stirpe tribuque

Ignorant homines. Testes ducantur ab annis
 Non ita qui multis Solyma vixere, rogati
 (Si pudor est) dicent omnes me vera locutum.
 Sum genere Isacides, nec tantum nomine, sed re
 Talis, & à proavis sectamq; scholamque secutus
 Quæ Phariseorum est, & præstantissima, credens
 Oï spem quæ patribus facta est diuinitus olim
 Extinctis animas reddi debere perennes
 Corporibus cum summa dies euerterit orbem.
 Hæc me spes recreat firmatque, in vincula quamuis
 Induerit stantem sub iudice. Sed neque solus
 Hanc foveo. Quanta est bisseñis didita quondam
 Stirpibus hæc omnis longe gratissima calo
 Natio, non alio assiduos fert sine labores
 Quam spe cernendi redituæ premia vite.
 Et tamen hoc solum me accusant nomine. Sed quid?
 Anne etiam damnant? fieri vel posse negabit
 Vestrum aliquis sanctos rursum ut Deus excitet ipse
 Ipse Deus, qui de nihilo calum omne creauit?
 Quod vero obiectant etiam mihi nomen Iesu,
 Quem colo, quem veneror, nulla hic iniuria gentis,
 Nominis aut nostri. Nihil his detractat Iesus,
 Sed firmat completque, & non sine Numine factum
 Ut causam prius inuisam nunc prosequar atque
 Defendam. Ingenti quondam succensus amore
 Tam legum patrie, quam religionis auitæ,
 Dum visus fuit his Christus contrarius ire
 Odi & eum, totumque gregem, quem ceu lupo acer
 Pontificum iussu, toto consente Senatu
 Dissēci, rapui, sanctos è carcere duro
 Supplicio adduxi, quosdam desistere cœptis,
 Impiæque in calum profundere verba cœgi.
 Nec tantum Solymis, alias quoque sæpe per vrbes,
 Per vicos, per conuentus, quocunque ferebar,
 Grassando nocui. Tandem sed forte Damasum

Cum socijs medio dum Sol nitet altus Olympo
 Accedens, vidi me circum effulgere lumen
 Splendore eximio, Solem quod vinceret. Inde
 Stratus humo, comitesque simul, descendere calo
 Audini Hebraeo vocem sermone tonantem,
 Saule quid insequeris me Saule, & calce retundis
 Vrgentem stimulum? Durum hoc tibi. Cumque roga rem,
 Quisnam ergo es Domine? hoc responso dignor, Iesus
 Sum Nazarenus, cum quo committeris impar.
 Mox etiam ut surgam iubet, & quæ visa recordans,
 Divini testis verbi, fidusque minister
 Per gentes populosque feram nova iussa, fugatis
 Restituamque diem tenebris, ac lumina cecis,
 Atque olim Stygio addictos servire tyranno
 Eripiam, reddamque Deo, qui crimina solvens
 Credentum æternos illis impertit honores.
 Hac ego tunc, & plura alio quoque tempore vidi,
 Quæ me confirment. nam sunt diuinitus acta.
 Atque adeo cedens monitis, Agrippa, Damasci
 Primum, dein Solymis, vicinisque urbibus, inde
 Per gentes alias mysteria sancta profanis
 Ostendi, docuique Deum cognoscere, & ante
 Pertasos scelerum meliori incumbere vita.
 Hac in me culpant alij, temploque repertum
 Prendere non veriti, volvere occidere, Sed me
 Huc usque incolumen servat Deus, illius ut sim
 Assertor doctrina. Utinam & persuasor abirem.
 Nil certe affirmo sacro quin carmine Moses,
 Et vates testentur idem narréntque futurum
 De Christo. Qui multa pati, moriémque subire
 Debuit, inq, novam princeps exurgere vitam,
 Et totum populis lucem præferre per orbem.
 Talia dicentem, & certa ratione probantem
 Nil sese aduersum leges ac iura docere
 Occupat exclamans rudis ad mysteria Fæstus,

Sed tamen admirans eadem, Nimum sapiendo
 O Paule insanis, nocuit nimis esse peritum.
 Cui contra Paulus, Non hac insania, Feste,
 Aut furor est, sed vera loquor, sed sobria verba.
 Ipse horum rex testis erit, cum quo mihi sermo.
 Nil etenim ignorat, nil clam, nil noctibus actum,
 Luce sed in media. Credisne, Agrippa, prophetis?
 Credis, nec dubito. Neque rex hoc voce negabat,
 (Qui pote?) at inciso Pauli enthymemate, quo se
 Constringi sensit, nec posse exolvere nodum,
 Parte aliqua suades (inquit) dem nomina Christo.
 Opto equidem, excepit Paulus, quocunque modo sit.
 Sed totum mallet te rex, & quotquot adestis
 Esse mei similes, hac tantum compede dempta.
 Hec ille. Atque utinam licuisset plura profusa.
 Sed tenera nimium sunt regibus atque tetrarchis,
 Et solis patulas dant se palpantibus aures.
 Consurgunt igitur pariter, secretaque poscunt.
 Atque ibi concilio placuit sententia regis,
 Nil vinculis, aut morte reum patrasse piandum,
 Et solui potuisse, nisi appellasset ad Urbem.
 Ilicet Ausonias procul ablegandus ad oras
 Traditur Augusta legionis Centurioni,
 Nomen honoratum cui Julius. Ille receptum
 Cum vinculis aliis naui committit in altum
 Adrumetina, quam miserat Africa tellus,
 Sed rediens Asia ditis vicina petebat
 Oppida, nec ventis, nec fluctibus vsa secundis.
 Prima quies Sidone fuit. Permittitur ire
 Paulus, Aristarchum comitemque adducere secum,
 (Thessalonicea cinem quem diximus urbis)
 Inuisens latos, ut se recrearet, amicos.
 Inde Cypri non sponte sua, impellentibus auris,
 Adnabant scopulis, veriti se credere ponto,
 Ac tandem Cilicam prater, Pamphylaque vecti

*Litora Apollinea tenuerunt mœnia Myrae.
 Inuentaq; illic Pharia de gente carina
 Hesperias peteret multo qua firmior urbes,
 Transpositi, non longa licet sint aquora, longo
 Temporis in spatio post tadia longa venustam
 Peruenere Gnidum, vastumq; intrare profundum
 Non ausi antiqua lambunt latera abdita Creta,
 Sammonium primo sauis quâ tunditur Euris,
 Nec procul hinc Portum veteri cognomine pulchrum.
 Cui vicina iacet non praterenda Lasæa.
 Hic animaduertens Paulus discrimine quanto
 Quam paruum constaret iter, vectoribus auctor
 Exstitit ut, quoniam late maria omnia circum
 Contristabat hiems, nec tantum mercibus inde,
 Sed naui, atque ipsis instabant ultima nautis,
 Equo essent animo, defissaq; corpora dulci
 Nutrarent reparata cibo dum mollior aether
 Vela daret ventis, pontumq; recluderet annus.
 At non & nautis eadem sententia sedit.
 Quæis magis attentas præbebat Iulius aures,
 Phœnicem sperans se posse appellere portum,
 Atque urbem pariter, victus ubi copia maior,
 Et statio hibernos contra fidissima finitus.
 (Nam pelagus tenuere Noti) Hinc fiducia maior.
 Verum ubi soluentes Asso ulteriora legebant
 Litora, nimboris sese obiectantia Coris,
 Horribili incubuit sonitu Boream inter & Eurus
 Quem nauta Typhona vocant, raptosq; procellis
 Distulit in Clauden, (Cretæ hac insula ponti est)
 Vix spatium indulgens scapha quo seruata maneret.
 Qua tandem sublata, iniectis funibus arctam
 Astrinxere ratem, ne Syrti illisa perires.
 Nam prope Syrtis erat, Syrtim vnda auræq; ferebant.
 Tam misere tota iactati nocte, coorto
 Mane suas anido res obiecere profundo.*

Nec satis, armamenta etiam sparsere per undas
 Nautica, non aliter miles quam turbidus arma,
 Cum fuit, atque in quem moueat non inuenit hostem.
 Iam plures sine Sole dies, sine sidere noctes
 Transierant, miserōsq; fames tabesq; premebat,
 Cum Paulus rursum, Nunc cernitis (inquit) amici
 Quam male Dictis nuper discessimus aruis.
 Cessasset iactura omnis, marorūque, laborūque.
 Sed tamen exhortor non desperare, peribit
 Nemo, nec ambigua feret vlla incommoda vita.
 Sola ratis plectenda. Deus sic ipse silenti
 Me nocte admonuit cuius vulganda per orbem
 Iussa fero, aetherium vidi, audiuīque per umbras
 Dicentem inuenem, Romam ibis Paule, (timorem
 Excute) Caesareum cernes ille se tribunal.
 Quinetiam tecum vecti tua munera sunt.
 Atque his indubitare nefas. Deponite curas:
 Non Syrtes Libyca, alterius iacet insula ponti,
 Expositos quae suscipiet, fessosq; leuabit.
 Bis septem elapsa deserto a litore luces,
 Ionio magno quā proximus Hadria feruet,
 Cum noctis medio terram sibi cernere visi
 Solliciti nautae, misso tumida aequora subter
 Funiculo ancipites explorauere profundum.
 Cumq; iterum id facerent, spatia & breuiora referrent
 Quam prius, in scopulos veriti ne impelleret aestus,
 Quadruplici morsu fundasset ubi ancora puppim,
 Auroram optabant taciti. Sed enī fuga fessis
 (Infidum ut genus est) placuit magis. Ancora quassam
 Fundabat puppim, prora quoque debita cura.
 Cui totos sese intentos finxere, scaphamque
 Demisere mari, quae soli euadere possent.
 Sed necdum egressis vigilans ad singula frandem
 Senferat hanc Paulus, retulitq; ad Centurionem
 Quantum praesidij in sociis naualibus esset,

Quis sine vectores seruari posse negabat.
 Ille secat funem, pelago scapha fluctuat alto.
 Iamq; dies primo lucefcere cœperat orin,
 Cum tam longa prius miserans ieiunia Paulus
 Ut victu reparent vires hortatur, & aquo
 Sint orans animo certos iubet ire salutis.
 Firmit & exemplo, grates laudesq; datori
 Ritè canens positis epulis & vescitur ipse,
 Inuitatq; alios. Placuit pietasq; fidesq;
 Vescuntur pariter. Redi in præcordia sanguis.
 Vidisses numero (oëtonos ter deme) trecentos
 Iam saturos instare operi. Frumenta, penumq;ue,
 Et quidquid reliquum iactant, perduntq; volentes.
 Sed quam crediderant terram, iam Sole reiecta,
 Non tam terra fuit, sedesq; habitata colonis,
 Quam sinus atque ignota palus, pro litore curua
 Obiectans latera. Huc illi conuertere cursum
 Intenti satagunt omnes, retinacula solvunt,
 Velaq; dant, non tota tamen, quâ ventus agebat.
 Ipse gubernaculo rector subit, arctaque laxat
 Vincula, liberior partes ut flectat in omnes,
 Sed frustra. Bimari scopulis impæta subistimo
 Hæsit, & à media diuulsa est prora carina.
 Naufragium graue, sed grauius quod perdere miles
 Captiuos voluit ferro, ne enadere quisquam
 Posset, & inuidiam castos crimenq; subiret.
 Sed Paulum cupiens saluum Dux restitit acer,
 Qua pote quemque suam mandauit curare salutem,
 Hos nando, hos tabulis, lacera aut per fragmina nans.
 Parent, atque una leti potiuntur arena,
 Incolumes magni precibusq; & munere Pauli.
 Optata at postquam fuerant tellure recepti,
 Scitari placuit Geniumq; situmq; locorum.
 Insula erat Melite, Siculo porrecta profundo
 Quâ tumidi aduersos fluctus tolluntur in Afros,

Hoc tunc naufragio felix. Manet inclita facti
 Gloria, cum Paulo occurrens gens Barbara, tantum
 Admirata virum, didicit miserescere, & eius,
 Et comitum sale tabentes dum recreat artus,
 Frigorâq, & pluuias. structis fugat ignibus auras.
 Arida quò Paulo sarmenta ferente, calorem
 Sensit in his latitans, dextramq, momordit inherens
 Vipera. Quo factò, rudis inconsultâq, turba
 Turgida lapsurum credens in pectora virus,
 Inusum dixit Superis, homicida quod esset,
 Quem saluum ex undis letali bestia morſu
 Perderet, impune ut nequeunt peccare nocentes.
 Sed flammis illam cum mergeret integer ipse,
 Nil satis in laudes. Heroa Deumq, vocabant,
 Quem vis funestâ non tangeret atra veneni.
 Vſque adeo semper varium & mutabile vulgus
 Ducitur ancipiti quò fert Fortuna tumultu.
 Nec Paulum tamen ista mouent; popularia temnit.
 Spes cui firma Deus, nec eo sine cetera cura.
 Forte loci princeps ibi prædia diues habebat
 Publius, & triduo miseros potiùq, ciboque
 Foverat. Hic factum diuinitus ut pater eius
 Febribus, & diris vite discrimen adiret
 Torminibus. Casum lugebat filius hospes.
 Sed pretium hospitij soluens, precibusque manûque
 Imposita fugiens moribundo reddidit animum
 Paulus, & æterno sibi vtrumque adiunxit amore.
 Ac sacros docuit ritus, vitamq, beatam.
 Fama rei testis reliquos exciuerat egros,
 Quos eadem, quamuis varios, medicina lenauit.
 Vnde honor auctori, sociisq, viatica latis.
 Iamque illos aliò calâmq, aurâq, vocabant,
 Cum Phariis opportune quæ venerat oris
 Nauis, cui titulus gemino cum Castore Pollux,
 Vere nouo Italiam properans, suscepit & ipsos.

Proinde Syracusas ventis venire secundis.
 Tresq; ibi cunctati lucas spumantia prater
 Litora, quâ Siculum Hesperio laevis abscidit vnda,
 Rheginum ad portum. Parua hic mora, flantibus Austris.
 Namq; Dicarchaeas lux altera duxit ad arces.
 Inuentisq; aliquot dederant qui nomina Christo
 Fratribus, ex illo iam tunc ibi tempore nato
 Quo princeps Petrus caeli fulgentia signa
 Intulit in Latium, late loca Numine complens,
 His septem indulgit Paulus per mutua Soles
 Gaudia. Dein Romam petiit. Praecefferat ut iam
 Fama viri, occurrunt plures, pars usque Forum Appi
 Pars ad Aricinum collem, Tresq; inde tabernas.
 Quos ille aspiciens grates agit, & noua regna
 Agnoscens, fidensq; animi, peruenit ad Urbem.
 Hic vinctos alios castra ad praetoria duxit
 Centurio, ast vno tantum custode retentus
 Paulus, ad arbitrium lectis sociisq; domoq;
 Captiuus tamen, iniecta per crura catena.
 Opprobrio quam ne vertant, credantq; nocentem
 Primores vocat Isacidorum, dein talia fatitur.
 Quod Romam missus Solymis hac vincula gesto,
 Non sceleri, o fratres, culpae asscribitur ulli.
 Seruantem leges patria, moresq; parentum,
 Ut fontem tamen haud veriti sunt prendere nostri
 Me consanguinei, & Romanis tradere presum.
 Qui licet immunem cuperent dimittere, nullum
 Ob facinus vel supplicio, vel carcere dignum,
 Obstiterunt illi, ac tandem effecere molesti
 Caesaris ut peterem me sistier ante tribunal.
 Sic factum. Nec desugio, defendere causam,
 Non inferre pedem, non accusare paratus.
 Crimen abest, res hoc in cardine vertitur omnis,
 De Duce venturo spem factam patribus olim
 Quod firmans, venisse aio, atque oracula vatium

Compleſſe. Hac gentis certa eſt fiducia noſtra,
 Quam propter iuuat hanc vinctum me ferre catenam,
 Sperantem eterna poſthac noua gaudia vite.
 Dixerat, & contra ſic reſpondere vocati.
 Nil ad nos ſcriptum Solymis, neque nuncius ullus
 Adſuit aduorſum qui te tractata referret.
 Quod ſuper eſt, vltro cupimus ſpectare loquentem,
 Quas ſpes, quem doceas Chriſtum, quo cœpta magiſtro
 Secta patet quantis ſit vbiq; exercita rixis.
 Dicta placent, nec res trahitur, datur hora locusq;
 Conueniunt. Sedet ille, & primo lucis ab ortu
 Lucis ad occaſum nunc ſacra volumina Moſis,
 Nunc veterum recitans diuina oracula vatũ,
 Deducit calo regem qui ſacula fundet
 Aurea, qui monitis animos caeleſtibus aptet,
 Condat & æternum ſine vi, ſine milite regnum,
 Hunc eſſe oſtendens, quem teſtabatur, Ieſum.
 Sed non tam dociles quam par erat inuenit aures.
 Credebant pauci, plures aſſerta negabant,
 Diuiſi ſtudiis ſua quemq; ut vota trahcbant.
 Ipſe eadem expertus toties perq; Aſia regna,
 Et Graiũm populos quaſcunque acceſſerat vrbes,
 Tunc tamen indoluit grauius, quanto acrius illum
 Punxit amor patriæ, & Roma ſimul ardor habenda,
 Cui laudi obſtabat gens inuida, ſaua, maligna,
 Gens oblita ſua, atque alienæ inimica quieti.
 Eſaiæ verbis igitur ſera pectora culpans,
 Celeſtem ad vocem ſurdis, ad lumina cæcis
 Numinis offenſi inſt antem denunciat iram,
 Externis verò ſpem gentibus atque ſalutem.
 His actis, abeunt alijs, manet ipſe locato
 Tutus in hoſpitio, dum ſe bis verteret annus,
 Nemine turbante, aut ſanctum impediẽte laborem,
 Æterni praco regni, viteq; beata.
 Romani clauum Imperij fax orbis habebat

Tunc Nere, sed necdum turpissimus, ante necatas
 Cum matre uxores, cum praeceptore parentem
 Virtutum Thraſeam. Nondum sua fata gemebat.
 Maſta ſub auriga, & citharædo Principe Roma,
 Sed mitem ſimulabat atrox, placidumq; cruentus,
 Impius, immanis iuſtum ſanctumq; bonumq;.
 Proſuit hoc Paulo. neque enim cuſtodia capto
 Dura nimis, tandemq; etiam permiſſus abire
 Quò velles, rabido ceu præda elapſa leoni.
 Verùm ubi per plures abiens permanſerit annos
 Incertum eſt. Poterat tanto non una beari
 Aduentante viro provincia, ſiue cadentem
 Ad Solem (ut proavi volnere) Hiſpania dñes,
 Seu latus Illyria, repetitaq; Græcia, & inde
 Quidquid ad Auroram luſtrauerat antè rubentem.
 Ecquid enim, tantus quod non penetrauerit ardor?
 Sed poſtquam ventum ad ſummum, nil turpe Neroni,
 Non ipſam flammis vaſtare hoſtilibus Urbem,
 Quas meruitq; nocens inſontibus addere pœnas;
 (Vnde in Chriſtiadas tantus furor) ab modo natum
 Perdere ne poſſet feritas tam Barbara nomen,
 (Præcipuè magicis cum pectora verſa ſuſurris
 Tunc iterum quateret Simon, ſupremaq; fata
 Inſtarent Solymis, illam cingentibus armis
 Romulidum, & penitus delere parantibus urbem)
 Eximia virtute Daces, hic Solis ab ortu,
 Alter ab occaſu, diuinitus agmine inncto
 Auxilio venire ſuis. Non ira Neronis,
 Non contrà valere doli impoſtoris & artes.
 Quem cum Dadaleo malus in ſublime volatu
 Raptaret Genius, populusq; immane fremendo
 Crederet eſſe Deum, Petri prece ab aëre tractus
 Decidit, & ſaxo perſegit crura cruento.
 Non tulit hoc Caſar, Magicen quo vanior, eſſet,
 Hoc ſtudio maiore colens, umbrasq; laceſſens,

*At verum fugiens. Sed nec te Paule ferebat
 Infestum vitius, rigida virtutis alumnum,
 Quam non sis veritus laudare, & ferre per ora
 Principis insani. Qui nil moderabile cernens,
 Coniunctos animis ut mors quoque iungeret ipsa,
 Tedia post longasq; moras plagasq; nefandas
 Hunc gladio feriens, illum sana in cruce figens,
 Vno eodemq; die vita spoliavit utrumque,
 Felices, miser ipse miser, quem iusta manebant
 Viventem ac functum pro tot, tam immanibus ausis
 Supplicia, atque omni testatum dedecus auro.
 At vos aetherei proceres, faustissima celi
 Sidera in hoc pelagi non eluctabilis aestu,
 (Per quos Roma potens celsa caput aequat Olympo,
 Iuraq; dat populis, & religionis auita
 Vincula perpetuo nequit coeuntia nodo,
 Adversus Stygi flammantia tela tyranni
 Tutamagis circum quam si illam adamantina cingant
 Mœnia) quò pietas, quò vis impellit amoris,
 Commissum vestra Christo sub Principe cura
 Romanum servate gregem, servate magistros,
 Hunc primum, inde aliis qui praeficientur in annis,
 Dum simul uno omnes circumvallemur ovili.*

LÆVINI

LÆVINI TORRENTII DE BELLO TVRCICO

AD M. ANTONIVM BOBBAM,
CARDINALEM, LIBER.



CVM gravis Aetolos per florea rura colonos
Neglecta (vt perhibent) affligeret ira Diana,
Terribili immisso siluis horrentibus apro,

Qui flauas late segetes, herbasq; virentes,
Palladasq; oleas, & Bacchi munera vites
Indomito saeuus rostro afflatuq; tremendo
Erueret, diramq; famem pestemq; moueret,
Quamuis tunc Calydon fortem Meleagron habebat,
Nec tantis opus auxiliis quibus una periret
Bellua, & insidiis & duro obnoxia ferro,
Accurrit tamen Argiūm delecta iuuentus
Aeterna ingenti succensa cupidine laudis,
Si quā forte malum patriis auferre daretur
Finibus, & tutis concedere semina campis,
Grandiaq; assuetas stipare per horrea messes.
Sic etiam Amonio stabat cum litore puppis
Prima peregrinas visura per aquora terras,
Aesoniden quanquam fato Phryxea manebant
Vellera peruigili primū rapienda Draconi,
Non ideo numero minus accessere frequenti,
Nec veriti summis socios se adiungere rebus
Præstantes Minyæ, tot Achææ robora pubis,
Parte aliqua insignem cupidi contingere palmam.
Nam priscis solenne viris quos lata tulerunt
Secula caelesti genitos à semine Diuūm,
Perfidiam vlciſci scelerum, portenta domare,
Parcere non ulli præclara ob facta labori,
Nec tantum titulis quantum virtute præire,
Scilicet vt dulcem meritis extendere famam

Possent, & patrio tandem succedere celo.
Hinc gemini, quorum felicia sidera nantis,
Tyndarida, hinc Nyse descendens vertice Iacchus,
Et qui semivirum per Dedala tecta iuencum
Extendit victor Theseus, hinc gloria vatum
Alcides, cuius notum super aethera nomen,
Aonia eterno sacrarunt carmine Musa.
Quid tamen aut apros, aut vasto corpore tauros,
Acripedem aut ceruum fulgentem cornibus aureis,
Quid Nemeæ horrendum gelida sub rupe leonem,
Aut Lerne obsœnis strauisse paludibus Hydram,
Tot tumidam collis, & tot rabida ora mouentem,
Ora semel præcisa modis crescentia miris,
Humano tantum generi (si vera fatemur)
Profuit? Angustus conclusæ sinibus illa
Delituisse fera, stragem nisi lasa nec ullam
Fra dedit. Redeant licet, & glomerentur in unum
Omnia quæ Graiis narrantur mille Camenis
Heroum cecidisse manu tellure, vel undis
Prodigia, Infernos etiam terrentia Manes,
Non ideo egregias bello vastarier urbes,
Excindi ferro muros, sedesq; sacratas
Exerti flammis, manare aut sanguine riuos,
Fœdaq; captinas raptari ad stupra puellas
Aspiciet quacunque erit illatabilis ætas,
Sed melior nostra. nam quid non antè malorum
Perpeffi sumus ab miseri? At peiora supersunt,
Si non consiliis, si non communibus armis
In ferrum summis adnixi viribus omnes
Pro natîs, pro coniugibus, carisq; propinquis,
Et patria, & dulci pro libertate ruamus.
Nec verò verbis opus irritare dolorem,
Atque animo stimulos vel subdere calcar honesto.
Non ignota queror, nec quæ vaga fama per orbem,
Sparsêrit incertis implens rumoribus aures.

Sed fidis subiecta oculis. nam cernimus eheu
 Cernimus Ismary seruantem claustra profundis,
 Quâ ferus obstruclis immugit Bosporus undis,
 Europamq; Asiamq; breuis determinat aestus,
 Funestis senum imperiis armuq; tyrannum
 (Quo nullum in terris magis execrabile monstrum)
 Non medio quosdam è populo per seua necantem
 Tormenta, ut Siculus olim qui sceptrâ tenebant
 Finibus, ast ipsos cogentem in pralia reges
 Nunc hos, nunc illos, suâ sit quos dura libido
 Fœderibus ruptis, non more, aut legibus ullis,
 Audaci superare manu, semperq; recentes
 Ducere non iusto partos sibi Marte triumphos,
 At gemere atque infanda pati ludibria victos.
 Et cessamus adhuc, neque nos exempla mouebunt.
 Prisca virum? Claris sunt nunc quoque premia factis,
 Virtutemq; rependit honos. Quem morte pacisci
 Quis dubitet qui se mortali sorte creatum
 Cogitat, atque aliam sperat post funera vitam?
 Quod si nec virtus, nec honos, nec gloria segnes
 Excitat, at somnum tam seua incendia rumpant,
 Jam nostros raptura Lares dum sumere vires
 Vulcanum, & flamma patimur vastare sequaci
 Proxima queque. Sæpe quæ si defensa fuissent
 Auxilio, obiecta poterat tunc mole teneri
 Qui nunc immensis spaciis per saxa, per undas
 Fertur, & excussis exultat victor habenis,
 Oppida tot starent, populiq; & regna manerent,
 Iusta peregrino feruerent bella sub axe,
 Nec verò hunc nostrum quateret Mars impius orbem,
 Nostra nec ad tales venissent secula luctus.
 Nam modò qui tantis opibus consurgit in astra
 Turca ferox, adeò & mortalia despicit arma
 Improbus, ut magnis ausit concurrere Diuis,
 Quorum nec cultu, nec numine tangitur vllò.

Cum primùm egressus siluis & montibus altis
 Florentes Asia campos vrbesq; petiuit
 Mæmetis noua scita ferens mentitaq; sacra,
 Si nostris iam tum proauis mens vlla fuisset,
 Si quis amor patria, si qua in commune voluntas,
 Conatu non difficili, discrimine nullo
 Infandam extinxerent ipso cum nomine gentem.
 Quæ molles inter populos impune vagata,
 Meandri quos unda rigat, quos unda Caystri,
 Pactolusq; fluens auro, nec parciior Hermes,
 Xanthusq;, & Simois, magna notissima Troia
 Flumina, iam toties duris exercita fuitis,
 Vt tandem ad rapidum peruenerat Hellespontum.
 Bithynosq; obsedit agros, opulentaq; regna,
 Tunc quoque quis terra, aut crudo de robore natos
 (Vsq; adeo obscura ducunt primordia fama)
 Tot grauidam imperiis, opibusq;, armisq; potentem
 Crederet ansuros infesto innadere bello
 Europam? Inuasere tamen. Discordia tetra,
 Qualis & hoc nostro fuit implacabilis aus,
 Quæ Romana graui conuellere sacra per orbem
 Dissidio, & fortis Latio disungere Graios,
 Et potuit Graios ciuili accingere ferro,
 Strauit iter, ventisq; impleuit vela secundis,
 Et dedit optata tutos consistere arena.
 Ex illo iratis cœperunt omnia Diuis
 In peius ruere, & magno labefacta tumultu
 Funditus ingentem trahere inclinata ruinam.
 Ipse cruentato vectus per cerula curru
 Mars pater, Ismariis violens qui præsidet aruis,
 Et rigidam lustrat Rhodopen, Aemumq; niualet
 Horrida mortifera vibrans hastilia dextra,
 Imbellem exosus luxum fœdamq; suorum
 Desidiam hostilem duxit trans æquora classens.
 Nec Bellona noua comitem se adiungere genti

Erubuit, cui sola fides, cui Numen in armis,
Et semper cades, semper sunt praelia cura.
Threiciis igitur transmissi finibus, ut iam
Dura sub Arctoo feritas accreuerat axe,
Tam quibus auxilium quàm quos contra arma ferebant,
Cen lupus aduersis luctantes cornibus hados,
Proruerunt pariter, nec passi exurgere victos.
Atque ita perfidia merces quàm prospicit aquor
Aduersis pulsata Notis, quàm surgit ad Arcton,
Et petit Occasus, & Eoos tendit ad Euros
Thracia ferox, audis cesserunt omnia Turcis.
Sola superfuerat regnis exuta propinquis
Vrbs tantis caput imperij, tot feta triumphis,
Et mastos tellure oculos demissa tenebat,
Ardua ceu duris detonsa securibus ilex,
Qua prius umbroso consurgens vertice in auras,
Et silua decus, & teneris gratissima Nymphis,
Nunc scabro informis trunco, nec amabilis ulli,
Luget, & inuisum rursus timet anxia ferrum,
Funereis arsurum rogis, arsurum caminis.
Sed tamen ipsa sua stans vi nec tempore paruo,
Nec paruis opibus potuit conuulsa moueri.
At lassata malis, dum terra obsessa mariq;
Clauditur, assiduos ultra non pertulit ictus.
Post tantas igitur strages & mæsta suorum
Funera, dum nulli cura est succurrere fessis,
Arx illa imperij veteris, non aliter tantum
Roma, sed & Roma quondam post busta superstes,
Qua salua Europe poterat quoque salua videri,
Deserta, indefensa, & cur non prodita; tandem
Concidit, & magnum sonitu perterruit orbem.
Nec verò accensum passus languescere Martem
Victor ouans, Macedum populos, regnataq; magno
Arua duci, Baëtris qui formidatus & Indis
Optabat nasci plures quos vinceret orbis,

Occupat, atque eodem cursu mox Thessala vastat
 Rura, nec Æacida nutrice parit Achilles,
 Nec timet infames Latia bis clade Philippos,
 Aut senos horret Lapithas, gentemq; biforrem
 Centauros, Dolopesq;, & duri Mariis alumnos
 Myrmidones. Cedunt ferro Peneia Tempe,
 Tempe qua Elysiis poterant contendere campis,
 Sperchiusq;, & graminei latissima ripis
 Flumina frondosas inter labentia silvas.
 Cedit & Euenus, potat quem pinguis Acarnan,
 Et pota Ætolis cedunt Acheloides undæ.
 Vincitur Epeirus, nec tuta est Illyris ora.
 Cuncta quidem magnis iam pridem impulsæ procellis,
 Cum nihil intactum, nil linqueret asper inausum
 Barbarus infesto tentans fortissima ferro
 (Sed tamen aduersos nonnunquam pertulit ictus,
 Nunc Venetum expertus vires, nunc quantus in armis
 Sarmata, & aratam quatiens granis Hungarus hastam)
 Sed Byzantina postquam confederat arce
 Imperij rapiens fuses nomenq; superbum,
 Non instar prædonis & huc grassatur & illuc,
 Sed sua iam nunc esse ratus terraq; mariq;
 Omnia quæ magnum lustrat Sol aureus orbem,
 Italiam primum, Italiam sibi poscere demens
 Destinat, & magna penetrare palatia Rome.
 Nec via difficilis portus si classe teneret
 Chaonios, brevis unde Italas fert cursus ad oras.
 Huc igitur magna contendens mole ruebat
 Fulmen vri, aut atro collectus turbine ventus.
 Exortus sed enim terris nouus ultor Achilles,
 Qui nullo minor Æacidum tunc forte Molossis
 Imperitans, Pyrrhi veteris certissimus heres,
 Non tantum patriis arcebat sinibus hostem,
 Sed victum toties adeò perterruit, ut, si
 Talem Parca virum plures seruasset in annos,

*Vinida vel virtus sociis adiuta fuisset
 Auxiliis, ultra Tanaim gelidosq, fugasset
 Sauromatas, quem nunc patimur tot fœda patrantem
 Flagitia, & dum iura negat sibi nata suisq,,
 Miscentem rabido fanda atque infanda furore.
 Ille sed ante dixim fatis concessit iniquis,
 Rumpere nec nostros queat vlla iniuria somnos.
 Sic victa Epeirus, casu velut Hectore Troia,
 Sic victi Illyrij, victi cessere Liburni.
 Nec mora, peruolitant celeres vada falsa carina,
 Latus & Ausonia potitur serus hospes arena.
 Cunctaq, se vicisse putans, quâ certa parebat
 Iam via, congestis spoliis pradaq, recenti,
 Ac bene munita quam vi modò ceperat urbe,
 Nauigat, & quò tuta magis ferat equore classis,
 Quâ maris Ionij tolluntur ad athera fluctus,
 Leucatam expugnat, mox & tua Cephale regna.
 Neritos hinc, nemorumq,ue ingens perit alta Zacynthos,
 Et quid non aliud? Sed quis mihi Gracia dignis
 Deploret tua fata modis? quis tristitia dicat
 Funera, & exhaustos aduerso Marte labores?
 Non ego fœdatis casorum sanguine campis
 Tot fortes cecidisse viros hostilibus armis
 Conqueror, (Haud dubie debentur corpora morti,
 Quam qui pro patria subiit post busta superstes
 Visuit, & aeternum famam transfundit in eum)
 Tot verò ingentes versas à sedibus vrbes,
 Tot moles tantorum operum, tot templa, tot aras,
 Quis non indignis animis ferat? Edere versu
 Singula difficile est. Ipsa periistis Athene.
 Quæ quanta extiterit clades narrare volenti
 Lingua cadit. quid enim superest nisi fabula tantum,
 Et cinis, & sparsa per inhospita res, qua fauilla?
 O Diuum domus, ô genitrix fecunda virorum,
 Feta armis, feta ingeniis, nec moribus aureis*

Quam

Quàm belli virtute minor, quis culmine tantò
 Deiectam aspiciens lacrymis non impleat ora?
 Tùne illa (ut perhibent) calo gratissima tellus,
 Tùnc illa aternis, Diis nempe auctoribus ipsis,
 Fundata auspiciis, populos ut intra per omnes
 Æqua dares, seu nutum seruare tyranni
 Cogeri, & quacunque animo vesana libido
 Exiunderit fera iussa pati? Civilibus olim
 Imperiis cum Roma potens te rexit amico
 Sensisti victorem animo, vicisse videri
 Ut posses. Adeò mansueta & libera iura.
 Qua nunc nulla manent. Misera seruire necesse est,
 Aut domino mandante mori. Prò dedecus ingens!
 Tortorémne manes potius quàm corripis arma?
 Rumpe iugum. Res pulchra mori constanter in armis.
 Tu verò ante alias fortunatissima terras,
 Qua tantos inter fluctus rerumq; procellas
 Mansisti incolumis nimium Diis usa secundis,
 Italia, ô ingens mundi decus, optima semper
 Consilii seu bella forent, seu fœdera cura.
 Aspice quàm duris luctetur Gracia faris,
 Aspice te quantis nunc efferus ille lacessat
 Viribus. Audendum est contrà Metuentibus instat
 Improbus, audacem fugiens inglorius hostem,
 Ceu lupo insidias septo nocturnus ouili
 Cum struit, at pastor vigilans, & odora canum vis
 Arma parant, fugit ille, licet rabida ora fatiget
 Dura fames. Adeò tarda atque ignobilis ira est.
 Ne tamen audendo quidquam temeraria pecces,
 Antè animo perpende tuo quo robore certes
 Ipsa, quid expectes alios, an signa parati
 Iungere quos iisdem inuoluant incendia flammis.
 Magna quidem per te cum res Romanus habebat,
 Sed nunc tuta magis, minus atque obnoxia tetra
 Inuidia, postquam Latiis qui præsides aruis

Vittis & sacra redimitus tempora mitra,
 Nec sanus bello, sed religione verendus,
 Et pater, & custos, & magni Numinis instar,
 Fœderibus iungit populos, terrasq; per omnes
 Christiadum pia sacra frens communibus aris
 Conciliatq; animos, & obortas temperat iras.
 Illi nempe salus, illi tua commoda cura.
 Ille videns quantis Itale res surgere possent
 Viribus aeterni si fœderis auctor utramque
 Jungeret Hesperiam, Venetiisq; accederet ultor
 Hispanus longo bellorum exercitus usu,
 Magnanimum blandopius impulit ore Philippum
 Non tantum Ausonia & Sicula tellure repostas
 Ut conferret opes, sed quantum Hispania diues
 Possidet Herculeas quâ tenditur vsque columnas,
 Armaq; & aratas ingenti mole triremes,
 Denique se, fratremq; suum, gentemq;, domumq;
 Communi offerret bello. Quis tanta recuset
 Auspicia, hortantesq; sequi in prœlia Diuos?
 Vidimus ut duro vix eluctata duello,
 Tortilis inducto coluber velut ielms aratro,
 Urbs Venetum, Hadriaci quondam regina profundi,
 Nunc saxo ab impar hosti. Qui victor opimam
 Cum iam vastasset Cyprum, Cypro addere Cretam,
 Scilicet & Creta Corcyram, & plura parabat
 Regna. Sed indignos postquam miserata labores
 Pontificis summi pietas, & fida Philippi
 Dextera communi sese obiecere periculo,
 En aliam rerum faciem. Modò victor ubique,
 Victus abit. Summo quæ terruit æthere Diuos,
 Nereaq;, atque imo latitantes equore Nymphas,
 Ionio in magno dissecta atque obruta classis
 Aut flamma, aut perit ferro, aut servata triumpho est.
 Tot fortes cecidere duces, tot merâ sub undis
 Corpora magna virum, argentiq;, auriq; talenta.

*Et dubitamus adhuc nos huic committere victo
Accisis iam nunc opibus, quem vicimus ante
Integris? Repetent fontes, conuersaq; retrò
Flumina circumagent mirantibus agmina ripis,
Si campis unquam nos debellabit apertis
Donec salua manent nobis hac fœdera, & unà
Præferimus iunctis fulgentia signa manipulis.
Non ea vis animo. Nostra illum ignauia fecit
Audentem, & sociis quòd non bone fidimus armis.
Nunc tempus mutare vices, & sumere iustas
In fonti toties fuso pro sanguine pœnas.
Sed quia magnanimi cunctis mens nota Philippi,
Votaq; periuram bello disperdere gentem,
Præsentem illi poscam per carmina Diuos,
Et precibus iungam lacrymas, nec morte pacisci
Desugiam ut versis pereat res Barbara fati.
Tu verò Hadriaci claustris vrbs addita ponti,
Vosq; Antenoreo geniti de sanguine ciues
Hac versate animis. Inuet esse Antenore natos,
Qui capta (ut perhibent) post diruta mœnia Troia
Euganeis olim consedit finibus exul
Nobilis, & Phrygia pars non postrema ruina.
Sed quoniam pacem mediis hic miscuit armis,
Sollicitus non qua se mole opponeret hosti,
Sed qua pugnaces euaderet arte Pelasgos,
Nolim hac vos exempla sequi. Sint libera semper
Consilia ante tubam num pax, num bella gerenda,
Postquam bella placent, iamq; horida cornua rance
Cum lituis audita sono, tunc tunc inuet arma
Arma sequi, sua cuique salus consistat in armis,
Tunc gladios vibrare, graui tunc spicula dextra
Cara sit. Aduerso miles qui pectore Martem
Concitat, ut res cunque cadat, viuens nec egebit
Laudis, & extento moriens celebrabitur eno.
Ergo agite, & placido mecum hac perpendite vultu.*

Principio cum vos Selymi violentia adegit
 Concertare manu potius quàm linquere Cypri
 Regna, licet tuis non sat bene paria decoris,
 Collaudata quidem virtus, sed quis tamen auctor
 Tantopere imparibus suavit concurrere telis
 Consilio freti vestro desueta situq;
 Oblita momistis rapta e penetralibus arma,
 Et viduata suis naualia puppibus alto
 Immisere freto nosam nullo aequore classem.
 Nam si qua externas abies prius attigit oras,
 Mutandas pelago merces, non bella gerebat;
 Diuitias domino, non allatura triumphos.
 Sed quo lenta quies plures absumpserat annos,
 Hoc magis exarsit rapidi noua gloria Martis.
 Denique non alio certatum tempore tantis
 Est opibus. Ferro ceu secta renascitur Hydra,
 Afflicta creuere ipso in certamine vires,
 Nec frangi potuere animi, nec cedere victi.
 An repetam illius pulcherrima facta dici
 Quo nanquam Ausonia illuxit felicior ora,
 Et quem qui vestra natalem dixerit urbis
 Et mecum facit, & rectum Ioue indicat aequo?
 Usque adeo exanguis iam panè reliquerat artus
 Spiritus, & tenues se vita remorat in auras.
 O quanta accessit Veneta tunc gloria genti!
 Sed multo satius fuerat non vincere quàm nunc
 Victores modio tam foedè abistere bello.
 Scilicet aduersis fortes res inde secunda
 Mutatos quatiunt, & erit victoria fraudi.
 Si quantis animis prostratum vicinus hostem,
 Iunisset parili virtute incumbere victo,
 Libera sub nostris ageret nunc Gracia signis,
 Et nemora incoherent reduces Parnassia Muse.
 Sub iuga venisset Rhodope, venisset & Emus,
 Fluminaq; Orphæo quondam sistentia cantu,

Nec tam sublimi se vertice tolleret Iſther,
 Et trepida oſtriferi turbarent litora Ponti.
 Quod tamen interea perit periffe ſinamus,
 Dum ſtimulos animo ſubdat pudor, iraꝗq; ſegnes
 Excitet, & magna rursus vi mittat in hoſtem.
 Quem ſi cunctando patimur modò cruda mederi
 Vulnera, ceu poſitis ſerpens nouus exiit annis,
 Vltro aderit multo repetens cum ſanguine pœnas.
 Nec verò hic exors damni, aut illa ſus abibit
 Qui nunc diſſimulet, iurataꝗq; fœdera fallat
 Improbus, aut Geticis addat ſe transfuga caſtris.
 Vnà odere omnes, timidos magis, horrida ſemper
 Amplexi imperia, & metuentes parcere Turcæ.
 Poſtquam igitur ſumptis poſita eſt ſpes omnis in armis,
 Duremus. Meritam reſeret conſtantia laudem.
 Tuꝗq; adeò ſancti decus immortale Senatus,
 Piereis olim docuit quem Pallas in antris
 Et ſapere, & magnas res magno condere verſu,
 Bobba pater venerande, huius mihi carminis auctor.
 Purpureas inter vittas crinemꝗq; decorum
 Hanc ſine ſacrato tibi vertice ſerpere laurum,
 Et mecum vnanimes compelle in prælia reges.
 Tu maris Ionij tuta vada ſalſa carina
 Peruolitans pulſos iterum toto æquore Turcas,
 Diſſectasꝗq; canes claſſes, atque obruta ponto
 Corpora. Dein Libycas ſeu te fert curſus ad oras,
 Seu pingues Aſie campos, victricia latè
 Signa per ignotas facies effulgere gentes,
 Dum Solymos venias Galileasꝗq; letus ad arua,
 Atque illo tandem ſtatuas in monte tropæum.
 Quem Deus humano latitans ſub corpore ſummi
 Supplicij eſſe locum voluit cum morte ſubacta
 Æternum humano generi reſeravit Olympum.
 Ipſe ego ceu magna quondam ſubuecta triremi
 Cymba ferar, caſus & te comitabor in omnes.

LÆVINI TORRENTII
DE IOHANNE AVSTRIACO
LIBER SINGVLARIS,

AD ANTONIVM PERENOTTVM, CARDI-
nalem Granuellanum, regni Neapolitani
Proregem.

Q Vos tenui magna de re subtemine versus
Dum vacat Ausoniæ duximus arte lyræ,
Antoni Perenotte tuo miscere labori.
Ne pigeat. Noti dona clientis habes.
Sæpe graues blando minuuntur carmine curæ,
Et iuuat hanc duris addere rebus opem,
Nec quisquam Aonidum cultos turbatus in hortos
Digreditur qui non lætior inde redit.
Hos tibi Parthenope pandit felicibus aruis.
Sed tamen & Belgæ quo capiaris habent.
En ferimus flores inscriptos nomina Regum.
Aptior his capiti nulla corona tuo.
Carolus hos inter gemina cum prole (Nec æstas
Aut grauis hiberni frigoris aura nocet)
Semper honorato spirat de vertice nectar,
Semper & ambrosius fulget ab ore decor.
Sponte tuos cupiunt tactus, tua nomina poscunt,
Et gaudent titulis inseruisse suis.
Fortunate nimis, cuius pulcherrima virtus
Pulchrior est tantis accumulata bonis.
Te sine nil magnum mens inchoat alta Philippi,
Te sine nec Turcas vicerit Austriades.

I N
IOHANNIS AVSTRIACI
·NAVALEM DE TVRCIS
VICTORIAM.



ILECTA calo (*Quis bonus abnuat?*)
Dilecta calo est Austriadum domus.
Hunc Caroli praeclara virtus,
Hunc meruit pietas amorem.

Quanto ille maior viribus extitit,
Tanto minorem se superis gerens
Dum templa, dum propugnat aras,
Et veterum pia sacra patrum,
Forti nec audet fidere dextera
Quodcumque Christi religio vetat,
Succreuit usque atque usque, summe
Vertice dum feriens Olympum
Aequavit astris imperium. Suo
Quod inde nato tradidit, ac Deo
Se mancipans, curisq, solvens,
Composita placidus quiete
Quae decrat auro summa fugacibus
Explevit annis. Nunc Superum choras
Lustrans, & insigni corona,
Purpureoq, nitens amictu,
Heroes inter laudibus inclitos
Alto recumbit conspicuus toro,
Gaudetq, non longo labore
Perpetuos adisse honores.
At cetera expers sollicitudinis,
Unum effraci prosequitur prece,
Ut Numinis quem sensit ipse
Sentiat & soboles favorem.
Nec vota fallunt. Hoc toties tibi
Philippe certa perspicitur fide.

Nam quidquid aut pace inchoaris,
 Aut validis animosus armis,
 Desideratum ducit ad exitum
 Ille ille vindex Austriadum Deus,
 Tibi undique, ut quondam parenti,
 Concilians decus atque famam.
 Nec fratris impar est Genitus, tuis
 Qui nuper vrgens auspiciis feros
 Sic contudit, sic fregit hostes,
 Threïcia ut dominator ora,
 Byzantis arces imperio tenens,
 Arctisq; Ponti faucibus incubans,
 Nilumque, Jordanemque, & omnem
 Vna Asiam cohibens catena,
 Duroq; Graios seruitio premens,
 Atque hinc Molossos, hinc Nomadas trahens,
 Immensa & atrox classe virique
 Hesperia minitans ruinam,
 Nulla antè vi, nulla arte domabilis,
 Nunc ipse sese contrahat, ac sibi
 Suisq; diffidat stupendo
 Nominis Austriaci pauore.
 Vastata Cyprus, (prò dolor!) & graui
 Hac clade pridem qua Venetum fuit
 Libata iam virtus cruenti
 Huc animum impulerant tyranni,
 Huc Barbarorum pectora militum,
 Ut, ipse contra si steterit Deus,
 Deumque, caelestesq; senis
 Appeterent acies sagittis.
 Humana quo non proruit impotens
 Natura, veri nescia? Sed magis
 Quo creuerit, maiore princeps
 Fertur in exitium tumultu.
 Ergo illa nostris ebria cladibus

Deprensa classis Dulichio in mari,
 Quâ callido regnata Vlyssi
 Saxa graui quatit vnda ponto,
 Quid Christiani gratia nominis
 Viresq, possint obruta fluctibus
 Mox sensit, & consumpta flammis,
 Et rigido lacerata ferro.
 Tutum inè noto constiterant sinu,
 Naupactum, & urbes inter Achaicas.
 Rapti sed inde ardore pugna
 Cum ruerent stimulante prada,
 Prensus sub altis cœu stabulis lupi
 Quæ structa nobis pertulerunt mala,
 Lugentq, victi. Nos opimum
 Incolumes canimus triumphum,
 Quo nullus umquam pulchrior. Actius
 Non hoc Apollo, non Salamis neget,
 Incesta quanquam Ægyptus illic,
 Hic tumidi periere Persa.
 Par caussa victis, ut malè sit malis.
 Sed Turca quanto sauior omnibus,
 Hoc illius maiore plausu
 Vincitur obruiturq, fastus.
 En vasta nigro quot fluitant mari
 Permixta rebus corpora. Stat stupens
 Euenus, attollitq, ripis
 Attonitas Achelous undas.
 At monte doctis virginibus sacro
 Gausa Phociæ cedere Barbaros,
 Crucesq, victrices per vdos
 Ionij volitare campos,
 Dat signa dempti Graiugenis ingi,
 Desuetaq, ardens pectora suscitât,
 Theminq, Cyrrheumq, vatem,
 Et reduces monet esse Musas.

Saluete magni quos veneror Duces
Sudore & atro sanguine sordidos,
Saluete, per quos parta nuper
Perpetua monumenta fame.
Non ora centum, non totidem satis
Sint pleetra vestris laudibus. Et tamen,
Vrsine, totq; ingens Columna,
Romulea duo lumina urbis,
Canamq; bello quos Melite viros
Enutrit audax cedere nescios.
Tricena nacti quisque colla,
Obiicerent patriæ periclis.
Nec te filebo te Ligurum decus,
Ductorq; præstans, Oriadum genus.
Innece rostratam merenti
Tu quoque nunc capiti coronam.
Maiore sed me proripit impetu
Urbs Hadriano condita quæ sinu
Sic Italas illustrat oras
Vt rutilum vaga Luna calum.
Hæc caussabelli. Hanc malè perditam
Immanis optat dum Selymus, pium
Pertraxit in partes Philippum,
Et Venetis sociavit armis.
Innata virtus omnia perpeti
Quàm turpe manu! opprobrium, neque
Mors dura cum post mortem honesti
Latus pretium sequitur laboris.
Mori parata, aut vincere pertinax
Incumbit hosti Antenoridum manus.
Dumq; huc & huc se vertit ardens,
Prævalidis agitata remis,
O illa quantis horrida cladibus
Est ulta Cyprum, sed dubio diu
Sub Marte, nec paucis suorum, &

Barbarico simul interempto!

*Qui sauo anhelans vulnere cum fugam
Sentiret hostis, Nunc morior lubens
Nunc inquit, & cum voce vitam
Ob patria posuit salutem.*

*Nec fatum amici, aut te Veneri tua
Tardauit atas. Fortior emicas,
Mixtaq; per cades ruenti
Austriada mediasq; flammis
Accurris acri viuudus impetu,
Palma q; firmas. O procerum decus,
O prouida cui mente Nestor
Cederet, atque animis Achilles,*

*Te fata seruent Austriada tuo,
Tuumq; seruent Austriaden tibi.
Quiq; inclita virtute cassis
Ismarij ducibus tyranni*

*Opima fertis nunc spolia, & simul
Incensa prater mersaq; fluctibus
Tot signa, & eratas iriemes
Eximio trahitis triumpho,*

*Trahetis iidem curribus aureis
Regem ipsum, & atro gurgite Bosporum
Nec fallor. Eniam turbat Ister
Horribilem trepidans ruinam.*

*At ô paterno qui Latium tenes
Romamq; regno Maxime Pontifex,
Quem lege sacra per omnem
Christicola venteramur orbem,*

*(Res nulla fausto cum scelerum Deus
Succenset ultor desinit exitu)
Tu flectere & placare blandis
Vsque Deum precibus memento.*

*Non pauca praestas militia, sacri
Consortq; & auctor foederis, at piis*

Vis maior in votis & aris.

*O hominum pater atque custos,
Extenta calo brachia dum feres,
Vates ut olim corniger, arduus
Parebit ether, & capeffent
Vnanimes tua iussa venti.*

Ad eundem Iohannem Austriacum, Belgij
gubernatorem.

PROCVL Typhoëus, & validus Mimas,
Gygesq;, & omnis Terrigenum cohors,
Vastq;, regnator Cyclopum
Cede madens Polyphemus antro.
Quis namque credat corporis vnus
Horrenda centum brachia? quis feros
Vultus, & indigesta membra
Anguineis coisse plantis,
Aut inquietis horrida fluctibus
Sulcata siccis tota humeris freta,
Ossamq;, frondosumq;, magno
Pelion impositos Olympo?
Abite nuge. Non alios ego
Novi Gigantes quam malè qui suis,
Vtcunque res sic poscit, vfi
Viribus in populum innocentem
Sauire gaudent quo libuit modo,
Et siue testis insidiis agunt,
Seu Marte grassantes aperto
Ius rabidis statuunt in armis,
Non antè cæptis abstinerit furor,
Ab quàm ruina perculerint gravi
Quemcunque confectantur, atrox
Vt teneram accipiter columbam.
His Terra mater, nil sapiunt enim

Celeste,

*Celeste, nullusq, est animo locus
Quem possident infanda ventris
Proluies ferus ac Cupido.*

*Præda paratas semper habent manus,
Intenta semper lumina. Nec furor
His unus, at quocunque veritas,
Tot scelerum facies & artes
Circuminnocentis conglomerant caput,
Vt nec triformis corpore Cerberi,
Nec tristium plures inerrent
Crinibus Eumenidum colubri.*

*Non tutus imo qui latitet mari,
Non tutus is qui montibus asperis.
Vix igni porta alta cali
Incolumes habitura Diuos,
Nec fulminator Iuppiter impia
Ausps corusca deiciat manu,
Ac victor æternis fatiget
Suppliciis etiam sub Orco.*

*Sed quod ferebant auxilium patri
Inniectus olim Liber & Hercules,
De matre mortali, sed ambo
Tunc numeros meriti Deorum,*

*Idem Philippo, qui similis Ioui
Tot efferarum Barbara gentium
Conata, monstrosasq, vires
Auspiciis superat secundis,*

*Nunc Iane præstas. Ille Dei metu,
Cui vera virtus, & pietas comes,
Arasq, Celestumq, cultus
Ætheria veluti sagitta*

*Tutatur ardens, tu gladium quatit
Hastamq, tu mortalia comparas
Bellator indefessus arma. O
Herculeo bene innecta nodo*

*Calumq, terramque. Hoc solidum decus,
Hæc summa belli gloria, cum Deus
Castrensia inter signa fulget,
Et ratio regit æqua dextram.*

*En en probrosa præcipites fuga
In damna certumq, exitum ruunt,
Vrgetq, turbatos aperta
Sacrilegos graue Numen ira.*

*Confide. Quid non efficiat piis
Qui fretus armis iustitiam sonet?
Hanc vsque serua. Nil quod æquæ
Monstra, nonosq, domet Gigantes.*

In Iohannis Austriaci mortem.

LAVS magna magnis debita. Quis tuas
Speret canendo ò Austriadum decus
Æquare virtutes? Sed olim
Vt cecini pia gratus arma,
Cum victor vdos Ionij sinus
Fuso inquinatos sanguine Barbaro
Emensus æternum tulisti
Thracibus à domitis triumphum;
Sic magna adauctum nuper adorea,
Dum prisca nobis restituis sacra,
Diuumq, calcatos honores,
Fratris & imperium Philippi,
Laudare fausto cum aggrederer pede,
D:cturus acri prælia dextera
Pugnata Gimblaci sub altis
Turribus, ac reduces tot vrbes,
(Quas tute malles composita frui
Quiete, quanto viribus altior
Et bellica virtute, tanto
Iustitia ac pietate maior)

*Iniecit atrae mox Lachesis manus,
Nec passa plantam crescere, prò mala
Ceu falce primò incidit aeo,
Quae solitos veniens ad annos,
Formosa densis luxurians comis,
Altoq; tangens sidera vertice,
Excesset omnes quas vel Indus
Horrisferis aluere siluis.
Quae pulchra raro serius occidunt.
Necte parentis vincere gloriam
Decreuerant fas esse qua sic
Ante diem rapuere Parca.
Hac lege terris nascimur, ut mori
Quacunque visum sit Superis die
Necessitas nos cogat. Illa
Et teneris rapit orta cunis.
Nam fata prudens occuluit Deus.
Nec scire refert. Quae mihi, quae tibi
Decreta dum celantur, acris
Mens vigilat stimulata cura.
Exempla nos hoc rite decet tua.
Quem blanda molli cum gereret sinu
Fortuna, tot plenum benigna
Muneribus cumulante dextra,
Hic tu (futuri non ideo magis
Securus an, aut desidia fluens,
Sed impiger, sed mente tota
Te studiis moderans honestis,
Caliq; rectorem ante oculos ferens,
Qui solus addens imperiis decus,
Quam pace, tam mirandus armis,
Suppositum sibi torquet orbem)
Postquam suprema tempora senseras
Instare vite, non genus, ac bonam
Causatus aetatem, aut pudendum.*

*Militibus sine clade letum,
 Fortes ut hostes intrepidus soles,
 Sic irretorto visus es horrida
 Sperare mortis tela vultu,
 Cum socij comitesq; masti
 Nec fronte luctum, nec lacrymas genis
 Celare possent. Magnanimi ducis
 Tam firma & illibata virtus
 Ingenitum exacuit dolorem.*
*Quid Marte posses certa diu fides,
 Victo sed hoste ut te quoque vinceret
 Restabat. Hanc mors ista tantam
 Accumulat generose laudem.*
*Cur ergo magnos sollicitem Deos,
 Turbémue inani funera nenia?
 Qualem Herculem videre quondam
 Thessalia iuga saltuosa
 Perferre Nessi vulnera tristibus
 Curata flammis, ultimus hic labor,
 At ceteris maior, per omnes
 Emeritum ut celebraret annos,
 Talem Camena te memoraunt mea
 (Occlamet atrox inuidia ut lulet)
 Tam dura constanter ferendo
 Æthereum penetrasse Olympum.*
*Nec morte quisquam gaudeat improbus.
 Non deerit ultor perfidia Dem,
 Qui Caroli stirpem fouendo
 Indomitos populi furores
 Castiget alto verberare, nec sinat
 Dari efferata frena licentia.
 Plorabit auctor cum nefanda,
 Tot scelerum artifice, officina.
 Hanc spem potentis Iustitia soror
 Afflicta firmat Religio. Dei*

Clementia oppugnata iustus

Fit furor. O miseri, quis illi

Obstat? Atro turbine quàm cito

Voluntur unda, vel stipula leues,

Vos ipse vos unà tremenda

Precipites feriet ruina.

At tu beatis eximium iubar

Asscripe Divis dein precibus inua

Quos haclenus tutaris armis.

Nos meritos referemus hymnos.

LÆVINI



305

LÆVINI TORRENTII
IN PONTEM, SIVE MACHINAM,
FORTISSIMI DVCIS,
-ALEXANDRI FARNESII, PRINCIPIS
Parmensis, obfessa Antuerpia.



IL est quod ingens non superet labor,
Seu forte terra, seu lubeat mari
Patrare quod ventura longum
Posteritas celebret per auum.

Inuiat illuc gloria, fortium

Calcar virorum. Propositum est mori

Aut vincere, immortalis apto

Fulgeat ut capiti corona.

Nec vlla calonotior est via.

Quam trinit olim Bacchus, & Hercules,

Trinere cum Polluce Castor;

Atque alij, atque alij. Benigna

Quos Musa ducens impanidos manu,

Sancto inferendos concilio Iouis,

Euexit obstantes per ignes

Aethereis super astra bigis,

Nec passa tantas ire silentio est

Ingrata laudes, ora celebrium

Tingens poetarum potenti

Nectaris ambrosiaq; succo,

Pulchra ut sonoris carmina funderent

Iungenda chordis, ac facerent fidem

Præstantium virtute vinci

Fata virum horribilemq; mortem.

Sed quidquid horum crediderit prius

Actis vetustas horrida seculis,

Rem certius iam nostra nouit,

Et manibus prope tangit etas.

Iniecta ventis frena procacibus

*Clausumq₃, magnis oblectibus mare,
Ac vincla Neptuno furenti
Addita monstriferoq₃ ponto
Quâ Scaldis ingens Nereâ dulcibus
Percurrit undis, & caput urbium,
Te præfluens Anversa, multo
Eximiam locupletat auro.
Auro sed artes dum pereunt bonæ,
Rectumq₃, verumq₃, & pudor, & fides,
Fædo peregrinis honestum
Deliciis abolente luxu,
Luxumq₃ vitans Religio procul
Absistit aris, nec precibus studet
Votisq₃ delenire Numen,
Rite pius operata sacris;
Plebs inquieto concita spiritu,
Infida, fallax, ut facinus luas
Immane, quod magni sit iussa
Excutere imperium Philippi,
Stat structa vasto machina gurgite,
Inuisam egenis concilians famem,
(Humana quam vis nulla frangat,
Aut tumida rabies profundi)
Tam firma summis fluctibus incubans,
Pilisq₃ iunctisq₃ ordine nauius
Fundata, quam si haberet alto
Colle minax, solidone saxo.
Oppugnet Auster turbidus æthera,
Ruatq₃ ab imis vorticibus mare,
Secura tempestatis atrum
Intrepidè opperietur Austrum.
Nec est tonantem quod metuat Iovem,
Cui cura Regum sceptrâ gerentium,
Ut perfidam impuramq₃ turbam
Suppliciis reprimant seueris.
Quos noster omnes exuperans pia*

Virtute quid non speret, & impetret?
 En alterum adiunctum paternis
 Imperiis moderatur orbem.
 Agnosce summum (nam minor es) Deum,
 Dignūque dignis obsequiis cole.
 Coles inherendo Philippe,
 Iustitię, scelerumq; pœnis.
 Hęc sola tanta causa potentie,
 Hic finis, ut quo fortior emines
 Sis iustior. Sic fama crescet,
 Crescet honor, cumulusq; laudum.
 At vos scelesti, vos (precor) impij,
 Quis iste mentes exagitat furor?
 Non Regis hęc sunt orsa, Divūm
 Res agitur. Quibus ille fidens,
 Quorumq; nitens auxiliis, bonum
 Quaecunq; cœpit ducet ad exitum,
 Plorantibus commissa vestra
 Qui socij fuerint ruina.
 Læsi quod ira sic fore Numinis,
 Ne mente cæcis quis dubitet, palam
 Fatalis, en, exclamat illa
 Machina. Sed quid agat monendo
 Quos prorsus omnis destituit pudor,
 Quos prava rectis, quos tenebras iuvare
 Preferre luci, turpe honesto,
 Dedecus opprobriumq; laudi?
 Ite obstinati, pergite quod lubet,
 Quoq; efferatos Eumenides trahunt.
 Contendite, implorate quidquid
 Rex Stygię tenet ater ore,
 Unde illa nuper rebus in ultimis
 Quęsita diris auxilia artibus,
 Cum noctis æternę tenebras
 Attonitus trepidabat orbis.
 Inauspicatus, vane, & irrita

*Cum DIs resistunt est hominum labor,
Sed fausta, sed laudanda per qua
Impietas prohibetur arma.*

*Tu vero iniquos iusto odio premens,
Tantiq, Regis munera sustinens
Romane Alexander, nec illo
Inferior qui, Asiam Pelasge
Quod iunxit ora, creditus hunc ferox
Vicisse mundum, optauit & alterum,
Confide. Qui Regem tuetur
Te simul ut tueatur equum est.
Nec te monendo prateritam velim
Anuersa. Cessas ah nimium diu.
Ni pœnitet, quæ bis peristi,
Mox iterum, at grauius, peribis.
Sed fallat omen. Tu modo tu sâpe,
Locum antè spretis dans melioribus,
His crede. Magna est ira Regis,
Maior erit pietatæ parentis.*

LÆVINI TORRENTII
IN LAVDEM BALTASARIS
GERARDI, FORTISSIMI
TYRANNICIDAE.



*VID Phœbe cessus? arripe barbiton,
Intende nervos; præcine carmina,
Quæ tibiis, quæ voce molli
Æonia recinant puella.*

*Non parua res est, non humili modo
Tentanda, pœnas dicere debitas
Soluisse sese venditantem
Excidio patria tyrannum,
Quo nullus unquam senior extitit,
Occultiôrue, atque inde nocentior.
Præuisa deuites, opertum est*

Exitum simulata virtus.

*Hac nixus arte ut non alius magis
Guillelmus ille Orangius, ah pudet
Narrare quot qualesq, quanta
Impulerit populos ruina.*

*Quid orbe toto illustrius eminent
Quam Gallie fama inclita Belgica?
Hanc perdidit, vertitq, laudem
Dedecore, opprobrio, pudore.*

*Nec verò abactas conqueror hic opes,
Vastos nec agros, vasta nec oppida,
Non coniuges ad stupra raptas
Cum pueris simul, & puellis.*

*Cedes, rapina, incendia quid nisi
Ludus cruenti Martis? Et hæc quidem,
Necessitas ut dura iussit,
Iam tulimus, ferimusq, ferri
Qua mente debent, (quippe homines sumus,
Humana nec fas effugere est mala)
Maiora sed lugemus orta.
Vnius impietate damna.*

*Ceu dirus anguis qui gremio latens,
Tectasq, fallax insidias mouens
Inuadere ingentem Philippum
E latebris meditans dolosis,
Sperare letum cœpit ubi exitum,
Effrenis, audax, improbus, insolens,
Legumq, contemptor, verendum
In domini caput immerentis*

*Contorta vertit cornua, & in dies
(Ut sit proteruis cum perit pudor)
Maiore succensus furore,
Celo etiam Superisq, bellum
Intendit atrox. O miserum genus
Humanum, ut uni tot liceant malâ
Impune, tot grassatus annos*

Et dominum & patriam nefandis
 Dinexet armis, commoda publica
 Verrat rapinis, otia destrahat,
 Condemnet omnes, ipse mœchus,
 Sacrilegus, violentus, exlex.
 Cur templa Diuûm deiicit ardua,
 Euerit aras, frangit imagines
 Assigna, quæ nos vsque nostra
 Esse iubent memores salutis?
 Peiora dicam, & quæ magis attinent.
 Cur damnat illam quam colimus Crucem,
 Mortisq; denicta tropæum
 Mentem mala furiat us odit?
 Est hic quod addam, dum sceleri scelus
 Innectit. Ipsum cur adytis Deum
 Sub pane sacrato latentem,
 Vitigeno & medium liquore
 Exturbat amens? Heu nimium ferox,
 Quò tendis ultra? Sat vitis datum.
 Quò tendis? Eben, parce. Tanto
 Nil reliquum, ô miser, est furori.
 Fortuna summo te statuit gradu.
 Compone mentem, vel Nemesin caue.
 Irata momento prudendam
 Precipitem dabit in ruinam.
 Nec quare possit quo fieri modo.
 Iannilli id olim te docuit manus.
 Nunc astat alter, qui peremptum
 Sternat humi meliore dextra.
 An fallor? Audire en strepitum pedum,
 Et cernere ictus mi videor granes.
 Eia enge per sta, stringe ferrum.
 Cum timido tibi res latrone.
 Vicisti, ô ingens Sequanica decus
 Perenne gentis, maxime Baltasar
 Gerarde, vicisti, nec ullo

Inferior tua laus triumpho est.

*Tot sanctus olim namque laboribus
Quid tam notandum prestitit Hercules?
Maiore quam portenta fructus
Mortiferi pereunt tyranni.*

*Sed summa quamvis hinc tibi gloria,
Est quod stupe scat posteritas magis,
Constantia, inuictaq; mentis
Perrea vis, animiq; robur.*

*Tu nempe tantum cum facinus volens
Lubensq; fausto aggressus es omine,
Non plausibus, vanaq; ductus
Gloriola populari aure,
Sed laude pura, nec sine Numine,
Non nesciebas que tibi Barbari
T tormenta deprenso pararent
Carnifices. Sed & illa temnens,
Vnamq; virtutem ante oculos habens,
Et regna Christi, & gaudia Calicum,
Vt clarus oppresso tyranno,
Sic stabiliratione victo*

*Mox temetipso clarior, horridis
Non te moueri suppliciis sinis.
Stat licitor intentans secures,
Verberaq;, & gladios, & ignes,
Vnguesq;, & uncōs, pluraq; non prius
Audita pœnarum & genera & modos
Que dicta (nedum visa) honesto
Ingenauum moueant ruborem.*

*At tu irretorta singula perferens
Cervice, mentemq; indomitam gerens,
Non voce testatus dolorem,
Non gemitu, sed in astra vultus
Figens viriles, nec timidus mori,
Morte inferendus Calicolū choris,
Æterno ab omni labe puram*

Reddis ouans animam parenti.
 O expetendum fortibus & bonis,
 O gloriosum supplicij genus!
 Quot intulit tormenta tortor,
 Tot capiti posuit coronas,
 Quas nec malignæ decutiant nives,
 Nec densus imber, nec niger Africus.
 Mansura sunt quacunque larga
 Dat meritis Deus ipse dextra.
 Inuiete salue, salue iterum, meis
 Dicende chartis. Sed tamen hæc tua
 Pars quanta laudis? Tute nostra
 Tu decus & columnen Camene.
 At vos Bataki, talia quos inuant
 Spectacula, fisis atra cruoribus,
 Pro fonte dum mactatur insons,
 Lausq; odio, scelus est honori,
 Nec cæcus error precipites agat,
 Audite vera & discite nomina.
 Rex ille quem spreuistis, ille
 Quem colitis merus est tyrannus.
 Nec qui tyrannum sustulerit reum
 Sontemq; duci conuenit, at pium
 Sanctumq; consecrare fastis
 Cum titulo patriæ parentis.
 An prisca forte ad vos feritas redit,
 Gaudetq; mores fingere Barbaros?
 Hæc iusta spreti pœna Regis.
 Jam sapite, aut grauiora restant.

FINIS.

LÆVINI

TORRENTII

9 DARVM AD AMICOS

LIBRI DVO.

323

LÆVINI TORRENTII
ODARVM AD AMICOS
LIBER PRIOR.

Ad Octauium Panagathum cognomento Patrem.



CTAVI, studiis præsidium meis,
O & Pieridum lumen, & Itala
Ingens gloria gentis,
Priscum qui renocas decus,
Cuiusq; auspiciis, seu pede iungitur,
Seu laxa est habitu pagina libero,
Nulla sacula laude
Cedunt nostra prioribus,
Sunt qui Socraticis inuigilent libris,
Ut rectis animum moribus imbuant,
Sunt qui lucida templa,
Augustas Superum domos,
Acclinesq; polos, & vaga sidera
Lymphata rapidi mente perambulant,
Sunt quos omniparentis
Natura artifices manus
Miratos liquido quicquid in aëre,
Monstrososq; procax ediderit mari,
Et terra simul omni
(Quo laudabilius nihil)
Vestigare iuuat, nec sine Numine
Gauisi ingenuo molliter otio
Imi se irrequieto
Secernunt populi grege.
Procurant alij munera cinium,
Et nouisse labor ius quibus artibus
Sacra lege magistra
Mensura tribuant pari.

Multos prateriti temporis anxium
Exercet studium, curaq³ non levis,
Quanto Gracia quondam,
Et Roma, & Latium ferox
Prostrarint acies robore Barbaras,
Qui mores hominum, qui status urbium,
Et quo pondere ritus
Antiqui superent novos.
Nec paucos meritis ornat honoribus
Docta gratia lingua, Aonidum aut chori,
Et consortia vatum,
Lauriq³, & cithare beant.
Non desunt cupidis plurima gloria
Instrumenta viris. Nec minimum interest
Quo quis fidere natus
Quem vita Genium ferat.
Ait agrè tribuens singula ceteris
Ultrò dona tibi contulit omnia
Tam profusa suorum
In te & prodiga munerum.
Natura, ut neque tot pascua floribus,
Nec tot sint nitidis sparsa lapillis
Rubri litora ponti,
Quot tu laudibus emines.
Testis præcipue palma scientia
Cui tam iure datur quin tibi cesserit?
Magni Numinis instar
Doctis tu simul omnibus.
Tu quodcumq³ probas nemo reprehenderit,
Tu si quid reicis, nemo probauerit.
O & regula recti,
Et vita specimen probe,
Consultiq³ gerens nomen Apollinis,
Qui tam certa refers Palladio gregi
Tota oracula Roma,

*Si me vatibus inferis
Innectens viridi tempora laurea
Ut si Castalio fonte rigem labra,
Toto cognitus orbe,
Non vlla moriar die.*

Ad Hugonem Bontium, sodalem

H VGO, meorum prime sodalium,
Cum quo tot annos sospes & integer
Letusq; transégi vadosis
Quâ Ligeris spatiatur undis,
Quâ flexuoso Dilia gurgite
Se inuoluit altis vorticibus frequens,
Gratoq; delectat susurro
Pierias iuuenum cateruas,
Et quâ reducto parvus in alueo
Rhenus pererrans Felsineos agros
Nomen sibi usurpauit ingens
Indomiti ambitiosus amnis,
Quocunque vitam duximus in loco
Valere curas iussimus arduas,
Mare non dulces amores,
Non facilem prohibente somnum.
Sic literatum exegimus otium,
Sape innocenti latitia merum
Ludosq; miscentes, iocosq;,
Et medios salibus cachinnos.
Alterna Bacchus tempora separans
Ab erudito Pieridum choro,
Alterna subiunxit labori
Gaudia, peruigilesq; chartæ
Nequid nocerent, addidit aurea
Quæ consecrarant pocula Gratie.
Sic Liber, & Musa, Venusq;,
Et Charites colere in unum.

*At nunc vicissim (Prò male dispari
 Ut cuncta versat Parca ferox vice!)
 Paulo antè qui tecum beatè
 In studiis placideq; vixi,
 Roma inquieto pectore languida
 Mentis dolores perpetior graves,
 Turbatus afflictusq; curis,
 Assiduq; agitatust es tu.
 Hic namque vita dum meditor modum,
 Metamq; rebus figere destino,
 Quod suadet atas, iam iuuenta
 Ab celeri fugiente penna,
 Incertus erro consiliq; inops,
 Nec quid secutus quid fugiam scio,
 Ut forteramos oberrans
 In triniis, fragilè mœ sauo
 Regens phaselum dum trepidat mari,
 Omne artis expes auxilium monet,
 Frustra, quod ex omni furentes
 Parte ruant feriantq; ventè.
 Suadet quietem non modicus pudor,
 Imbelle corpus, feruor & ingeni
 Ad sacra Musarum sonanti.
 Deproperans stimulatus æstro,
 Sed grata Musis scèter ut oia
 Repugnat almæ spes bona gloria,
 Pastusq; ad insignes honores
 Per medias iubet ire turbas,
 Urgens togato ut cum grege prosequar
 Feruens tribunal, & strepitum fori,
 Aut Principum diuerser aulis
 Sidonium veneratus oëtrum.
 Hinc Roma molli gratior aëre,
 Magnisq; Diuûm maneribus potens,
 Hinc patria me cura amorq;*

Disparibus retrahunt catenis.
Nunc vita calebs ac viduus torus,
Nunc grata casta coniugis oscula,
Et leta natorum propago, &
Blanda patrum placuere regna.
Quocunque gressu transferor anxio
Vix pauca verè contueor bona,
Dénso sed ingentes malorum
Agmine conglomerant cateruæ.
Deus beatos efficit. O pater
Diuinum rogantem respiciens iube
Sit leta, sit comis futura
Summa mihi facilisq; vite.

In classem Galloturcicam.

DE VOTA classis, Gallica fultos ope
Ferens cruentos Barbaros,
Inuisa quantum dira gentibus fames,
Pestisq;ue, & atra incendia,
Communis eheu orbis afflictæ dolor,
Et publicum infortunium,
Qua te maligna vis acerba Erinnyos
Dirum allatrante Cerbero,
Vt tremeret atri sæua Ditis regia
Terrore Manium graui,
Tetris Auerni prouolutam fancibus
Ad fatalum obuertit mare?
Annon malorum sat superq; mutua
Discordiæ nobis ferunt,
Nisi efferis per grande traducti nefas
Emancipemur Barbaris?
Quid enim ista tandem ostenta portendunt noui?
O rem nefandam & impiam,
Horrente celo, & execrante Numine

Nunquam expiandum opprobrium!
Quos nec parentum sacra, nec cultus Dei,
Nec lex, nec iidem obuinciunt
Mores, sed una utrosque agit dementia,
(O sancta sanè fœdera!)
En Galloturca, ter scelesti & impij,
Per nostra seuiunt mala.
Credam Chimera pestilentis igneos
Flatus, & immitis lea
Rictus olentis additos membris capri
Desinere in anguem luridum.
Credam, impudice turpe Pasiphaë's scelus,
Taurum bisformi corpore,
Adeoq; terra fetus anguipedum ut cohors
Centena tulerit brachia.
Quæ namque Galli monstra non vincunt probra
Coniuncti apellis integri?
Vbi nunc malorum est ille propulsor Deus?
O Imperator, vnice
Tutor quietis, & sacrati nominis
Vindex, paterq; gentium,
Gallos proteruo dissolutos otio,
Multoq; lymphatos mero,
Et saepe Turcæ falsa mentitos sacra
Magnis fugasti cladibus
Victor seorsum. Gemina nunc simul mala
Si Galloturcas viceris,
Infame monstrum, Pegasi vector ferox,
Magnusq; Theseus gloriam
Tibi relinquent ipsum adæquanti Iouem
Pœna Gigantum nobilem.

In pisces Hippolyti Saluiani,
Medici, & Philosophi.

AL T I S natantum fluminibus greges,
Omnemq; gentem quam pelagi pater
Coercet immani sub unda,
Tum populi studia atque mores
Formamq; narras, conscius omnium
Quaecunque magno progenerat mari
Natura, tam nusquam stupenda,
Tam varia memoranda ab arte,
Insigne mastis consilio & fide
Solamen agris, quos pede languido
Cymba propinquantes Anerni
Perpetuis reuocas tenebris.
Primum quid ergo admirer? An ingeni
Quod tam affluenti fonte rigauerint
Te Di benigni, arcana sensu
Omnia sic penetrantem acuto?
An ipsa rerum monstra reconditis
Educta ab antris? Hic labor est tuus.
Res magna, pertractanda magni
Hippolyti studio atque cura.
O vim profundam pectoris intimi!
O efficaces artificis manus!
Quod docta norat mens ita aptè
Assimilans imitata dextra est,
Vt piscem ab omni conspiciens grege
Natare credas, & tremulum breues
Saltus in orbem flexuosum
Per liquidas agitare chartas.
Cur deinde senos sollicitet Deos,
Vitamq; credat fluctibus horridis
Secreta qui rimatur imi
Gurgitis instabilisq; ponti?

*Molli quietus viuat in otio,
 Et Saluiano nautica consecret
 Securus armamenta, longo
 Et placido fruiturus æuo.*
*Tu Numen illi, Numen es omnibus
 Quicumque vitam perferimus grauem
 Morbis, tot occultis ubique
 Insidiis veniente leto.*
*Tu namque raris præditus artibus
 Doces acerbis porgere opem malis,
 Portenta conuertens in vsum,
 Vt miseros hominum labores
 Admota tollat vis medicaminum,
 Non antè notis auxilijs potens
 Tardare festinata mortis
 Spicula, perpetuumq; somnum.*

Ad Iohannem Antonium Taxium, Cursum
 Caroli Cæsaris magistrum.

NON sic fatidico concita Numine
 Suspensos animos turbat Apollinis
 Vates, ambiguas si qua petentibus
 Sortes ex adytis refert,
 Ut tu cum dubio sine potentium,
 Narras consilia exorsaq; Principum
 Quos & Sol oriens lustrat & occidens
 Summo conspicuos gradu.
 Multos conciliat gloria Cæsaris,
 Plures alliciunt munera Gallie.
 Hinc atque hinc pariter vim metuant quibus
 Cura est Ausonia salus.
 Inquirunt alij quid celeres parent
 Turcæ, quid veteris nominis amuli
 Persæ, num simili roboris impetu.

Martem

Martem sollicitent grauem.

*Omnes scire volunt omnia, dum neque
Arcanis Superum parcimus improbi.*

Tu cum sis igitur conscius omnium,

Quâ lex & ratio sinunt,

Circumstant te auidi, mente sed anxia

Sperant solliciti, nec metuent minus.

Spes confusa metu cor tremulum quatit,

Vultumq; ancipitem color

Immutans animi proditor abditos

Secessus aperit pectoris intimi,

Cum qui purpurea tinctus erat rosa

Buxo pallidior tremit.

Quos inter solida tu stabili gradu

Mentis nec studio deiiceris leui,

Nec ferues odio turbidus aspero,

Nec fluxa varia fide.

Immoto celeres axe volant rota,

Immoti rapidum circumagunt poli

Calum, sic mediis ipse tumultibus

Constans & placidus manes.

Vltro tam variis omnia casibus

Misceri sapiens constituit Deus,

Venturi metuens quisque periculi

Soli fidat uti Deo.

Quid refert bona quis nunciet, an mala,

Si nil perpetuum, si vicibus sequi

Hæc sic Fata volunt noctis ut humida

Succedit tenebris dies?

Ad Bernardinum Mafæum, Cardinalem.

MA FÆE, summi maxima Principis,
Et vaticana gloria Curia,
Quo Roma se iactans alumna

Præteritis

*Præteritis decus aequat anis,
 Paullum seuera grandia purpura, &
 Sancti Senatus munia differens,
 Concede securus quietis
 Tempora liberiora Musis.
 Musa, supremi delicia patris,
 Grato Tonantem carmine leniunt,
 Seu victor immanem sonanti
 Condidit Enceladum sub Aetna,
 Calumne flammis eripuit, grauis
 Vnde imminebat Calicolis metus,
 Turbante disiectos parentis
 Attonito Phaëtonte curru.
 Vtunque magno, cum fove sis minor,
 Cura lenamen Pieris afferat,
 Aulaq; defessum labore
 Pierio recreet sub antro
 Tunc hora nostris commoda lusiis
 Non indecoro letus in otio
 Cum rure te oblectas amæno
 Vrbe procul strepituq; vulgi.
 Negotiosi te vsque palatij
 Vrgente cura, publica Principis,
 Urbisq; terrarum potentis
 Commoda præripuisse nolim.*

Ad Franciscum Haluinum, & Franciscum
 Balsanum, sodales.

ERGO relictis heu mihi sodalibus,
 Sodalium integerrimi,
 Dulciq; nobis gratiores lumine,
 Vitaq; dilecti magis,
 Postquam iocoso explenerit vos otio
 Prima urbium Neapolis
 Non per virentes fertilis Campania

Colles ad urbem Romuli
 Redire stat sententia, hic uberrimo
 Vt perfruamur gaudio,
 Festisq; lati transigamus poculis
 Dicata Baccho tempora,
 Deserta sed per æstuosa Apulia
 Ac fœda cadibus loca,
 Durumq; & inquietum agrestium genus,
 Nec aduenis fidum satis,
 Queis hospitale nil timentes ab Ioue
 Manus cruentas inferunt,
 Periculosam metiemini viam
 Furentis usque ad Hadriæ
 Infame litus, atra visuri freta,
 Et proximo ad mortem gradu
 Vitam carinis credituri putribus,
 Et fluctuum libidini,
 Nec proprio, sed impotentis Africi
 Circumferendi arburio.
 At ô Deorum quotquot horridi truces
 Frenatis impetus maris,
 Quorumq; sancta quando fulgent sidera
 Unde minaces concidunt,
 Arcete ventos innocentium rate,
 Quos non cupido peruicax
 Pellacis auri, insigniumue huc compulit,
 Vesanus ardor mercium,
 Sed alma virtus ardua gaudens via
 Rerum per usum crescere.

Ad Basilium Zanchum.

ZANCHE, qui dulci modularis ore
 Carmen, & paucis veterum secundus
 Mentis ingentes aperis recessus
 Diuite lingua,

Calitum

*Calitum narrans choreas, & alma
Virginis partum, & bona multa partus,
Vnde felicitis sophia sacratos*

Conferis hortos,

*Quas pia grates referam Camena,
Quod peregrino genitus sub orbe
Romulilatam veniens Remig,*

Visere gentem,

*Serius hic tanto didici magistro,
Dum rudem formas placidus inuentam,
Qua via possem Aonidum beatos
Scandere colles?*

*Nam bona natum segeti ferenda,
Nec satis cultum miseratus aruum,
Sarculo vepres loliumq, nostri
Gnarus agelli*

*Eximens, multo meliora reddis,
Virgili siluas & amœna prata
Sedulus monstrans, & amicta nigris
Fronibus antra;*

*Antra facundis celebrata Musis
Cum quod extantum mansat per anum
Italo doctum meditantur ore
Dicere carmen.*

*At mihi si quid superet quod ultra
Torqueat fato Lachesis benigno,
Nec suo versus renuat poëta
Phœbus Apollo,*

*Quàm iuuet terris duce te relictis
Mente transferri ad Superos sagaci.
Imparem dicet, tamen approbabit
Serior etas.*

Ad Galcatium Florimontium, Epi-
scopum Sueffanum.

ET recta nosti, & moribus exprimis,
Nec lingua menti discrepat, ac pia
Par vita doctrina, tuisq;
Exequeris studiis honestum,
Teq; inde nulla demoveant mine,
Non dona regum, non metus hostium,
Non mille si tormenta tauro
Sicanij addiderint tyranni.
Cui namque rebus carior omnibus
Est alma virtus, opprobrium fugit.
Non Nestoris tot secula lasi
Accipiat pretium pudoris.
O te beatum tam bene qui sapis
Sueffane, ô ingens Pontificum decus.
Ducente qui te cunque quæret
Haud dubiam inueniet salutem.
Quando esset ætas apta laboribus
Quis temperandis unquam operosior
In rebus? At transacta postquam
Tempora te repetunt quieti,
Non aula, non iam Roma tenet, sacra
Aut vota tardant improba purpura,
Non parua quem gessisse honores,
Maxima sed meruisse laus est,
Vt cunque vulgi sensus abhorreat,
Quod raro honestum cernit ab utili.
Sed rara te vulgore mouit,
Et docuit meliora virtus.
Ergo beato vinis in otio
Quâ lata pulchris Sueffa iacet ingis,
Quam corpore imbecillus, acrem
Tam retinens animi vigorem.

Sed transeuntem cetera te tamen

Hoc urget unum, ut, doctior in dies,

Et sanctior, quæ recta nosti

Ritè tuos doceas colonos

Pastor quieti sollicitus gregis,

Cui tuta curis omnia sunt tuis,

Dum suggeris præcepta Divûm.

Ambrosio meliora succo.

Ad Octavium Panagathum in mortem
Cardinalis Saluiati.

FELIX Deorum vita doloribus
Soluta veris perfruitur bonis.

Nam cuncta detergens amara

Affiduè rigat ora nectar.

At nos, caduci quos generant patres,

Contagionem degeneris luti

Sentimus insignes & imi;

Nec vitium medicamur auro.

Venti procellis æquora concient,

Crebrisq; cogunt nubila flatibus,

Nos cordis affectus iniqui

Perpetuo quatiunt tumultu.

Amata dudum spernimus improbi,

Exosa votis mox sequimur lenes.

Nil lenè pacatumq; nobis,

Dum stimulis agitat cupido

Aut colligendæ prava pecunie,

Aut comparandæ turbida gloriæ,

Rerumq; quas ne consequamur

Fata vetant dominaq; Parce.

Pertusa ludit Belidas urnula,

Sperata fallunt Sisiphon otia

Frustra, quòd aduerso labores

Monte fugax retinere saxum.
Nil Inferorum differimus malis
Cum spe tenentes quod miseros iunet
Frustramur, ut si nata portum
Cymba graui pereat procella.
Quid ergo? Recti consilij tenax
Feret. quod (heu) tollere sit nefas,
Legemque qua sortimur euum.
Non animo patietur agro.
Quem munit alma vis sapientia
Beatus in se possidet omnia,
Ac vana fortune minacis
Spicula, & assiduos rotatus,
T tormenta vulgi, negligit, illius
Securus extra quod positum videt.
Fortuna, Fatum, Parca iussis
Alterius famulantur aquis.
Hic summus ille ille arbiter est Deus.
Deum vereri cura sit unica.
Securior quo quisque vinit,
Hoc melior propriorque calo est.
Hac differentem te memini Pater.
Quin tute praestas quod reliquos mones?
Confectus atroci dolore
Funeris immeritaq; mortis
Qua Saluiatum perdidimus, vice
Sanè dolenda, sed ratio vetat
In corde prudentis ferendos
Vix satis in populo tumultus.
Compesce luctum. Quid sapientia
Malis mederi nescia proderit?
Satis superque (heu) damni in uno
Cepimus, ut gemines caueo.

De Cæsaris ad Oenipotentem recessu
ad Hippolytum Capilupum.

O MORES hominum! ô fœda licentia!
O calum, mare, terram, ô Superum fidem!
Audax nuncia falsi,
Et vulgi stupor aurium,
Tu quod fama refert credideris nefas?
Flagrantem rapido fulmine Iuppiter
Imis sedibus orbem
Suprema quatiet die,
Nec grandes pluuiæ, nec fluidus liquor
Quicquam caruleum Nereæ iuuerint
Ut vastissima regna
Atris seruet ab ignibus,
Victum cum dabitur cernere Cæsarem,
Infamemque fuga & viribus imparem
Pugna cedere palmam
Victis iam semel hostibus.
Terram Cæsar habet, Iuppiter ardui
Ius cali. Ille homines, hic superos Deos
Certo fœdere regni
Sceptro parè regunt pari.
Iuncta Calicole si veniant manu,
Vnum omnes solio non moueant Iouem,
Ipse vnus simul omnes
Nigra in Tartara merferit.
Et quis magnanimi Cæsaris amulos
Quis sanus metuat? Mole potens sua,
Ut saxa ardua ventos,
Vanas despiciet minas.
Nec vinci potis, aut opprobrium pati,
Dextris qui toties auspicijs feros
Debellaueris hostes,

Nullo unquam titubans meum.
 Testis bis domita laurus ab Africa,
 Actusque ancipiti Turca ferox fuga.
 Testes vincula regum
 Collo iniecta minantium,
 Et maesta horrifera funera Gallia,
 Cum Ticine fremens gurgite lurido,
 Multa & cedere redundans
 Spumantem inficeres Padum.
 Quid victis referam gentibus additos,
 Captivo horribili Principe, Saxonas,
 Immanesque Sicambros
 Humana citius fide?
 Hac fecisse parum est, Oceanus iugum
 Passus mancipio dat mare puppibus
 Inuietus quibus orbem
 Caesar, repperit alterum,
 Et te Bacche pater maior, & Hercule
 Victrices aquilas ad populos tulit
 Quorum nulla parentum
 Aetas nomina nouerat.
 Ergo quid domiti iam semel auspice
 Gallo, sed domito sepius, audeant
 Contra Caesaris arma
 Germani duce perfido?
 Paulum precipiti cedit ab impetu,
 Consultaque furorem imminuet mora.
 Mox proruperit ipse,
 Maturaque potentia
 Innitens, proprio audacior alite,
 Cuius regna vagos in volucrum greges,
 Horrendoque leone,
 Magno quadrupedum duce,
 Quocunque arma feret proruet omnia.
 Victori meritam vertice nobili

*Nectet gloria laurum,
Æternum accumulans decus.*

*Clades certa sibi vis sapientia
Expers, Consilio fortis eget manus,
Martem spreuit ut ingens
Tydides ope Palladis.*

*Vis consulta tibi, & lenta nocentibus
Casar bella moues; at similis Deo
Tardam strenuus iram
Pensas supplicio graui.*

Ad Andream Masium.

FACVND E *Masi, magnus ipse maximo
Comes futurus Principi,
Vrbis beata dulce mutans otium
Laboriosis Alpibus,
Et horrida tumultibus Germania
Tranquilla nobis tempora,
Ibis per alta montium cacumina,
Inuisa Gratijs loca,
(Nix astuosa feruidum vbi canicula
Inuicta spernit impetum,
Durantque nebula, inutilisque & omnium
Ignara tellus fructuum
Cimmeria panè regna, & ignaua Stygi
Torpente pracedit sinu)
Visurus acri Casar ut pugnax manu
Hostem fatiget impium,
Ruâtque victor, vi potitus vrbibus
Ipso tremendis nomine.
Quid Pallas, & nouena Musarum cohors,
Quid Phœbus interim parat?
Quotquot bicipitis alta Parnassi iuga
Festis sonora cantibus,*

Fontesque colitis, & beata pascua
Qua nullus attingit dolor,
Venite Di, Deaque, o piissima
Vatum piorum Numina,
Venite sacra praesides scientiae,
Et magna mundi lumina,
Dignoq, digni adeste custodes viro,
Et sospitem reducite.
Adeste, nec turbauerit vos ardua
Longaq, discrimen via.
Non indecorum praeium feret labor
Docto valente Masio.
Non alter illo vestri amantior gregis,
Non alter observantior,
Nec ullus unquam tot politus artibus
Ad rem iuvandam publicam.
Aequum precamur, quod sit orbi commodum,
Magnaq, vobis gloria.
Servate cuius vita prodest omnibus,
Mors profutura est nemini.

Cæsaris in Morinis victoria.

E*Ia repostum prome puer merum*
Fuliginosa strenuus amphora,
Bacchumque dissecta solutum
Compede per solidos deunces
Appone mensis. Festum agimus diem.
Nunc est bibendum, nunc nova tibijs
Cantanda lascivis amantum
Carmina sunt iuvenum choreis.
Antè inquieto sollicitos metu
Nefas latentem prodere Liberum,
Perterritum hostili tumultu,
Et rabido ah nimium furore.
Non astuanti sic scopulos freto

Tondunt procellæ mobilis Hadria
Vt cunque contempto feruntur
Imperio sine lege venti,
Vt Gallus acris prornit impetu
Flammâsque, cadêsq, & rabiem parans,
Dum sperat infandam sacrati
Cæsaris imperij ruinam
Fervens inuenta, atque auxiliarium
Ferox minaci robore militum,
Quod dira Germani iuuarent
Arma truces, agilesq, Turca.
Sed innocentem perdere Cæsarem,
Quem Di tuentur, quæ poterat manus?
Ergo ipse victricem fideli
Consilio moderante dextram
Hostem insolentes dedocuit minas,
Repente versis funditus urbibus
Extrema quâ Tethys sonantes
Voluit aquas, Moriniq, sæua
Virtute magnos vix veriti Deos,
Altisq, f. si mœnibus horrida
Nunc morte mulctati quiescunt,
In cineres abeunte fastu.
Superba moles turribus arduis,
Ac digna credi Calicolûm labor,
Turbabat ingenti stupore
Luminâque attonitâsque mentes.
Sed Dis timendas anguipedum manus
Spretura, & ipsum cum tonitru Jovem,
Vi Cæsaris deiecta aratrum
Insolitis patietur aruis.
Sic nempe Galli parturiunt sibi
Nobis minati quæ fuerant mala.
Nos grandia inuicti tropæa
Cæsaris ab Morinis canamus.

Ad conuiuas amicos.

NOLIM purpureis fercula regibus,
 Et ponenda sacro Pontificum gregi
 Expectetis amici
 Parua pauperum in domo.
 Non hic nobilibus conditus amphoris
 Languescit senio Bacchus, & abditos
 Sub fuligine multa
 Annorum titulos tegit,
 Nec sanum it fragili per mare cymbala
 Promus Sicani gurgitis intima
 Lustrans, aduena piscis
 Largus ut decoret dapes.
 Mensis hac sapiens linquet Ionicis,
 Et quas perdita luxu Sybaris fruit,
 Vita obnoxia ventri
 Fœda seruit ubi gula,
 Et frangi esse nefas, noxæque non leuis
 Turpi dissimilem viuere bellua.
 Nos, quod regula recti,
 Et constans ratio docet,
 Ponemus modicis hunc epulis modum,
 Nil natura negatum ut doleat sibi,
 Et conuiuia vita,
 Non illis ea seruiat.
 Non desint animo delicia sue,
 Accedet dapibus dulcior omnibus
 Docte gratia lingua
 Condita ingenuis iocis.

In febrim O Stauij Panagathi.

INVISA febris, horrida luridi
 Satelles Orci, quam gelidus rigor,
 Quam pallor infelix, suique

Nescia mens sequitur, furorque,
 Tunc ausa tantum (prò pudor!) es nefas,
 Ut te ministra criminis impij
 Saurire fatales senecta
 Ante diem properent sorores,
 Damnantq; tristi Panagathum nece,
 Quo nemo vitam sanctius egerit?
 O quanta venturo malorum
 Agmina conglomerentur auro,
 Quàm fœda mundum nox tenebris premat
 Si fata nobis abstulerint virum
 Quo Pallas extincto videri
 Nolit, & ambrosium leporem
 Mestis Apollo varibus auferat,
 Nec Liber acres concitet impetus,
 Nil Gratia, nil Cypris ulli
 Conferat, Aonidesque Musa
 Pendere inerti muta silentio, &
 Sordere turpi pleetra sinant situ,
 Ut fertur Orpheus cum proterua
 Bistonidum perijisset ira!
 At ô Deorum rector ab arduo
 Tonans Olympo, solus & omnia
 Pro mentis aeterno gubernans
 Arbitrio stabiliq; nutu,
 Eritne duris tanta licentia
 Concessa fati? Prò miserum genus
 Mortale, si dum cura inani
 Quisque suas meditatur artes
 Nil à scelesto discrepat integri
 Spectata claris vita laboribus,
 Quin morte rumpatur sub ipso
 Principio, medioq; cursu!
 Terram prementes pondere inutili
 (lactura parua est) serius, ocius

Tollantur,

*Tollantur, immanique viles
Inferia obijciantur Orco.*

*Magni estimanda est Panagathi salus,
Quo gaudet omnis Roma superstiti,
Fletura defuncto, nec ullis
Temporibus paritura talem.*

Cornelia in eundem.

RERVUM potiri quis dubitet Deum?
*En servat aqua quos voluit manu,
Perditque, diuinam potenti
Iustitia moderante dextram.*

*Ut cunque certi dura necessitas
Fati supremo cesserit arbitro,
Qui signa, qui dispersa latè
Sidera, multiplicesque cali
Rotantis orbes, & Superùm domos,
Atque efficacis cornua Cynthia,
Phœbique perlucens axes
Temperat omnipotente dextra.*

*¶ Jam panè acerbi viderat Acaci
Furuum tribunal, toruagq, luridos
Per colla torquentem colubros
Cerberon, horribilèsq, hiatus
Voracis Orci, at munere Calitum
Euasit omnem Panagathus metum,
Repente condonatus auris
Aetherijs, dubiaque vita.*

*En viuit. Et quis debita cni magis
Sit vita quam qui commodus omnibus?
Accepta calo es Roma, postquam
Erubuit spoliare tanto
Te Parca thesauro. En etiam Deo
Decedit ultro, ac prodiga plurimos*

*Ducenda promittit per annos
Stamina de meliore lana.*

*Nec antea est per volucres dies
Accedet cui summa sequentibus.
Natalis ille est quo renixit,
Inde recens numeretur aetas.*

*At vos virentis quos edera iuuar
Sperare doctis pramia frontibus,
Gaudete communi recepto
Dulcibus in studiis parente,
Et lecta templis ducite munera
Festum colentes carminibus diem,
Qui illi salutaris, mea que
Carior est mihi iure vita.*

In mortem Marcelli 11. Pont. Max.

AETATEM *ah miserè nimis
Inusam Superis vivimus improbi.
Hinc multa in steriles boni
Iustis supplicijs agglomerant mala.
Anne villo potuit magis
Deprendi indicio gentibus imminens
Lasi maxima numinis
Ira? Ipse è proprio quem dederat sinu
Terris Pontificem Deum,
Sub quo iustitia, & religio novis
Effulgeret honoribus,
Necdum panè datum protinus abstulit,
Quo prodesse queat docens,
Verum hoc non meritis quas meriti sumus
Pœnas obijciens graves.
Venti caeruleo cum resonant mari,
Et noctem horribilem ferunt,
Dum fidens animi rector, & impigra*

*Ad clauum residet manu,
 Spes nautis superest. Scilicet unius
 Commune arte periculum
 Vinci posse putant. Nos miseri quibus
 Quantisque oppositi malis
 Factemur, scelerum fluctibus obruti,
 Immanique licentia
 Non fas, non hominem, non veriti Deum,
 Plus ab plus nimio est palam.
 Venturis sedenim cladibus obuiam
 Marcellus properans sua
 Tataripot erat nos opera & fide,
 Sic curam populi gerens
 Ut nutrix teneri blanda puelluli,
 Quem molli fouet in sinu,
 Sed spem solliciti vota que Principis
 Funesto properans pede
 Memento citius flebilis abstulis
 Mors. Nos auxilio sine
 Perpeffi varijs ultima casibus,
 Haud longa exitij mora,
 Quassatam pelago vix trahimus ratem.
 Nostra nil superest opis.
 Arte omni grauius quod patimur malum
 De calo auxilium petit.
 Sed nos, viperei pessima sanguinis
 Aëras, immemores Dei
 Dum seuis agimus deterius feris,
 Per nostrum obstruimus scelus
 Ne sint auxilio Dis superis viam.
 Non diuina benignitas,
 Sed rectè ut faciat quisque deest sibi.*

LÆVINI TORRENTII
ODARVM AD AMICOS
LIBER ALTER.

Ad Iohannem Lupum de securitate vitæ.



REGO (prò superùm fidem)
Venturi nimium temporis anxius,
Fortunaq; volubilis
Incerto metuens ager ab exitu

Præter quàm iuuenem decet,
Carpax perpetua sollicitudine?
Quid tristes querimonia,
Quid duri gemitus, longæque conferent
Vita tadia languida,
Flecti si nequeunt fata, nec arduis
Cedunt victa laboribus
Quos versat studio vulgus inutili?
Viuam viuam hodie ut lubet.
Cras dextro mihi Fors Hercule commodum,
Aut damnum ferat alite
Aduersa. Patiar si quid erit mali,
At non ante diem miser
Ignauo trepidans perdiderim metu
Præsens hora quod obtulit.
Scyllæ scopulos & rabiem freti,
Infamemque licentiam
Immitis Borea, & mobilis Africæ
Falso crimine naufragus
Olim Trinacrijs fluctibus obruta
Accusat dominus ratis,
Exemplo timidi cautus Vlyssæi
Ni ventos liget improbos,
Naturamque suis subdere nutibus,
Et calum, & Superos queat.

Quare

Quare siccupidum te neque frigidus
Pars obiecta Aquilonibus,
Nec regna assiduus torrida Solibus
Pellaci amoveant lucro,
Eia ut rem facias da pelagoratem,
Nec sit remigio quies.
Paulum est quod placidum Nerea senties.
At sospes rediens domum
Votum solve libens. Sin minus, improbo
Cur monstro caput obijcis?
Ætatem haud alio transigimus modo.
Sis quocunque voles loco,
Sis quocunque gradu, plena periculis
Ingens omnia sunt mare.
Quod Fortuna potens instabili regit
Nutu, quaque protervia est,
Alternatq; vices, & celeri pede
Hinc illinc aliò quatit
Pennas ancipiti mobilior Noto,
Nec constantior Hadria.
Sic visum superis. Præsidium & salus
In sola patientia est.
Quam præstare memor quando opus est, nocens
Nulli, commodus omnibus,
Ac cultum retinens Numinis, in diem
Vivam. Cras sibi vindicat
Communis genitor, cura nec huic minor
Ipsi quam mihi sit mei est.
Hæc Fortuna subest, quæ mihi, quæ tibi
Dura & difficilis manet.
Tu verò volucrem plus nimio rotam,
Et fatum metuens graue,
Extis, auguriisque, & dare somniis
Fallacem poteris fidem,
Impronsa tamen cum veniet dies

Sors qua quemque vocat sua,
Torno sana trahet fune necessitas
Te inuitum, ipse sequar libens,
Aduersis patiens, strenuus in bonis,
Ne quid depereat mihi.
Quod vixi & valui nec Deus auferet.

Ad Nicolaum Briardum.

BRIARDE, magni magna patris gloria,
Virtute quem sic exprimis,
Vt indolis & industria testem sua
Vterque laudet alterum,
Amate nobis quantum amari conuenit
Illustre virtutum decus,
Vnde hoc iniqua sorte procedit nefas,
Vt cuncta quo iuuant magis,
Hoc citius intercepta gaudium breue
Dolore commutent graui,
Comēsque luctus, sic volentibus Deis,
Fugitiua corrumpat bona?
Quid enim antea acti temporis dulcissima
Nunc proderunt consortia,
Quid tam venusto & candido liberrime
Sermone transacti dies,
Vnumque velle & nolle, qualis inuicem
Vel turturum concordia est,
Vinacis aut in comparem cornicula
Et multus & praestans amor,
Si quo fuisti gratior praesens mihi,
Hoc grauius absentem fero?
Vadis per alta me sine Alpium iuga
Gelūque, & aestiuas nixes.
Quid ipse, qui vel Pyladis antiquam fidem
Mea anteponi non sinam,

Cur te relinquo, quodq; inauditum est prius,
 Cur umbra corpus defero,
 Dumq; undecumque mille fers incommoda
 Ignaro abutor otio?
 Non hoc Briarde Dis amicum, nec mihi.
 Sed dura quod necessitas
 Jubet feramus. Corporum diuortia
 Distrabere mentem non queunt.
 Mens Occidentis ultimo usque ab litore
 Eoa prospectat freta,
 Nec clausa mundo Calitum referat domos,
 Et rebus interest Ionis.
 Quare niuosa siue montium iuga,
 Seu vasta superas aquora,
 Consors ubique ac particeps molestia
 Te mente quouis prosequar.
 At tu vicissim mente, non memor via,
 Te ad nostra confer otia.
 Collata utrimque sorte gaudiis bonis,
 Malis dolebimus minus.

Ad Laurentium Gambaram.

Nec Lyden noui, nec Bacchanalia vixi,
 Attamen his iuuit ludere versiculis.
 Tu quoque iam fractus senio, labentibus annis,
 Non facis ad tales Gambara delicias.
 Cur ergo ista tuo lusi sub nomine? Fingi,
 Non esse ut moneam turpi in amore bonum.
 Quem vitare volens studiis excultus honestis,
 Nil prater solum curet amare Deum.

Baccha.

Bacchanalia.

POSCIT quod celebris dies ,
Fecunda innocui Gambara Lesbij,
Formosiq; Cupidinis,
Et iucunda Dea munera Cypriz,
Nudis non sine Gratijs ,
Ætatis memores ab nimium brevis
Dulces inter amicos
Carpamus bona, ne temporis & loci
Nos occasio deferat.
Dant non immodici pocula Liberi,
Vitam Sobria dat Venus ,
Nec quauis alia commodius via
Ægri triste periculum
Avertas animi quàm grauib; tuis
Si quandoque solutior
Chris stultitiam miscueris breuem.
Eia, quisquis es, ocus
Signatos veteri verte cados nota ,
Et totam refer amphoram,
Quæ me sollicito liberet ab metu,
Quæ spe diuite compleat
Venas, insolitumq; accumulet decus ,
Et plenum vberè spiritus
Lasciuis habilem reddat amoribus.
Eia da calicem puer ,
Spumantem vetulo da calicem mero.
Eia da simul alterum.
Quid stas? Non satis hic,ingere tertium.
Ohe, ter tribus impari
Libandum cyathis est Charitum choro,
His namque auspiciis decet
Mense principium ponere. Candidis

Mox ut iuncta sororibus
Molli Gratia lusu & lenibus iocis
Festas condierit dapes,
Multo rite mero, nil numerum, neque
Mensuram veriti parem,
Numen Bacche tuum, teq; decens Venus
Certatim celebrabimus
Omnes attonito non sine gaudio.
Nec te prateritam velim
Lyde, Lyde anima pars potior mea,
O ipsis quoque Gratijs
Par forma simul & moribus aureis.
Per te bella gerens Venus
Captiuos animos ducit amantium
Sano quò libitum est ioco.
Sed cur hac ego cur vincula fugerim?
Nam si te facilem dabis,
Tormentis animum lenibus occupans,
Viua sub domina iugo,
Grata seruitij sorte beator
Quàm si regibus imperem.
Tu sola es sine qua viuere sit grane.
Pro te vel moriar, tua
Nostra si redimi morte queat salus.
Magnis uror ab ignibus,
Vri me patiar sic tamen, & nouas
Flammas vsque feram libens,
Pigro ne sine te frigore congelem.

Ad eundem.

Lyde, siue Adolefcentia, in Oda
 octo distributa.

I.

Sic mater gemino iuncta Cupidine
 Gratam te cupidis reddat amantibus,

Z

Nec

*Nec formosior vlla
Expugnet iuuenum toros,
Lyde Luciferi sidere pulchrior,
O solatiolum dulce dolentibus
Lyde, spes mea Lyde,
Accersita precor veni,
Expectata veni. Non patior moram.
Forma plus nimio sollicita es tua.
Nil quo crescere possit.
Esi incompta, tamen veni.
Incocto radians vellere purpura
Vt lanam, pariter nobilem adulterat
Vultum. Non ego vestem,
Sed vestis dominam volo.
Adsint blanditiae, & grata proteruitas,
Argutisque referri salibus ioci.
Spirent lumen ocelli
Quod me surripiat mihi.
Nam desiderio torqueor anxio,
Nec finem ratio, nec reperit modum.
Tu succurrere Lyde
Tanto sola potes malo.
Tu fixum retines dura Cupidinis
Clauo, tu Veneris nexibus implicas.
Ius vitaque necisque
Vnam te penes est mea.
Vinam si facilem te dederis mihi,
Perdes difficilis. Prò Veneris decus
Si me perdis amantem,
Messi damna feres tua.
Vlrix immo dici fertur amantium
Fastus alma Venus. Tu Venerem colis.
Quam pulcherrima Lyde,
Si me despicias, caue.
Stultus qui Veneris commemorem minas.*

*Ignosce ab stolidæ Numen ineptiæ.
 In me pœna redundet
 Lyden si ferias Dea,
 Qua sola incolumi nil vereor grave.
 At si turgidulis lacrymulam doleus
 Flendo extorsit ocellis,
 Tunc curis morior miser.*

II.

*Firment augurium Juppiter & Venus,
 Et quodcumque fauet Numen amantibus.
 Venturam omnia Lyden
 Certa signa canunt fide,
 Et laurus, fragili dum crepitat sono,
 Et mota tremulo lumine palpebra,
 Et præsaga futuram
 Mens ob lætitiæ micans.
 Sum felix, (Neget hoc invidia ut lubet)
 Felix, & Superis gratus, ubi ad preces
 Presto est spes mea Lyde,
 Et Lyda comes it Venus.
 Salve magna parens. Te placidam precor,
 Qualis punicea cum redeunt rose
 Celo laberis alto
 Ut latam sobolem pares.
 Tunc cantu volucres æra personant,
 Exultant pecudes, stat pelago quies,
 Dum natura parentis
 Aduentum celebrat suæ.
 Tu mundo reuocas cuncta, nec interit
 Quidquam, cum pereant omnia, dum genus
 Vnumquodque perennas,
 Et rerum seriem fœnes.
 Munus quod proprium Numinis est tui*

Posco, fac maneat fœdus amantibus,
 Et mi fructus amoris.
 Ut sit perpetuus faue.
 Sic canos capiti, sic animo graues
 Abstergam penitus sollicitudines,
 Nec fomenta inuenta
 Deerunt latus ubi est amor.

III.

Sed quò mens abit? Ah totus inhorruì,
 Ut Gallus Phrygia flamine tibia.
 Nostro Numen amorì
 Certè Numen obest graue.
 Inconstans Venus est, & Veneris puer.
 Ludunt me vigilem somnia, dum spei
 Plenum fallit imago
 Facti quod fieri velim.
 At nec iam lacrymis, aut precibus locus.
 Irata est Dea. Nil me miserum, aut mea
 Curat carmina Lyde,
 Sanas qua moneant feras.
 Crudelis, adeone excrucias tuos?
 Nos vanam augurijs elicimus fidem,
 Lascium illa tepenti
 Riualet fœuet in sinu.
 Quem spernens alios quaret adulteros,
 Et mox hinc alios, inde iterum nouos,
 Nulli fida, sed aequè
 Vnò omnes spoliens modo.
 Fallax blanditijs, ambrosia tegit
 Virus vipereo sanguine tetrum.
 Raro hoc piscis ab hamo
 Prærosa fugiet dape.
 Me peccasse pudet. Fas inuenem tamen

Sic pec-

*Sit peccasse semel, sim modò cautior,
Bis tentata Charybdīs
Mersam ne rapiat ratem.*

IIII.

*Tu verò huc vetulam fer puer amphoram,
Et vinum cyathis funde capacibus.
Vino pellere curas,
Lydenque ex animo inuat.
O dulcis liquor, ò nectaris aurei
Succus, rore sacro viscera permeans,
Quanto suavior undis
Humanum recreas genus!
Ast etas miseri dura Promethei
Plaustris impositas circumagens domos,
Nigrisq; abdita siluis,
Nec multo melior feris,
Agrestes paribus cum cyathis dapes
Ornabat patula strata sub arbore, &
Farctam glandibus aluum
Crudo flumine proluens,
Donec frondiferis Euius in iugis,
Et campis habitans fertilibus Ceres,
Vitem repperit ille,
Hæc fruges docuit bonas.
Tunc vnde periit fama Acheloïa,
Nec priscam tenuere arbuta gloriam.
Messe[m] Iuppiter ipse
Dodona antehabuit nouam.
Tunc vitis varijs culta laboribus,
Atque ingens segetum cura, nec amplius
Has impune capelle,
Aut fœdi attigerint sues.
Non illæ pecudum deliciae manene*

*Morsus, prò scelus, at nos melioribus
 Aequum absumere labris
 Frugesq; & pecudes simul.
 Salve Bacche pater Nysigena, Eue,
 Salve. fas mihi te dicere, sed nefas
 Siccis dicere labris
 Fontem letitia Deum.
 Fecundos igitur da calices puer,
 Bacchum vt ritè canam. Largior affluet
 Prompta copia lingua
 Quo plus ebiberim meri.*

V.

*At lauros edat, & pallidulus labra
 Ascras aliis fontibus irriget.
 Nymphas non ego damno,
 Sed Baccho capior magis.
 Nec factis aliud dicere, nec velim
 Frontem composito fingere. Quin procul
 Absit gloria vulgi,
 Ipsi dum sapiam mihi.
 Nam quò nobilium gloria fontium,
 Muscosique lacus, & vaga flumina
 Quotquot Gracia magnis
 Celo laudibus extulit?
 Delectant oculos ista quidem meos,
 Atque aures placito murmure personant,
 Sed quò carmina seris
 Pangam digna nepotibus,
 Huc optem latices Bacche pater tuos.
 Tu venas aperis mollibus astuans
 Per praeordia flammis,
 Nec torpere sinis gelu.
 Tunc nec pauperie discrucior grani,*

*Nec vanis populi ducor honoribus,
Non me purpura regum,
Non belli strepitus mouent.*

*Quis thyrsus mihi det? O ubi Thyiades,
Silenusq; senex, & Satyri lenes?
Clara voce Cytharon
Plenis intonat auribus.*

*Te Lenæ sequor seu libet Ismaron
Lustrare, & gelida frigora Thraciæ,
Seu quâ decolor Indus
Eois calet ignibus.*

*Te Nysa ærÿs aspicit in ingis
Vinctum pampineis tempora frondibus
Curru iungere tigres
Assueto dociles iugo.*

*Nil mortale inuat. Tu quoque perfide
Mater quem peperit perfidior, vale.
Non me sene Cupido
Flammis conficies nonis,*

*Nec quæ castra semel iure perhorru
Desertor repetam. Tu modo tu puer
Mitis dona Lyei
Ut non deficient caue.*

VI.

*Sed iam sideribus cinctâ nitentibus
It cali medio Cynthia vertice,
Et sopita quiescunt
Alto cuncta silentio,*

*Nec me pernix sicepula iuuant,
Et Bacchi liquor, ut non animum occupet
Inter vina recurrens
Bacchi blanda soror Venus.*

Extremus superest nunc igitur labor,

Ut, primum mediæ noctis, & alterum
 Somni pocula libans,
 Totum conficiam cadum.
 Somnus cum placidæ noctis adest quies
 Defessum varijs antè laboribus
 Clausis mulcet ocellis,
 Nec curis aperit viam.
 Somnum non modici pocula Lesbij
 Adducunt. Procul hinc tunc procul improbum
 Pellam potius amorem,
 Quem siccus vereor magis.
 Siccus ne peream, fer cyathos puer.
 Siccis multa Deus proposuit mala,
 Quorum obliuia mentem
 Et somno, & subeunt mero.
 Lethe non aliam Manibus admonet
 Vim tracti fragili per Styga cum rate
 Ad Plutonia regna
 Compulso properant gradu.
 Ipsos faciles lusimus hæcenus
 Versus, iam titubans hæsitat. ac labat
 Vdolingua palato,
 Et vox immoritur labris.

VII.

Sed quamam tenebris cinctæ silentibus
 Illudunt animo somnia turbido?
 Furuis somnia pennis
 Quæ circumuolitant. capui?
 Hanc noctem placidi munere Liberi
 Sperabam positis ducere sensibus,
 Qualem rite sepultis
 Adfert perpetuus sopor.
 Sperabam, (quid enim spes sibi credula

*Non fingit ?) quoties sed ferus ab meas
Spes delusit inanes*

Gaudens insidiis Amor ?

Hæsterna teneris luce sub ossibus

Torrebat miseris flamma iecur modis,

Quam restinguere Lyde

Tunc nulla voluit prece.

Securo at penitus compositum toro,

Inflatumque mero, nec memorem mali

Ah fallax quibus ille

Aggressus puer artibus?

Qui postquam imparibus vincula amantibus

Iniecit, graviter discruciat ferox,

Et nec rore cicada,

Nec nostris satur hic malis.

Stabat marmoreas vincta papillulas

Inuitans me oculis ipsa loquacibus.

Nec iam somnia visa,

Sed Lyden manibus tenens,

Ei multo quatiens pectus anhelitu,

Latabar, volucris cum citius Noto

Fugit vana voluptas,

Mansit perpetuus dolor.

Nam si nec tenebris vlla datur quies,

Cum mutas pecudes, cum rabidas feras,

Obscenasque volucres

Grata somnus obit vice,

Quid tentem miser? Ah nec Tityon (reor)

Exercet gravius supplicium, ferus

Roastro vultur adunco

Immortale secans iecur.

At forsân magicis solvere cantibus,

Aut herbis poterit saga latentibus.

Sed Medea neque istis

Spem figi sinit artibus.

*Quæ cum nil domina profuerint sua,
 Quis nunc me miserum quis manet exitus?
 Hæc mors sola leuabit,
 Aut certè melior Deus.
 At fractos utinam scæue puer tuos
 Arcus, & validis tela sine retibus,
 Tèque immane dolentem
 Extincta videam face.*

VIII.

*Sed cur immeritum stulto Cupidinem
 Damnas? Nec puer hic, nec pueri nocet
 Mater. Desine falso
 Culpam obtendere nomine,
 Et quod iam periit tu tibi perditum
 Ducens nequitia pone modum tua.
 Nunquam incommoda deerunt
 Si nunquam abstineas malo.
 Jam lusum satis est, iam grauioribus
 Exercens animum nauiter artibus
 Cursum flecte, malàmque
 Freno frange licentiam.
 Turpi qui nimium deditus otio
 Insanis miser indulget amoribus,
 Nec se colligit vnquam
 Menti præsidium parans,
 Is tanquam fragiles si calamos sue
 Messis suppositis vreret ignibus
 Diro concitus æstro,
 Ipse est perniciēs sibi.
 Fidi nunc igitur consilij tenax
 Obdura. Nec erit difficilis labor.
 Multo sanior ille
 Quem nunc perpeteris volens,
 Qui te discruciat, te premit auxilium.*

Confide, & Superos auxilio voca.
 Votis annuet aequis,
 Nec te destituet Deus.
 Est mitis placidusque, est pius & bonus,
 Nec quos condiderit non etiam fouet.
 Quin amplectitur ultro,
 Et molli gerit in sinu.
 Peccanti grauis, haud ulterius tamen
 Quam peccata manent. Dat venia locum
 Cum peccasse fatemur,
 Cum facti pudet & piget.
 Nec tristes lacrymas, nec gemitum fuge.
 Felix qui vitium corrigit. Est dolor
 Quem sincera voluptas
 Fausto subsequitur pede.

Ad Iohannem Berotium, Iurisconsultum.

LECTOR meorum candide versuum
 Te omnes Beroti per Superos rogo,
 Per regna Musarum, per omnem
 Aonia resonantis aulam,
 Phœbique lauros, atque edera tenax
 Germen virentis, ne nimio procax
 Amore delinquas, meas qui
 Sis aliquid ratus esse nugas.
 Nec fonte sacro proluimus labra,
 Nec efficaci in gramine duximus
 Somnos, ubi Parnassius ingens
 Nubifero petit astra dorso.
 Vinant beati larga quibus dedit
 Natura partem sponte scientiam,
 Prodisse quos credas stupendos
 Matris ab uberibus poetas.
 Nobis pusilli risuulus ingeni

*Arente serpit languidus alneo,
 Nec ore sublimi superbas
 Spiritus ei aculatur auras.
 Antiquioris, sed sapientia
 Laudator equus, seu numeris potens
 It Flaccus attentas per aures,
 Pindaricæ riuunt Camena,
 Ut flaua pratis mella legunt apes,
 Quodcunque visum est sedulus aufero,
 Meosque id auerentem ad usus
 Instruit alterius supellex.
 Hos emulari quis, precor, abnuat?
 Quare relictis tu quoque riuulis
 Accede quâ fontes benigni
 Uberibus spatiantur undis,
 Nec nostra miti carmina postules,
 Sperans futurum me duce peruium
 Pronumque callem quo disertus
 Pierios penetres in hortos.
 Etas & ipsis ingenijs nocet,
 Priora mutans deterioribus.
 Vt cunque colluctere, priscis
 Inferior tamen usque cedes.*

Ad Deos Poëtarum præsides.

E I A sonoram fer puer huc lyram,
 Lyraë, acutas adijce tibias.
 Fer vina, funde unguenta nardi
 Deliciis locuplete cornu.
 Adsint amœnis lilia cum rosis.
 Serpat nitentes læta edera in comas,
 Laurumq;, pallentemq;, myrtum
 Composite impediunt coronæ.
 Vestras Camena carminibus nonis

*Vulgare laudes fert animus. Neque
Te Phœbe, te virgo silebo
Multiplici memoranda ab arte,
Seu bella tractes horrida, & impium
Ferox in hostem iustitiam iuves,
Seu bella componas, & urbes
Moribus instituas honestis.
Canamque Bacchum, & te quoque Gratia
Quæ casta castis iuncta sororibus
Iocisque, ludisq₃, & choreis
Perpetuam recreas iuventam.
Quotquot beatas incolitis domos
Parnassus altum findit vbi athera
Saluete Di, Diuag₃, terra
Presidium, columenq₃ cali.
Vestris adauctum nuper honoribus
Non esse vestri sit memorem nefas.
Fuiistis omnes. una rite
Omnibus hic statuetur ara.
Cadens opimas sepe vbi victimas,
Placansque Numen, non sine gaudio
Festis coronatus diebus
Pierios modulabor hymnòs.
Per vos honesto perfruor otio,
Cui non arenas prætulero Tagi,
Non quidquid immanis voraci
Voluitur Oceani sub unda.
Per vos quieto pectore turbidos
Vulgi tumultus nil moror improbi,
Solisq₃ secretus sub antris
Naiadas Satyròsque canto.
Nec eruditis displicet auribus
Non inuenusto carmine barbitos,
Quæcunque diffundat per auras
Verba meo modulata plectro.*

Callidus effugeret catenas.

*Sed qualis alcs magnanimus Iouis
Ferox dolosam fertur in aspidem,
Nil fraude præstantis veneni
Mortiferum remorante rostrum,*

*Talem sonora te referam lyra
Philippe te te maxime Principum
Fregisse Gallorum proterva
Cornua cum sine clade victor
Fudisti apertis strenuus in iugis
Immensa parvis agmina copijs.
Quos Roma lauris anteponat
Scipiadum referens triumphos.*

*En ut superbo ducitur ordine
Captiva magnorum procerum cohors!
Io triumphæ acclamat omne
Vulgus, io, ter io triumphæ.*

*Gaudētque Divi, quæ pietas tua
Fidēsque cordi est, prælia fortiter
Pugnata, & hostili solutas
Perfidia scelerique pœnas.*

*Nulla ergo vi, nulla arte domabiles
Subvertis urbes auxiliantibus
Dis flamma maturas ut errans
Per segetes agitata vento.*

*Eia. Secunda exorsus es alite.
Spes certa. Magnum nescio quid paras
Natura. Tu dignum memento
Principio imposuisse finem.*

Pace inter Philippum Hispaniæ, & Henri-
cum Galliæ Reges inita.

PAx lata terris, lata redit quies.
Gaudete Musæ, (Vester adest honos)
Gaudete, desuetiq; cantus,

Et nu-

Et numeri, & redeant chorea.

Tuq; alma Pallas, peruigil vrbiū

Custos, repertis nobilis artibus,

Qua conciderunt pacis artes

Mitis & ingenij, repone.

Quamuis vel ipso Marte ferocior

Hastamque, scutumque, & galeam quatis,

Sed Martis insano tumultu,

Consilio tua fertur ira.

Semper cruentis ille furens minis

Cedes atroces & rabiem parat,

Tu bella ad optatum reducis

Iustitia sociata finem.

Sic perfidum olim aduersus adulterum

Fauore vicit pars melior tuo,

Vt cunque tutabantur hostem

Blanda Venus Venerisque mæchus.

Et nuper a quis fœdera legibus

Percussa nutu si fuerint tuo,

Aeterna sint da virgo summi

Consilium patris & potestas.

Tandemq; vitis Bacche sator sacra,

Ceresq; Nymphaq; & Satyri leues

Reconditis prodite siluis,

Liquite quæcis latuistis antra,

Aprica leti visite pascua,

Vt vestra tellus numina sentiat,

Et summa dehinc frugum nouarum

Copia fertilitate mira

Commendet agros heu nimium diu

Vasto inquinatos turpiter otio,

Dum ruris instrumenta sanos

In gladios clypeosque belli

Vertebat vsus, dirus vt inclitas

Vasta.

*Vastaret urbes miles, & impios
Per damna, per cedes iniquo
Conficeret domino triumphos.*

*Nam quid malorum non patimur brevis
Molles adornet laureola ut comas,
Et vulgus insânnum stupefcens
In titulis hiet ac tropais?*

*Tanti innocentem fundere sanguinem,
Cognata ferro rumpere pectora,
Et mutue, quam bruta seruant,
Soluere amicitia tenorem.*

*At ô sacrati Calliope chori
Regina multum huic dissimilem meo,
Rosâq₃, consertâmq_{ue} myrto,
Necte (precor) capiti coronam.*

*Qua cinctus inter vina sôdaliû,
Nulli molestus, commodus omnibus,
Possim aurea cantare pacis
Multa bona, & mala multa belli.*

Ad Pium quartum, Pontif. Max., qui
ante pontificatum Iohan. Angelus
Medices appellatus fuit.

QVALEM profundo vulnere saucius,
Supremus vrget lumina cum sopor,
Vitâq₃ festinantem ad vmbas
Vix tenuis remoratur aura,
Periculoso sentit opem malo,
Expertus artis si medicus noua
Herede iam bustum parante
Reddat eum patriæ & propinquis,
Tali labantem presidio pater
Tutaris urbem ô Pontificum decus,
Virêsq_{ue}, consuetumq₃ sancti

Impe-

Imperiū renocas vigorem.

*Non Thessalis tu, tu neque Ibericis
Vfus venenis, non ope Barbara,
Qua Colchis optanti recoctum
Restituit Socerum marito.*

*Sed prompta virtus, curaque diligens,
Deoque plenum pectus, & integros
Laudare, castigare prauos,
Pramiæque & meritos honores,*

*Pœnâsque iusta lance rependere
Prudentis ars est Principis & boni.
In publicis hac sola morbis
Est panacea, nigrumque moly.*

*Hac arte prestans impiger Hercules,
Quod pestilentis fœda licentia
Exempla, quod lernam malorum
Sustulit illuuiemque tetram,*

*Proles supremi creditus est Iouis,
Magnum ipse Numen scilicet & potens,
Vindexque, seruatorque nostra,
Tutor & assiduus salutis.*

*Vicunque credant hoc veteres, tibi
Dat plena veri munera Numinis
Collata de celo potestas,
Quam meritis facis ampliozem,*

*Custos valentem sollicitus gregem
Pascens salubri gramine, non lupos,
Atros nec horrentem colubros,
Non hiemes, rapidæque Soles.*

*Hinc Roma blando te videt & colit
Jam lata vultu, iam posuit minas,
Tutòsque per campos quieta
It placidus Tiberinus vnda.*

*Macte ergo virtute optime Principum,
Incumbe tantis laudibus, & nonos*

*Nunquam fatigatus memento
Ingerere prateritis honores.*

Ad Robertum Nobilem, Cardinalem.

FORMOSA laurus qua Trivia manns
Educta Cyntho prominet arduo,
Aut lenis Eurota beatâ
Laude Deorum hominûmque ripa
Dilecta docto surgit Apollini,
Dilecta musis, & Dryadum choro,
Magniq; tutela Tonantis
Eximios paritura honores,
Stat prorsus omni intacta periculo
In spem bonorum votâque Principum,
Qui gesta diffundant in ævum,
Perpetuis memoranda fastis.
Lauro inuentus est similis tua
Roberte, Divûm cura, & amabili
Virtute sic præstans, ut omnis
Te colat ac veneretur ætas.
Gaudet senectus te iuvenem suis
Præferre canis. Invidia sine
Mirantur æquales, & optat
Vir similes sibi quisque natos.
Morum venustas, eloquiû vigor,
Doctrina per se maxima, qua tamen
Tu plurimum illustras, adeptus
Omnia tam teneris ab annis,
Largis Deorum muneribus potens.
Sed iunctus acri est iudicio labor.
Fert uberem cultura messem
Fertile cum renouatur arum.
Nunc magnus ergo creveris indies
Magis magisque. Insigne aliquid parat

*Natura, tam variis euntem
Principijs ut ad astra tollat.*

*Ad Gabrielem Faërnium Cremonensem, vetustis
auctoribus corrigendis nobilem.*

GRATI vetustas officij memor
Caelo locatum credidit Herculem,
Quod monstra fatali labore
Sustulit indomitæque dextra.

*Res magna sanè, dignæque Numine
Tanto, & supremi progenie Iouis,
Vel colla succrescentis Hydra
Ignibus & secuisse ferro,*

*Fœdis vel altos stercoribus bouum
Purgasse acervos diuitis Augiæ,
Auriq; fecundis ab hortis
Hesperidum rapuisse mala.*

*Tuus Faërne illustrior est labor,
Notisq; mundo gratior artibus,
Hand viribus constans, sed acris
Ingenio, vigiliq; cura.*

*Queis fretus armis, auspicio bono
Juratus hostis Barbariem domas
Non antè sic victam Latine
Dedecore opprobrioque lingua.*

*Hærebat altè visceribus malum,
Suaque fixum mole medentibus
Ferebat horrorem, sub ipso
Crudius asperiusque ferro.*

*Tu peruicaci cedere nescius,
Hostilibusque audentior ab minis
Virtute vicisti probrosam
Fluuiem caviemq; terram,*

*Solers nitori reddere pristino
Libros vetustos nobilium virum
Quicumque praluxere nobis*

*Ingenio, & locuplete lingua,
 Ut morte pressum si referant caput,
 Reddantq; dignam vindice gratiam,
 Maiore te censerì honore
 Arbitrio patiantur equo.
 Tu namque & illis concilias decus
 Quaque ipse scribis non placeant minus
 Faërne Musarum sub antris
 Docte modos sociare chordis.*

*Ad Ioannem Moronum, Cardinalem, sacri
 Cardinalium Senatus principem.*

Q*ualis purpureo vere rabens rosa
 Cum Sol Oceano surgit amabilem
 Latè spargit odorem,
 Acculti decus hortulì
 Inuitat teneras Naiadum manus
 Plenis cum calathis, aureolo & sinu
 Ornamenta Deorum
 Templis, aut epulis parant,
 Talis tu medio concilio Patrum
 Fulges eximijs clarus honoribus
 O virtute coruscans,
 Sacra gloria purpura.
 Quam partam meritis non tibi, sed geris
 Illis quos studio, quòsque opibus iuuas,
 Diuùm more, merendo,
 Aeternum meditans decus.
 Hinc ingens veterum turba olientium,
 Nec vero superans officiis nonos,
 Quorum vota benignus
 Letum ducis ad exitum,
 Vivite varijs fluctibus obruti
 Sic te suspiciant Tindaridùm velut*

Fessi sidera nauta

Quos duri exagitant Noti.

Sed portus miseris sis licet omnibus,

Primum fida tamen dat Statio is locum

Quorum nomen honestis

Commendatur ab artibus.

Quos inter Lyricis te numeris libens

Landarem modicus Melpomenes cliens.

Sed nec Melpomene ipsa

Ad laudes satis est tuas,

Et virtus, operum qua bene feceris

Merces ipsa sibi, nec populi leues

Curat turgida plausus,

Nec falsum opprobrium timet.

Quin quanto gravior comprimitur, suis

Stans immota bonis pulchrior emicat,

Vt Sol aureus atra

Pulsa nube ferens diem.

Quod Morone tuo cernitur omnibus

Exemplo, domita qui inuidia graui,

Fortunaq, repulsis

Clares insidiis magis,

Nunc vno minor. At forte quid interim

Si mutare parent Numina, tu sacra

Tu spes altera Romæ

Vt summum teneas gradum.

Ad Fortunam, alle&to in Senatum Guliel-
mo Sirleto, Cardinale, viro optimo
& doctissimo.

Fortuna, multis credita Celitum

Augere catus, nec sapientia

Obnoxia humana, nec ulli

Imperio Iouis, aut Deorum,

Discedi

Discede calo non tibi debito,
 Discede templis, nec loca pollue
 Sacrata Diis qui merendo
 Perpetuos adiere honores
 Infida, fallax, ancipiti vice,
 Vbiq; turbans omnia, nec magis
 Constans quàm inequales procellæ
 Hadriacis agitata ab Austris.
 Sed te tuumq; ô instabilis globum,
 Rotæq; gyros vsque volubiles
 Miretur obseruetq; vani
 Simplicitas miseranda vulgi,
 Vulgo remotus vir sapiens tuas
 Irridet artes. Cetera negligit,
 Agitq; se contenta virtus
 Perpetuum sine te triumphum.
 Sic ille magnis notus ab artibus
 Sirletus, alti diues & ingeni,
 Virtutis explorans amussi
 Omnia, per solidos honores
 Propinquat astris. Inuideas licet
 Fortuna tanta perfida gloria,
 Liuore sed nil profuturo,
 Nobilior nisi ut ille toto
 Clarefcat orbe, at tu pereas malè,
 Tuumq; numen, nomen inutile;
 Vtcunque tam certo probatur
 Indicio superasse virtus.
 Quanto minaci senior es manus,
 Tanto retundens fortius impetum,
 Contra renascentes chelydros
 Herculeo celebris duello.
 Vrge ergo inertes, desin e fortium
 Tentare vires, quos Deus adiuvat,
 Quosque inter insigni Gulclmum

*Laudē meis celebrare chartis
 Aequum & decorum est. Cernite cernite
 Crescentem, ut aequet pro meritis decus,
 Visitāq; fortuna superbū
 Erigat eximius tropaū*

*In Iohannis Goropij Becani Ori-
 ginum libros*

B*ecane, nostris Aethiaticos docens
 Regnasse terris, flumine nobili
 Qua Scaldis oblectatur ingens
 Oceani violenter undis,
 Quāque illa iactis molibus arduis
 Anversa litus promouet, urbium
 Regina quas Fors, & beato
 Mercurius locupletat auro,
 Non quo priores historiam ferē
 Finxere pacto tu quoque somnias
 Portenta, quae narrante matre
 Attoniti stupeant alumni,
 Nec sola nosti Pergama Achaicis
 Vastata flammis, quo referunt gentes
 Vulgata qui tantum sequuntur,
 Nec propriam meruere laudem;
 Priscas sed artes doctus, & ingeni
 Prædiues, alma Palladis in sinu
 Nutritus Ascreis sub antris,
 Threicio meditata vati,
 Et sacra Mosi tradita dum pius
 Seruas ab alto tanquam Helicen mari,
 Das vela ventis, & secundo
 Pernolitas vada salsa cursu.
 Nec vasta Syrtis, nec breuia hic tibi,
 Aut monstra firma quæ metuas rati,*

Quam Castorum tutela fulgens
 Omnibus eripiet periculis.
 Visenda tellus quam vacuis sibi
 Delegit oris ille hominum parens
 Cum numinis placasset iram,
 Fœdâq; diluvies apertis
 Cessisset agris. liber enim metu
 Formosa quamvis æthoribus iuga,
 Quâ Caucasus consurgit ingens,
 Et scopuli minitantur astris,
 Dilecta dudum, & parta quibus salus,
 Mutare quarens mitibus aspera,
 Reliquit, & subiecta cernens
 Flumina, triticeosque campos,
 His sedit arvis, hæc coluit loca.
 Hinc Bactra coctis inclita frugibus,
 Margusque, Iaxartésque, & ille
 Vndifono ferus Oxus amne,
 Quem tauriformis nomine consecres
 Vallemq; Parnisi ad Superos seras,
 Nyssamque, felicemque Merum
 Nectareo celebres liquore.
 Occurreret illic vitifator senex,
 Quem rite multis indigetes modis,
 Tot nominum splendore clarum
 Quot varie mervere laudes.
 Is te madentem muneribus suis,
 Vinetumq; sacro tempora pampino
 Admittet umbrosis in antris
 Cum Satyris leuibúsque Nymphis
 Arcana rerum discere, nec bene
 Digesta prisca tempora seculi.
 Quæ conditor narrabit ipse,
 Ipse suos referet nepotes
 Latè per orbem nomen in ultimas

*Sparfisse terras, fanigenas tamen
Virtute praestantes auita
Præcipuo recalescent honore.*

*Quos inter Argivum invidia graui
Cacolatentes Cimmerios specus
(Sic iussus) educes Averno
Ad superas animosus auras.*

*Tu sacra genti, tu solitum decus,
Et iura reddes, nec sine Numine
Ritusq;, laudatosque mores,
Et veteres renocabis artes.*

*Quid regna dicam condita dumpiis
Nituntur armis Barbariam ut domentur
Et Marte freti, & Martis acrem
Harmonia moderante bilem?*

*Confide. Quò non vinida te ferat
Virtus? Sequentur Cimmerij ducem
Quacunque præcedes, malâsque
Haud iterum metuent tenebras.*

*Iam Dacus asper, iam rigidus Geta,
Iam paret audax Sarmata Quid Sacat
Quid Saxones? Jam nota Thule
Nouerit & genus, & parentes.*

*Ipsa illa tantis inclita laudibus
Accedet ultro Gracia, originem
Spartaq;, Athenarumq;, iam nunc
Ad Scythicas referens pruinas.*

*Sed heus paterni te renocant Lares,
Ortiq; Cymbris Atuatici. Ratem
Huc flecte. Quantumnis superbo
Materia satis est triumpho.*

In Gregorium x i i i. Pont.
Opt. Max.

QUID me Melpomene iubes
 Desuetam manibus prendere barbiton,
 Ac tristi senio granem
 Cantandis operam ludere versibus
 Cur me sollicitum tenes?
 Non idem Genius, non eadem manet
 Aetas, nec levis est senex
 Si tentet iuuenem quod deceat nota.
 Urges propositum tamen,
 Et quanquam emeritus non teneor nouis
 Desudare laboribus,
 Vis ut militiam sponte sequar tuam.
 Agnosco dominam lubens,
 Agnosco auspicia, & te veneror ducem,
 Nec iam fert reprimi procax
 Abrumpens tacitum lingua silentium.
 Sed quem praecipua canam
 Dignum laude virum? Qui vice Numinis
 Qua terra patet ambitus
 Celestes animas corporibus datas
 Celesti imperio regens,
 Ut quisque est meritis premia dat bonis,
 Ponit supplicium malis,
 Hos damnans Erebo, hos Elysio beans.
 Quid sublimius hoc gradu?
 Supremi folio quis propior Dei
 Quam cui ipse Deus
 Ut munus peragat quod proprium Deo?
 O diuina benignitas!
 O quantis animi perfruemur bonis
 Qui Christo dedimus fidem!

Nam quāquam variis (res hominum ut ferunt)
Simus criminibus rei,
Quos peccasse pudet, quos bene paniter,
Si mystas adeant sacros,
Si fassi ingenuè quidquid erat mali
Submissè veniam petant,
Nec Sancti renuant arbitrio viri
Quin pœna faciant satis,
Quo mens cunque modo lubrica concidat,
Non lapsus facilis magis
Quam pax, & placidi gratia Naminis.
O primum ad Superos iter!
Quod prauis (uti fit) moribus obstruens,
Si tangat mea me salus,
Conuersis studijs mox referem mihi.
Nec quisquam dubitet velim,
Cum non dissimiles esse videt sui
Qui noxa caput eximunt.
Vult Christus sit homo namq; homini Deus.
Qui Petrum sibi delicens
Sacratū imperij quem faceret ducem,
Hoc illi decus obtulit,
Hoc seris etiam ex ordine posteris,
Et quotquot placitis sibi
Mandarent eadem munera posteri.
Hac hac illa potentia est,
Qua quondam geminis tradita clauibus
Qua calum petitur via
Occludit geminos atq; aperit polos.
At tu maxime Gregori,
Qui Romæ pater, & tot pater urbium
Nunc Petri solio sedes,
Nec tantum titulo fronte tenus Petrum,
Sed cura & studio refers,
Intentos oculos atque animum gerens

Quò te cunque necessitas,
 Et ius, & ratio atque officium vocant,
 (Qua vis est sapientia)
 Sortem nosce tuam. Non gladii opus,
 Non aut curribus, aut equis,
 Aut fidis tumidum per mare nauius.
 Vna est Religio, tuis
 Qua nitens humeris ut venerabilem
 Te magnis quoque regibus
 Reddit, sic etiam viribus instruit.
 Hinc omnis tibi copia,
 Hinc res, hinc honor, augustaque dignitas,
 Quam flexo veriti genu
 Sacratissimis pedibus figimus oscula.
 Hanc supplex igitur cole,
 Cui debes alij quod tibi supplices
 In te spem statuunt suam.
 Hanc quaque potissimum strenuus exerce,
 Nullus restet ut angulus
 Quò Christi rigida non penetrent Cruces.
 Sic ardens pietas inbet.
 Cœpisti bene. Sed nil satis est viro
 Forti, grata nec impigro
 Si quid summae operis defuerit quies.
 Nec summam tamen, hic tibi
 Promitte ante obitum, quem repares enim
 Mundum nactus es, en, nouum,
 Lustratumque aliis sideribus globum.
 Sanctas huc pius inferes
 Leges, hic populos moribus imbues,
 Ac falsos abigens deos
 Romana institues indigenis sacra.
 Euge ô Pontificum decus.
 Cœpere auspiciis hæc fieri bonis.
 Ipsi, en, munera deferunt

*Iapponum proceres, longaque concitis
 Emensi aquora puppibus
 Voluunt se genibus sancte pater tuis.
 Tu lato recipis sinu,
 Atque hac digna piis palma laboribus.
 Pro qua sollicito, ut decet,
 Mox calo dabitur pulchrior altera.*

*In Carolum Borromæum, S. R. E. Cardinalem,
 Archiepiscopum Mediolanensem.*

QUⁱ claros celebret viros,
 Nec laudes canat, ô Pontificum decem,
 Et certa insubria salus,
 Borromæe tuas, non aliter facis
 Quam qui nox ubi inhorruit
 Celi respiciens pallida sidera
 Lunam negligat auream,
 Aut Soli faculas præferat igneas.
 Cur ergo te etiam mea
 Laudatis aliis præterijt lyra?
 Laudo laudo equidem lubens,
 Nec parvus nimium, (crode) nec inuidus,
 Quos possum, at similes tui
 Si qui sint animum qui subeant meum,
 Mirari soleo magis.
 Tu, quem non agitat laus neque gloria,
 Seu vox faucibus hæreat,
 Seu prauo titubans deficiat sono,
 Miranti veniam dabis.
 Mirantem reficit dulco silentium,
 Dum tanquam attonitue stupens
 Vn' tutis speciem suspicit ardua.
 Pulchro scilicet indidit
 Vn' n' natura potens ut sit amabile,
 Ac m'ntis penetrans sinum

Extra se positos allicias sibi.
 At nil pulchrius inclita
 Virtute à Superis est homini datum.
 Quam cum moribus exprimas,
 Incessuque gravi atque habitu probes,
 Cum fronte atque oculis geras,
 Ac vincta, ut speculo, ipsius imaginem
 Toto corpore præferas,
 Hinc ardens amor ille, hinc studium tui,
 Ut quacunque feras pedem,
 Sacra cœu videat plebs pia fercula
 Pompa, te venerans simul
 Et flexo capite & poplitibus colat.
 O priscis quoque sæculis
 Equandam eximia vim reverentia!
 Te non turba satellitum
 Commendat populo, non comitum frequens
 Seu præsit dominum cohors,
 Seu longo sequitur corvinus agmine.
 Virtus maxima maximis
 Sola est qua celebrem reddit honoribus.
 Tu vero te humilem, ut facis,
 Demissumq; geras. Cum premitur, statim
 Multo illustrior eminet,
 Ut Sol cum nebulis exeruit caput.
 Et quid non pateat tui
 Fulgoris radiis? Non ego imagines,
 Aut priscum referam genus,
 Nec dicam geminos gratius amunculos.
 Quorum hic militia caput,
 Regum bella gerens, victor & hostium,
 Faustum rettulit exitum.
 Hic verò à teneris deditus vnguibus
 Sacris officiis puer,
 Perfunctus variis inde laboribus,

Supremum obtinuit gradum,
 Sacratique potens imperij nouum
 Fastis inferuit decus
 Cum sancta tribuit ius tibi purpura.
 Magna hæc lumina, quæ pias
 Querenti tenebras inijciant manum,
 Sed quæ Fors sibi vindicans
 Fert his, fert aliis, sæpe etiam malis.
 At quæ munera sunt Dei,
 Prudens simplicitas, nudaque veritas,
 Constans religio & fides,
 Mens inuicta manens, raraque castitas,
 Et semper vigilans labor,
 Elucent magis, atque aspicientium
 Ne fallas oculos vetant.
 Quas Christus comites cum tibi iunxerit,
 Vt nil Ambrosio minor
 Tot setam populis insubriam regas,
 Ac Romana ferens sacra
 Diuinis animos legibus instruas,
 Quod calo teneant viam,
 Cur non te venerer, mirer, amem, colam?
 Vt quo carior es Deo,
 Hoc per te citius promerear Deum.

Ad Iohannem Franciscum Bonhomium, Episcopum
 Vercellensem, Caroli Borromæi, Card^{lis}. Ar-
 chiepiscopi Mediolanensis, & Gregorij
 XIII. Pont. Max. funera lugentem.

LVGES iam nimium diu
 Franciscæ, & lacrymas fundis inutiles,
 Quæ nec proficiant tibi,
 Functisque, ut redeant, multo etiam minus.
 An credis placitum Deo

Vt lon-

Ut longa celebres funera nania?
Vitam cui voluit dedit,
Vitam cui dederit cum volet auferet.
Res nostra his agitur modis.
Mortales sumus, et nomine dicimur,
Quem Sol cunque tenuerit
Ut summū fieri posse putes diem.
Quo nos siue necessitas
Cogit, seu ratio, seu vocat arbiter
Rerum maximus omnium,
Mortem cur aliis, cur metuum mihi?
Mors nullum obijciat malum
Si quam transferim vita fuit bona.
Tu quos compositos doles
Cum semper fuerint moribus optimis,
Virtutis studio pares,
Ambo pontifices; hic Latij caput,
Hic omnem Insubriam regens,
Atque hic Ambrosiū, nec minus hic Petrum
In corde atque oculis ferens,
Absistant lacryma. Inuit eos mori,
Inuit plurima perpeti,
Postquam non alia est ad Superos via.
Quin si tristitia modum
Non pones sapiens, plangere mortuos
Vno quem satis est die,
Ne tantum Superis inuideas decus,
Neue ipsis Superos vide.
Virumvis facias; non bene conuenit
Quem campis in Olympicis
Exercet pugilem conspicuus labor,
Non pugnam ancipitem timet,
Non castus, lateri ac temporibus granes.
Spes & laudis amor vetant
Obiectis reprimi fortem animum malis.

Cui quisquis fauet assidens,
Constanti, intrepido, cedere nescio,
Quamuis aspiciat lubens
Intentos oculos, horrida brachia,
Consertas manibus manus,
Exoptat tamen, & mente Deos rogat
Non longa nimium mora
Victori meritam cedere gloriam.
Sic qui conspiciamus pios
Luctantes Stygijs cum Furijs viros
Latemur volo perfidis
Quod sese obijciant fortiter hostibus.
Sed quos haud patimur mori,
Ut summam egregio, quod bene cœperint,
Imponant operi manum,
His intercipimus debita premia.
At quanto melioribus
Qui calo potitur perfruitur bonis
Quam qui vicerit Isthmia,
Sed victus viriys ipse perit suis?
Non illic apium viret,
Pallentesq; olea, canaq; populus,
Non pinus Cybela sacra,
Aut myrtus Veneri, laurus Apollini,
Non palma nitor ardua,
Herbarúmque alia, & copia frondium,
Ornandis habiles comis,
Quas vanis celebrat Gracia laudibus,
Cum sit putidius nihil;
Sed concors amor & gratia Calitum,
Sed pax certa, sed otium,
Et secura quies, almáque faustitas.
Longe absunt labor, & dolor,
Et spes, et metus, & turbida gaudia.
Non tristes querimoniae,

Non intemperies aetheris ignei,
 Dites sollicitans heros
 Ne frugi, aut pecori, neu male sit sibi,
 Non vis ac dolus hostium,
 Non turbant alia, aut impediunt mala.
 Nam quid deesse potest quibus
 Adiunctis sibi iam sit Deus omnia?
 Qui caliginis horridae
 Obseptos tenebris nunc oculos fugit,
 Sed quos post obitum sacris
 Latos intulerit Calicolum choris,
 His se totum aperit volens,
 Et rerum species detegit aureas,
 Quas magno fouet in sinu,
 Et coram memori pascit imagine.
 Hac est vera beatitas,
 Hec vera & solida vis sapientia,
 Nil nescire quod aut fuit,
 Aut est, aut fuerit denique, postea.
 Cuncta uno intuitu patent,
 Et cunctis fruitur qui fruitur Deo.
 Sunt ergo & viole, & rose,
 Sunt gemmae & lapides, pictaque marmora.
 Est auri, est ebore decor,
 Quo muri duplices, & platea nitent.
 Porta stant adamantina,
 At valvae viridi ornantur iaspide.
 Hi festos celebrant choros,
 Hi voce & cithara carmina temperant,
 Pars curua recinunt lyra.
 Tum latis resonant atria plausibus.
 Ad quae tu quoque gaudia
 Pleno cum properes quâ potis es gradu,
 Tritamque inuenias viam,
 Quam fecere pi & Carolus & cito

Post hunc Gregorius pede,

Euge, insiste lubens, nec lacryma moram
Innectant. Veniet dies

Quo desiderij finis erit tui,
Et quod nunc bene feceris,

(Nam quò perpetua sollicitudines,
Si nulli probitas bona est?)

Tanta dignum opera tunc pretium feres.
Quin si me comitem velis,

Impar sum meritis, ponè sequor tamen.

Ad societatem sanctissimi nominis Iesu.

O Grata calo sancta sodalitas,
Rex regum Iesus nomine quam suo
Illustrat exornatq₃, toto
Ut celebris memoreris orbo,

Non orbe dico quem veteres aui
Norant minorem dimidio, male
Truncatum, & angustis coactum
Limitibus, nec adhuc reiectum,

Quod vstus illic Solibus, hic nunc,
Negaret aptas hospitibus domos,
Nec torridam fas esset vlli
(Sic perhibent) superare Zonam,

Sed orbe toto prorsus & integro,
Quem belluoso dum volitant mari
Vtroque porrectum sub axe
Magnanimi reperere Iberi.

Quorum secuti turgida lintea,
Pura sed omni mente cupidine,
Pulchro nec argento, nec auro,
Nec nitidis inhiante gemmis,
Armis ut illi sceptris potentium
Fregeret regum, fluminaq₃, & lacus,
Portusq₃, vicinaq₃, gentes
Indomito sibi ferro,

Sic vos inermes, impavidi tamen,
 Casta inferentes indigenis sacra
 Hac impios cultus, & omnem
 Barbariem pepulistis arte.
 Quî namq; vera luce carentibus
 Fas esse notum, vel potuit nefas?
 Turpi volutabantur antro
 Cimmerijs medijs tenebris,
 Clausis retenta cœu caueis fera,
 Edenda si qua ad munera publica
 Servantur, ut damnata fulua
 Corpora dilacerent arena.
 Quo deprehensos tam misero in statu,
 Ut mente bruta non minus impia
 Committerent quam sævus olim
 Antiphates, genus aut Cyclopum,
 Sanastis, at non cantibus Orphei,
 Linique, nec qui mœnia condidit
 Thebana, facundiq; voce
 Mercurij, fidibusq; Phœbi,
 Fida sed alma vi Sapientia.
 Qua missa ab alto vicit ut hæcenus,
 Sic vincet æternoq; tandem
 Omnia subyciet parenti.
 Qui vos ministros quod sibi legerit
 Res gesta clamat, clamat & exitus
 Spc maior, adductis opimo
 Tam cito tot populis triumpho.
 Quos, ante necdum nomine cognitos,
 Portare Christi nunc dociles iugum
 Miramur, ingenti remixta
 Latitia simul & stupore,
 Sed quid volenti non facile est Deo,
 Deiq; Verbo, virgineo satum
 Quod ventre progenatumq; nostri

Credimus ad generis salutem?

Hic ille Iesus progenies patri

Aequana, calo quod fuerat manens.

Humana sed de matre sumpsit

Membra, viam referans Olympo.

Hic ille, cuius nomen amabile

Ut vestra complet pectora, sic sacro

Prorumpit exundans ab ore,

Affidua coliturq₃ laude.

Nec parua laudi gratia. nam p^{ys}

Aspirat orsis omnipotens Deus.

Firmatq₃ quas res cunq₃ nati

Auspicio geritis secundo.

Nec de receptis gloria Barbaris

Est maior illa quam domiti dabunt

Caluig₃, Luteriq₃, & omnis

Colluuiet simul impiorum.

Fremant superbi, nec teneant minas,

Bellumq₃, cadesq₃, & rabiem parent.

Causamq₃ quam ius damnat aequum,

Vi vetitis tueantur armis,

Vos ista prudens simplicitas, bene

Morata, sese nec levis efferens;

Defendet insontes. At ipse

Se rabidus male perdet hostis.

Qui quo cruentus senierit magis,

Plus inde damni comperiet, videns

Vicisse quos victos putarat,

Et cineri superesse vires.

Ad Iohannem Richardottum.

IN SOMNEM nuper cum me nox atra teneret

Versantem vacuo languida membra toro,

Quae licet inuitis scripsi solatia Musis

Farnesi maestas funere magnanimi,

Richar-

*Richardotte tui paruum cape munus amici,
Vt minuas luctum maestas & ipse tuum.*

*Epitaphium Alexandri Farnesij Parmæ & Placentia
Ducis , ac prouinciæ Belgicæ gubernatoris.*

SI STE gradum , propius quicunque accesseris hospes,
Quæq; velim paucis accipe versiculis.
Hoc tegitur tumulo, fama licet impleat orbem,
Et cinis est , belli qui modo fulmen erat,
Fortis Alexander Farnesius ille, Quiritum
Progenies , priscos equiparans atavos,
(Quo tu Parma potens , quo pulcra Placentia tanto
Principe conspicuum fertis in astra caput)
Nec minus Austriadum materna stirpe coruscans,
Maximus unde illum Carolus ornat auus,
Carolus ingentes naetus tot ab hoste triumphos,
Tam bonus imperio quam pietate potens.
Quas , aliâsque inter laudes non ultima , quid te
Heredem genuit diue Philippe suum.
Pro quo bella gerens Farnesius acer in armis
Restituit valida Belgica regna manu,
Restituit tibi te Lutetia certa ruina ,
Optatam subito cum tulit ultor opem.
Nec tantum hac uni victoria profuit urbi,
Parta fuit regno qua tibi parca salus.
Profuit & Christo , cuius tot onilia late
Errabant sæuis obuia præda lupis.
Ipse suos relegens numeros septisq; reponens
Munivitq; bonos , impedii que malos.
Talibus incumbens , iam fractus membra labore,
Nuper & accepto vulnere debilior,
Occidit immaturus adhuc florentibus annis.
Sed nullam seruant inuida fata diem.
Nec moritur moriens cui fama & vita supersunt
Æterna , emeritæ præmia militia.

Nil igitur lacrymis opus, aut singultibus ullis.

Turpe quid in magnis nania funeribus.

Vos mihi Francorum procures, quorum unica cura

Est Deus, & regni religiosus amor,

Hunc celebrate ducem, vita quem prodiga virtus

Hostiles toties frangere fecit opes.

Palma hac in medio est. De qua decerpere ramum

Qui velit, hunc alia non licet ire via

Quam decus hic nostrum Farnesius inerit usque

Dum felix campos attigit Elysios.

Guisiada fratres ubi eum fulgente corona

Donatum medio composuere thoro,

Guisiada, regum sôboles, quos ante Tyranni

Obruit infando vis fera flagitio,

Nunc leti iungunt dexterâs, & gaudia miscent.

Ille miser Stygiis crimina purgat aquis,

Vosq; monet similem patria depellere pestem

In commune piis ononibus auxilium.

Hac Hospes tibi dicta tenens decede volenti

Scire eadem, & cineri dic bona verba. Vale.

Carmen numerale.

OCCIDIT AH, BELLO QVO NON VIR
FORTIOR. ALTER,

DUX PARMÆ. CINERES HÆC BREVIS
VRNA TEGIT.

FINIS.

